



DE
COENA, ET CALICE
DOMINI

Quo ad Laicos, & Clericos non celebrantes :
LIBRI TRES,

In quibus omnia, quæ ad hanc rem pertinent, ex antiquis
recentioribusq; Theologis collecta, probè digeruntur,
ac in examen uocantur, & Hæreticorum
explosis erroribus, orthodoxa fides
asseritur.

Reuerendissimo GASPARE CASALIO Lusitano,
Leiriensium Episcopo Auctore.

Rerum, & uerborum memorabilium Index.



CVM PRIVILEGIO.
VENETIIS, M D LXIII.

EX OFFICINA IORDANI ZILETI.

DE
COENA ET CALICE
DOMINI

Quod Lector, & Clericus non celebrans:
LIBRI TERTII

In hoc libro continetur quodammodo
omnis ritus, qui in celebratione
Eucharistiae observari debet, & qui
ad hunc finem institutus est, ut
per hunc ritum, qui est
sacramentum, & sacrificium
Eucharistiae, ad gloriam Dei
Patris, & salutem nostram
perficatur.

INSTITUTIONES
GENERALIAE

DE RITIBUS



CONSTITUTIONIBUS

VENETIIS, MDCLXIII.

APUD JOHANNEM PAVLUM

omnibus & auctoritatis, & felicitatis numeris
cumulatus, ita emines, ut CHRISTI Ser-
uatoris nostri in sublunari hoc Orbe uicem
merito gerens, maiestatis splendore, Princi-
pum omnium, qui supra humanum fastigium
euecti sunt, ita oculos præstringas, ut tuum
ferre illi obtutum nequeant, & summissis Chri-
sto fascibus, sponte ac æquo animo tuis S. pedi-
bus aduoluantur, diuinisq; nutibus obtempe-
rent. Quo fit ut quæ sub T. B. præsidio des-
gunt, aduersi nihil possint reformidare. Quod
uerum esse, ex his, quæ in dies usuueniunt, fa-
cile intelligimus. Christianus siquidem grex
licet sæuientium undique luporum insidiis pe-
tatur, B. T. caula obseptus, & peruigili cura
seruatus, semper tuta omnia uidit, uidetq;,
adeò ut securus in utranque aurem, te excu-
bante, dormire possit. Verum nisi prouiden-
tiæ dono talis, uereq; Pius, sapiens, ac bene in
Christianam remp. animatus Pastor, afflictis
planè rebus contigisses (stat enim Seruator
noster promissis, qui ad Censoriam usque, &
nouissimam diem, suis se præstò futurum pol-
licitus est) de omnium quasi salute penitus
actum esse uidebatur. Vt ergo nostra hæc tuo
numine augeantur, sacraq;, & inuiolata, non

solum apud nostræ ætatis homines , sed apud
 posteros etiam , permanere , ac superesse ua-
 leant , B. T. dicare , mihi uisum est operæ pre-
 cium . Eo uerò libentius tibi do & dico , quòd
 cùm ex me , tui gregis particula , enata sint , tan-
 quam gregis fructus , tibi iure deberi intelligo .
 Quanquam autem B. T. sacrarum literarum
 penitiora quæque loca peruadenti , usui hæc
 esse nequeunt , aliis tamen non inutilia (nisi fal-
 lor) futura , abs te uero domino , in alios pro-
 fluere ac dimanare debent . Huc accedit quòd
 cùm S. T. me plurimùm debere & intelligam
 & ultrò fatear , aliquod saltem præclaræ meæ
 uoluntatis edendum erat specimen , atque ar-
 gumentum . Siquidem cùm mensibus super-
 rioribus B. T. sanctissimos pedes & officij &
 pietatis ergò deosculaturus Romam aduenis-
 sem , qua re postea quàm Italiam attigi , nihil
 mihi antiquius fuerat ; ita me , Pont. Maxim.
 seruulum tuum hilari fronte , gratoq; animo
 excepisti , ut re ipsa , omnia fama , atque exi-
 stimatione maiora esse , mecumq; præclare ma-
 gis quàm antea unquam , ea die actum esse co-
 gnouerim . Cùm autem nulla alia , in præsen-
 tia sese occasio offerat , qua meam erga B. T.
 pietatem , ac gratitudinem possim præ me fer-

Ad Pont. Max. Epist.

re, hac operis quanquam exilis nuncupatione,
aliquid ut præstarem, adnixus sum. Maxima
certè B. P. tibi, CHRISTI in terris ui-
cem gerenti conueniunt, sed ego Græci il-
lius, tenuioris fortunæ hominis, uerbis utar,
μη ἁπλῶς τὸ πῶς οὐκ ἔχεις ἐν πλείονι εἶχει, πλείονι ἰδόντων.
Vale & munusculum hoc ea benignitate, qua
me sanctissimis tuis aduolutum pedibus exce-
pisti, prosequere. Tridenti, nono Calend.
Septemb. M D L X I I I.

XIII

CAPITVM, QVAE HIS
libris continentur, Elencbus.
LIBRI PRIMI.



Reponuntur quinque cōclusiones ad nostram
sacram cēnam Dominicam pertinentes,
quæ in toto hoc primo libro explicantur,
& demonstrantur. Cap. 1
Conclusionem primam, ueram esse, & Eu-
charistiæ sacramentum, Christi corporis
signum esse, omnes fateri, demonstratur. Cap. 2
Conclusio secunda, qua dicitur, sacram Eucharistiam, rea-
liter corpus, sanguinemque Christi continere, ex sacræ
scripturæ auctoritate, ex Iacobi fratris Domini, Cle-
mentis martyris, Dionysij Areop. Irenei, Iustini, Hila-
rii que dictis astruitur. Cap. 3
Eadem conclusio secunda, magis magisque, ex Cypriano,
Cyrillo, Basilio, Eusebio Emis. Gregorio Nysseno, Da-
mascono, Chrysostomo, Gregorio Neoc. Augustino,
Ambrosio, Hieronymo, Gregorio, Theophylacto, &
Bernardo fulcitur atque probatur. Cap. 4
Petrum Longobardum, uniuersamque Christianam scho-
lam, eandem sententiam amplecti, & fouere. Cap. 5
Verum Christi corpus, & sanguinem, pani, & uino conse-
cratis inesse, adhuc probatur ex his, quæ Nicolaus Epi-
scop. Methonensis, Samonas, Marcus Episc. Ephesinus,
Germanus Archiep. Constant. Nico. Cabasila, Bessia-
rion, Innocentius, Io. Gerson, Cassiodorus, Origenes,
& Iuuenius scripta reliquerunt. Cap. 6
De hoc eodem sacramento corporis, & sanguinis Christi,
quid existimauerint, intrepideque credendum statu-
erint sacra concilia. Cap. 7
Error, quo impiè, sacræ Eucharistiæ uerum Christi cor-
pus, & sanguinem inesse negatur, quando primùm, & à
quo originem habuerit. Quibus conciliis, quibusque

ab auctoribus idem reiectus sit: quis eundem à suo olim auctore palàm reiectum abolitumque, ab inferis reuocauerit, & qui auctores nouissimè eiusmodi errorem scriptis suis confoderint. Cap.8

Facultates Parisiensem, & Louaniensem, atque adeò Lutherum ipsum, & Melancthonem, prænotatam ueritatem approbasse. De Buceri, Lutherique in ea dissidio, eorumque in concilio Vuittembergæ conciliatione, in qua Lutheri opinioni error adnatus est. Paschasij dictis orthodoxa fides confirmatur, catalogusque apponitur eorum, qui corpus, & sanguinem Christi, uerè Eucharistiæ inesse existimarunt. Cap.9

Demonstratione, quæ labefactari nequeat, rationibusque inconcussis, & Anibrosij substructione, ueritas eadem fulcitur. Christum se nobis in sacramento exhibere, & distribuere, quo pacto fateantur aduersarij, & in quibus nobis assentiantur, & aduersentur. Eorundem error eliditur, & quomodo re ipsa, uereque in sacramento manducetur Christus, demonstratur. Cap.10.

De reali cœna dominica secundum fidem catholicam omnium sanctorum, qui unquam in Ecclesiâ Christiana fuerunt, & de reali cœna dominica secundum fictionem aduersariorum Neochristianorum. Cap.11.

Conclusio tertia, qua Christum, eiusque proprium corpus, diuino Eucharistiæ sacramento inesse, rectè affirmatur, probanda desumitur, scriptorumque catholicorum dictis adstruitur. Cap.12

De qualitate huius conuersionis, qua panis & uinum per consecrationem in corpus & sanguinem Christi conuertuntur, atque de eius nomine, quod est, transubstantiatio. Ponitur catalogus piorum auctorum patrumque, qui mutationem panis & uini, in substantiam corporis & sanguinis Christi, nerè fieri fatentur. Cap.13

Quarta in ordine conclusio probanda suscipitur, & de adoratione corporis Christi in sacra Eucharistia agitur, eaque, ratione quadruplici probatur. Cap.14

Eadem corporis Christi in sacratissima Eucharistia adoratio, sanctorum Patrum, scriptorumque testimoniis probatur.

C A P I T V M

probat.

Sacratissima Eucharistia sacramentum, quo pacto Christi imago sit: de imaginum adoratione, & reliquiarum ueneratione.

Cap. 15

Cap. 16

Duplicem esse adorationem, & utraque, sacratissimam Eucharistiam, quod Christi corpus uerè contineat, adorandam esse, demonstratur. Ponitur aduersariorum obiectio, eaque statim refellitur.

Cap. 17

Conclusio quinta & ultima probatur, & uerbo Dei diuinum sacratissimæ Eucharistia mysterium confici, peragi, perficique, ex iis, quæ Patres sancti auctoresque catholici literis prodiderunt, ostenditur.

Cap. 18

Ostenditur eadem ueritas ex factis ordinationibusque patrum, sanctorum, insuper & antiquorum, qui statim post consecrationem, sacrosanctam Eucharistiam adorandam iudicauerunt, & eam pro communione fidelium infirmorum moriturosum adseruari cum reuerentia, præceperunt.

Cap. 19

Nostram cenam dominicam, esse secundum Christi Saluatoris nostri institutionem, demonstratur, & explicatur quasi per anacephalozosim eius prærogatiæ, proprietates, ac excellentiæ, significatio, uocata continentia, & debita adoratio, & permanens sanctitas.

Cap. 20

Aduersariorum, nempe Caluini, Bucerii, Melancthonisq; opinioniones refelluntur, atque improbantur.

Cap. 21

Ponitur conclusio præcedentium, pro uocata continentia, & significatione nostræ sacre Eucharistia.

Cap. 22

Referuntur & diluuntur fundamenta aduersariorum, quibus ipsi suum errorem statuunt.

Cap. 23

LIBRI SECUNDI.

Proponuntur quinque articuli, qui ad usum Calicis Domini quoad laicos uel clericos non celebrantes, pertinent; quibus determinandis eorumque determinationibus probandis, totus hic secundus liber dicatus est.

Cap. 1

Proponuntur responsiones ad omnes propositos articulos præcedentes.	Cap. 2
Conclusio, qua primo articulo respondimus, declaratur & probatur.	Cap. 3
Quidam errores aduersariorum referuntur, & refelluntur.	Cap. 4
Conclusio ex præcedentibus patrum dictis.	Cap. 5
Alius error aduersariorum refertur, & impugnatur.	Cap. 6
Aduersus hos duos errores aduersariorum præcedentes, de uerbo Dei ab ipsis malè intellecto.	Cap. 7
Quomodo accipiendum sit uerbum Dei scriptum.	Cap. 8
Ostenditur quàm latè pateat Catholicis Christianis, Dei uerbum, & Dei ius, & quam latè debet patère omnibus.	Cap. 9
Ostenditur quòd licèt apud nos Christianos Catholicos, latius pateat diuinum uerbum, & diuinum ius, quàm apud aduersarios, nullibi tamen reperitur diuinum uerbum aut diuinum ius, quo teneantur omnes fideles Christiani communicare sub utraq; specie.	Cap. 10
Ostenditur eadem ueritas ex antiquitate huius consuetudinis, ex ritibus, atque ex statutis, quæ de hac re extant.	Cap. 11
Probationes primæ conclusionis, ad art. 2.	Cap. 12
Probatur eadem ueritas in terminis fortioribus.	Cap. 13
Ostenditur eadem ueritas seu conclusio ex terminis facilioribus, in quibus est casus noster.	Cap. 14
Probatur secunda conclusio, qua secundo articulo respondetur.	Cap. 15
Ponuntur iterum conclusiones respondentes ad tertium articulum, & probantur.	Cap. 16
Ostenditur sanctam matrem Ecclesiam modò iustam & rationabilem causam habere concedendi quibusdam laicis hanc communionem in utraq; specie, sicut olim habuit eam laicis concessit.	Cap. 17
Explicatur magis eadè sententia præcedens, latiusq; ostenditur, triaq; adducuntur notabilia.	Cap. 18
Pro sententiæ explicatione, tres ponuntur conclusiones, atque ex his prima, & secunda probantur.	Cap. 19

C A P I T U M

- Multiplicibus probanda rationibus, tertia conclusio assumitur, ac primum duæ ex eis explicantur. Cap. 20
- Rationes, tertia, quarta, & quinta, quibus eadem conclusio innitur, in aciem deducuntur. Cap. 21
- Affertur sexta ratio ad eandem conclusionem. Cap. 22
- Afferuntur rationes septima, & octava ad eandem conclusionem tertiam. Cap. 23
- Probatur conclusio prima ad quartum art. Cap. 24
- Omissa probatione secundæ conclusionis ad quartum articulum, quod ea sit admodum manifesta, probantur tertia & quarta. Cap. 25
- Conclusiones ad eundem quartum articulum reliquæ, scilicet quinta & sexta probantur, & quid de laicorum communionem sub utraque specie Lutherus literis prodiderit, eiusdem uerbis demonstratur. Cap. 26
- Probatur astruiturque conclusio unica ad quintum articulum. Cap. 27
- Opponitur ex quibusdam Doctoribus sanctis, ex eisdemque auctoribus solutio offertur. Cap. 28
- De efficacia huius diuini sacramenti, etiam quoad paruulos, si eis applicetur. Cap. 29
- Respondetur dicto diui Dionysij, solis uerbis sancti Thomæ. Cap. 30
- Ostenditur sententia Augustini in dictis suis manifestis ad Bonifacium, & agitur de sufficientia sacramenti baptismi, & ex illa demonstratur nonnecessitas huius diuini sacramenti quo ad paruulos. Cap. 31
- Referuntur, & soluuntur fundamenta patrum, qui ex aduerso arbitrantur non expedire Ecclesiæ Dei, ut communio sub utraque specie prædictis hominibus concedatur. Cap. 32

LIBRI TERTII.

Presentis libri materia declaratur, proponunturque omnia, uel saltem potiora argumenta, quibus aduersarij, communionem sub utraque specie, diuino iure om-

b ij

I N D E X

nibus fidelibus Christianis deberi, falsa ostendere nituntur. Cap. 1

Asseritur, communionem Eucharistiæ in utraque specie, non deberi omnibus fidelibus Christianis iure diuino, & respondetur primæ obiectioni ductæ ex illis uerbis Domini, Nisi manducaueritis, &c. & sententiæ de germano illorum sensu referuntur. Cap. 2

Materia hæc grauissima, gratia maioris explicationis, ulterius uentilatur, ac pertractatur. Cap. 3

Assertur responsio ad secundâ in ordine obiectione. Cap. 4
Respondetur tertiæ obiectioni, quæ habet, quod cum Christus instituerit totum sacramentum integrum ex speciebus panis & uini toti Ecclesiæ, non eius parti: debet integrè dari laicis, qui etiam sunt pars Ecclesiæ. Cap. 5

Integrum in utraque specie sacramentum, nos sumere non teneri: Christum rem hanc liberam reliquisse: utranque speciem uerè & propriè esse sacramentum, & simul non esse consecratam datamque Apostolis. Cap. 6

Eadem res latius pertractatur, atque explicatur, ostenditurque quo pacto istud mirabile sacramentum Eucharistiæ, aliquo modo sit unum, & aliquo modo plura: non sit uerò unum, ut est plura, nec sit plura ut est unum: quod ab alio habeat unitatem, ab alio autem pluralitatem. Cap. 7

Agitur latius de effectibus huius diuini sacramenti, deque eorum impedimentis. Cap. 8

Respondetur aduersariorum obiectioni, ductæ ex facto Christi seruatoris nostri, nimirum quod Apostolos cõmunicauit sub utraque specie: quasi ex isto facto, tanquam exemplo debeat Ecclesia communicare sub utraq; totum populum Christianum, etiam laicos. Cap. 9

Refellitur eliditurque alia aduersariorum obiectio, ducta ex cõsuetudine peruetusta Ecclesiæ primitiua: obiiciturque contra illam peruetusta altera consuetudo communicandi sub altera tantum specie, in eadem primitiua Ecclesia usurpata. Cap. 10

Disiicitur alia obiectio ab aduersariis ex auctoritate sanctorum patrum constructa, quia scilicet ipsi communio-

C A P I T V M.

nis sub nini specie meminerint.

Cap. 11

Alia aduersariorum obiectio, ex Pauli Apostoli uerbis ducta, prosternitur.

Cap. 12

Refellitur aboleturque obiectio, quæ ex Petri Apostoli uerbis proceditur.

Cap. 13

Conteritur obiectum ex illis uerbis Seruatoris nostri efformatum, Quod autem uobis dico, omnibus dico. Quæ omnibus communia, & quæ quibusdam specialia sint, declaratur: & quæ Apostolis ab eodem Seruatore dicta iniunctaque sunt, quo pacto accipi debeant, explicatur.

Cap. 14

Obiectio ex Græcæ, Indicæq; Ecclesiæ consuetudine conflata, facile confringitur, classisque prima eorum, qui S. R. Ecclesiæ præcellentem, primariam, principemque auctoritatem, & dignitatem agnoscunt, asseruntque, in medium adducitur.

Cap. 15

Classis secunda, euocata ex Conciliis ad eandem ueritatem astruendam, atque obfirmandam.

Cap. 16

Classis tertia, ex doctoribus sanctis, ad eandem tuendam ueritatem, confirmandamque aduocatur.

Cap. 17

Quarta in campum classis ex Imperatoribus antiquis deducitur ad astruendam eandem ueritatem, proque ea Lutheri etiam confessio accersitur: & S. R. Ecclesiam reliquis omnibus præesse Ecclesiis epilogo concluditur.

Cap. 18

Indicis Capitum Finis.

INDEX
RERVM, ET VERBORVM
memorabilium, quæ his Reuerendissimi
Gasparis Casalij libris
continentur.

A, chartæ frontem. B, tergum, significat.



Doratio Christi
in sacratissi-
ma Euchari-
stia, sanctorū
patrū & scri-
ptorū testimo-
niis probatur 67.a. & infra
Adoratio imaginum 72.b
Adoratio est duplex 77.b
Adorationis terminus propriè.
char. 65.b
Adorationis tres sunt species.
char. 71.a
Agens naturale solam conuer-
sionem formalem facit. 59.b
Alimentum primū dissimile ei,
qui alitur, mox simile effi-
citur 10.a
Altare crucis cur à Iacobo fra-
tre Domini appelletur 4.a
Angeli Christum liberè non au-
dent intueri 11.b
Angeli adstant nostris sacris,
Christum reuerentes & ado-
rantes 69.a
Apostoli in Ecclesia qua ra-
tione primi 221.b
Armeni cuius auctores erro-

ris 31.b
Augustana confessio de com-
munionem sub utraque specie.
char. 181.b

B

B *Aptismus quid sit.* 90.b
Basilij adnotanda senten-
tia 111.a
Berengarij confessio & abiura-
tio 32.b
huius errorem quānam scri-
ptis confoderint. 33.b. 34.b
Buceri opinio eliditur 88.b
Buceri opinio 180.a

C

C *Caluinus ingenio prædi-*
tus non hebeti 93.a
Caluini argumenta contra rea-
lem Christi existentiam in sa-
cramēto Euch. 95.b. & infra
Caluini opinio euertitur 87.b
Caluini opinio 181.a
Cardinalis Cameracensis sen-
tia abiicitur 62.b

R E R V M M E M O R .

- Carnem Christi māducandi mo-*
odus per fidem, etiam in Iu-
-daismo fuit 50.b. & infra
Caroloſtadinus quem errorem su-
-ſcitauerit 34. a
à Melanch. damnatur ibid.
Catalogus patrum & concilio-
-rum, ex quibus conſtat ſa-
-cram Euchar. per conſecra-
-tionem ſacerdotis in uerbo
Chriſti, eſſe ſanctam & per-
-fectam, adorandamque ante
-ſumpt. ſacramentalem 86. a
Catalogus eorum, qui commu-
-nionē ſub altera tantum ſpe-
-cie in laicis & aliis non ce-
-lebrantibus non reprobant,
ſed approbant 134. a
Catalogus doctōrum, uniuerſi-
-tatum, & cōciliorum, à qui-
-bus ueritas, quod Chriſti
corpus & ſanguis uerè ſint
in ſacra Eucharīſtia, affir-
-matur. 41. a. b
Catalogus eorum, qui ſacram
-Eucharīſt. uenerandam &c.
-attēſtantur 77. a. b
Catalogus doctōrum, concilio-
-rum & uniuerſitatum tenē-
-tium ueritatem conuerſionis
panis & uini ſubſtātia in cor-
-pus & ſang. Chriſti 64. b
Chriſtus in ſacramento quomo-
-do ſit 8. a
Chriſtus carnem ſuam & ſan-
-guinem nobis digrediens re-
-liquit 11. b
Chriſtus ſingulis ſacramēti fru-
-ctibus in eſt integraliter 155. b
Chriſtus in ſacramento quomo-
-do realiter manducetur ad-
-uerſariis. eorum error 48. a
erroris impugnatio ibid.
Chriſtus in ſacramento Eucha-
-riſtia quomodo realiter no-
-bis catholicis dicatur man-
-ducari 48. a
Chriſti tria ut nobis maximè
prodeſſet, ſuſcepit officia.
char. 153. a
Chriſti corpus in ſacramento
Eucha. realiter & corpora-
-ter 92. a
non eſt in eo ſicut in loco b
Chriſti humanitas quæ adora-
-tione colatur à nobis Chri-
-ſtianis 66. a
Chriſtum ſe nobis realiter ex-
-hibere & diſtribuire in ſa-
-cramento, quomodo dicant
aduerſarij 47. b
nobiſcum in quibus conue-
-niant, & diſcrepent ibid.
Chriſtum in ſacramento, Ma-
-gorum exemplo adorare de-
-bemus 68. b
Chriſtianorum confeſſio commu-
-nis ſuper Eucharīſtia ſacra-
-mento 46. b
Cæna aduerſariorum uno dun-
-taxat modo realis eſt 49. b
egena & infirma, in ea de-
-clināt ad Iudaismū. ibid. 50. b
Cæna noſtra Dominica & rea-
-lis dupliciter 49. a
Cæna noſtra dominica quas ha-

beat prerogatiuas	87. a	quibusdā quare à sancta Eccl.	
Cena nostra est solida, ditissima		interdicta	125. b. & infra
& potentissima	49. b	Communionis verbū aliis quo-	
Cane aduersariorum in senſe ra-		que mysteriis prater Eucha-	
tiones	50. a. b	com. erat Dionysio commu-	
Communicandi fideles sub alte-		ne	167. b
ra tantū specie, uetusta		Communionem sub utraque spe-	
est consuetudo	121. a	cie, diuino iure Christianis	
Communicandi sub una duntaxat		omnibus deberi, quibus ar-	
specie, consuetudo est ne-		gumentis potissimum probet	
tustissima	215. b	aduersarij	lib. 3. cap. 1
Communicandos esse etiam pue-		Communionem sub utraque spe-	
ros, Dionysius Areop. demon-		cie quibus & ad cuius peti-	
strare uidetur	167. b	tionem Paulus III. concess-	
Communicare sub utraque spe-		-serit	150. b
cie, omnes Christiani diuino		Communionem sub utraque spe-	
uerbo aut iure non tenen-		cie laicis quibusdam modo cō-	
tur	118. a. 124. a	cedendam esse, demonstra-	
Communicabat sub altera san-		tur	135. b. & infra
tū specie Ecclesia Hieroso-		Communionem sub utraque spe-	
lymitanorum	214. b	cie laicis concedi, qui postu-	
Communicabant laici olim qui-		lent	146. b
busdam in Ecclesiis sub utra-		idem qui sentiant faciendum	
que specie	214. b	esse	147. a
Communicans sub una tantū		Concilia saluberrimam habent	
specie tantum sumit, quan-		auctoritatem	111. a
tum qui sub utraque	151. a	Conciliis diuina auctoritas in-	
Communio sacr. Eucharistie in		-est	29. a
paruulis non necessaria.		Confessionis abiurationisque Be-	
char.	170. a. & infra	rengarij forma	32. b
Communio sub utraque specie		Confirmatio quid sit	90. b
omnibus fidelibus, iure di-		Consuetudinis uniuersalis anti-	
uino non debetur	183. a	quissima, que auctoritas sit.	
& infra		char.	108. a
Communio laicorum sub utra-		Consuetudinem Ecclesie per Or-	
que specie an à Luthero rece-		-bem frequentata, non sine	
-pta	164. a	infamia in disputationem uo-	
Communio sub utraque specie		-cari	111. b
		Consue-	

RERVM MEMOR.

Consuetudines scriptis non prodita, neutiquam abiicienda	110. b	Corpus Christi, quod olim fuit in praesepe, & modò est in caelo, esse in sacramento	12. a
Consuetudinibus alegendis, solam scripturam recipiens, Evangelij prædicationem ad nudum nomen contrahit.	67. b	Corpus Christi dum sumimus, quàm benè nobiscum agatur	12. a
Contactus physicus	48. b	Corpus Christi, pars est humanitatis ipsius essentialis	65
Cōtractus Mathematicus	49. a	Corpus & sanguis Christi, non augmentatur ex conuersione panis & uini	58. b
Cōuersio, quæ est migratio unius in aliud, duo dicit, & quid sit	60. b	Corpus Christi, quādo & quomodo desinat esse in sacramento	94. b
Conuersio, quæ sit in sacramento Eucharistiae, naturalium conuersionum conditionibus caret, & quare	56. b	Corpus Christi in Eucharistia sacramento, est manducandū & adorandū	65. a. 66. b
Conuersionem solam formalem facit agens naturale	59. b	Corpus Christi, quandiu sit in sacramento Euch.	162. b
quomodo & quæ de causa. char.	60. a	quandiu in eo Christus operetur	ibid.
Conuersionem totius substantiae huius in illud, Deus potest facere	60. a	Corporis Christi in elevatione, quidam assurgere nolebant. char.	70. a
Conuersionum naturalium conditiones	56. a	Corporis Christi realis & substantialis existentia in sacramento, omnipotentia Dei, fidei & charitati non repugnat.	44. a
Conuertere quamlibet creaturam in quamlibet, Deo quomodo possibile	57. b	Corporis & sanguinis Christi substantia, quomodo sub pane & uino.	51. b
Conuerti res aliqua in alteram quando possit	60. b		
Cōuerti quid in quid possit	60. b		
Conuerti aliud in aliud quid sit. char.	57. b		
Corpus suū substantialiter præfens in Eucharistiae sacramento ponere, Christo non est impossibile	43. a		

Decretum Concilij Cōstan-
tensis 118. b
Decretum concil. Basil. 119. b

Defectum concilij Colonienſis	120. a	muliere quadam aſſeruata .	122. a
char.		char.	
Deus poteſt facere conuerſio-		Eucharisſtia eſt ſacramentum,	
nem huius totius in illud .		& ſacrificium	197. a
char.	60. a	Eucharisſtia ut ſacrificiū, om-	
Deo conuertere quamlibet crea-		nibus prodeſt	198. b. 201. a
turam in quamlibet, quomo-		Eucharisſtia ſacra, merè atque	
do poſſibile	57. b	realiter continet corpus &	
Dionyſii Areop. diſtum de com-		ſanguinē Chriſti	2. b. & inf.
munionē paruulorum à D.		Eucharisſtia in ipſa aliud uide-	
Thoma declaratur	170. b	mus, & aliud accipimus .	
Diſidium inter recentiores hæ-		char.	46. b
reticos	37. a	Eucharisſtia ſacra duabus rebus	
Dulia.	71. a	conſtat	5. b.
		Eucharisſtia ſacra, eſt ſacramen-	
		tum perfectæ unitatis	6. b
		Eucharisſtia ſacra & ſacramen-	
		tum, quibus & ad quid pro-	
		ſit	198. a. 199. b
		Eucharisſtia, id eſt bona gra-	
		tia	17. b
		Eucharisſtiæ ſacramentum con-	
		ſiſtit in conſecratione mate-	
		riæ	90. a
		Eucharisſtiæ ſacramentum, ima-	
		go Chriſti	72. b
		Eucharisſtiæ ſacramentū in ora-	
		rio, collo Ambroſii fratris al-	
		ligatum	122. b
		Eucharisſt. ſacr. in nauī porta-	
		tum	122. b
		Eucharisſtiæ in ſacramento mi-	
		raculum quod apparuerit ali-	
		quando	213. a
		Eucharisſt. ſacr. ſi paruulis e-	
		tiam detur, quid effecturum.	
		char.	169. b
		Eucharisſtiæ ſacramentum eſt	

E

Eccleſia Chriſtiana multis			
annis ſine Teſtamen-			
ti noui ſcriptura manſit .			
char.	110. a		
Eccleſiæ Romana primatum, et			
excellentiā, qui ſatcantur			
& aſſerant	223. b. & infrā		
Error, quo negatur uerū Chri-			
ſti corpus & ſanguinem, ſa-			
eræ Eucharisſtiæ ineſſe, quā-			
do primū & à quo exor-			
tus	31. b		
Error aduerſariorum	113. b		
Errores aduerſariorum S. R.			
Eccl. cathol.	109. a		
Esſe ubi prius non erat, quibus			
modis aliquid poſſit	59. b		
Eucharisſtiæ ſacraſſima duplici			
adoratione proſequēda	77. b		
Eucharisſtiæ ſacra in arca à			

RERVM MEMOR.

imago ex institutione Christi
 sti 74. b
 Eucharistia sacramentum quid
 sit 17. b
 in eo duplex res 18. a
 Eucharistia sacratissima myste-
 riū, verbo Dei confici, per-
 agi & perfici 79. b. & infra
 Eucharistia sacra parum, pue-
 ro, senī cuiquam in os instillan-
 dum, datum fuit 122. a
 Eucharistia sacra quæ epitheta
 tribuat Dionysius Areopa.
 char. 4. b
 Eucharistia usus 202. b
 Eucharistia sacrific. dupliciter
 efficaciam habet 198. b
 Eucharistiam sacram pro infir-
 morum & moriturorum cō-
 munionē adseruare debe-
 mus. 83. b
 Eucharistia sacramento Chri-
 stum adesse solum ut man-
 ducetur, dicunt aduersarij.
 char. 79. a
 Eucharist. sacra nomina 208. a
 Eucharistia sacramen. effectus.
 char. 208. b
 Euthymius Eremita quo tem-
 pore in humanis. 54. b

F

Fides modus est obtinenda
 naturaliter vita. 6. a
 Figura non adequat ueritatem,
 licet ueritas figuræ respon-
 deat 94. a

Figuras antiquas Christus non
 signis, sed re cōpleuit 15. b
 Francisci Cordubensis sententia
 de communione sub utraque
 specie. 147. a. & infra

G

Gratia gratū faciens non
 est educibilis de potē-
 tia materia, sed est crea-
 bilis. 162. a
 Gratia uirtus maior quā na-
 tura 46. a
 Gratiam Deus dat per sacra-
 mentum 161. b
 Græcorum error de communi-
 candis paruulis unde proflu-
 xerit. 167. b

H

Hæretici recentiores in-
 ter se dissident 37. a
 Hæreticorum mos 117. a
 Hieronymus, Ciceronianus fuit.
 char. 15. b
 Hierosolymitanorū Ecclesia o-
 lim Luca Apostoli tempore
 cōmunicabat sub altera tan-
 tū specie 214. b
 Historia Euangelica à Iuueno
 presbytero conscripta 28. b
 Hyperdulia. 71. b

I

Imago Christi, Eucharistia
 sacramentum 72. b
 c ij

Imaginū adoratio 72.b. & inf.
Imperatores antiqui, Romana
Ecclesia primatum & digni
tatem agnoscunt & asserunt.
char. 229.b. & infra

Insania insolentissima est, dispu
tare an sit faciendum quod
Ecclesia per Orbem fre quē
tat 79. b

Io. Vuitcleff Berengarij erro
rem amplexatus est 34.a

Ius Dei quā latē Christianis
pateat 117.a

Ius diuinum habetur ex uerbo
diuino 109.a. quid sit. b

Inuenci presbyteri Euangelica
bistoria carmine edita. 28.b

L

Latria 71. a
Lex omnis, à lege aterna
deriuatur 116.a

Licetum non expediens, uariis
modis accipitur 138. a

Licetum in iure diuino quid sit.
char. 131. a

Liturgie Iacobi fratris Domini,
qui scriptores meminerint.
char. 3.b

Liturgia Clemētis Martyris, qui
scriptores meminerint 4. a

Lucas Euangelista sermone af
fluens 214.b

Lutherus Papa potestatem con
fitetur 232. b

Lutheri opinio 179. b

Lutheri opinio de laicorum cō
munione sub utraque specie.
char. 163.a

Lutberi testimonium 36.a

Lutheri opinio circa presentiam
Saluatoris in sacramēto, quo
modo errorem admiserit.
char. 37.b

Lutherum inter et Buccerū pax
& cōciliatio super sacra Eu
charistia malē inita. 40.a

M

Manducamus uerē &
realiter Christum in
sacra Eucharistia 9.a

Manna seruabatur in arca &
in templo 94. a

Miraculum, quod uisum est in
Eucharistie sacramēto:
char. 213. a

Miraculorum omnium maximū
est miraculum, quod habet
Eucharistia 94.b

Missa plures in unius peccati
expiationem adiunguntur.
char. 198. b

Melächthonis testimoniu 36.a

Melanchthonis opinio refelli
tur 90. a

Melanchthonis dicta refellun
tur 214. a

Melanchthonis opinio 182. a

Mutatio multis accipitur mo
dis 61. a

Multitudinis ratio habenda est.
char. 174. a

RERVM MEMOR.

N *icolaus Storck hereticus.* 34. b

O *Biectiones aduersario- rum* 101. a. 102. a
Oblatio diuini sacramenti, quæ bona afferat 196. b
Oecolampadius Berengarianam hæresim ab inferis reuocauit 34. a
Omne quod est, alicubi est 46. b

P *Anis accidentia sunt tantum sacramentum corporis Christi* 205. b
Panes prepositionis 128. a
Partes integrales, partes essentielles Physicæ, & Metaphysicæ 201. b. & infra
Paruuli baptizati, adulti, laici, & non consecrantes sacerdotes, diuino præcepto non tenentur suscip. Euchar. sub utraque specie 106. b
Passio Christi cur patri suo acceptissima fuerit 199. a
Paulus Apostolus quam potestatem in Ecclesia habuerit. 221. a
Petri Richeri articuli 49. b
Positio corporis & sanguinis Christi sub speciebus panis

& uini, cur dicatur transubstantiatio 51. b
Præcepta diuina fingere ut cuique libuerit, non licet 107. b
Præcepta diuina quibus locis reperiuntur 108. a
in sola diuina scriptura non quærenda b
Præcepta diuina nō sunt omnia, quæ in diuinis scripturis reperiuntur 108. b
Præcepta & dicta multa fuerunt Apostolis, quæ non fuerunt præcepta, aut dicta aliis. 220. b

R *Eges Francorum bis sub utraque specie, quibus temporibus communicent.* char. 216. b
Reliquis sanctorum uenerabiles, & honorande 75. a
Representare quid significet. char. 15. b
Reuelatio per se, abstrahit à scriptura 109. b
Reuelationem omnem à Deo factam, in sacra scriptura positam dicunt heretici 110
Romana Ecclesia qua ratione ceteris par, & qua ratione superior 233. a
Romana Ecclesia est caput, princeps, mater, & magistra omnium aliarum Christi Ecclesiarum. 231. a

- Romana Ecclesia primatum, & præcellentem dignitatem qui fateantur & asserant. char. 223.b. & infra*
- Romanam ad Ecclesiam semper est recurrendum: 231.b*
- S
- S**acerdotium in solo sacerdote reperitur 198.a
- Sacerdotalis potestatis excellentia 194.a*
- Sacramentum quid sit 161.a*
- Sacramentum est signum corporis Christi non uacuum sed plenum, ipsa re significata. char. 102.a*
- Sacramentum diuinum, olim statim post consecrationem populo ostendebatur. 39.b*
- Sacramento Eucharistiæ post consecrationem, panis & uini substantia non adest 59.a*
- Sacramento Eucharistiæ an Pater et Spiritus sanctus insint, et quo pacto 154.b. & infra*
- Sacramentum Eucharistiæ quo modo imago Christi 74.b*
- Sacramentum Eucharistiæ signum, symbolum, & quodammodotypus est corporis & sang. Christi 12.b*
- Sacramenti ueneratio, ex qua re ostendatur 78.b*
- Sacramenta diuinorum secretorum tribus gradibus commissæ sunt 69.b*
- Sacramenta nouæ legis, suo modo conferunt gratiam ex opere operato 162.a*
- Sacramenta, quæ in usu consistant 89.b*
- Sacramentorum formæ sunt ueræ 38.a*
- Sanctorum reliquiæ uenerandæ & adorandæ 75.a. & infra*
- Sanguis, qui ex Christi latere fluxit in cruce, nunc est in calice 68.b*
- Scripturam solam, abiectis consuetudinibus recipiens, quid faciat 67.b*
- Signa sunt duplicis generis 92.a*
- Species panis & uini simul sumptæ, post consecrationem sunt unum sacramentum 205.b*
- cur 206.a*
- plura sacramenta cur? ibid.*
- Substantia corporis Christi, comparatur ad locum median- tibus dimensionibus 92.b*
- T
- T**estamenti noui scriptura Ecclesiæ Christianæ nõ adfuit à principio, multorum annorum spacio 110.a
- Theophilactus quo tempore in humanis 55.b*
- Traditiones Ecclesiæ, fide dignæ sunt 111.b*
- Transaccidatatio, quid sit 61.b*
- Transubstantiatio, quid sit 61.b*
- cuius sit species conuersio-*

RERVM MEMOR.

<i>nis</i>	<i>ibid.</i>	<i>Verba illa, Hoc facite in meam</i>
<i>Transubstantiatio</i> 52. a. & inf.		<i>commemorationem. nō spe-</i>
<i>Transubstantiationem nulla po-</i>		<i>stant ad omnes Christianos.</i>
<i>tentia naturalis potest face-</i>		<i>char.</i> 195. a
<i>re.</i> 61. b		<i>Verba illa Domini, Nisi man-</i>
		<i>ducaveritis, &c. tripliciter</i>
		<i>accipiuntur</i> 187. a
<i>V</i>		<i>Verba, Hoc est corpus meum,</i>
<i>Verbum Dei in sola scri-</i>		<i>statim effectiua & operati-</i>
<i>ptura sacra queren-</i>		<i>ua eius, quod significant.</i>
<i>dum, dicunt errantes aduer-</i>		<i>char.</i> 39. b
<i>sarij</i> 109. b		<i>Vini species post consecrationē,</i>
<i>Verbum Dei scriptum, quomodo</i>		<i>est propriè sacramētum, si-</i>
<i>accipiendum</i> 115. a		<i>cut species panis post conse-</i>
<i>Verbum Dei est secundum Dei</i>		<i>crationem</i> 162. b
<i>reuelationem</i> 109		<i>Vini accidentia, sunt tantūm sa-</i>
<i>quid sit</i> <i>ibid.</i>		<i>cramentum sanguinis Chri-</i>
<i>Verbum Dei, quā latè pa-</i>		<i>sti</i> 205. b
<i>teat Christianis</i> 117. a		<i>Virtutes cōnexæ concatenatæq;</i>
<i>Verba Domini quo pacto intel-</i>		<i>inuicē sunt</i> 221. b. & infra
<i>ligenda sint</i> 42. b		<i>Vnum, quid dicatur</i> 203. a
<i>Verba illa, Quod autem vobis</i>		<i>Vuittimbergensis confessio de</i>
<i>dico, omnibus dico. quomo-</i>		<i>commun. sub utraque spe-</i>
<i>do accipienda</i> 219. a. & inf.		<i>cie.</i> 182. b

Indicis Rerum memorabilium finis.

ROMAN, MYRZIN

Labialis & cerni necesse est illis,



REVEREND. GASPARIS
CASALII LVSITANI,

EPISCOPI LEIRIENSIS,

De Cœna, & Calice Domini quoad laicos,
aut clericos non celebrantes,

LIBER PRIMVS.

*Proponuntur quinque conclusiones ad nostram sacram cœnam
dominicam pertinentes, quæ in toto hoc primo libro
explicantur, & demonstrantur.*

CAPVT PRIMVM.



V'm iuxta articulos quosdam nobis propositos, de Calice Domini, quantũ ad Laicos, aut etiam Clericos non celebrantes pertinet, eodem Domino cœptis aspirante, disertatio nostra futura sit; qui Calix maximè, citraque controuersiam, ad dominicam cœnam spectat; operæ precium uisum est, de ea primũ scribere, explicareque ac ostendere nonnulla, quæ in ipsa præcipua habentur; quibus cognitis, eadem non solum notior, plausibilior, gratior, clariorque redditur, sed & ueneranda magis magisque tremenda.

De Cæna, & Calice Domini

Hæc autem sunt, ipsius significatio, continentia (sic enim nostri dicunt Theologi) modus continentia, debita adoratio, seu ratio adorationis, & permanens sanctitas, aut permanentia sanctitatis. Horum siquidem ostensionem ex diuinis scripturis, sanctisque patribus, qui ante nos iam inde ab exordio Christianæ nascentis Ecclesiæ in humanis fuerunt, necessariam duximus, ualdeque utilem ad multa, & ea quidem grauissima. Primum, ut eorum ora obstruantur, qui terrena duntaxat rerum sapientia præditi, minusque cælestia assequuti, à nostra sacratissima cæna amouere contendunt uel realem Christi existentiam, seu præsentiam, corporalemque continentiam, ut Caluinus; uel permanentem sanctitatem etiam extra sumptionem, aut communionem, ut Bucerus. Deinde, quia his nostræ sacræ cænæ dotibus præcipuis, prærogatiuisque ostensis, hoc fortasse, Deo Optimo Maximo opem ferente, efficiemus, ut dignitatem, celsitudinem, maiestatem, diuinitatemque eius agnoscentes, eiusdemque significationem, continentiam, modum continendi, rationem adorandi, seu debitam adorationem, aut uenerationem, permanentemque sanctitatem intelligentes, contenti simus, si de illa uel tantillum, huius uel alterius speciei sumamus. ex qua accipimus, non ad corporalem saturitatem, sed ad sanctitatem, ut Nicæni Concilii patres iam ante multos annos animaduertuerunt. Vt autem in huiusmodi prærogatiuis ostendendis, explicatius procedamus: de nostra dominica Cæna sequentes conclusiones statuimus, quas hoc libro primo probare, uerasque proculdubio esse, pro uiribus ostendere nitemur.

Conclusio prima.

SACRAMENTVM Eucharistiæ, quantum ad speciem panis, uerum Christi corpus, quantum uerò ad speciem uini, uerum Christi sanguinem significat.

Conclusio secunda.

SACRAMENTVM Eucharistiæ uerè, atque realiter continet corpus, & sanguinem Christi, secundum eius ueram, atque realem praesentiam & existentiam.

Conclusio tertia.

CORPVS Christi, est in sacramento Eucharistiæ per conuersionem seu transubstantiationem substantiæ panis in ipsum.

Conclusio quarta.

CORPVS Christi in sacramento, est quidem manducandum, non autem solùm manducandum, sed & adorandum.

Conclusio quinta.

NOSTRA coena, est permanens in se, & in sua sanctitate, etiamsi per annum non sumatur.

Conclusionem primam, ueram esse, & Eucharistiæ sacramentum, Christi corporis signū esse, omnes fateri, demonstratur. CAP. II.



Rimam hanc conclusionē omni procul amota altercatione, ita omnes ueram esse fate-
mur, ut ex iis, qui diuinas noui Testamenti
scripturas recipimus, qui eam reiecerit,
nullus existat. Ex quo enim sacerdos legi-
timè ordinatus, dicit in persona Christi hæc eius uerba,

Matth. 26. Hoc est corpus meum. Hic est sanguis meus, &c. Hic est
 Mar. 14. calix sanguinis mei noui & æterni testamenti, &c. statim
 Lucæ 22. species panis, & uini, sine dubio Scruatoris Christi cor-
 Innocen. pus & sanguinem representat. Vnde hanc ueritatem con-
 c. Cũ Mar. fiteetur tota nostra schola Christiana in libris sententia-
 1. x. rum: & illam etiam confitentur nostri huius temporis
 De celebr. aduersarij, Caluinus, Bucerus, Oecolampadius, & alij si-
 Miss. ne discrimine; adeo ut de hac conclusione, prorsus nulla
 lib. 4. sit controuersia. Sacramentum igitur Eucharistiæ, est si-
 Dist. 8. 9. gnum, symbolumque, & quodam modo typus corporis &
 10. sanguinis Domini nostri Iesu Christi: nec est, unde aliquis
 Tertull. de hæcra Mar- cionem. cionem.
 lib. 4. lib. 4. Eucharistia, est corporis, & sanguinis Domini sacramen-
 August. cõtra Adi- mantum
 cap. 12. tantum
 tom. 6. cap. 12. quandoquidem sacramenta omnia, sunt signa earum re-
 Et in præ- rum, quarum sunt sacramenta: & onine sacramentum, si-
 fatione in gnum quoddam est. Constant hæc ex libris sententiarum,
 psal. 30. ex illa præsertim parte, in qua sacramentum definitur, &
 lib. 4. sacramenti ponuntur definitiones. constat etiam ex Augu-
 dist. 1. stino dicente, Si sacramenta quandam similitudinem ea-
 August. rum rerum, quarum sunt sacramenta, non haberent, uti-
 Epist. 23. que sacramenta esse non possent.
 ad Bonif. 6. Hoc est.

Conclusio secunda, qua dicitur sacram Eucharistiæ, realiter corpus, sanguinemque Christi continere, ex sacra Scriptura auctoritate, ex Iacobi fratris Domini, Clementis Martyris, Dionysii Areop. Irenæi, Iuliani, Hilariique dictis astruitur. CAP. III.



Secundam conclusionem, uidelicet, quòd Sa-
 cramentum Eucharistiæ, uerè atque realiter
 contineat corpus, & sanguinem Christi, se-
 cundum eius ueram atque realem præsen-
 tiam, & existentiam, non minus omnes san-
 cti patres, totaque Ecclesia Christiana si-
 mul, semper habuerunt notissimā; ut sacra Eucharistia sit
 quidem signum corporis, & sanguinis Domini, quemad-
 modum habet cõclusio præcedens, & simul sit contentium
 corporis, & sanguinis Domini, ut dicit conclusio præfens;

videlicet ut sacra Eucharistia non solum corpus, & sanguinem Domini significet, sed etiam corpus, & sanguinem Domini realiter contineat: ut corpus & sanguis Christi in illa non solum tanquam in signo, sed etiam tanquam in continente existat. Ad hanc ueritatem spectant in primis illa uerba Domini, quæ superius posuimus, Cœnantibus autem eis, accepit Iesus panem, & benedixit, ac fregit, deditque discipulis suis, & ait, Accipite & comedite, Hoc est corpus meum. Et accipiens calicem gratias egit, & dedit illis, dicens, Bibite ex hoc omnes. Hic est enim sanguis meus noui testamenti, qui pro multis effundetur in remissionem peccatorum. Et manducantibus illis, accepit Iesus panem, & benedicens fregit, & dedit eis, & ait illis, Sumite, Hoc est corpus meum. Et accepto calice gratias agens dedit eis; & biberunt ex illo omnes, Et ait illis, Hic est sanguis meus noui testamenti, qui pro multis effundetur. Et accepto pane gratias egit, & fregit, & dedit eis, dicens, Hoc est corpus meum, quod pro uobis datur. Hoc facite in meam commemorationem. Similiter & calicem postquam cœnauit, dicens, Hic est calix nouum testamentum in sanguine meo, qui pro uobis fundetur. Amen amen dico uobis, Nisi manducaueritis carnem Filii hominis, & biberitis eius sanguinem, non habebitis uitam in uobis. Qui manducat meam carnem, & bibit meum sanguinem, habet uitam æternam, & ego resuscitabo eum in nouissimo die. Caro mea uerè est cibus, & sanguis meus uerè est potus: qui manducat meam carnem, & bibit meum sanguinem, in me manet, & ego in illo. Calix benedictionis cui benedicimus, nonne communicatio sanguinis Christi est? Et panis, quem frangimus, nonne participatio corporis Domini est? Ego enim accepi à Domino, quod & tradidi uobis, quoniam Dominus Iesus in qua nocte tradebatur, accepit panem, & gratias agens, fregit, & dixit, Accipite, & manducate. Hoc est corpus meum, quod pro uobis tradetur. Hoc facite in meam commemorationem. Similiter & calicem postquam cœnauit, dicens, Hic calix nouum testamentum est in meo sanguine. Hoc facite quotiescunque bibetis, in meam commemorationem. &c.

Matt. 26.

Mar. 14.

Lucæ 22.

Ioh. 6.

1. Cor. 10.

1. Cor. 11.

De Cœna, & Calice Domini

Ibid.

Probet autem seipsum homo, & sic de pane illo edat, & de calice bibat. Qui enim manducat, & bibit indignè, iudicium sibi manducat & bibit, non diiudicans corpus Domini. Hæc diuina eloquia talia sunt, talique modo fuerunt semper accepta à patribus omnibus in Ecclesia Christiana, ut per ea intelligerent omnes illi, in sacra Eucharistia, & sub illa, uerè ac realiter contineri uerum Christi corpus, & sanguinem. Omnes, inquam, id est, tum ut singuli particulariter scribentes, tum ut omnes in uniuersalibus conciliis diffinientes. Vt autem ista conformis omnium patrum & sententia & intelligentia, uerissima, & antiquissima, omnibus innotescat, placet dicta eorum hîc referre, quantum ad propositum ostendendum, ac manifestè commostrandum, satis esse uideatur.

IACOBVS frater Domini.

Iacobus frater Domini secundum humanitatem, in sua Liturgia exprimens modum, quo fit consecratio corporis Christi Domini nostri in Eucharistia sacratissima, dicit, Rogamus, ut Spiritus sanctus tuus adueniens, sancta, bona, atque gloriosa eius præsentia sanctificet, & faciat hunc quidem panem, corpus sanctû Christi tui, & calicem hunc, præciosum sanguinem Christi tui. Hæc ille. Ecce celebrando petebat, panem fieri Christi corpus, & calicem fieri præciosum Christi sanguinem, sanctificatione atque operatione Spiritus sancti: quod certè fieri nequit nisi per transmutationem, seu transsubstantiationem. Quia panis non transit, nec potest transire in corpus Christi, aut uinum in sanguinem eius, nisi permutatione tali, ut ubi erat substantia panis sub accidentibus propriis, ponatur substantia corporis Christi sub accidentibus alienis. Huius Liturgiæ diui Iacobi, meminit Sexta. Synodus; Similiter & sanctus Proclus Episcopus. Meminerunt etiam Nicolaus Methonensis Episcopus, & Marcus Ephesinus, cum Basilariæ in Liturgia sua.

*Can. 32.
Proclus,
Nicolaus,
MARCUS,
Basilario.*

Idem diuus Iacobus agnoscens realem Christi existentiam in sacra Eucharistia post consecrationem, dicit in

epistola, Ecclesiæ Achaiz, Omnipotenti Deo, qui uiuus, & uerus est, ego omni die sacrifico: non thuris fumum, aut taurorum mugientium carnes, sed agnum immaculatum quotidie in altari crucis sacrifico, cuius carnes postea quàm omnis populus credentium manducauerit, & eius sanguinem biberit, agnus, qui sacrificatus est, integritate perseverat, & uiuus. Hæc ille. Ecce fatetur se quotidie sacrificare agnum immaculatum, de cuius corpore cōmunicet, & de cuius sanguine bibat populus fidelis, ipso Agno, qui sacrificatus est, integro perseverante & uiuo: & dicit se sacrificare in altari crucis, quia id faciebat in repræsentationem, memoriam, & significationem illius sacrificij in cruce peracti, in quo Agnus idem immaculatus non mansit uiuus, sed ad tempus fuit mortuus, & post triduum resurrexit. Epistolam autem hanc ante annos quadringentos citarunt Sanctus Vuolphelmus Abbas, & Bernar. seu Renanus, cum Algero. Sed & auctor libelli De duplici Martyrio, eius meminit.

*Vuolphel.
Bernar.
Algerus.*

CLEMENS Martyr.

Clemens Martyr, simili modo dicit, Rogamuste, ut clementer inspicias hæc proposita coram te munera, tu nullius indigens Deus, & in eis bene complaceas, ad honorem Christi tui, & mittas Spiritum sanctum tuum, testem passionis Domini nostri IESU Christi super hoc sacrificio, qui hunc panem corpus Christi, & hunc calicem sanguinem Christi tui efficiat. Hæc ille. Ecce orat, ut per Spiritum sanctum, panis efficiatur corpus Christi, & calix efficiatur sanguis eius in Eucharistia. Sāctum autem Clementem Liturgiam scripsisse, affirmat beatus Proclus Archiepiscopus Constantinop. similiter & Nicolaus Methonensis Episcopus, cum Marco Episcopo Ephesino, in Liturgia sua.

DIONYSIVS Arcop.

Dionysius Arcop. Martyr, de hoc altissimo sacramen-

De Cœna, & Calice Domini

to loquens, uerbis utitur, quæ soli Deo dighè attribuuntur; & in eis satis patet eum sensisse, Dominum nostrum Iesum Christum in sacramento hoc realiter, sed opertum speciebus panis & uini, contineri. Dicit enim in De ecclesiastica Hierarchia, agens de Eucharistia sacra, At uerò pontifex cum diuina munera laude prosecutus fuerit, sacrosancta, & augustissima mysteria conficit: & quæ ante laudauerat, uenerandis operta, & abdita signis, in conspectu agit; diuinaque munera reuerenter ostendens, ad sacram illorum communionem & ipse conuertitur, & reliquos ut communicent, hortatur. Infra, Describit enim Pontifex in his fermè sensibilibiter muneribus, in conspectu dans Christum Iesum, nostram spiritalem ut in imaginibus uitam, ex diuinitatis occultè perfecta, & in confusa nostræ mortalitatis assumptione clementissimè proprietatem ex nobis accepisse: atque ad diuisibile nostrum sine mutatione sui ex unitate naturali processisse. Per hanc beatificam clementiam ad participationem sui, suorumque bonorum inuitare genus humanum. Si tamen ipsius clementiæ inferamur, ipsam quantum fas est imitando. Sicque ueraciter consortes Dei, diuinorumque participes efficiamur. Hæc ille secundum quandam translationem. In quibus satis constare uidetur, eum sensisse, Christum Dominum nostrum in sacramento Eucharistiæ realiter contineri, quanuis opertum speciebus panis, & uini. Vnde hæc sunt nomina, quibus idem sanctus Christum in Eucharistia realiter existentem agnoscens, eam nominabat Sacrosancta & augustissima mysteria. Venerandissima mysteria, Cœleste mysterium, Sanctas mysteriorum consecrationes, Oblationē sanctissimi sacrificij. Qui talia Epitheta, sacrosanctæ Eucharistiæ tribuebat, & de illa talia quædam diuina prædicabat, ut statim posuimus, non dubium, quin in illa Saluatorem nostrum crederet realiter existere.

*De eccles.
Hierar.
cap. 3.
In episto.
ad Demo-
philum.
Est epi-
sto. 8.*

IRENEVS Martyr.

*Liber. 4.
cap. 32.* Dicit Ireneus contra Valentinum & alios sui temporis hæreticos, Sed & suis discipulis Christus dans consilium primitias

primitias Deo offerre ex suis creaturis, non quasi indigen-
 ti, sed ut ipsi nec instructuosi nec ingrati sint, eum qui ex
 creatura panis est, accepit, & gratias egit, dicens, Hoc est
 corpus meum. Et calicem similiter, qui est ex ea creatu-
 ra, quæ est secundum nos, suum sanguinem confessus est,
 & noui testamenti nouam docuit oblationem &c. Ecce as-
 serit quòd Saluator noster confessus est eum calicem, quem
 in manibus accepit, benedixit, consecrauit, & Apostolis
 dedit, esse suum sanguinem. Idem auctor, *Quomodo* lib. 4.
 autem constabit eis, eum panem in quo gratiæ actæ sunt, cap. 34.
 corpus esse Domini sui, & calicem sanguinis eius, si non
 ipsum fabricatoris mundi Filium dicant, idest, Verbum
 eius? per quod lignum fructificat, defluunt fontes, &c. Hæc
 ille. Ecce eis, qui dicunt, Christum esse Filium fabrica-
 toris mundi, idest, Verbum eius, constat eum panem, in
 quo gratiæ actæ sunt, corpus esse Domini sui, & calicem
 ipsius. Idem auctor credens, atque explicans in sacra Eu- lib. 5.
 charistia post consecrationem esse uerum Christi corpus &
 sanguinem, dicit iterum, Quando ergo & mistus calix,
 & fractus panis, percipit uerbum Dei, sit Eucharistia cor-
 poris, & sanguinis Christi ex quibus augetur & consistit
 nostræ salutis substantia: quomodo negant carnem ca-
 pacem esse donationis Dei, qui est uita æterna, quæ &
 sanguine & corpore Christi nutritur, & membrum eius
 fit? Hæc ille. Idem auctor Valentini refellens hæresim,
 carnis salutem abnegantis, & animam carne Christi cœ-
 lesti in spem uitæ æternæ educari affirmantis: ostendebat
 ali non animas solas carne Christi, & sanguine materiali,
 sed homines: unde fieri non posse colligit, ut corpora ui-
 deant interitum. Et ex communione sacre Eucharistiæ
 nostram indicans resurrectionem, dicebat, Offerimus au-
 tem Christo, quæ sunt eius, congruenter communicatio-
 nem, & unitatem prædicantes, carnis, & spiritus. Quem-
 admodum enim qui à terra est panis, percipiens inuoca-
 tionem Dei; iam non communis est panis, sed Euchi-
 ristia duabus rebus constans, terrena, & cœlesti; sic corpora
 nostra percipientia Eucharistiam, iam non sunt corrupti-
 bilia, spem resurrectionis habentia. Hæc ille. Quibus

De Cœna, & Calice Domini .

manifestè asserit, quòd ubi panis perceperit illud uerbum Dei, Hoc est corpus meum . definit esse panis communis, & sit Eucharistia duabus rebus constans, terrena, & cœlesti. Quid multa opus est ex Ireneo adducere? ea res profectò documento esse debet omnibus, Ireneum credidisse, in sacra Eucharistia uerum corpus, & uerum sanguinem Christi realiter contineri, quòd omnibus locis, corpora nostra ali, augeri, carneque, & sanguine Domini subsistere, & per hoc hominem in spe resurrectionis confirmari affirmat. Ait enim, sicut paulò ante incipiebamus dicere, Quomodo autem constabit eis, eum panem, in quo gratiæ actæ sunt, esse corpus Domini, & calicem sanguinis eius, si non ipsum fabricatoris mundi Filium dicant, idest, Verbum eius, per quod lignum fructificat, defluunt fontes, & dat primum quidem scænum, post spicam, deinde plenum triticum in spica? Quomodo autem rursus dicunt carnem in corruptionem deuenire, & non percipere uitam, quæ à corpore Domini & sanguine alitur? Hæc ille. Et paulò post, Ergo, aut sententiam mutant, aut abstineant offerendo, quæ prædicta sunt. Nostra autem est consonans sententia, Eucharistiæ; & Eucharistia rursus confirmat nostram sententiam. Offerimus enim quæ sunt eius, congruenter communicationem prædicantes carnis, ac Spiritus. Hæc ille. Docet igitur non occultè sed manifestè, quòd sicut per incarnationem Filij Dei, carni diuinitas est unita; sic per benedictionem, & consecrationem, in sacra Eucharistia res terrena cum cœlesti cohæreat.

IUSTINVS Martyr .

Apologia 2.

Præclarus Christi Martyr Iustinus, in sua Apologia pro Christianis, De Missæ celebrandæ ritu, & ad nostrum propositum præsens dicit inter alia, Atque cibus hic apud nos Eucharistia nominatur, qua nemini alij participare licet, nisi ei, qui & uera esse credidit, quæ nos docemus, & expiatus est lauacro, quod in remissionem peccatorum regenerationemque datur, & ita uiuit, ut Christus tradidit. Neque enim hæc ut communem usitatumque panem, usita-

ramque portionem capimus: sed quemadmodum per Dei uerbum homo factus IESVS Christus conseruator noster, & carnem & sanguinem pro salute nostra habuit; sic etiam eibum, qui per preces sermonis, quem ab eo accepimus, consecutus est, ex quo sanguis carnesque nostrae commutatione aluntur, IESV Christi eius, qui homo factus est, & carnem & sanguinem esse accepimus. Apostoli enim in commentariis suis, quae Euangelia dicuntur; ita sibi IESVM praecepisse tradiderunt, eum accepto pane, cum gratias egisset, dixisse, Hoc facite in memoriam mei. Hoc est corpus meum. Dixisse etiam, accepto poculo, cum egisset gratias, Hic est sanguis meus. sibiq; solis dedisse. Hae ille. Ecce inquit, luce ipsa meridiana clarius, cibum, qui per preces sermonis, quem ab eo accepimus, consecratus est, ex quo sanguis carnesque nostrae commutatione aluntur, accepimus IESV Christi eius, qui homo factus est, & carnem & sanguinem esse. Quomodo? Quomodo, inquit, per Dei uerbum homo factus IESVS Christus conseruator noster, & carnem & sanguinem pro salute nostra habuit.

HILARIUS.

Hilarius in de Trinitate, fidem, modum esse docet ob-
tinēda naturaliter uitae; sed Eucharistiam ipsius uitae sub-
stantiam habere fatetur; idque ita probat, Non pro eis
tantum rogo, sed pro eis, qui credituri sunt in me. Hono-
rem, quem dedisti mihi, eis dedi, ut unum sint, sicut &
nos unum sumus: ego in eis, tu in me, ut sint omnes con-
summati in unum. Intelligit enim Hilarius sacramenti
manducatione, hunc Apostolis honorem datum fuisse, ut
unum carne essent cum ipso naturaliter: tanquam doceat
carnis communionem, reuera nobis non dari, sine carnis
manducatione, quamuis baptismo, Spiritum sanctum,
uimque resurrectionis, Spiritus infusione susceperimus.
Verba eius sunt, Si enim uerè Verbum caro factum est, &
nos uerè Verbum carnem cibo Dominico sumimus, quo-
modo non naturaliter manere in nobis existimandus est,

De Cœna, & Calice Domini

qui & naturam carnis nostræ iâ inseparabilem, sibi homo natus assumpsit, & naturâ carnis suæ, ad naturam æternitatis, sub sacramento nobis cōmunicandæ carnis, admiscui? Quis quis ergo naturaliter Patrē in Christo negabit, neget prius non naturaliter uel se in Christo, uel Christū sibi inesse; quia in Christo Pater, & Christus in nobis unū in his esse nos faciunt. Si uerē igitur carnem corporis nostri Christus assumpsit, & uerē homo ille, qui ex Maria uirg. natus fuit, Christus est, nosque uerē sub mysterio carnem corporis sui sumimus, & per hoc unum erimus, quia Pater in eo est, & ille in nobis; quomodo uoluntatis unitas asseritur, quin naturalis per sacramentum proprietates perfectæ sacramentum sit unitatis? Hæc ille. Ecce sacra Eucharistia, est sacramentum perfectæ unitatis: ita etiam sicut declarat, ut communicantes de illa, uniantur Christo non solum uoluntate, nec sola fide aut gratia alia tali, sed etiā per naturam: ob id uidelicet quod ueram Christi naturam humanam sumunt sub sacramento, & cum illo.

Idem auctor Hilarius eadem ueritate defixus, subiungit paulò post, De naturali enim in nobis Christi ueritate, quæ dicimus, stultè atque impiè dicimus, nisi ab eo didicimus. Ipse enim ait, Caro mea, uerē est esca, & sanguis meus, uerē est potus: qui edit carnem meam, & bibit meū sanguinem, in me manet, & ego in eo. Et hæc accepta, & hæc hausta, id efficiunt, ut & nos in Christo, & Christus in nobis sit. Ecce quā grauiter, quā attentè, quāq; egregiè loquitur in hac re; ea ipsa grauitate uerborum, declarans hanc ueritatem. De naturali enim, inquit, in nobis Christi ueritate, quæ dicimus, stultè atque impiè dicimus, nisi ab eo didicimus.

Idem auctor Hilarius paulò post ait, Quòd autem in eo per sacramētum communicatæ carnis, & sanguinis sumus, ipse testatur, dicens, Et hic mundus iam me non uidet, uos autem me uidetis: quoniam ego uiuo, & uos uiuetis; quoniam ego in Patre, & uos in me, & ego in uobis. Deinde, Qui edit carnem meam, & bibit meum sanguinem, in me manet & ego in eo. Non enim in eo erit, nisi in quo ipse fuerit, eius tantum in se assumptam habens carnem,

qui suam sumpserit. Hæc ille. Et paulò post, Perfectæ autem huius unitatis sacramentum superius iam docuerat, dicens. Sicut me misit Pater uiuens, & ego uiuo per Patrem; & qui me manducat, uiuit per me. Viuit ergo per Patrem, & quo modo per Patrem uiuit, eodem modo per carnem eius uiuimus. Omnis enim comparatio, ad intelligentiæ formam præsumitur, ut id de quo agitur, secundum propositum exemplum assequamur. Hæc ergo uitæ nostræ causa est, quòd in nobis carnalibus, manentem per carnem Christum habemus, uiuiculis nobis per eum, ea conditione, qua uiuit ille per Patrem. Hæc ille. Quibus non potuit ipse Hilarius dicere clariora pro ista ueritate; uidelicet de uera existentia Christi, in sacramento Eucharistiæ, atque per illud in nobis secundum naturam suam humanam.

Eadem conclusio secunda, magis, magisque, ex Cypriano, Cyrillo, Basilio, Eusebio Emis. Gregorio Nysseno, Damasceno, Chrysostomo, Gregorio Neoc. Augustino, Ambrosio, Hieronymo, Gregorio, Theophylato, & Bernardo fulciuntur, atque probatur. C. A. P. I I I I.



Cyprianus Martyr ueritatem eandem adstruit in Sermone De cœna Domini, ostendens uerum Christi corpus esse sub specie panis post cōsecrationem, Cœna, inquit, disposita inter sacramentales epulas, obuiauerunt sibi instituta antiqua, & noua; & consumpro agno, quem antiqua traditio proponebat, in consumptibilem cibū Magister apponit discipulis: nec iam ad elaborata impensis, & arte conuiuia, populi inuitantur, sed immortalitatis alimonia datur, à communibus cibis differens: corporalis substantiæ speciem retinens, sed uirtutis diuinæ, inuisibili efficacia, probans adesse præsentiam. Et paulò post inquit, Significata olim tempore Melchisedech prodeunt sacramenta, & filiis Abrahæ facientibus opera eius, summus Sacerdos panem profert & uinum, Hoc est, inquit, corpus meum. Et paulò post, Manducauerant, &

In sermone de cœna Domini.

De Cœna, & Calice Domini

Matt. 26.
 Marci 14.
 Lucæ 22.
 Joan. 6.

biberant de eodem pane secundum formam uisibilem : Sed ante uerba illa , cibus ille communis , tantum nutriendo corpori commodus erat , & uitæ corporalis subsidium ministrabat . Sed ex quo à Domino dictum est , Hoc facite in meam commemorationem . Hæc est caro mea . Hic est sanguis meus . quotiescunque his uerbis , & hac fide actum est , panis ille substantialis , & calix benedictione solenni sacrat , ad totius hominis uitam , salutemq; proficit : simul medicamentum , & holocaustum , ad sanandas infirmitates , & purgandas iniquitates existens . Ecce fatetur , quod sacra Eucharistia non est cibus communis , sed est immortalitatis alimonia ; & retinens speciem corporalis substantiæ , uirtutis diuinæ , inuisibili efficaciam , probat adesse præsentiam : ad totiusque hominis uitam & salutem proficit , existens simul medicamentum , & holocaustum ad sanandas infirmitates , & purgandas iniquitates . Idem auctor , Quandiu cibi illi , qui ad diem festum erant parati , à conuetscētibus Apostolis sumebantur , ueteris Paschæ agebatur memoria . Nec dum Judas ad ueterem uitam pertinens , diabolo inuadente , & occupate animam eius , egredi cogeatur . Sed ubi sacrum cibum mens perfida tetigit , & sceleratum os , panis sanctificatus intrauit , parricidalis animus , uim tanti sacramenti non sustinens , quasi palea de area exussilatus est . Et paulò post , Hoc sacramentum aliquando corpus , aliquando carnem , & sanguinem , aliquando panem Christus appellat , portionem uitæ æternæ , cuius secundum hæc uisibilia , corporali communicauit naturæ . Et paulò post , Panis iste communis , in carnem , & sanguinem mutatus , procurat uitam , & incrementum corporibus . Ideoq; ex consueto rerum effectu , fidei nostræ adiuta infirmitas , sensibili argumento edocta est , uisibilibus sacramentis , in esse uitæ æternæ effectum . Ecce panis iste communis ante consecrationem , in carnem , & sanguinem mutatus per consecrationem uerbo Christi , procurat uitam , atque incrementum corporibus ; & uisibili sacramento inest uitæ æternæ effectus .

Idem auctor manifestè paulò post , Panis iste , quem Dominus discipulis porrigebat , non effigie , sed natura mu-

tatus, omnipotentia Verbi factus est caro. Et sicut in persona Christi humanitas uidebatur, latebat diuinitas; ita sacramento uisibili, ineffabiliter diuina se infundit essentia: ut esset circa sacramenta religio, & ad ueritatem, cuius corpus sacramenta sunt, sincerior pateret accessus. Ecce panis, quem Dominus discipulis porrigebat, natura mutatus fuit, non effigie, & omni potentia uerbi, factus est caro. Non potuit Cyprianus loqui magis clarè, aut magis exactè. Quibus non minus manifestè, nec minus gloriose adiecit, quòd sacramento uisibili, ineffabiliter diuina se infundit essentia: sicut in persona Christi humanitas uidebatur, latebat diuinitas.

Idem auctor Cyprianus probans, seu indicans iuxta fidem, uerum Christi sanguinem contineri realiter, realiterque bibi sub speciebus uini consecrati, dicit, Noua est huius sacramenti doctrina, & scholæ Euangelicæ hoc primum magisterium protulerunt, & doctrinæ Christi primum hæc mundo innotuit disciplina, ut biberent sanguinem Christi, cuius esum legis antiquæ auctoritas districtissime interdicat. Lex quippe potum sanguinis prohibet, Euangelium percipit, ut bibatur. Ecce in sacramento bibimus uerum, ac proprium sanguinem, qualem olim lex prohibebat bibi, aut edi; bibimus, inquam, per talem potationem, qualem olim prohibebat lex. Id est, non per spirituales potationem solùm, de qua non ita curabat lex, sed per realem, & corporalem, per diuinum nostrum sacramentum: in quo realiter, & corporaliter Christum sumimus; hoc est, uerum eius corpus uerumque eius sanguinem: licet ipse Christus non sit in sacramento localiter, sed sacramentaliter, realiter, & præsentialiter. Addit Cyprianus in progressu orationis, In quibus mandatis hoc discernere debet Christiana religio, quòd sanguis animalium à sanguine Christi per omnia differens, temporalis tantùm habet uiuificationis effectum, ideoque ad obtinendam æternitatem non potest perficere, quod semel obrutum non surgit ulterius: Bibimus autè de sanguine Christi, ipso iubente; uitæ æternæ cum ipso, & per ipsum participes. Ecce sanguis animalium non habet effectum spi-

*S. Tho.
par. 3.
quest. 76.
art. 5.
Cyprian.*

De Cœna, & Calice Domini

ritalem aut perpetuum, sed corporalem & temporalem: sanguis autem Christi habet effectum æternum. Unde præcipimur de illo bibere, ut cum Christo & per Christum uitam æternam participemus.

CYRILLVS.

Ioan. 15.

Cyrillus in hac etiã est ueritate, qui pertractans ea Domini uerba, Ego sum uitis uera, clarissimè dicit, per communionem corporis, & sanguinis Domini, corporaliter Christum in nobis habitare, & participatione naturali in nobis esse, & non solùm per charitatem; quodque natura corporis nostri fieri nequit incorruptibilis, nisi Christus ei coniungatur. Quemadmodum, inquit, si quis igne liquefactam ceram, alij ceræ similiter liquefactæ ita miscuerit, ut unum quid ex utrisque factum uideatur: sic communicatione corporis, & sanguinis Christi ipse in nobis est, & nos in ipso. Non poterat enim aliter natura hæc corruptibilis corporis ad incorruptibilitatem, & uitam traduci, nisi naturalis uitæ corpus ei coniungeretur. Idem

Idē auct.

lib. 4.

cap. 13.

Ioan. 6.

Cyrillus super Ioannem, ostendit quòd non sine magna impietate clamabant, Quomodo potest hic nobis carnem suam dare ad manducandum? docens quòd operum Dei ratio mentem nostram effugiat; & quòd Iudaicum uerbum est, Quomodo potest hic nobis, &c. Idem auctor in capite sequenti, asserit, corpus Christi uiuificare, Christumq; in miraculis edendis, sua carne usum esse, ut ostenderet corpus quoque suum uiuificare posse. Dicit enim, Quòd si solo tactu suo, corrupta redintegrantur, quomodo non uiuenius, qui carnem illam & gustamus & manducamus? Reformabit enim omnino ad immortalitatē suam, participes sui. Nec uelis Iudaicè, Quomodo, quærere, sed recordare quamuis naturaliter aqua frigidior sit, aduentu tamen ignis, frigiditatis suæ oblita æstuat. Hoc sanè modo etiam nos, quamuis propter naturam carnis corruptibiles sumus, participatione tamen uitæ, ab imbecillitate nostra reuocati ad proprietatem illius, ad uitam reformamur. Idem, Nec dubites, an hoc uerum sit, eo manifestè dicente,

Epist. ad
Calcedoniū
Episc.

dicente, Hoc est corpus meum: sed potius suscipe uerba: Saluatoris in fide: cum enim sit ueritas, non mentitur.

BASILIVS.

Basilius in sua Liturgia manifestè ait, Attende Domine Iesus Christe, Deus noster, de sancto tabernaculo tuo, & de throno gloriæ regni tui, & ueni ad nos sanctificandos, qui supra cum Patre sedes, & hic inuisibiliter uersaris; & dignare potenti manu tua impartiri nobis impollutum corpus tuum, & preciosum sanguinè, & per nos toti populo. Fac panem quidem istum, ipsum honorificum corpus Domini Dei, & Seruatoris nostris Iesus Christi. quod autem in calice isto, ipsum sanguinem Domini Dei Iesus Christi, qui effusus est pro mundi uita: Hæc ille. Quæ etiam in sua Liturgia, quæ apud nos est, ita habemus, Ideo Domine sanctissimè & nos peccatores, & indigni serui tui, qui constituti sumus ministrare sancto altari tuo, non propter iustitias nostras (non enim fecimus quid boni in terra) sed propter misericordias, & miserationes tuas, quos effudisti dotaliter super nos, confidentes appropinquamus sancto altari tuo, & proponentes configuralia sancti corporis, & sanguinis Christi tui, te obsecramus, & te postulamur sancte sanctorum, beneplacita tua benignitate, uenire Spiritum sanctum tuum super nos, & super proposita munera ista, & benedicere ea, & sanctificare, & ostendere panem quidem istum, ipsum honorificum corpus Domini Dei & Saluatoris nostri Iesus Christi: quod autem est in calice isto, ipsum sanguinem Domini Dei, & Saluatoris nostri Iesus Christi, qui effusus est pro mundi uita. Hæc ille. Qui auctor in suis Moralibus docet ex multis illum loci, Nisi mādūcaueritis carnem Filij hominis, & biberitis eius sanguinem, &c. de Eucharistia intelligi. Vbi etiam in multis declarat, eum uerè, atque realiter manducare Christi corpus, qui sacram Eucharistiam sumit. Petebat igitur Basilius in sua Liturgia, ad altare Domini stans, panèque, ac uinum offerens, ut Spiritus sanctus adueniens ipsum panem, honorificum corpus Christi, & ipsum uinum, hono-

Lege sanctum Amphil. de uita beati Basilij.
Can. 32. 11
6. Synodi. tom. 3.
Actiō. 6.
Nicæn.
Syno. 2.

Ioh. 6.

De Cœna, & Calice Domini

rificum sanguinem eius faceret; idque ita per consecrationem in uerbo Domini ipsius existimabat fieri, & firmiter credebat, ut qui post consecrationem de Eucharistia sacramenteret, ipsum Christi corpus & sanguinem uerè atque realiter participaret. Quamobrem idem auctor mirabilem effectum consecrationis recognoscens, & realem præsentiam Christi in Eucharistia firmissimè credens, dicebat, O' miraculum, o' Dei nimia beneuolentia, qui sursum sedet ad dexteram Patris, sacrificij tamen tempore manibus hominum continetur. Similia uerba ponuntur infra ex Chrysostomo in De sacerdote.

*Refert
Gabr. su-
per cane-
lect 39.
litera K.
lib. 3.*

EUSEBIUS Emissenus.

Eusebius Emiss. etiam manifestè dicit, Quia corpus assumptum ablaturus erat ab oculis, & illaturus sideribus, necessarium erat, ut in die cœnæ sacramentum nobis corporis & sanguinis consecraret: ut coleretur iugiter per mysterium, quod semel offerebatur in precium: ut quia quotidiana, & indefessa currebat pro omnium salute redemptione, perpetua esset redemptionis oblatio: & perennis uisita illa uiueret in memoria, & semper præfens esset gratia. Et sequitur, Recedat ergo omne infidelitatis ambiguum, quoniam quidem qui auctor est muneris, ipse etiā testis est ueritatis. Nam inuisibilis sacerdos, uisibiles creaturas in substantiam corporis, & sanguinis sui uerbo suo secreta potestate conuertit, ita dicens; Accipite & comedite, Hoc est corpus meum. Et sequitur, Nouum tibi & impossibile esse non debet, quod in Christi substantiam terrena, & mortalia conuertuntur.

*Euseb. de
corpore et
sanguine
Domini.*

Emissenus itaque in sermone De Corpore Domini ait, Quanta itaque & quàm celebranda uis diuinæ benedictionis operetur, quomodo tibi nouum & impossibile uideri non debeat, quod in Christi substantiam, terrena & mortalia commutantur, te ipsum qui iam in Christo es regeneratus interroga. Item quando benedicendæ uerbis cœlestibus creaturæ sacris altaribus imponuntur, antequàm inuocatione sui nominis consecratur substantia,

Illic est panis, & uinum; post uerba autem, corpus & sanguis.

Ecce inuisibilis sacerdos, Saluator utique noster, nobis in hoc sæculo uiuentibus inuisibilis, uisibiles creaturas in substantiam corporis & sanguinis sui uerbo suo, secreta potestate conuertit, ita dicens, Accipite & comedite, Hoc est corpus meum; Ecceque terrena & mortalia, in Christi substantiam commutantur. Nihil Emiss. potuit dicere magis apertè.

GREGORIUS Nyssenus.

Grego. Nyssenus, uir & doctrina, & uitæ sanctitate excellens, in Cathchetico suo sermone De diuinis sacramentis, ita dicit pro hac ueritate. Rectè igitur & nunc panem diuino uerbo sanctificatū, in corpus Dei uerbi transmutari credimus. Nam & illud corpus (intelligit autem corpus assumptum ex Virgine) panis potentia erat, sanctificatus uerò fuit habitatione uerbi in carne habitantis, à quo ita panis, qui in illo corpore erat, transsubstantiatus fuit in diuinam potentiam; per eum nunc quoque æqualiter fit: & ibi enim gratia Verbi sanctum fecerat illud corpus, quod ex pane consistebat. Et illud quodammodo etiam panis erat, & hic similiter panis, quæadmodum Apost. ait. sanctificatur per uerbum Dei, & orationem, non comestionem, ad hoc procedens, ut corpus Verbi fiat, sed mox ad corpus per uerbum transmutatur, quemadmodum ab ipso Verbo dictum est, Hoc est corpus meum. Ecce manifestè dicit, corpus Christi sanctificari per uerbi inhabitationem, & panem ad corpus Christi per uerbum Dei transmutari. De proprio corpore Christi dicit quòd, potentia, panis erat, quia pane constabat. Videlicet iuxta Arist. doctrinam, secundum quem magistrum, Alimentum primò quidem dissimile, postea uerò simile fit eius cuius est alimentum. Nec possumus ullo modo dubitare de mente huius doctoris, cum ipse manifestè asserat, Saluatorem nostrum in cœna, uerè, atque realiter obtulisse seipsum sub speciebus panis, & uini, quasi in eo suos aduersarios præ-

ueniret, per quorum manus seipsum sequenti die in propria specie obtulit. Hanc ueritatem ponit etiam idem auctor in lib. de Mystica uita Moſis, ubi ait, Is igitur mirabilis sine agricultura panis, uarietate qualitaris ad suscipientium habitudinem, uirtutem suam commutat; nam cum sit panis, ignorat labefieri, sic in carnem uertitur, &c.

DAMASCENVS.

cap. 23.

Damasc. in suo lib. Sententiarum, ad hanc eadem ueritatem dicit, Non est panis figura corporis, & sanguinis Christi. Absit, sed ipsum corpus Christi Deificatum. Hoc habemus ab ipso Domino dicente, non, Hoc est figura corporis, sed Ipsum corpus meum: & non figura sanguinis, sed ipse sanguis meus. Hæc ille. Quæ ipse non ita asserit, quasi neget sacramentum Eucharistiæ significare corpus Christi uerum; nec quasi neget, corpus Christi uerū, significare etiam aliquo modo corpus Christi mysticum: sed ut explicaret in hoc diuino sacramento nō esse solum Christi figuram uel imaginem, immo esse etiam ipsum propriū Christum secundum realem existentiam, suum propriū corpus, suumque propriū sanguinem. Idem auctor, Carbonem, inquit, uidit Esaias. Carbo autem simplex non est, sed unitus igni: sic panis communionis, non panis simplex est, sed unitus diuinitati. Carbo hic comburit peccata nostra, & illuminat corda, ut participatione diuini ignis igniantur & deificentur. Subleuat & spei nostræ fiduciam tam familiari sua ad nos coniunctione, & aduentu.

lib. 4.
cap. 14.
Damasc.
etiā lib. 4.
de Ortho-
doxa fide.
cap. 19.

CHRYSOSTOMVS.

Ioannes Chrysost. in multis locis hanc ueritatem & expressè & satis latè suffulcit, ex quibus placet nonnulla huc eius dicta transferre. Is auctor gloriosus ostendens, in sacramento altaris esse uerum Christi corpus secundum realem existentiam, illud uidelicet, quod ex Virgine natum est, à Iudæis neci traditum, in cælum euectum, & quod

ab Angelis adoratur, dicit, Hoc corpus in præsepî reuer-
riti sunt Magi, & uiri impij & Barbari; tu non impræsepî,
sed in altari: non mulierem, quæ in fasciis teneat, sed sa-
cerdotem præsentem, & Spiritum super proposito sacrifi-
cio abundè diffusum uide. Dum in hac uita sumus, facit
ut terra nobis cælum sit, hoc mysterium. In cælis regium
corpus, quod nunc tibi in terra uidendum proponitur.
Non Angelos; non Archangelos, non cælos cælorum, sed
ipsum omnium dominum ostendo. Animaduertis quod
omnium maximum est, atque præcipuum, in terra non
conspicaris solum, sed tangis: neque solum tangis, sed
comedis, & eo accepto domum redis. Idem auctor, Hæc
mensa uicem explet præsepî, in quo natus est Christus.
Nam & hic ponitur corpus dominicum, non quidem fa-
s-ciis inuolutum, sicuti tunc, sed undique Spiritu sancto
conuestitum; qui mysteriis initiati sunt, intelligunt quæ
dicuntur. Idem auctor, Quando mysterium propositum
fuerit, die tecum, Hoc corpus, Sol crucifixum uidens, ra-
dios auertit: propter hoc, uelut templi scissum est, & pe-
træ, ac terra uniuersa tremuit. Hoc idem corpus cruen-
tatum, lancea uulneratum, fontes sanguinis uniuerso Orbi
salutares scaruriuit: & ipsum corpus in supremum thronum
extulit, quod etiam nobis exhibuit: & ut teneremus, &
ut manducaremus, quod maximum signum dilectionis est.
Idem auctor in De sacerdotio, O miraculum, o Dei be-
nignitatem, qui cum Patre sursum sedet, in illo ipso tem-
poris articulo omnium (seu aliàs hominum) manibus per-
tractatur: ac se tradit uolentibus illum accipere, & com-
plecti: sit autem nullis præstigiis, sed apertis & intuentibus
omnium circumstantium oculis. Idem auctor, Recolite
quia illius corpus est & sanguis, qui supra cælos residet,
qui ab Angelis suppliciter adoratur. Illius, inquam, qui
proximè assistit immortalis Dei potetiae: huius delibamus
sanguinem, & proprium corpus nobis sumendum tradidit.
Idem auctor ad populum Antiochenum; Helias Meloten
discipulo, Filius autem Dei ascendens, suam nobis car-
nem reliquit; sed Helias quidem exutus, Christus autem
ascendens, & eam nobis reliquit, & ipsam habens ascen-

*Hom. 24.
1. Corin.*

*Homilia
de S. Pbi
logonio.
Idem ferè
homil. 7.
in Matib.*

*lib. 3.
tom. 5.*

*Homil. 34
ad Ephe.*

*Homil. 2.
tom. 5.*

- Homil. de diuitiis, & paupert.* dit. Idem alibi, Helias uestem ouillam dimisit discipulo, Filius uerò hominis ascendens, suam ipsius carnem nobis reliquit. Et super Matth. Veniat in mentem tibi, quò honore honoratus sis, qua mensa fruaris. ea nanque re nos
- Homil. 60.* alimur, quam Angeli uidentes tremunt: nec absque pauore propter fulgorem, qui inde resilit, aspicere possunt. Idem iterum ad populum Antioch. Quod Angeli uidentes horrescunt, neque liberè audent intueri propter emicantem inde splendorem, hoc nos pascimur, huic nos unimur, & facti sumus unum Christi corpus & anima. Idem ad eundem populum Antioch. Quotquot huius corporis participes efficitur, quotquot sanguinem degustamus, cogitemus quòd illum sursum sedentem, qui ab Angelis adoratur, degustemus.
- Homil. 83.* Idem auctor super Matthæum, Credamus ubique Deo, nec repugnemus ei, etiam si sensu nostro, & cogitationi absurdum esse uideatur, quod dicit. In omnibus, & præcipuè in mysteriis ita faciamus: non illa, quæ ante nos iacet solum modò aspicientes, sed uerba quoque eius teneamus. Nam uerbis eius defraudari non possumus, sensus uerò noster deceptu facilis est; illa falsa esse non possunt, hic sapius ac sapius fallitur. Quoniam ergo ille dixit, Hoc est corpus meum. nulla teneamur ambiguitate, sed credamus, & oculis intellectus id perspiciamus. Idem ad
- Homil. 60.* populum Antiochanum, Non solum præ oculis posita respiciamus, sed ipsius uerba contineamus, Ipsius sermo infallibilis est, sensus autem noster seduci facilis: ille nunquam decedit, hic autem ut plurimum errat. Quoniam igitur uerbum dicit, Hoc est corpus meum. & pareamus, & credamus, & oculis intellectualibus ipsum intueamur.
- Homil. 51.* Idem super Matthæum, Qui dixit, Hoc est corpus meum. & rem simul cum uerbo confecit. Et ad populum Antio-
- Homil. 61:* chænum, Vnum corpus sumus, & membra ex carne, & ossibus eius. Sequamur autem initiati quæ dicuntur. Vt ergo non tantum per charitatem hoc sinus, uerum & ipsa re in illam misceamur carnem, hoc per escam efficitur, quam largitus est: nobis uolens ostendere, desiderium, quod erga nos habet, &c. Vide cap. 2. Volui frater esse uester,

carnem & sanguinem propter uos assumpsi, uicissim carnem uestram, & sanguinem per quæ cognatus uester factus sum, trado. Idem auctor super Ioannem, Vt autem non solum per dilectionem, sed re ipsa in unam carnem conuertamur, per cibum id efficitur, quem nobis elargitus est. Et ad populum Antiochanum, Non satis fuit homo fieri, colaphis cædi & iugulari, uerum & semetipsum nobis cômiscet, & non fide tantum, uerum & ipsa re nos suum efficit corpus, &c. Idemque docet super Matthæum.

Homil. 45.

Homil. 60.

Homil. 83.

Præcedente uerò Homilia, Non sunt, inquit, humanæ potentia opera, quæ proposita sunt: qui tunc ea fecit in cœna, ipse nunc ea quoque operatur: nos ministrorum locum tenemus, qui uerò sanctificat, & ea mutat, ipse est.

Homil. 82.

Et super epistolam ad Corinthios, Quomodo Paulus a Domino accepit: non enim aderat tunc, sed unus erat ex persecutoribus. Vt intelligas nihil plus illam mensam habuisse, quam habeant hæ posteriores. Nam & hodie ipse est, qui operatur, & tradit, quemadmodum & tunc.

Homil. 27.

1. Corin.

In Homilia uerò De Proditione traditoris, & Sacramentorum traditione. Adest nunc quoque Christus, qui illam mensam fecit, ille ipse nunc etiam ornat. Non enim est homo, qui hæ munera facit corpus & sanguinem Christi: sed qui crucifixus est pro nobis Christus. Figuram quidem adimplens altat sacerdos, uerba illa pronuncians; potestas uerò, & gratia, tota Christi est. Hoc est corpus meum. ait. Hoc uerbum, res propositas transmutat.

Ecce nullo modo dubitare quispiam potest de sententia diui Ioannis Chrysostomi. Manifestè enim tradidit, & uerbo Domini probat, proprium Christi corpus quod fuit in præsepi olim, & modò est in cœlo, esse in sacramento altaris nostri. Quibus addit, quòd dum sacramentum huiusmodi sumimus, Christo incorporamur, atque unimur, non solum modo còmmuni omnium iustorum etiam paruulorum, uidelicet per fidem & charitatem: sed etiam modo speciali, idest, secundum rem ipsam; scilicet proprium Christi corpus in nobis recipientes, sicut discipulus Helix recepit meloten. Vnde pulchrè dicit, Helias meloten discipulo, Filius autem Dei ascendens, suam nobis

De Cœna, & Calice Domini

carnem reliquit: sed Helias quidem exutus, Christus autem ascendens, & eam nobis reliquit, & ipsam habens, ascendit. Quæ ut firmiter credamus, nobis proponit uerbum Dei dicentis, Hoc est corpus meum, atque eius infinitam potestatem.

GREGORIUS Neocæs,

*Secunda sy
nodi Nicæ
næ Sessio-
ne 9.*

Speſtant eò Neocæsarienfis Gregorij dicta, qui de hac re minus manifestè locutus est, ita tamen diſſeruit, Hoc enim, inquit, Dominus Christus tractauit, ut, ſicuti carnem, quam aſſumpſit, propria ſecundum naturam ſanctificatione, ex ſua unitione ſanctificauit. Similiter etiam panem Eucharistiæ, ueluti ueram imaginem naturalis carnis, per ſancti Spiritus aggreſſionem ſanctificatum, diuinum corpus eſſe uoluit, illique ſic placuit. Venit autem mediſ sacerdos, qui ex communi, ſanctum id facit, ſacra illa anaphora. Ecce non reſpuit preces conſecrationis, nec negat uirtute uerbi pronuntiat, panem ſanctificari ac mutari: immo aſſerit quòd Saluator noſter, panem Eucharistiæ, ueluti ueram imaginem naturalis carnis, per ſancti Spiritus aggreſſionem ſanctificatum, diuinum corpus eſſe uoluit. Vt non ſolùm imago ſit diuini corporis, ſed etiam Spiritus ſancti aggreſſionem ipſum diuinum corpus contineat. Quam rem etiam ab exemplo manifeſto declarat, ut ſicut Christus ex ſua unitione Deificauit carnem, quam aſſumpſit, uniendo illam diuinitati: ſimili modo præſentiam ſuam exhibendo pani Eucharistiæ, mirabili illa conſecratione, eum ſuum corpus efficiat. His addit, dicens, Illique ſic placuit. Hæc uerba Gregorij referens Nicolaus Villagagn. eques Rhodius in ſuo opere, aduerſus Richeri, articulos Caluinianæ traditionis, contra ipſum Caluinum aut Richerum nihil poſſe manifeſtius dici, contendit.

*Nicolaus
Villag.
lib. 1.
cap. 69.*

AUGUSTINUS,

Augustinus etiam multa admodum dicit in uariis locis, & ualde notanda; quæ ad hanc eandem ſententiam longè ueriſſimam,

uerissimam, obfirmandam maxinè pertinent; In libro enim sententiarum Prosperi ita habetur, Nos autem in specie panis & uini, quam uidemus, res inuisibiles, idest, carni, & sanguinem honoramus. Nec similiter comprehendimus has duas species, quemadmodum ante consecrationem apprehendebamus. Cùm fideliter fateamur ante consecrationem esse panem & uinum, quod natura formauit; post consecrationem uerò carnem Christi & sanguinem, quod benedictio consecrauit. In eodem libro. Hoc est quod dicimus, quod modis omnibus approbare contendimus, sacrificium Ecclesiæ duobus modis confici, duobus constare, uisibili elementorum specie, & inuisibili Domini nostri Iesu Christi carne & sanguine: & sacramento & re sacramenti, idest, corpore Christi. Item, caro eius est, quam forma panis operanti in sacramento accipimus; & sanguis eius, quem sub uini specie & sapore potamus. Idem in De Trinitate, Quia morte Domini liberati sumus, huius rei memores in edendo & potando carnem, & sanguinem, quæ pro nobis oblata sunt, significamus. Idem, Vtrum sub figura, an sub ueritate hoc mysticum calicis sacramentum fiat, ueritas ait. Caro mea uerè est cibus, & sanguis meus uerè est potus. Alioquin, quomodo magnum erit, Panis quem ego dabo, caro mea est pro mundi uita, nisi uera sit caro? Sed quia phas non est uorare dentibus, uoluit Dominus hunc panem, & uinum in mysterio, uerè carnem suam, & sanguinem suum consecratione Spiritus sancti potenter creari, & quotidie pro mundi uita mysticè immolari; ut sicut de Virgine per Spiritum sanctum uera caro sine coitu creatur, ita pereundem ex substantia panis & uini mysticè idem corpus Christi consecratur. Corpus Christi & ueritas & figura est. Veritas, dum corpus Christi, & sanguis uirtute Spiritus sancti in uirtute ipsius, ex panis, & uini substantia efficitur. Figura uerò est, id quod exterius sentitur. Et sequitur, Credendum est, quòd in uerbis Christi, sacramenta conficiantur. Cuius enim potentia creantur prius, eius utique uerbo ad melius procreantur. Idem in epistola ad Hiri-neum, Corporeum illud manna nunc est tanti res miraculi,

*In lib sent.
Prosperi.
De consecr.
dist. 2.*

*Idem au-
stor.*

De Cæna, & Calice Domini

quia uenit quod perfectum est. Perfectus autem panis de cælo, corpus est ex Virgine. Idem super Psalmos accesserunt ad *Iesum* Iudæi, ut crucifigerent; nos accedamus, ut corpus eius, & sanguinem accipiamus. Item, Verè magnus Deus & magna misericordia eius, qui dedit nobis manducare corpus suum, in quo tantà perpassus est, & sanguinem bibere. Idem super Psalmi. ad Iudæos: Iam & securi bibite sanguinem, quæm fudistis. Alibi, De carne Mariæ carnem accepit, & ipsam carnem ad manducandum ad salutem dedit. Idem, De carne Mariæ carnem accepit; Et quia in ipsa carne hîc ambulauit, & ipsam carnem nobis manducandam ad salutem dedit: nemo autem illam carnem manducat, nisi prius adorauerit. Verba integra Augustini sunt in eo loco, Fluctuans coniecto me ad Christum, quia ipsum quæro hîc; & inuenio quomodo sine impietate adoretur scabellum pedum eius. Suscepit enim de terra terram, quia caro de terra est, & de carne Mariæ carnem accepit: & quia in ipsa carne hîc ambulauit, & ipsam carnem nobis manducandam ad salutem dedit. Nemo autem carnem illam manducat, nisi prius adorauerit, inuentum est, quomodo adoretur scabellum pedum eius: & non solum non peccamus adorando, sed peccamus non adorando.

Idem in De Trinitate, Nec linguam quippe eius, nec membranas, nec atramentum, nec significantes sonos lingua editos, nec signa literarum conscripta pelliculis, corpus Christi & sanguinem dicimus; sed illud tantum, quod ex fructibus terræ acceptum, & prece mysticia consecratum rite sumimus ad salutem spiritualem, in memoriam pro nobis diuinæ passionis. Quod cum per manus hominum ad uisibilem speciem perducitur, non sanctificatur ut sit tam magnum sacramentum, nisi operante inuisibiliter Spiritu Dei. Hæc ille. Ecce quod de fructibus terræ acceptum est, prece mystica consecratum & sanctificatum, operante Spiritu sancto, corpus Domini esse dicit Augustinus. Idem contra aduersarium legis, Sicut mediatorem Dei, & hominum hominem *Iesum* Christum, carnem suam nobis dantem manducandam, sanguinemque

bibendum ; fidei corde atque ore suscepimus , quanuis horribilius uideatur humanam carnem manducare quam perimere hominem , & sanguinem humanū potare , quam fundere . Ecce fatetur quod quanuis horribilis uideatur humanam carnem manducare quam perimere hominem , & sanguinem humanum potare quam sumere ; fidei tamen corde , atque ore suscipimus mediatorem Dei & hominum hominem IESUM Christum , carnem suam nobis dantem manducandam , sanguinemque bibendum . Quidem non potuit hic gloriosus doctor nostram hanc ueritatem expresse proferre , aut magis palam confiteri . Manifestè enim dicit , nos corde atque ore suscipere Christum , carnem eius manducare , & sanguinem eius bibere . Idem auctor , ipsum quidem , & non ipsum corpus , quod uidebatur , manducatur : ipsum quidem inuisibiliter , non ipsum uisibiliter . Videatur etiam in epistola ad Hircanum .

*Ioan. 6.
De cōsecr.
dist. 2.*

AMBROSIUS.

Ambrosius lib. De sacrament. Panis est in altari usitatus ante uerba sacramentorum . ubi accessit consecratio , de pane fit caro Christi . Infra , Quod erat panis ante consecrationem , iam corpus Christi est post consecrationem ; quia sermo Christi creaturam mutat : & sic ex pane fit corpus Christi , & uinum cum aqua in calice mistum fit sanguis , consecratione uerbi cœlestis . Et sequitur , Christus testificatur , quod corpus suum & sanguinem accipimus de cuius fide & testificatione dubitare non debemus . Idem auctor , Rē uerā mirabile est , quod Deus manna pluerit patribus , & quotidiano cœli pascebantur alimento , unde dictum est , Panem angelorum manducauit homo : sed tamen panem illum qui manducauerunt , omnes in deserto mortui sunt . Ista autem esca , quam accipitis , iste panis uiuus , qui de cœlo descendit , uitæ æternæ substantiam administrat . Et quicumque hunc panem manducauerit , non morietur in æternum . Considera , Vtrum præstantior nunc sit panis Angelorum , an caro Christi ? quæ utique panis est uitæ . Manna illud de cœlo , hoc super cœlum . Illud cœli ,

Ibid.

De Cœna, & Calice Domini

hoc Domini cœlorum. Illud corruptioni obnoxium, si in diem alterum seruaretur; hoc alienum ab omni corruptione. Quicumque religiosè gustauerit, corruptionem sentire non poterit. Illis aqua de petra fluxit, tibi sanguis ex Christo. Illos ad horam satiauit aqua, te sanguis diluit in æternum. Iudæus bibit, & sitit; tu cum biberis, sitire non poteris. Illud in umbra, hoc in ueritate. Et post pauca. Potior est lux quàm umbra, ueritas quàm figura, corpus creatoris quàm manna de cœlo. Idem auctor in eodem loco post multa miracula recitata, quibus manifestè ostendit possibilitatem conuersionis substantiarum panis, & uini in uerum corpus Christi, subdit, Sed quid arguientis utimur? Suis utamur exemplis incarnationis, astruamus mysterij ueritatem. Nunquid naturæ uisus præsensit eum, dum Iesus ex Maria nasceretur? Si ordinem quærimus, uiro mista scēmina generare cōsueuerat. Liquet igitur quòd præter naturæ ordinem Virgo generat. Et hoc quod conficimus, corpus ex Virgine est. Quid hîc naturæ ordinem quæris in Christi corpore, cum præter naturam sit ipse Dominus Iesus, partus ex Virgine? Vera utique caro Christi est, quæ crucifixa est, quæ sepulta est. Ipse clamat Dominus Iesus, Hoc est corpus meum. Ante benedictionem uerborum cœlestium alia species nominatur, post consecrationem Christi corpus significatur. Ipse dicit sanguinem suum. Ante consecrationem aliud dicitur, post consecrationem sanguis nuncupatur. Tu dicis, Amen, hoc est, uerum est. Quod sermo sonat, affectus sentiat.

Idem Ambrosius, Omnia quæcunque uoluit Dominus, fecit in cælo & in terra. Et quia uoluit sic, factum est ita. Licet figura panis & uini uideatur, nihil tamen aliud quàm caro Christi, & sanguis post consecrationem credendum est. Vnde ipsa ueritas ait ad discipulos, Hæc, inquit, caro mea est pro mundi uita. Et ut mirabilius loquar, non alia planè quàm quæ nata est de Maria, & passa in cruce, & resurrexit de sepulchro. hæc, inquam, ipsa est: Et ideo Christi caro est, quæ pro mundi uita adhuc hodie offertur. Et cum dignè accipitur, uitam utique æternam in nobis

De cōsecr.
dist. 2.
Omnia
quæcunque.

operatur. Panem quidem istum, quem sumimus; in mysterio, illum utique intelligo panem, qui manu sancti Spiritus formatus est in utero Virginis, & igne passionis decoctus in ara crucis. Panis enim Angelorum factus est cibibus hominum, Vnde ipse ait, Ego sum panis uiuus, qui de cœlo descendi. Et item, Panis, quem ego dabo, caro mea est pro mundi uita. Ex his nanque duabus sententiis, apertè datur intelligi, quia panis ista & ille non duo, sed unus panis & una caro, proculdubio unum corpus efficitur. Illud uerè, illud sanè, quod sumptum est de Virgine, quod passum est & sepultum, quod surrexit & in cœlum ascendit, & sedet ad dexteram Dei patris, & quod est uenturum iudicare uiuos & mortuos. Idem in De sacramentis, Sicut est uerus Dei filius Dominus noster Iesus Christus, non quemadmodum homines per gratiam, sed Filius ex substantia Patris: ita uera est Christi caro, sicut ipse dixit, quam accipimus, & uerus sanguis eius potus. Ego sum, inquit, panis uiuus, qui de cœlo descendi. Et respondens lectori qui replicare posset, addit, Sed caro non descendit de cœlo, quomodo ergo descendit de cœlo panis uiuus? Ait, Quia idem Dominus Iesus confors est diuinitatis & corporis; & tu qui accipis carnem diuinæ eius substantiæ, in illo participas alimento. Idem in lib. De mysteriis. In illo sacramento Christus est, quia caro est Christi. Non ergo corporalis esca, sed spiritualis. Vnde & Apostolus de typo eius ait, Quia Patres nostri eandem escam spiritualement manducauerunt. Corpus enim Dei, corpus est spirituale; corpus Christi, corpus diuini Spiritus est. Ad eandem ueritatem dicit etiam idem auctor multa alia, quæ recitantur in capite, In calice. De consecra. distin. 2. Idem itaque in sermone De Sacramentis ita inquit, Quomodo enim panis potest esse corpus Christi? Quibus uerbis, aut quorum uerbis hæc sacramenta perficiuntur? Et addit, Ipsius Domini nostri Iesu Christi. Et infra, Cum autem hoc sacramentum perficit, non propriis uerbis Sacerdos, sed ipsius Christi utitur. Verba enim Christi, hoc sacramentum conficiunt. Et post pauca. Ante consecrationem panis est, uerbis autem Christi dictis, mox corpus

lib. 7.

De consecr.
dist. 2.
Sicut est.De consecr.
dist. 2.
In illo.

De Cœna, & Calice Domini

Christi est. Accipite enim, inquit, comedite ex eo omnes. Hoc est corpus meum. Similiter in calice ante uerba Domini, uinum est aqua mistum, Christi uerbis operantibus sanguis efficitur. Ad hanc ueritatem nostram catholicam nihil apertius his diui Ambrosij uerbis desiderare possumus.

HIERONYMVS.

Matt. 26.

Hierony. etiam in eadem ueritate est, qui super Matth. ita scribit, Postquàm typicum Pascha fuerat impletum, & agni carnes cum Apostolis comederat, assumit panem, qui confortat cor hominis, & ad uerum Paschæ transgreditur sacramentum: ut quomodo in eius præfiguratione Melchisedech summi Dei sacerdos, panem & uinum offerens fecerat, ipse quoque ueritatem sui corporis & sanguinis repræsenteret. Ecce in cœna sub hoc sacramento ueritatē sui corporis & sanguinis repræsentaui Dominus, quod Melchisedech præfigurauit olim, offerens panem, & uinū. Si autem eius rei, quæ à Melchisedech præfigurata fuerat, ueritatem repræsentaui Dominus; quidem hæc ueritatis repræsentatio, sola figura dici non potest, nec solum signū, nec sola imago, secundum Hierony. Erat enim Hieronymus Ciceronianus, ut constat de ipso, & apud ipsum Cicero autem cū rei emptæ precium repræsentedum esse dixit; præsentī pecunia solutionem ostendebat, non eius rei figuram. Et qui se nobis ad concionem repræsentedum, non figuram solam producant, sed seipsos, sistunt. Vnde & Grammatici repræsentedum interpretati sunt, præsentem sistere. Ergo cū ueritatem sui corporis Dominum repræsentedum dixit Hierony, non figuram stitisse, sed ipsissimum corpus exhibuisse intellexit. Accedit his quod Saluator noster non compleuit, aut perfecit figuras antiquas, quæ de se erant, solis figuris aut imaginibus: sed profectō potius rebus ipsis, quæ adumbratæ fuerant. Idem auctor super epist. ad Gala. Opus quippe ibi magis uini quàm Dei à nobis creatura damnata est, & licentiam tulimus uirgini, proprio ætatis calore feruenti, ne sub occasione parum

Cap. 5.

bibendi plus biberet : alioquin sciebamus & in Christi sanguinem uinum consecrari, & Timotheo uinum ut biberet, imperatum. Idem super epist. ad Titum. Sic est castitas *cap. 1.* propria, & ut ita dixerim, pudicitia sacerdotalis, ut non solum ab opere immundo se absteineat, sed etiam à iactu oculi, & cogitationis errore : mens Christi corpus confectura, sit libera. Ecce uinum in Christi sanguinem consecratur, & à sacerdote corpus Christi conficitur. Idem super Abdiam, Nos autem audiamus, panem, quem fregit *quest. 2.* Dominus, deditque discipulis, esse corpus Domini Saluatoris, ipso dicente ad eos, Accipite & comedite, Hoc est corpus meum. Idem super Oseam. Et arbitrati sunt iugum *cap. 2.* meum leue, esse grauisimum, & declinaui ad eos, deserens regna cælorum, ut cum eis uescerer assumpta forma hominis, siue dedi eis esum corporis mei, ipse & cibus & conuiuia. Idem in Heliodorum. An de his aliquid audeā *Epist. 1.* dicere, qui certè in suis urbibus commorantur. Absit ut de his quicquam sinistrum loquar, qui Apostolico gradu succedentes Christi corpus sacrū, ore conficiunt, per quos & nos Christiani sumus. Hæc ille. Ecce Christus è cælo descendens, manducauit cum hominibus assumptam formam hominis, & dedit eis esum corporis sui, ipse cibus & conuiuia : atque successores Apostolorum Christi corpus sacrum, ore conficiunt. S. Thomas ita refert ex Hieronymo ad Lesbiam, Dominus Iesus Christus ipse conuiuia & conuiuium, ipse comedens & qui comeditur. Gabriel super Canonem ita refert ex Hierony. ad Heluidium, Nec Moyses dedit uobis panem uerum, Sed Dominus Iesus ipse conuiuia, & conuiuium, ipse comedens, & qui comeditur. Ipse Gabriel in eodem loco ita refert ex Hierony. in sermone Dominicæ quintæ post Epiphaniā, Singuli autem totum accipiunt Christum Dominum; & singulis portionibus totus est, nec per singulos minuitur, sed se in singulis præbet.

*S. Tho.
par. 2.
quest. 81.
art. 1.
Gabriel.
lect. 39.
litera F.*

GREGORIUS.

Gregorius in Homilia Paschæ pro ista eadem ueritate

De Cœna, & Calice Domini

*De cōsecr.
dist. 2.
Quid sit.*

dicat, Quid sit sanguis Agni non iam audiendo, sed bibendo didicistis: qui sanguis sub utroque possetur, quando non solum ore corporis, sed etiam ore cordis hauritur. Hæc salutaris uictima, illam nobis mortem unigeniti per mysterium reparat, qui licet resurgens ex mortuis iam non moritur, mors illi ultra non dominabitur: tamen in seipso immortaliter, & incorruptibiliter uiuens, iterum in hoc mysterio moritur. Eius quoque ubique corpus sumitur, eius caro in salutem populi patitur, eius sanguis non iam per manus infidelium, sed fidelium in ara perfunditur. Et sequitur, Vno eodemque tempore, ac momento in cœlo rapitur ministerio Angelorū corpori Christi sociandus, & ante oculos sacerdotis in altari uidetur. Tanta est Ecclesiæ unitas in Christo, ut unus ubique sit panis corporis Christi, & unus sit calix sanguinis eius. Calix enim, quem sacerdos catholicus sacrificat, non alius nisi ipse, quē Dominus Apostolis tradidit; quia sicut Diuinitas Verbi Dei est uita, quæ totum implet mundum; ita licet in multis locis, & innumerabilibus diebus illhic consecratur corpus, non sunt tamen multa corpora Christi, nec multi calices: sed unum corpus Christi, & unus sanguis cum illo, quod sumpsit in utero Virginis, & quod dedit Apostolis. Diuinitas enim Verbi, replet id quod ubique est, & coniungit, & facit. ut sicut ipsa uita est, ita & unum corpus eius sit in ueritate. Vnde aduertendum est, quod siue plus, siue minus quis inde percipiat, omnes æqualiter corpus Christi integerrimè sumunt: & generaliter omnes, & specialiter unusquisque. Idem; Quotidie ipse comeditur, & bibitur in ueritate. Sed integer & uiuus atque immaculatus manet.

THEOPHYLACTVS.

Mar. 14.

Theophylactus etiam super Marcum circa illud, Et edentibus illis, &c. dicit, hanc ueritatem catholicam confitendo, cum benedixisset, hoc est, gratias egisset, fregit panem: id quod etiam nos facimus preces adiungendo. Hoc est corpus meum, hoc, inquam, quod sumitis. Non enim
fugra

figura tantum & exemplar quoddam domini corporis panis est, sed in illum conuertitur corpus Christi. Dominus enim dicit, Panis, quem ego dabo, caro mea est. Non dixit, Figura est carnis meæ. sed, Caro mea est. Et iterum, Nisi ederitis carnem Filij hominis. Et quomodo, inquis, caro non uidetur? O homo, propter nostram infirmitatem istud fit. Quia enim panis quidem, & uinum ex his sunt, quibus assueuimus, ea non abhorremus. Sanguinem uero propositum & carnem uidentes, non ferremus, sed abhorreremus. Idcirco misericors Deus nostræ infirmitati condescendens, speciem quidem panis, & uini seruat, in uirtutem autem carnis & sanguinis transelementat. Hæc ille. Ecce fatetur ingenuè, dicens, quod nos dicimus, Non enim figura tantum & exemplar quoddam domini corporis panis est, sed in illum conuertitur corpus Christi, &c.

BERNARDVS.

Bernardus circa illud uerbum, seu ex illo uerbo, Panem Angelorum manducauit homo. habuit sermonem, cuius titulus est, Sermo in cœna Domini; In eo sic ait, cum adhuc cœnaretur, à cœna surrexit, discipulorum Dominus uniuersorū pedes lauit; dehinc ad mensam regressus ordinat sacrificium corporis & sanguinis sui, seorsum panem, seorsum tradens & uinum. De pane ita dicens, Accipite & comedite, Hoc est corpus meum. De uino etiam sic, Bibite ex hoc omnes. Hic est sanguis meus, qui pro multis effundetur in remissionem peccatorum. Et post pauca. Christus in cœna illa munerans, & munus, cibans, & cibus, conuiuia, & conuiuium, offerens, & oblatio, &c. Ecce in hoc diuino sacramento realiter Christus est; quia in cœna ipse idem fuit conuiuia & conuiuium, cibans & cibus: realiter hoc, & realiter illud. Idem auctor manifestè in uita sancti Malachie, ut infra ponitur.

psal. 77.
cym. 2.

De Cœna, & Calice Domini

Petrum Longobardum, uniuersamq; Christianam Scholam eandem sententiam amplecti, & fouere. CAP. V.

Magister
senten.
lib. 4.
dist. 8.



Ibid.

Ibid.

Ibid.
Quid sa-
cramentum
Eucharist.

Ota etiam Schola Christiana ueritatem eandem catholicam absque ulla differentia amplexatur, fouetque; quamobrem libuit Petri Longobardi aliorumque Doctorum sententiam hoc loco ponere. Ille igitur in hæc uerba loquitur, Vnde excellenter Eucharistia dicitur, idest, bona gratia; quia in hoc sacramento non modò est augmentum uirtutis & gratiæ, sed ille totus sumitur, qui est fons, & origo totius gratiæ. Idem paulò post ait, Hic etiam alia consideranda occurrunt quatuor, scilicet sacramentum, institutio, forma, & res. Explicando autem primum, & secundum horum, inquit, Sacramentum Dominus instituit, quando post typicum Agnum, corpus, & sanguinem suum discipulis in cœna porrexit. Vnde Eusebius Emisenus, Quia corpus assumptum ablatum erat ab oculis, & illaturus sideribus, necesse erat ut die cœnæ sacramentum nobis corporis, & sanguinis consecraret; ut coleretur iugiter per mysterium, quod semel offerebatur in precium. Explicando tertium horum dicit, Forma uerò est, quam ipse ibidem edidit dicens, Hoc est corpus meum. & post. Hic est sanguis meus. Cum enim hæc uerba proferuntur, conuersio fit panis, & uini in substantiam corporis, & sanguinis Christi. reliqua ad laudem Dei dicuntur. Vnde Ambrosius, Sermonem Christi, hoc conficitur sacramentum, quia sermo Christi, creaturam mutat: & sic ex pane fit corpus Christi, & uinum cum aqua in calice missum, fit sanguis consecratione uerbi cœlestis. Consecratio quibus fit uerbis? Attende quæ sunt uerba, Accipite & comedite ex eo omnes. Hoc est corpus meum. Et iterum, Accipite & bibite ex hoc omnes, Hic est sanguis meus. Explicando autem quartum, ait, Nunc quid ibi sacramentum sit, & quid res, uideamus. Sacramentum est inuisibilis gratiæ uisibilis forma. Forma ergo panis, & uini, quæ ibi uidetur, est sacramentum: idest, si-

gnum sacrae rei, quia praeter speciem, quam ingerit sensibus, aliquid aliud facit in cognitionem uenire. Tenent ergo species uocabula rerum, quae ante fuerunt, scilicet panis & uini. Huius autem sacramenti gemina est res: una scilicet contenta, & significata; altera significata, & non contenta. Res contenta, & significata, est caro Christi, quam de Virgine traxit, & sanguis, quem pro nobis fudit. Res autem significata, & non contenta, est unitas Ecclesiae in praedestinatis, uocatis, iustificatis, & glorificatis. Hæc est duplex caro Christi, & sanguis. Vnde Hieronymus. Dupliciter, inquit, intelligitur caro Christi, & sanguis eius. uel illa quæ crucifixa est, & sepulta, & sanguis, qui militis lancea effusus est; uel illa spiritalis, ac diuina, de qua ipse ait, caro mea uerè est cibus, & sanguis meus uerè est potus, &c.

*Duplex
res huius
sacramenti.
Res contē-
ta, & signi-
ficata.*

*Res signi-
ficata &
non conten-
ta.*

Idem in eodè loco nonnullis interpositis, fatetur quòd corpus Christi uerum, quod in hoc sacramento significatur, & continetur, est sacramentum, idest, signum, corporis Christi mystici, quod in hoc sacramento non continetur, sed significatur. Vnde de corpore Christi mystico agens, dicit, Cuius etiam sacramentum est, corpus Christi proprium de Virgine sumptum; quia ut corpus Christi ex multis membris purissimis, & immaculatis constat, ita societas ecclesiastica, ex multis personis à criminali macula liberis consistit, &c. Idem auctor firmiter credens uerum corpus Christi in hoc sacramento contineri, docet quòd etiam malus homo communicans, proprium Christi corpus uerum sumit: rem uerò aliam, idest, spiritualem Christi carnem, non sumit: Adhæc asserit quòd bonus, utranque Christi carnem accipit simul, suscipiens sacramentum. postea eos refert, impugnat, & relinquit, qui, ut Berengarius, asseriebant, in altari non esse corpus Christi, uel sanguinem, nec substantiam panis, uel uini in substantiam carnis, & sanguinis conuerti: sed ita Christum dixisse, Hoc est corpus meum. sicut Apostolus dixit, Petra autem erat Christus. quasi ibi esset corpus Christi tantum in sacramento, idest, in signo, & tantum in signo manducaretur à nobis. Referens enim Magister, & refellens

*lib. eod. 1
dist. 9.*

De Cœna, & Calice Domini

hunc errorem, confirmat & probat uerum Christi corpus, in sacramento altaris realiter existere, ac realiter contineri: pariterque & optimè, & latè satis argumenta aduersariorum soluit, atque ex proposito probat, uerum corpus Christi esse in altari, & in id panem conuerti.

D. THOMAS.

par. 3.
quæst. 75.
art. 1.

S. Thomas manifestè asserit, quòd in hoc sacramento sit corpus Christi secundum ueritatem, & realem existentiam; non autem solum secundum figuram, nec solum tanquam in signo. Probat hoc primùm auctoritatibus Hilarij, 8. de Trinitate; Ambr. 8. de Sacramentis, & Cyrilli super illud Domini apud Lucam, Hoc est corpus meum.

Hebr. 10.

Deinde ostendens latius hoc maximè conuenire multis de causis manifestis satis, dicit, Hoc autem conueniens est, Primò quidem perfectioni nouæ legis; sacramenta enim ueteris legis, illud uerum sacrificium passionis Christi continebant, solum in figura, secundum illud, Vmbra habens lex futurorum bonorum, non ipsam rerum imaginem. Et ideo oportuit, ut aliquid plus haberet sacramentum nouæ legis à Christo institutum; ut scilicet contineret ipsum Christum passum, non solum in significatione, uel figura, sed etiam in rei ueritate. Et ideo hoc sacramentum, quod

De cœle.
Hier. arc.
cap. 4.

ipsum Christum realiter continet, ut Dionysius dicit, est perfectiūm omnium aliorum sacramentorum, in quibus uirtus Christi participatur. Secundò competit charitati Christi, ex qua pro salute nostra corpus uerum nostræ naturæ assumpsit. Et quia maximè proprium amicitie est,

Ethic. 9.

Matt. 24.

conuiuere amicis, ut Philos. ait, sui præsentiam corporalem nobis repromittit in præmium, dicens, Vbi fuerit corpus, illhic congregabuntur & Aquilæ. Interim tamen nec sua præsentia corporali nos in hac peregrinatione destituit sed per ueritatem corporis, & sanguinis sui, nos sibi coniungit in hoc sacramento. Vnde ipse dicit, Qui manducat meam carnem, & bibit meum sanguinem, in me manet, & ego in eo. Vnde hoc sacramentum est maximæ

Joan. 6.

charitatis signum, & nostræ spei subleuamentum, ex tam

familiari coniunctione Christi ad nos. Tertiò hoc competit perfectioni fidei, quæ sicut est de diuinitate Christi, ita est de eius humanitate; secundum illud, Creditis in Deum & in me credite. Et quia fides est inuisibilium, sicut diuinitatem suam nobis exhibet Christus inuisibiliter, ita & in hoc sacramento carnem suam nobis exhibet inuisibili modo. Quæ quidam non attendentes, posuerunt corpus & sanguinem Christi non esse in hoc sacramento, nisi sicut in signo. quod est tanquam hæreticum abiiciendum, ut pote uerbis Christi contrarium. Vnde Berengarius, qui primus huius erroris auctor fuerat, postea coactus est suum errorem reuocare, & ueritatem fidei confiteri. Hæc S. Thomas. Qui ubique fatetur, & docet hanc ueritatem, ut etiam est uidere in eadem parte, 3. quæst. 65. art. 3. cor. pri. & quæst. 76. per totum. & in suis scriptis, lib. 4. dist. 10. art. 1. & distinc. 11. prin. & contra Gentiles, lib. 4. cap. 61. & 1. Corinth. 11. lect. 5.

H V G O.

Hugo Venerabilis, in De Sacramentis, per multa capitula, hanc fidei ueritatem & confitetur & probat. Dicit enim manifestè, quod uidemus, species panis est & uini; quòd autem sub specie illa credimus, uerum corpus Christi est, & uerus sanguis IESU Christi, quod pendit in cruce, & fluxit de latere: Nec per panem, & uinum, corpus, & sanguinem tantum significari credimus: sed sub specie panis & uini, uerum corpus & uerum sanguinem consecrari; & speciem quidem uisibilem sacramentum esse ueri corporis, & ueri sanguinis, corpus autem & sanguinem, sacramentum esse gratiæ spiritalis. Et quemadmodum species illhic cernitur, cuius res uel substantia ibi esse non creditur: sic res ibi ueraciter, & substantialiter præsens creditur, cuius species non cernitur. Videtur enim species panis & uini, & substantia panis & uini non creditur: creditur autem substantia corporis, & sanguinis Christi, & tamen species non uidetur. Quod ergo uidetur secundum speciem, sacramentum est, & imago illius, quod creditur

lib. 1.
par. 3.
cap. 7.

De Cœna, & Calice Domini

secundum corporis ueritatem; & quod creditur secundum corporis ueritatem, sacramentum est illius, quod percipitur secundum gratiam specialem. Sacramentum ergo altaris, & Eucharistia diuina in uero corpore & sanguine Domini nostri IESU Christi, imago est secundum speciem panis, & uini in qua cernitur: & res est, secundum substantiæ suæ ueritatem in qua creditur illis atque percipitur. Et rursum, Quod nunc uisibiliter secundum sacramenti speciem, & corporaliter secundum carnis & sanguinis ueritatem, Christum in altari sumimus, sacramentum est, & imago, quod ipsum eundem inuisibiliter & spiritualiter secundum gratiæ infusionem, & spiritus sancti participationem in corde sumere debemus. Ergo diuinissima Eucharistia, quæ in altari secundum panis & uini speciem, & secundum corporis & sanguinis Christi ueritatem uisibiliter & corporaliter tractatur, sacramentum est & signum, & imago inuisibilis & spiritualis participationis IESU, quæ intus in corde per fidem & dilectionem perficitur. Hæc ille.

S. BONAVENTURA.

LUCÆ 22. S. Bonauentura super Lucam, circa illud, Et accepto pane, gratias egit & fregit, & dedit eis, dicens, Hoc est corpus meum, quod pro uobis datur. dicit multa ad hanc ueritatem, Primum quod Dominus consecrauit, & formam consecrandi instituit, in his uerbis, Hoc est corpus meum. Secundò quod, commutauit Dominus sacramentum agni, in sacramentum panis, quia iste est cibus magis communis & naturalis, simul exprimens uim cibatiuam, & connexiuam in corpore Christi uero, & mystico. Et post nonnulla dicta, adducit illud Glosf. Verbo solo conuertit panem in corpus suum: additque, Est ergo sententia uerbi ista, Hoc est corpus meum, idest, signatum per hoc, conuertendum in corpus meum, est corpus meum. Vel, Hoc transit in corpus meum, quod est integrum & perfectum. Efficacia autem uerbi est, ut hoc dicto fiat. Vnde Ambr. Si tantum ualuit sermo Eliæ, ut ignem de cœlo deponeret, non ualebit tantum sermo Christi, ut sub-

stantias mutet? Et iterū, Quid quæris naturæ ordinem in Christi corpore, cum ipse præter naturam sit corporatus de Virgine? Hæc ille. Dicit & multa alia pro hac ueritate in suis sententiis, locis communibus, quæ ibi faciliè uideri possunt.

GVILLELMVS Parisiensis.

Guillelmus Parisië. in tractatu suo solenni, quem edidit de Sacramentis, etiam ad istam ueritatem catholicam multa dixit notanda. Probat enim illam, ex tribus officiis, quæ Christus pro nobis suscepit, scilicet presbyteri, seu sacerdotis, aduocati, & medici. Vnde quia in Missa fit populi sanctificatio, necesse est Christum ut sacerdotem fidelissimum interesse pro expletionem officij sacerdotalis. Hoc enim exigit fidelitas sacrificantis, ut adsit, cum ad sacrificium postulatur aduenire. Est autem officium sacerdotale, sacramentare, siue sanctificare; quod certè non impletur, nisi per hostiam, qua gratia sanctificationis populo impetratur. Nulla autem hostia est, qua possit sanctificari populus, nisi illa, quam Christus in cruce obtulit, quæ est ipsemet Christus secundum quod homo: sicut dicit Apostolus ad Hebræos, Quod semel in consummatione sæculorum ad destructionem peccatorum per hostiam apparuit. Et ibidem, Sanctificati sumus per oblationem IESV Christi semel. Necesse est igitur hunc uenire; ex officio sacerdotali suscepto ad sanctificandum populum per hostiam. Non est autem Christus sacerdos, nisi in forma humana, & in eo, quod homo: igitur ut sic, præsentem se facit in altaris sacramento. Iuxta hunc modum, quia fidelis est noster aduocatus, necesse habet interesse causæ, quam agendam suscepit: quories causa nostra agitur, & præsentia eius consideratur. Causa autem totius Ecclesiæ in Missa agitur, scilicet coram Deo Patre, per sacerdotem tanquam procuratorem. Necesse igitur habet interesse, & causam agere hic noster aduocatus. Non est autem aduocatus, neque causam agit, nisi in quantum homo; ergo in quantum homo necesse habet assistere procuratori sacerdoti. Maxime

*In parte
de sacra-
mento Eu-
charistiæ.
c. Sine par-
titione.*

Hebr. 9.

Hebr. 10.

De Cœna, & Calice Domini

quia causa ista non agitur nisi per interpellationem, si non nisi ex ore eius digna est suscipi, & per munus quod ipsemet est. Tertiò quia fidelis medicus, ægrum, quem curandum suscepit, habet uisitare quoties hoc requirit infirmitas: & hoc cum unguentis, & medicinis, quæ curationi eiusdem sunt necessaria. Quia igitur unusquisque de Ecclesia ager est, & medicatione indiget, siue ad curationem, siue ad conseruationem, siue ad præseruationem, siue ad confortationem: & unumquenque curandum mirabili miseratione suscipit, necesse habet ad curandum quoties opus erit, aduenire. Opus autem est, quoties de medicatione eius agitur, & sanatione eius intenditur.

Quia ergo ad hoc Missa agitur, & quicquid in ea fit, fit ut huiusmodi ægro medicationis impendatur officium, & sanitatis beneficium: necesse habet Missæ officio interesse, & hoc in eo quòd medicus; hoc est, in forma humana cum corpore suo, quod est uelut antidotum solidissimum contra omnes humores noxios uitiorum: & cū sanguine suo, qui est uelut syrupus mulcebris & dulcissimus, & medicina liquida ualens contra omnes animarum languores atq; uulnera. quorum duorum uirtutes in ipsa Dominica passione potissimum claruerunt. Secundum hoc igitur, Quia uenerandum corpus Christi, medicina est saluberrima, qua curantur quotidie nostræ infirmitates, & sacramentū eius est placabilissimum, quo lapsi Deo patri reconciliamur, & sanctificationis nostræ est sacramentum sacratissimum, quo Deo patri ut filij charissimi coniungimur & incorporamur: & cibus est nostræ refectionis, quo in uita spiritali subsistimus & solidamur: necesse est ipsius in Missarum solenniis, in quibus omnia ista peraguntur, sacratissimam & uerissimam adesse præsentiam.

Ibid.

Idem auctor, Non enim sufficit designatio, siue figuratio corporis istius uiuifici, & sanguinis ad ista prædicta peragenda, sed necessariò requirunt istius uiuifici panis præsentissimam ueritatem. Neque enim figura, neque aliqua designatio medicinæ, præstare potest ullo modo salutem; sed sola ipsius præsens ueritas, salutem facit. Similiter impossibile est per solam, & inanem figuram, & designationem

signationem sacrificij placari iratum, aut reconciliari offensum, absque sacrificij ueritate: similiter neque sacrari, aut sanctificari possibile est. quęquam absque sacramenti ueritate, cum sacramenti scilicet sola figura. Eodem modo impossibile est aliquem refici, pasci, aut potari solafiguratione panis & uini: alioquin sufficerent nobis figurę & picturę ad ista quatuor peragenda, & frustra laboraretur circa Missarum solennia. Sufficerent, inquam, picturę sacrarum oblationum & sacrificiorum, ad reconciliationem, & placationem: figurę panis & uini, ad medicationem, & refectionem. Hęc autem insania ad hoc deducit, ut pictura diluuij sola, sine ueritate, mundum submergat: & pictura ignis, quo mundus inferior conflagrandus est, iam mundum exurat: atque pictura sola panis pascat, atque reficiat: sic & pictura uini potet, & inebriet: quę certę nemo admittit compos rationis. Venit autem in partem sic loquentium dementia, ut omnino non distinguant quantum ad uirtutem & efficaciam inter signa & res, inter figuram & ueritatem: cū eādē uirtutem attribuant signis, & ueritati. Nimum ergo desipiunt hęretici atque falluntur, astruentes, corpus Christi non realiter uerę in sacramento altaris contineri, sed dumtaxat in quadam designatione & figura, contra Christi Euangelium & tot sanctorum testimonia patrum, in quo elucet ipforum detestanda temeritas, & pręsumptio temeraria, qua sensui proprio proterui innituntur, sententiam suam maiorum auctoritatibus pręferendo, contra sapientis exhortationem, Fili, ne innitaris prudentię tuę, neque sapiens sis apud temetipsum.

SCOTVS.

Scotus etiam eandem ueritatem confitetur & probat cum alijs patribus, quos hactenus adduximus. Mouet enim quæstionem, Vtrum possibile sit, corpus Christi sub specie panis & uini realiter contineri? Respondet quod sic; iuxta illud, Hoc est corpus meum. & iuxta illud, Caro mea uerę est cibus. Ad quod multas auctoritates Au-

lib. 4.
dist. 10.
quæst. 1.
Matt. 26.
Marci 14.
Lucę 22.
Ioan. 6.

De Cœna, & Calice Domini

gustini, & Ambrosij poni dicit, De consecra. dist. 2. ualde expressas, quarum aliquas adducit Magister in litera. Deinde particularius agendo ait, Hic duo sunt declaranda, sicut circa alia credibilia. Primò, quid tenendum est, & propter quam auctoritatem. Secundò, declarandum est, qualiter illud est possibile, quod creditur. De primo dico, quòd corpus Christi esse ibi uerè realiter, est simpliciter de substantia fidei, eo modo quo ueritas alicuius sacramenti pertinet ad articulos fidei. Ista enim ueritas à principio fuit expressè tradita, ex quo Eucharistia fuit instituta. Fundamentum autem auctoritatis est, Matth. 26. & Lucæ 22. ubi in cœna ait Christus, Hoc est corpus meum, Hic est sanguis meus. Et si hæretici uellent ista exponere, dicentes quòd sint figuratiuè dicta, sicut illud quod ait, Ego sum uitis uera. & illud, Petra autem erat Christus; istud omnino est contra intentionem Saluatoris. Quod patet ex Augustino 83. quæstionum. quæstione 69. Solet circumstantia scripturarum illuminare sententiam. Vniuersaliter enim intellectus uerborum Christi, an loquatur figuratiuè, an ne, colligi potest ex præcedentibus, uel consequentibus ibidem, uel ex aliis scripturæ locis. Vnde cum Christus ait, Ego sum uitis uera. subiunxit, Et uos palmites, Constat autem quòd discipuli non erant palmites naturales, sed tantum figurales. Sed cum dixit, Lucæ 22. Hoc est corpus meum. subdit, Quod pro uobis tradetur. Cum etiam dixisset, Hic est calix sanguinis mei. subdit, Qui pro uobis fundetur. Hæc ille.

Joan. 15.
1. Cor. 10.

ALBERTVS.

par. 2.

Albertus etiam in lib. De Sa. aduersus eos, qui putarent in hoc diuino sacramento esse corpus Christi solum tantum in signo ac figura, & non secundum realem existentiam, dicit, Quid necesse est tantum facere apparatus panis & uino, nisi significarent corpus, & sanguinem Christi? Quid ad hoc ordinarentur sacerdotes, consecrantur altaria, templa ac cætera, quæ ad ritum & altaris cultum pertinent, si nihil in his fieret, nisi quod panis benedicere-

tur, qui corpus Christi tantum significaret? Adhuc autem adoratio & ueneratio, quæ sit à populo, exhiberetur creaturæ. Sicq; in omni Missa, idolatria committeretur; quia cultus debitus Creatori, puræ exhiberetur creaturæ, quod nefarium est dicere.

DURANDVS.

Durandus à Sancto Portiano hanc nostram ueritatem catholicam tenet omnino, ad quam loquitur latissimè, atque exactissimè. Mouet quæstionem, Vtrū corpus Christi natum de Virgine, sit realiter in sacramento Eucharistiæ? Respondet secundum partem affirmatiuam quæstionis, quod uerum Christi corpus natum ex Virgine, sit in hoc diuino sacramento. Probat, Primum ex illo, Panis quem frangimus, nonne participatio corporis Domini est? Secundò ex illo, Ecce ego uobiscum sum, usque ad consummationem sæculi. Ex quo loco ipse ita deducit, Hoc autem non intelligitur de præsentia eius secundum diuinitatem, illam enim non oportuit promittere, quia illa communis est omnibus rebus; nec potest aliter (fortè aliàs, alicui) subtrahi, salua consistentia Dei. Intelligitur ergo de præsentia humanitatis, non in propria specie, illā enim subtraxit, secundum quod ipsemet dixit, Pauperes semper habebitis uobiscum, me autem non semper habebitis. Relinquitur ergo, quod hoc dixerit de præsentia suæ humanitatis sub specie sacramentali. Hæc ille. Idem postea in eodem loco, Dicendum est ergo quod uerum corpus Christi sumptum de Virgine, & passum in cruce, est realiter in hoc sacramento. Et quamuis hoc probatum sit superius, maximè per secundam rationem adductam contra secundum articulum: tamen ad ampliorem declarationem sciendum est, quod ut dicit beatus Augustinus, Circumstantia scripturæ exponit scripturā, an dicta in ea debeant accipi propriè, an figuratiuè. Verbi gratia, Christus dixit, Ego sum uitis uera. Si uolumus intelligere, an hoc sit dictum propriè, an figuratiuè, uideamus quod sequitur, Ego sum uitis, uos palmites. Sic igitur Christus fuit uitis,

lib. 4.

dist. 10.

quæst. 1.

1. Cor. 10.

Matt. 28.

August.

lib. 83.

quæst.

De Cœna, & Calice Domini

ut Apostoli fuerunt palmites . Constat autem quòd Apostoli non fuerunt palmites quoad naturam, quæ propriè per nomen palmitis importatur . Ergo nec Christus fuit uitis quantum ad naturam, quæ propriè per nomen uitis importatur . Vtrunque ergo horum dictum est figuratiuè, & non propriè . Ad propositum, Christus dicit, Hoc est corpus meum . Si ergo uolumus scire, Vtrum sit dictum secundum propriam significationem, uel secundum figuratiuam, uideamus sequentia uerba, quæ determinant præcedentia . Cum enim dixisset Christus, Hoc est corpus meum . subiunxit, Quod pro uobis tradetur . Constat autem quòd corpus traditum pro nobis, fuit corpus Christi uerum, natum de Virgine & passum in cruce : Ergo illud uerbum est dictum non secundum metaphoram, sed secundum propriam significationem .

Idem auctor ibi ita prosequitur, Propter quod à principio Ecclesiæ fuit articulus fidei ab omnibus cōcessus, quòd uerum corpus Christi, esset realiter in hoc sacramento, & non figuratiuè, nec sicut in signo tantum, nec per solam communicationem idiomatum . Hæc ille .

GABRIEL Biel .

Gabriel Biel super Canonem Missæ, simili modo tenet, atque latissimè & sufficientissimè probat hanc nostrā ueritatem . Postquam enim egit de his uerbis Domini, Hoc est corpus meum . ostendens de illis, quòd sunt forma consecrationis huius diuini sacramenti : cœpit statim in lectione sequenti agere de efficacia huius formæ : hoc est, quis sit huius formæ effectus : siue quid sequatur ad prolationem debitam horum uerborum . Et primùm quantum ad prædicamentum substantiæ proponit uidendum, Vtrum prolatis rite consecrationis uerbis, sub speciebus panis sit uerum corpus Christi ? Deinde cum omnibus docto. catholicis à sancta Rom. Ecclesia approbatis, qui de Eucharistiæ sacramento scripserūt, imitatus in hoc clarissimum, ut inquit doctorem Guil. Ockam in tractatu suo glorioso de sacramento, ponit hanc conclusionem, Corpus Christi quod

lect. 38.
lect. 39.
Guilel.
Ockam.

sumptum est de Virgine Maria, quod passum est, & sepul-
tum, quodque resurrexit, & ad cœlum ascendit, ac sedet
ad Dexteram Dei Patris, in quo Filius Dei uenturus est
iudicare uiuos & mortuos, sub specie panis uerè & reali-
ter continetur. His addit, Hæc conclusio per rationem natu-
ralem ostendi non potest; sed ad huius ueritatis noti-
tiam accedere oportet per fidem. Est enim similiter de ar-
ticulis fidei, eo modo, quo ueritas alicuius sacramenti
pertinet ad articulos fidei, ut dicit Scotus. De hoc itaq;
articulo dubitare non licet, cū constet ipsum per unigeni-
tum Dei Filium fuisse Apostolis reuelatum, & à principio
expresse traditum, ex quo Eucharistiæ sacramentum fuit
à Domino institutum. Testes sunt Euangelistæ. Nam san-
ctissimus Euangelista Matthæus, Accipit, inquit, panem
& benedixit ac fregit, deditque discipulis suis, & ait, Ac-
cipite & comedite, Hoc est corpus meum. De quo & Mar-
cus ait; Manducantibus illis, accepit Iesus panem, & be-
nedicens, fregit, dedit eis, & dixit, Sumite, Hoc est cor-
pus meum. Quibus consentit Lucas, dicens, Accepto
pane, gratias egit, & fregit, & dedit eis, dicens, Hoc est
corpus meum, quod pro uobis datur. Hoc facite in meam
commemorationem. Ioannes quoque Euangelista refert
uerba Saluatoris, simul & ueritatem & utilitatem huius
sacramenti denotans, Panis quem ego dabo, caro mea est
pro mundi uita. Et sequitur, Nisi manducaueritis carnem
Filij hominis, & biberitis meum sanguinem, non habebi-
tis uitam in uobis. Qui manducat meam carnem, & bi-
bit meum sanguinem, habet uitam æternam. Similiter &
Paulus, Dominus, inquit, Iesus in qua nocte tradebatur,
accepit panem, & gratias agens, fregit, & dixit, Accipi-
te & manducate, Hoc est corpus meum, quod pro uobis
trahetur. Hoc facite in meam commemorationem. Item;
Panis quem frangimus, nonne cōmunicatio corporis Do-
mini est. Ecce tot auctoritates canonicæ scripturæ con-
corditer affirmant, corpus Christi realiter, & ueraciter
sub specie panis datum fuisse Apostolis, ac eisdem fuisse à
Saluatore præceptum, ut in memoriam passionis domini-
cæ corpus Christi sub specie panis offerrent. Hoc facite, in-

Ibid.
littera C.

Scotus
lib. 4.
dist. 10.
quest. 1.

Matth. 26.

Mar. 14.

Luca 22.

Ioan. 6.

1. Cor. 11.

1. Cor. 10.

De Cœnâ, & Calice Domini

quit, in meam commemorationem. Hæc Gabriel. Qui auctor in sequentibus multa, & præclara patrum adducit testimonia, quibus eandem probat ueritatem.

*Verum Christi corpus & sanguinem, pani, & uino consecratis in-
esse, adhuc probatur ex his quæ, Nicolaus Episc. Methonensis,
Samonas Marcus Episc. Ephesinus, Germanus Archiep. Con-
stant. Nico. Cabasila, Bessarion, Innocentius, Io. Gerson, Casio-
dorus, Origenes, & Iuuenius scripta reliquerunt. CAP. VI.*

*Habetur
in lib. Li-
turgiarû.*



Nicolaus Episcopus Methon. ad eos, qui hæ-
sitant, aiuntq; consecratum panem, & uinû
non esse corpus & sanguinem Domini no-
stri **IESV** Christi; ostendēs eis quòd immo
sub speciebus panis & uini post consecratio-
nem est uerum corpus & uerus sanguis Do-
mini, ait, Misticam hanc, & incruentam consecrationem,
qua panem, & calicem consecratos in corpus, & sangui-
nem Domini trāsmutari credimus, à quo nam principium
accepisse dicas? Nonne ab ipso Deo, & Seruatore nostro
IESV Christo, quemadmodum nos sacra docent Euange-
lia? Prorsus ab eo. Quis uerò ille est sermo, quo id tradi-
tur? Hoc facite, inquit, in meam commemorationem. Et
diuus Paulus, Quotiescunq; enim comeditis panem hunc,
& calicem hunc bibitis, mortem Domini annuntiat.
Quo modo, quoque ritu, ab ipso Seruatore didicimus,
Accipiens enim, inquit, panem, & gratias agens, fregit,
ac dedit discipulis, & ait, Accipite, comedite, Hoc est cor-
pus meum. quod pro uobis frangitur, & traditur. Simili-
ter & calicem, postquam cœnauit, dicens, Hic calix no-
uum testamentum est in meo sanguine, &c. Infrà, car-
nem enim suam quasi escam homo circumponens, diui-
na sua uirtute, serpentem quidem deprimit, nos autem
erigit. Papè, quam expauescendum, & tremendum my-
sterium. Qui hoc tradidit, Deus est; qui propter Clemen-
tiam, & benignitatem suam homo quoque factus est, &
tanquam ouis ad mactationem, & mortem processit, ut
obnoxium morti propter peccatum hominem mortē exi-

meret. Causa huius traditionis est, magni huius beneficii recordatio. Corpus, & sanguis Christi ea sunt, quæ hoc ritu perficiuntur: ritus, finis, participatio Christi, & uita æterna: quod idem est, quasi diceret, participantium dei-ficatio, ut diuus Paulus magna uoce proclamat, Calix benedictionis, quem benedicimus, nonne communicatio sanguinis Christi est? &c.

Idem auctor paulò post, Si quis legem Moſis abroget, inquit Apostolus, sine misericordia ulla, sub duobus aut tribus testibus moritur: quanto dignus deteriori supplicio censendus erit, qui Filium Dei conculcat, & sanguinem testamenti prophanum existimarit, & Spiritum gratiæ iniuria affecerit? Verùm quis ille, qui conculcat Filium Dei, & aliorum quæ diximus reus censetur? Nonne qui sanguinem eius ingratus abrogat, nec admittit, & ueracis, ab omniq; mendatio alieni, oris traditionem, & mandatum nihili facit? Hoc est corpus meum. dicentis, &, Hic est sanguis meus. &, Nisi manducaueritis carnem Filij hominis, & biberitis eius sanguinem non habebitis uitam in uobis. Quid hæſitas? Quid omnipotenti impotentiæ attribuis? Nonne ipse est, qui ex nihilo omnia ut essent, fecit? Vnus trium personarum Diuinitatis? Qui postrenis temporibus incarnatus est, & panem in suum corpus transmutari iussit. Quid requiris causam & ordinem naturæ panis transmutationis in Christi corpus, & aquæ uinique in sanguinem? Cùm supra naturam, rationem, mentem, & cogitationem ex Virgine sit natus. Non credes itaq; nec mortuorum resurrectionem, nec in Cælos eius assumptionem, & alia Christi miracula supra naturam, mentem, & cogitationem eminentia. Id tibi accidit, quòd Christum, non Deum uerum ac Filium Dei confiteris, sed Arrianismum, uel potius Iudaismum respicis. At fortassis dubitas, minimeq; credis, quòd non uideas carnem & sanguinem, sed panem & uinum. Qua de re scias oportet, tu qui ingrato, iniquoque animo erga beneficium affectus es, Deum qui omnia nouit, cum humanissimus sit, prouide hoc fecisse, ad hominum imbecillitatem se demittentem, ne auerſarentur multi arrabonem æternæ uitæ, & ægreferrent, carnem &

sanguinem intuentes. Itaque rebus naturæ consuetis hoc fieri uoluit, iis suam diuinitatem coniungens, cum dixit, Hoc est corpus meum. &, Hic est sanguis meus. &, Accipite, comedite, & bibite ex eo omnes, in remissionem peccatorum: & rursus, Panis, quem ego dabo, caro mea est, quam ego dabo pro mundi uita. &, Nisi manducaueritis carnem Filij hominis, & bibatis eius sanguinem, non habetis uitam in uobis. Hoc facite in meam commemorationem. Propterea ei credentes, ita offerimus panem perfectum, uiuum, siue corpus Christi, quod perfectum etiam post passionem præmansit & integrum (neque enim os eius contritum est) & à diuina uita inseparabile: planè quale ipse primus noster ac magnus Pontifex, & sacrificus, uictimæ, suis ipsius discipulis tradidit: iique denuo, qui ab initio suis ipsi oculis Verbum intui sunt, ei que ministrarunt, catholicæ Ecclesiæ ab extremis ad extremos usque Orbis terrarum limites tradiderunt: omnes quidem, Hierosolymitanæ, ubi & diuus Iacobus primi, magnique Pontificis frater ac successor, mysticam incruentamque liturgiam exposuit. Petrus autem & Paulus, Antiocheni; Paulus uerò peculiariter, Orbi uniuerso, Marcus, Alexandrinæ: Ioannes & Andreas, Asiæ & Europæ; omnesque uniuersæ Ecclesiæ ubicunque sit, per eam quam sanctus Clemens conscripsit liturgiam, tradiderunt.

Idem auctor inferius, Qui enim manducat, & bibit indigne, iudicium sibi manducat & bibit, non diiudicans, hoc est, perpendens, & considerans corpus Domini. Et sequitur aduersus eos, qui negant in hoc sacro, realiter esse corpus Domini. Quod si is, qui per se in aliquod humanorum uitiorum delapsus est, & indiscretè accessit, ut indigne communicans, tanta mulctatur condemnatione; qui in ipsam consecrationem peccat, & immediatè ipsum dominicum contumeliis afficit corpus, atque negat, traditionemque abrogat, & auctorem qui tradidit, conculcat, quamnam fuerit, & quanto magis deteriori, ac maiori dignus tum accusatione, tum supplicio? Horrore ne plena sunt cædicta? Reliquum ne est ullum noui facinoris, præuarcationis, impietatis genus, quod ad hanc sceleris audaciam accedere

cedere possit? Verum libera, ò Domine, per tuam miseri-
cordiam ab hac impostura, & dementia omnes eos, qui
non rectè confitentur, quem consecramus panem, & ui-
num, corpus perfectum & sanguinem preciosum esse Chri-
sti tui. Hæc ille.

SAMONAS Arch. Gazz.

Samonas Archiepiscopus Gazarum ciuitatis, in sua disceptatione
cum Achmed Sarraceno, perspicuè docet, panem ac ui-
num per consecrationem in corpus, & sanguinem commu-
tari: atque sic in hoc diuino sacramento uerum corpus, ue-
rumque sanguinem Christi realiter, ac præsentialiter adesse.
Dicit namque, Sacerdos enim panem super mensam sanctam
deponit, pariter & uinum, & comprecando, inuocatione
sancta, Spiritus sanctus descendit, & superuenit in ea, quæ
sunt proposita, & igne suæ diuinitatis, in corpus & sangui-
nem Christi, panem & uinum commutat. Et paulò post,
inquit, Hoc igitur corpus, & sanguinem assumimus in re-
missionem peccatorum, & in uitam æternam, Domino no-
stro ita dicente, Qui manducat meam carnem, & bibit
meum sanguinem, habet uitam æternam. Hæc ille. Post
multa, quarit Sarracenus, dicens, Hæcine communica-
tio & sacrificium corporis, & sanguinis Christi, quod offer-
tis sacerdotes, uerumne est Christi corpus & sanguis ue-
rus, an exemplar corporis eius, perinde atque sacrificium
hirci, quod Iudæi offerunt? Huic autem interrogationi ita
respondet Samonas, Absit nos appellemus exemplar corpo-
ris Christi, sanctam communionem, aut panem nudum,
aut figuram, aut imaginem; quinimmo corpus ipsum re ue-
ra, & sanguinem Christi Dei nostri in Deum conuersum
assumimus, qui incarnatus, & genitus est ex sancta Dei ge-
nitricè, semperque Virgine Maria. Sic enim credimus, &
ita profitemur, iuxta uocem ipsius Christi, quam ad disci-
pulos in cœna illa mystica tradens eis panem uiuificantem,
pronuntiabat, Accipite, comedite, Hoc est corpus meum.
Similiter & Calicem eis tradens, inquit, Hic est sanguis
meus. Nō dixit, Hoc est exemplar mei corporis & sangui-

Habetur
in lib. Li-
turgiarum.

De Cœna, & Calice Domini

nis, aut imago. Et in plerisque aliis locis constat Christum dixisse, Qui manducat meam carnem, & bibit meum sanguinem, habet uitam æternam. Cæterum cum ipsemet Christus testificetur, corpus suum esse re uera, & sanguinem, id quod nos fideles offerendo assumimus, quid amplius est opus de hac re dubitare, si Deum & Filium Dei ipsum esse credimus? Si enim ex nihilo mundum condidit, & uerbum eius uerum est, uiuum, efficax, atque omnipotens, & quæcunque uoluit Dominus, fecit omnia, nonne potest panem in suum ipsius corpus mutare, & aquæ & uini commisionem in proprium sanguinem? Hæc ille.

MARCVS EPI. EPHE SINUS.

*Habetur
in lib. Li-
turgiarû.*

Marcus Episc. Ephesus, hanc eandem ueritatem confitetur cum patribus omnibus præcedentibus; quod panis, & uinum in uerum Christi corpus, atque in uerum Christi sanguinem permutantur. Adducitque Liturgiam Apostolorum à Clemente conscriptam, aliasque Liturgias, ut Iacobi, Basilij, Chrysostomi. Qui auctor quoad hanc ueritatem per omnia sentit cum aliis patribus nominatis, tum Latinis, tum Græcis, præter hoc unum, quod putat non solum à uoce Dominicorum uerborum sanctificari diuina doha, uel perfici commutationem sacratissimam, uerum consequente oratione & benedictione sacerdotis, uirtute sancti Spiritus. Sed hoc non est ad propositum. Bessarion probat bene contra ipsum, solis dominicis uerbis confici hoc diuinum mysterium, & adducit in hanc ueram sententiam doctores sanctos, Latinos & Græcos.

GERMANVS.

*Habetur
in lib. Li-
turgiarû.*

Germanus Archiepiscopus Constantinopolitanus hanc eandem ueritatem tenet, in sua consideratione, & mystica contemplatione rerum ecclesiasticarum. Ait enim, Deinde rursus Sacerdos recitat Deo & Patri, assumptionis humanitatis mysteria, ex sancta Virgine et Deipara ineffabilem generationem, conuersationem, & habitationem in

mundo, crucem, mortem, eius ad inferos descensionem, uincitorum illhic liberationem, &c. Infrà, Et rursus obsecrat, ut conficiatur mysterium Filii eius, & fiat, siue transmutetur ipse panis, & uinum in corpus, & sanguinem Christi & Dei, & impleatur hoc, Ego hodie genui te. Et sequitur, Vnde & sanctus Spiritus, beneplacito Patris, & uoluntate Filij inuisibiliter præsens, submonstrat diuinam confectionem, & manu Sacerdotis obsignat, & transmutat, & conficit proposita sancta dona in corpus, & sanguinem Domini nostri Iesv Christi, qui dixit, Pro ipsis, Ego sanctifico meipsum, ut sint & ipsi sanctificati. Quo pacto? Qui edit meam carnem, & bibit meum sanguinem, in me manet, & ego in eo. Et paulò post, Deus secundum imaginem suam formauit nos, quod est secundum sanctitatem, iustitiam, & potestatem: nos uerò transgressi, serui facti sumus Pharaonis asperi heri. Veniens itaq; Dominus noster Iesvs Christus, redemit nos proprio sanguine, & induit nos nouo homine, ac preciosum suum corpus, & sanguinem nobis dedit, inquit, Hoc facite in mei recordationem: Hæc ille. Infrà, Signare autem diuina dona, ut aduentu, & gloriosa Sancti Spiritus præsencia, transmutet, & faciat ex pane quidem, ipsum preciosum corpus Domini nostri Iesv Christi; ex eo autem quod est in calice, ipsum preciosum sanguinem magni Dei, & Seruatoris nostri Iesv Christi, qui effusus est pro mundi uita & salute: & ut participantibus ex eo, fiat in remissionem peccatorum, & uitam æternam. Hæc ille. Dicit & multa alia pro eadem ueritate facientia, & ad illam, sed ex eius dictis satis sit modò hæc pauca dixisse.

Nico. Cabasila.

Nico. Cabasila in sua compendiosa interpretatione in diuinum sacrificium, hanc ueritatem etiam tenet, & ad illam multa dicit. Ostendens enim, quid sibi uelit in summa uniuersum sacrificium, dicit statim in principio totius tractatus. Sanctæ sacrorum mysteriorum celebrationis opus, cap. i.
& effectus quidem est, donorum in diuinum corpus, &

De Cœna, & Calice Domini

sanguinem mutatio: Finis autem, ut fideles per ipsa sanctificentur, peccatorum remissione, & regni cœlorum hereditate simul accepta. Præparatio autem, & quæ ad opus, & hunc finem conferunt, preces, psalmodiæ, & sacrarum literarum lectiones, & ut semel dicam, omnia, quæ ante donorum sanctificationem sacrosanctè dicuntur, & fiunt. Ecce opus & effectus celebrationis huius mysterij, est mutatio donorum in diuinum corpus, & sanguinem. Idem auctor agens de sanctificatione donorum, quæ in altari Domini sanctificanda reponuntur, & quæ eam præcedit gratiarum actione, ait, Cum uenerandam illam Cœnam narrauit, & quomodo ipsam ante passionem dedit sanctis suis discipulis, & quòd accepit calicem, & quòd accepit panem, & actis gratiis sanctificauit, & quòd dixit ea per quæ significauit mysterium, & cum ea ipsa uerba dixit, deinde procidit, & orat, & supplicat, diuinas illas uoces ipsius Unigeniti Seruatoris nostri etiam in donis propositis applicans, ut suscepto eius sanctissimo, & omnipotente spiritu, conuertatur quidem panis in ipsum preciosum, & sanctum eius corpus, uinum autem in ipsum immaculatum & sanctum eius sanguinem.

ad p. 27.

Idem au-
tor. ibid.
cap. 27.

Sequitur, Hæc cum orauit, & dixit, uniuersum sacrificium peractum & perfectum est, & dona sunt sanctificata, & hostia integra, & perfecta effecta est, & magna hostia & uictima, quæ pro mundo mactata est, supra sacram mensam sita cernitur. Panis enim non amplius figura Domini corporis, neque donum ferens imaginem ueri doni, neque ferens aliquam descriptionem ipsius Seruatoris passionum tanquam in tabula; sed ipsum uerum donum, ipsum sanctissimum corpus Domini, quod omnia illa uerè suscepit, probra, contamelias, uibices; quod crucifixum, quod interfectum, quod sub Pontio Pilato pulchrum testimonium confessum est, quod colaphis appetitum, contumeliis affectum, sputa passum est, & sel gustauit. Similiter & uinum, ipse sanguis, qui exiliit occiso corpore. Hoc corpus, & sanguis, qui ex Spiritu sancto constitutus est, natus ex Maria Virgine, qui sepultus est, qui resurrexit tertio die, qui ascendit in cœlos & sedet ad dexteram Pa-

tris. Hæc ille. Sequitur, Et quænam est fides? Ipse dixit, Hoc est corpus meum. Hic est sanguis meus. Ipse etiam iussit Apostolis, & per illos uniuersæ Ecclesiæ, hoc facere, Hoc enim, inquit, facite in meam recordationem. Hæc ille.

BESSARION.

Bessarion Episc. Tusculanus, sanctæ Romanæ Ecclesiæ Cardinalis, & Patriarcha Constantinopolitanus, in eo opere suo, in quo, De sacramento Eucharistiæ, & quibus uerbis Christi corpus conficitur, agit, hoc ipsum tenet, & pro ista ueritate adducit multa. Intentio erat sua, ut proponit, de ea quæstione agere, qua quærebatur, aut quæri poterat, Quibus potissimum uerbis, intra solennes Missarum ritus, sacrosanctum Domini corpus, & sanguis conficiatur. Añurus autem de illa quæstione, supponit & declarat nonnulla, quorum hoc unum est, quo asserit, sacramentum istud diuinum Eucharistiæ, significare quidem duo, id est, corpus Christi uerum, & corpus Christi mysticum: Hac tamen lege, quòd corpus Christi uerum significat & continet, corpus uerò Christi mysticum non continet, sed significat. Infra, nonnullis interpositis, Ex his sequi uidetur, Christi quoque corpus duplex esse, uerum alterum, alterum mysticum. Et uerum quidem est, quod in hoc diuino Eucharistiæ sacramento consecratur, atque conficitur, sub uisibili specie panis & uini. Hoc idem est cum eo corpore, quod fuit ex Beata Virgine Spiritus sancti obumbratione conceptum. De quo ipse Dominus in exhibitione sacramenti, cum nobis sensibilem panem, uinumque ostendisset, ait, Hoc est corpus meum. &, Hic est sanguis meus. Deinde addidit, Qui pro uobis traditur, &, Qui pro uobis effunditur in remissionem peccatorum. Mysticum autem eius corpus est Ecclesia, & congregatio fidelium. Hæc ille. Deinde ostendit, diuinissimum corpus Christi & sanguinem, nullis aliis uerbis, aut sacerdotum precibus confici, quàm iis, quæ supra memorauit uerbis Domini, Hoc est corpus meum. &, Hic est sanguis meus. Et post nonnulla in eam uerissimam sententiam ad-

*Habetur
in lib. Li-
turg.*

De Cœnâ, & Calice Domini

ducta, inquit, Ipsum certè consecrationis opus, & per consecrationem efficitur sacrum mysterium in extrema prolatione uerborum conficientium, quæcunque illa sint, & in instanti sit. Siquidem panis & uini substantia, in sua permanet natura, donec omnia illa, quæcunque sunt, quæ sacramentum perficiunt, uerba dicuntur. Quibus dictis mox consecratio fit, transsubstantialitas perficitur, consummatur sacramentum. Hæc ille.

INNOCENTIUS.

*De officio
Missæ.*

Innocentius in De officio Missæ, dicit etiam ad hanc catholicam ueritatem, Cùm Sacerdos illa Christi uerba pronunciat, Hoc est corpus meum. Hic est calix meus, panis & uinum in corpus, & sanguinem conuertuntur: illa uerbi uirtute, qua, Verbum caro factum est, & habitauit in nobis, qua dixit, & facta sunt: & mandauit, & creata sunt uniuersa. Ego igitur, qui uitam æternam habere desidero, carnem Christi ueraciter comedo, & sanguinem eius ueraciter bibo. Illam utique carnem, quam traxit ex Virgine, & sanguinem, quem effudit in cruce. Ego corde & ore confiteor, ipsum Dominum Iesum Christum in hoc sacramento manduco, fretus auctoritate ipsius Domini.

LANFRANCUS.

Lanfrancus Archiepisc. Cantuariensis, uir quidem & pietate & eruditione præditus, hanc eandem ueritatem, agnouit, tenuit & commendauit, quemadmodum uidere est in epistola, quam scripsit ad Berengarium, ut eum ad sanam mentem reuocaret. Nam post plurima ueterum testimonio ibi citata, concludit, Si uerum est, quod de corpore Christi tu credis, & astruïs, falsum est quod ab Ecclesia ubique gentium de eadem re creditur, & astruitur. Omnes enim, qui Christianos se & esse & dici lætantur, ueram Christi carnem, uerumque eius sanguinem, uera utraque sumpta de Virgine in hoc sacramento se percipere gloriantur. Interroga uniuersos, qui Latinæ linguæ, no-

strarumque linguarum notitiam perceperunt ; interroga Græcos, Armenos, seu cuiuslibet nationis quosque Christianos homines, uno ore hanc fidem se habere testabuntur. Hæc ille, Quibus addit statim, non potuisse unquam fidem hanc uniuersalis Ecclesiæ esse falsam.

IOAN. GERSON,

Ioan. Gerson, Cancellarius Parisiæ. eadem hanc ueritatem usquequaque tueretur, & testatur de Berengario, quod cum extremo decumbens morbo, mortem aduentantem sentiret, in die Epiphaniæ Domini dixerit, alludens ad Latinam eiusdem solennitatis appellationem, Hodie mihi apparebit Dominus IESVS Christus, uel ad gloriam sicut spero, propter poenitentiam meam, uel ad damnationem sicut formido, propter aliorum corruptionem, quos ad uiam ueritatis reducere non potuit.

par. 4.
alpb. 64.e
& par. 2.
alpb. 41.k

CASSIODORVS,

Cassiodorus exponendo illud Psalmi, Tu es sacerdos in ætænum, dicit ad eandem ueritatem, Cui enim potest ueraciter & euidenter aprari, nisi Domino Saluatori, qui corpus & sanguinem suum in panis ac uini erogatione salutariter consecrauit? Sicut in Euangelio dicit, Nisi manducaueritis carnem Filij hominis, & biberitis eius sanguinem, non habebitis uitam æternam. Sed in ista carne ac sanguine nihil cruentum, nihil corruptibile mens humana concipiat: ne sicut dicit Apostolus, corpus Domini indignè manducet: sed uiuificatricem substantiam, atque salutarem, & ipsius Verbi propriam factam, per quam peccatorum remissio, & æternæ uitæ dona præstantur. Hæc ille. Ecce sub speciebus panis & uini, concipimus, credimus, accipimus, & manducamus uiuificatricem, & salutarem substantiam ipsius Verbi propriam factam, sub ipsis speciebus contentam: quam Saluator noster in panis ac uini erogatione salutariter consecrauit.

psal. 109.

1oim. 6. 11.

Homil. 7.

2. Cor. 10.

Joan. 6.

Origenes super librum Numerorum, hanc ueritatē etiam docet manifestē. Comparans enim ea, quæ fuerunt in testamento ueteri, his nostris, quæ habemus in testamento nouo, dicit, Et quæ prius ænigmatē designabantur, nunc in specie & ueritate complentur. Hæc ille. Qui in eodem loco, continuato sermone, explicans exemplis, & probans auctoritate, quod dixerat, ait, Et idē ille, qui species figurarum & ænigmatum differebat, dicit, Scimus autem quoniam patres nostri omnes sub nube fuerunt, & omnes in Mose baptizati sunt in nube, & in mari: Et omnes eandem escam spiritualem manducauerunt, & omnes eundem potum spirituales biberunt. Bibebant autem de spiritali consequenti eos petra; petra autem erat Christus. Vides quomodo ænigmata legis Paulus absoluit, & species ænigmatum docet, & dicit quia petra in ænigmatē erat apud Moysen antequam iugeretur huic nostræ Aethiopiis. Nunc in specie petra Christus est. Nunc enim os ad os loquitur per legem Deus. Antea in ænigmatē fuit baptismus in nube, & in mari; nunc autem in specie regeneratio est in aqua & in Spiritu sancto. Tunc in ænigmatē erat manna cibus, nunc autem in specie caro Verbi Dei est uerus cibus: sicut ipse dicit, quia, caro mea, uerē est cibus, & sanguis meus uerē est potus. Hæc ille.

IUVENCUS Presbyter.

Iuencus etiam, Presbyter quidam, Hieronymo antiquior, qui carmine hexametro Euangelicam descripsit historiam, de hac ueritate & pro ea, metricē ita dixit.

Hæc ubi dicta dedit, palmis sibi frangere panem,
Diuisumque dehinc tradit, sanctumque precatus,
Discipulos docuit, proprium se tradere corpus,
Hinc calicem sumit Dominus, uinoque repletum
Sanctificat gratis uerbis, potumque ministrat.

Edocuitque

Ad edocuitque suum se diuississe crinem :
Atque ait , Hic sanguis populi delicta remittet ,
Hunc potate meum ; iam ueris credite dictis .

Hæc ille , in quibus fatetur expressè , Dominum nostrum ,
proprium corpus suum tradidisse discipulis in cœna . Pro-
prium dicit , quod uerbum , omnè amouet ambiguitatem .

De hoc eodem sacramento corporis , & sanguinis Christi , quid
existimauerint , intrepideq; credendum statuerint sacra Con-
cilia .

CAP. VII.



Sed iam nunc sacra Concilia de hac catholi-
ca ueritate loquentia audiamus , in quibus
proculdubio est diuina auctoritas ; sicut
Apostoli & seniores collecti in unum , scrip-
serunt his , qui erant Antiochiæ , & Syriæ
& Ciliciæ fratribus ex gentibus , dicentes
inter alia , Visum est enim Spiritui sancto & nobis , &c.
Sicut etiam in multis locis aliis diuinarum scripturarum
declaratur satis , & omnes sancti patres semper intellexerunt ,

Diuina au-
toritas
est in con-
cilio.

Ad. 15.

Synodus Nicæna .

Nicæna Synodus de hoc sacramento corporis & sangui-
nis Christi Saluatoris nostri , ita loquitur , Iterum etiam
hic in diuina mensa ne humiliter intenti sumus ad propo-
situm panem & poculum , sed attollentes mentem , fide in-
telligamus situm in sacra illa mensa Agnum illum Dei tol-
lentem peccata mundi , incruentè à sacerdotibus immola-
tum , & preciosum ipsius corpus & sanguinem nos uerè su-
mentes , credere hæc esse nostræ redemptionis symbola .
Propter hoc enim neque multum accepimus , (aliàs fortè ,
accipimus) sed parum : ut sciamus quod non satietati , sed
sanctimonix sumimus . Hæc ibi in eo sacro concilio , nun-
quam satis uenerando . Ecce igitur in sacra mensa altaris
situs est Agnus ille Dei , qui tollit peccata mundi , & pre-
ciosum ipsius corpus & sanguinem uerè sumimus : secun-

dum quam fidem locuta fuere semper omnia sacra concilia
subsequentia, quoties opus fuit de hac ueritate agere, ut
constabit ex sequentibus. Sunt etiam & hæc diuina sacra-
menta, symbola nostræ redemptionis: sed hoc nullo mo-
do prohibet, aut impedit, quominus sub illis situs sit Chri-
stus ipse redemptor noster. Quinimmo ea, Christum qui-
dem continent, ut ipse ait, Hoc est corpus meum. & mor-
tem Christi repræsentant, ut Apostolus declarat, Quo-
tiescunque enim manducabitis panem hunc, & calicem
bibetis, mortem Domini annuntiabitis, donec ueniat.
Vt etiam Saluator dixit, Hoc facite in meam commemo-
rationem. Per mortem autem Saluatoris nostri redempti
sumus. quemadmodum tota diuina scriptura & noui &
ueteris testamenti declarat: Et de hac re infra dicuntur
multa, ubi contra obiectiones aduersariorum responsio-
nes afferuntur.

Synodus Ephesina.

Ephesina Synodus prima, quæ tertia est illarum quatuor,
quas beatus Gregorius fatetur se uenerari tanquam qua-
tuor Euangelia, hanc ueritatem declarauit, & determina-
uit omnino. Ea namque tempestate fuerunt quidam di-
centes, in hoc diuino sacramento esse quidem carnem ali-
cuius hominis, siue iustus ille fuerit, siue peccator, non ef-
se curandum: in quam carnem, panis ibi præexistens con-
uerteretur: quæ caro, ut asseriebant, proficiebat in remissi-
onem peccatorum. Fuerunt rursus ea tempestate alij,
qui dicebant panem illum conuerti in carnem hominis,
non tamen cuiuslibet sine discrimine; sed in carnem ho-
minis iusti, ac sanctificati, qui templum esset Dei, qui di-
uinam in se habitationem possideret, & hunc errorem ap-
paret inuasisse Nestorium. Contra illos duos errores &
pro hac nostra ueritate catholica, sancta illa Synodus du-
centorum Episcoporum, cui præfuit, summi Pontificis ui-
cem gerens, Cyrillus Alexandrinus Episc. in epistola quo-
dam a toto concilio missa Nestorio hæretico, Constantino-
politano Episc. de cuius dogmate agebatur, quo duas di-

cebat in Christo personas, alteram Dei, alteram hominis, ita dicit, Sic etiam ad mysticas benedictiones accedimus, & sanctificamur participes sancti corporis & preciosi sanguinis Christi omnium nostrum redemptoris effecti, non ut communem carnem percipientes, quod absit, neque ut uiri sanctificati, & uerbo coniuncti secundum dignitatis unitatem, aut sicut diuinam possidentis habitationem: sed uerè uiuificatricem, & ipsius uerbi propriam factam. Vita enim naturaliter ut Deus existens, quia propriè carne unitus est, uiuificatricem eam esse professus est. Et ideo quàmuis dicat ad nos, Amen amen dico uobis, nisi manducaueritis carnem Filij hominis, & biberitis eius sanguinem non tamen eam ut hominis unius ex nobis existimare debemus. Quomodo enim iuxta naturam suam uiuificatrix esse caro poterit hominis? Sed ut uerè propriam eius factam, qui propter nos Filius hominis est factus, & uocatus. Hæc sancta illa Synodus. Ita ibi determinatum est, in hoc diuino sacramento esse, & à nobis participari uiuificatricem Christi carnem: non solum per significationem, quin etiam & per continentiam, atque conuersionem panis in ipsam. De hoc enim sermo erat, non de carne solum significata, sed & de carne contenta.

Ioh. 6.

Synodus Lateranensis.

Lateranense Concilium celeberrimum sub Innocentio tertio, hanc eandem ueritatem definiuit, in his uerbis, Vna est fidelium uniuersalis Ecclesia, extra quam nullus omnino saluatur: in qua idè ipse sacerdos est sacrificium, Iesus Christus; cuius corpus & sanguis in sacramento altaris sub speciebus panis & uini ueraciter continentur: transsubstantiatis pane in corpus, & uino in sanguinem, potestate diuina.

Synodus Viennensis.

Viennense concilium generale, tempore Clementis quinti, ita dicit apertè secundum hanc ueritatem catholicam,

DE *Cœna, & Calice Domini*

In hac sacramentali Christi cōmemoratione, IESVS Christus est, sub alia quidem forma, in propria uerò substantia. Ascensurus enim in cælum dixit Apostolis, & eorum sequacibus, Ecce ego uobiscum sum omnibus diebus usque ad consummationem sæculi. benigna eos promissione confortans, quòd scilicet permaneret & esset cum eis, etiam præsentiâ corporali.

Synodus Constantiensis.

Constantiense concilium uniuersale, eandem etiam decernit ueritatem. Recensens enim errores Ioan. Vuitcleff, tertio loco collocat quendam eius errorem, his uerbis, Christus non est in eodem sacramento identicè & realiter in propria præsentiâ corporali. Illum autem errorem Vuitcleff, cum aliis omnibus eiusdem auctoris, una super omnes lata sententiâ damnat idè sacrum concilium. Damnamdo autem eum errorem, quo quis dicit, Christum non esse in eodem sacramento identicè, & realiter in propria præsentiâ corporali satis manifestè ponit, & probat hanc nostram ueritatem de qua agimus, illi errori contrariam.

Synodus Basileensis,

Sessio. 30. Basileense Concilium etiam pro hac ueritate ita habet, Nec ullatenus ambigendum est, quod non sub specie panis caro tantum, nec sub specie uini sanguis tantum, sed sub qualibet specie est integrè totus Christus.

Synodus Florentina.

Florentinum Concilium œcumenicū sub Eugenio quarto, in epistola Synodotica, approbante toto concilio, secundum istam ueritatem dicit, quòd non solùm corpus & sanguis Christi, sed. totus Christus est uerè reali præsentiâ in Eucharistia.

Synodus Augustensis.

Synodus Diocesana Augustensis, iuxta prædicta uniuer- cap. 17.
 salia concilia, præsentiam Christi in diuino sacramento
 Eucharistiæ recognoscens, dicit, sub eleuatione sacræ ho-
 stię, Antiphonę ad hoc sacrificium tantum pertinentes
 cantentur: quanquā melius & ueteri Ecclesię cōuenien-
 tius esset, præsentiam Dominici corporis in altissimo si-
 lentio prostratos contemplari.

Synodus Tridentina.

Tridentinum Concilium, sacrosanctum & œcumenicū,
 eodem modo determinauit hanc ueritatem iuxta diuinas
 scripturas, & sacrosancta concilia præcedentia. Ita enim
 habet, Principiò docet sancta Synodus, & apertè ac sim-
 pliciter profitetur, in almo sanctę Eucharistię sacramento,
 post panis & uini consecrationem, Dominum nostrum Ie-
 sum Christum uerum Deum, atque hominem, uerè, rea-
 liter, ac substantialiter sub specie illarum rerum sensibi-
 lium contineri, &c. Et ne aliquis nūmum audax huic do-
 ctinæ impunè se contradicere posse putaret, Canonem la-
 tæ sententię contra eiusmodi contradictores protulit, in
 forma sequenti.

[i] Siquis negauerit in sanctissimo Eucharistię sacramento
 contineri uerè, realiter, & substantialiter corpus & sangui-
 nem unā cum animā, & Diuinitate Domini nostri Ie-
 su Christi, ac proinde totum Christum; sed dixerit tantum
 modò esse in eo, ut in signo, uel figura, aut uirtute, Ana-
 thema sit.

Error, quo impie, sacra Eucharistia uerum Christi corpus & sanguinem inesse negatur, quando primum & à quo originem habuerit. Quibus Conciliis, quibusque ab auctoribus idem reiectus sit: quis eundem à suo olim auctore palam reiectum, abolitumque, ab inferis reuocauerit; & qui auctores nouissimè eiusmodi errorem scriptis suis confoderint. C. A. P. VIII.



IN pace habuit sancta Mater Ecclesia hanc ueritatem catholicam, de qua agimus, usque ad annum quinquagesimum primum supra millesimum: ut omnes fideles Christiani firmiter crederent, & nullo modo dubitarent; uerum Christi corpus, & uerum Christi sanguinem, ac tandem totum Christum uerum, uerè, realiter, & substantialiter in sanctissimo Eucharistiae sacramento contineri: non solum significatiuè, aut effectiuè, seu operatiuè, sed etiam præsentialiter. Eo autem tempore quidam Berengarius nomine, Gallus natione, Clericus Diaconus, seu; ut alij uolunt; Archidiaconus ecclesiae sancti Mauricij Andegauensis; homo parum eruditus, ut Gidmundus testatur, sed dialecticis quibusdam captiunculis prorsus deditus, primus fuit, qui contra hanc ueritatem sentire, atque dogmatizare cepit: asserens, nullam prorsus carnem in hoc diuino sacramento Eucharistiae contineri realiter: addensque, quod caro Filij Dei, Christi Saluatoris nostri, ibi est non uerè & realiter, sed tantum in signo & figura, quemadmodum continebatur in aliis rebus, quæ in ueteri testamento Christiani representauerunt, ut fuit agnus Paschalis, Vacca extra portam ciuitatis pro peccatis populi immolata, & petra, quæ uirga percussa, sitienti populo aquam ministravit: in quibus omnibus Christus continebatur non realiter, sed significatiuè, eo quod signa erant ipsum Christum representantia. Vt Guido refert, primi duces huius erroris fuerunt Armeni: sed de ea re non extant auctores alij, qui ita referant, nec certum est, quos auctores ipse Guido secutus fuit in illa narratione. De his autem, quæ tunc contra

Error contra diuinum sacramentum Eucharistiae. Quando incæperit, & quis eius auctor fuerit.

Guido.

istum errorem Berengarij facta fuerunt, ita refert Alfonsus à Castro Archiepiscopus Compostellanus in suo opere aduersus hæreses. Hac occasione motus Leo nonus, tunc summus Ecclesiæ Pontifex, uir omnium historicorum testimonio, uitæ sanctitate clarus, Vercellis concilium congregauit, quo Berengarium ascitum, minimeque uenire uolentem, ut Lanfrancus ait, cum suis complicibus, nisi citissimè resipiscerent, perpetuo damnauit anathematē. Leo tamen pauco post modum interiecto spatio moritur, atque Berengarius in sua obstinatione persistens, uenenum suæ hæresis per totas diffudit Gallias. Qua de re Victor secundus, qui Leoni nono successit, concilium Turonis per Hildebrandum Ecclesiæ Romanæ tunc Cardinalem, ac illius uice Concilio præsentem celebrauit: in quo Berengarius per quosdam eruditissimos uiros, & præcipuè per Lanfrancum Cantuariensem Archiepiscopum conuictus, sed minimè emendatus est: nam inde exiens, ad uomitum, uelut canis, rediit. Quam ob causam Nicolaus secundus, qui Victori in Ecclesiæ administratione successit, Romæ concilium centum & tredecim Episcoporum congregat, in quo adsistens Berengarius, aut emendatus, aut emendatum se pœnæ timore simulans, palinodiam cantauit, quæ in uolumine decretorum recitatur. Ita Alfonsus à Castro refert. Eodem modo narrat Ruardus Tapper in Explicatione Articulorum facultatis Theologicæ uniuersitatis Louanien. Addit tamen de eodem Berengario, Hinc iterum ad uomitum est reuersus, & primum illud dogma, quod bis solenniter abiurauerat, non destitit per ecclesias & diuersa loca seminare. Propter quod à Gregorio septimo ad Concilium Romæ celebratum uocatus circa annum millesimum septuagesimum nonum, ob eandem impietatem tertio iam damnatur, qui grauissimè errasse confessus coram frequenti illa Synodo, tertio abiurauit antiquum suum errorem, ueniamque ab Apostolica benignitate est affectus. Hæc Ruardus. In hac autem sua abiuratione, pœnitentia, & confessione perdurauit Berengarius usque ad mortem, ut constare potest ex dictis Ioannis Gersonis paulò ante positis. Refert nanque Gerson de Be-

Alfonsus à Castro. lib. 6.

*De consecratione di
stinct. 2.
c. Ego Berengarius.
Ruardus
art. 13.
tom. 2.*

*Gerſon
de pœnitē
tia Berēg.*

rengario, ut iam poſuimus, quòd cùm extremo decum-
bens morbo, mortis horam ſentiret uicinam, in die Epi-
phaniz Domini dixerit, alludens ad Latinam eiùſdem ſo-
lennitatis appellationem, Hodie mihi apparebit Dominus
Ieſus Chriſtus, uel ad gloriam, ſicut ſpero, propter pœ-
nitentiam meam, uel ad damnationem, ſicut formido,
propter aliorum corruptionem, quos ad uiam ueritatis re-
ducere non potui. Hæc Gerſon.

Addaximus hæc in præſentia eo maximè, ut uideamus
omnes, quanto tempore permanſerit ſancta mater Eccleſia
paciſicè in iſta noſtra ueritate catholica, quando cœpit pri-
mùm hic error contra illam, quis fuerit auctôr huius erro-
ris, quomodo ipſe erroris auctôr Berengarius pœnitentia
ductus, ſuum errorem reuocauerit, & tandem in pœniten-
tia perdurauerit, & in illa obierit. Eò etiã hæc retuli-
mus deinde, ut dicamus alia, quæ contra ipſum Berengari-
ij errorem & pro noſtra ueritate hæc catholica habemus:
uidelicet ipſa concilia, in quibus error Berengarij damna-
tus eſt, atque ipſam propriam Berengarij abiurationem
& confeſſionem.

Synodus Vercellenſis, item Turonenſis & Rom.

Vercellenſe igitur concilium ſub Leone nono. Turonen-
ſe concilium ſub Victore ſecundo, Romanum concilium
ſub Nicolao ſecundo, Romanum concilium ſub Gregorio
ſeptimo, & denique ipſa Berengarij confeſſio, & abiura-
tio declarant, & probant hanc noſtram ueritatem. For-
ma enim confeſſionis & abiurationis Berengarij eſt, quæ
ſequitur.

Forma confeſſionis & abiurationis Berengarij.

Ego BERENG. corde credo, & ore confeſteor, panem &
uinum, quæ ponuntur in altari, per myſterium ſacræ ora-
tionis, & uerba noſtri redemptoris, ſubſtantialiter con-
uerſi in ueram, ac propriam, & uiuificatricem carnem,
& ſan-

& sanguinem Domini nostri IESU Christi: & post consecrationem esse uerum Christi corpus, quod natum est de Virgine, & quod pro salute mundi oblatum, in cruce pendit, & quod sedet ad dexteram patris: & uerum sanguinem Domini nostri IESU Christi, qui de latere eius fluxit; non tantum per signum & uirtutem sacramenti, sed etiam in proprietate naturæ, & ueritate substantiæ: sicut in hoc breui continetur, & ego lego, & uos intelligitis. Sic me Deus adiuet, & hæc sancta Euangelia.

BERNARDVS.

Bernardus in uita S. Malachia Episc. inter alia miracula manifesta, quæ Deus Opt. Max. eo tempore operari dignatus est, ita narrat de quodam Clerico, qui de hoc diuino sacramento malè sentiebat secundum errorem Berengarij prædicti, & postea potenti Dei uirtute correpti, ad hanc nostram ueritatem catholicam reuersus fuit. Fuit quidam Clericus, inquit diuus Bernard. in Lesmor probabilis, ut fertur, uitæ, sed fidei non ita. Is sciolus in oculis suis præsumpsit dicere, in Eucharistia esse tantum modò sacramentum, & non rem sacramenti, id est, solam sanctificationem, & non corporis ueritatem. Super quo à Malachia secretò, & sæpe conuentus sed in cassum, uocatus ad medicum est; seorsum tamen à laicis, ut si fieri posset sanaretur, & non confunderetur. Itaque in conuentu clericorum data facultas homini est, pro sua sententia respondendi. Cumq; totis ingenij uiribus, quo non mediocriter callebat, asserere & defendere conaretur errorem, Malachia contra disputante & conuincente, iudicio omnium superatus, de conuentu confusus quidem exiit, sed non correctus. Dicebat autem se non ratione uictum, sed Episcopi pressum auctoritate: Et tu, inquit, ò Malachia, sine causa me hodie confudisti, aduersus profectò ueritatem locutus, & contra tuam ipsius conscientiam. Mœstus Malachias pro homine sic indurato, sed magis fidei dolens iniuriam, timens periculum, Ecclesiam conuocat, errantem publicè arguit, publicè monet, ut resipiscat. Suadentibus

De Cæna, & Calice Domini

hoc ipsum Episc. & uniuerso Clero, cum non acquiesceret, contumaci anathema dicunt, hæreticum protestantes. Nec sic euigilans, omnes, inquit, fauetis homini potius, quàm ueritati. Ego personam non accipio, ut deseram ueritatem. Ad hoc uerbum sub stomachans sanctus, Dominus, inquit, fateri te ueritatem faciat, uel ex necessitate. Quo respondente, Amen. Soluitur conuentus. Tali ille inultus cauterio fugam meditatur, infamis atque in honoratus fore non sustinens. Et continuò sua tollens, exhibat: cum ecce subita correptus infirmitate, sistit gradum, uiribusq; deficiens, eodem loco iacet se super solum anhelus & fessus. Fortè incidens in id loci uagabundus insanus offēdit hominem; quid nam ibi agat, percunctatur. Respondet, graui se infirmitate teneri, & neq; procedere, neq; redire ualentē. Et ille, Infirmitas ista, haud alia, inquit, quàm ipsa mors est. Hoc autem non dixit à semetipso, sed pulchre Dominus per insanum corripuit eum, qui sanis acquiescere noluit consiliis sensatorum. Et addit, Reuertere domum, ego te iuuabo. Denique ipso duce, reuertitur in ciuitatem, redit ad cor, & ad misericordiam Domini. Eadem hora accitur Episc. agnoscitur ueritas, abiicitur error, confessus reatum, absoluitur, petit uiaticum, datur reconciliatio, & uno pene momento perfidia ore abdicatur, & morte diluitur. Ita mirantibus cunctis sub omni celeritate completus est sermo Malachiæ, & scripturæ pariter dicentis, quia, Vexatio dat intellectum auditui. Hæc diuus Bernardus. Idem in De præcepto & dispensatione, Nunquam mihi contingat turbatum ad pacis accedere sacrificium, cum ira & disceptatione contingere sacramentum, in quo Deus indubitanter est, mundum reconcilians sibi.

Patres, qui contra Berengarij errorem scripserunt.

ADVERSUS prædictum errorem Berengarij olim cum illum ipse Berengarius tutaretur primus, scripsit primùm

Lanfrancus Cantuarien. Archiepiscopus : post eum, scripsit Guidmundus ex monacho Auerlanus Episc. Eodem tempore scripsit Algerius, è Scholastico monachus Corbientis, in Saxonia. Scripsit etiam aduersus eum, teste Ioan. Tritemio, quidam Adelmanus, ex Clerico Leodiensi Episcopus Brixienfis, qui eiusdem Berengarij fuerat condiscipulus. Scripsit etiam aduersus eum Hildebertus quidam Episc. Cenomanensis, ac postea Episc. Turonensis, ut testatur idè Tritemius in libro de ecclesiasticis scriptoribus. Lapsis post Berengarium ducentis annis, & eo amplius, Ioan. Vuitcleff, eundem amplexatus est errorem : eamque ob rem error ille tanquam palingenesia quadam rediuius, denuo damnatus fuit in Concilio Constantiensi ; ut ex iam dictis constar satis. Demum hoc nostro tempore, Ioannes Oecolanpadius, hanc hæresim iam diu damnatam sepulcrumq; reduxit ab inferis, eamque quoad potuit, scripturis tam ex sacro instrumento quam ex dictis sanctorum communiebat, aliquibus malè adductis, quibusdam detruncatis, omnibus tamen perperam intellectis. Atque ita existimat Alfonso à Castro primum huius erroris, nostra ætate fuscitatore fuisse Ioannem Oecolampadium. Sed Philippus Melächthon, qui licet in hac re nobis assentiatur, in aliis tamen aduersarius noster fuit, annis superioribus, sic procedit in tract. suo de cæna Domini contra Anabapt. ut existimet, Carlostadium primum excitasse hunc tumultum. Verba eius sunt hæc in eo tractatu, quibus ab eo errore dissentit, Ego nouum dogma, quod maximam ruinam rerum maximarum secum trahit, sine firmioribus testimoniis non uelim profiteri. Carlostadius primum excitauit hunc tumultum ; homo ferus, sine ingenio, sine doctrina, sine sensu cõmuni, quem nullum unquam humanitatis officiũ aut intelligere aut facere animaduertimus, tantũ abest, ut eo significatio aliqua Spiritus sancti animaduersa sit, immo extant manifesta signa impietatis. In tota doctrina solebat Iudaizare & dissentire : damnabat omnes leges ab Ethinici conditas, contendebat in foris ex Mose dicendum esse, totam illam Phanaticam Anabaptistarum doctrinã statim initio ambabus manibus am-

*Lanfranc.
Guidmũd.
Algerius.
Adelman.
Episc. Bri
xien.*

Hildeber.

Io. Vuitcl.

Io. Oecol.

*Phil. Me-
lanc.*

Carlost.

*Melanch.
uerba.*

pletebatur, cum cœpisset eam in Germania serere Nicolaus Storck. Hæc ille. Quisquis autem fuerit, qui illum prædictum errorem olim ex Berengario prognatum, & ab eodem postea reiectū, modò primus sucitauit, siue Oecolampadius, siue Carlostadius, non refert: ambo enim, sibi malè consulentes, tenuerunt illum: quibus se asseclam præbet nunc Ioan. Calvinus ex huius farinae uiris sapiens, non ex scripturis diuinis, non ex doctoribus sanctis.

Quemadmodum autem error ille nunc denuò suscitatus fuit, ita etiam & nunc recenter damnatus est in hoc sacrosancto Tridentino Concilio, ut iam supra posuimus. Denuo insuper multi patres sanctissimi, atque eruditissimi scripserunt contra ipsum Oecolampadij errorem. Veritatem enim nostram catholicam, idest, realem præsentiam corporis & sanguinis Christi in Sacrosancta Eucharistia, multis modis probat Ioannes Rossensis, in præfatione libri tertij. Idem auctor in diuino suo & eruditissimo opere, quod fecit contra blasphemum & omnibus modis execrabilem libellum Ioannis Oecolampadij de expositione uerborum cœnæ Domini, Hoc est corpus meum. ostendit clarissimè, hanc nostram ueritatē à temporibus Apostolorum concorditer docuisse uniuersos Orthodoxos patres, tam priscos, quam recentiores, & horum hanc doctrinam atque institutionem semper secutum esse populum Christianum. Scripsit etiam contra Oecolampadium Iodocus Clitocus. Et scripsit contra eundem errorem Alfonso à Castro in suo opere aduersus hæreses. Scripsit Constallus Episcopus Dunelmensis, & Reuerendus pater Ioannes Hoefmestærus. Scripserunt etiam nonnulli alij, quos non est opus modò referre. Quos hæcenus adduximus, sufficere arbitramur, hoc enim qui non audierit, nec alios audiet, in quouis numero adducantur. Scripserunt de hac etiam ueritate & pro ea Ioannes Driedonius in De dogmat. uariis, & lib. apocry. Ruardus Tapper in explicatione Articulorū facultatis Theologicæ uniuersitatis Louaniensis, atque Stanislaus Osius Episcopus Varmienfis, Sanctæ Romanæ Ecclesiæ Cardinalis, & in hoc sacrosancto uniuersali Tridentino Concilio Legatus meri-

*Patres
qui de no-
uo scripse-
runt contra
errorem
Bereng.
Ia. Ross.*

*Iod. Clito.
Alfonso
à Castro.
lib. 6.
Constallus
lib. 2. de
ueritate
corpo. &c.
Io. Hoef.*

*Driedon.
lib. 4.
par. 4.
& 5. tom.
Ruardus
art. 13.
tom. 2.*

tissimus, uir quidem eruditione, uitæ sanctitate, præclarus, quem sibi multi ad imitandum proponunt. Scripserunt, inquam, etiam ij patres doctissimi, proque hac ueritate multa dixerunt, multaq; aliorū patrum adduxerunt, quibus res tota, satis manifesta, atque aperta reddita est.

Uerit. in explic. fidei catholica. cap. 39

Facultates Parisiensem, & Louaniensem, atque adeo Lutherum ipsum, & Melancthonem prænotatam ueritatem approbasse. De Bucer, Lutherique in ea dissidio, eorumque in concilio Vütemberga conciliatione, in qua Lutheri opinionis error adnatus est. Paschasii dictis orthodoxa fides confirmatur, catalogusq; apponitur eorum, qui corpus, & sanguinem Christi, uerè Eucharistia inesse existimauerunt. CAP. IX,



Parisiensis facultas Theologica in suis articulis declarantibus fidem, & religionem Christianam, ita determinauit pro hac ueritate catholica, Quilibet Christianus tenetur firmiter credere, in cōsecratione Eucharistia, panem & uinum conuerti in uerum Christi corpus & sanguinem, remanentibus tamen panis & uini speciebus, sub quibus realiter uerum Christi corpus continetur, quod ex Virgine natum est, & in cruce passum. Hæc illa facultas.

art. 5.

Louaniensis facultas Theol.

Louaniensis facultas Theologica, eodem modo pro hac ueritate catholica ita determinauit, In Eucharistia sacramento est re ipsa uerum corpus Domini nostri I. Christi, illud ipsum quod de Virgine natum, & in cruce passum est. Hæc ille. Et addit, In Eucharistia non manent panis & uinum, sed hæc in corpus & sanguinem Christi admirabili potentia uerbi ipsius sunt conuersa, manentibus tantum panis uinique speciebus: unde certa fide tenendum est, sacram Eucharistiam sanctè à nobis adorari, siue in Missa, siue extra Missam, ubicunque reposita fuerit: aut quoties in supplicationibus publicis à Sacerdote circumfertur. Hæc illa facultas.

art. 13.

art. 14.

De Cæna, & Calice Domini

TERTULLIANVS.

Tertullianus in lib. De carnis resurrectione postquam carnem nostram, substantiam friuolam & sordidam, multis extulit præconiis, addit, Caro abluitur, ut anima emaculetur: caro ungitur, ut anima cōsecretur: caro signatur, ut anima muniatur: caro manus impositione obumbratur, ut anima Spiritu illuminetur: caro corpore, & sanguine Christi uestitur, ut anima de Deo sanetur. Idem auctor lib. 2. ad uxorem, de muliere loquens, que gentili nupta sit, planè indicat alium hunc panem esse, quàm gentiles credant. Idem in libro De corona militis, de sacramentis loquitur: & de sacramento Eucharistiæ agens, fatetur quòd calicis aut panis nostri aliquid decuri in terram anxie patimur. Idem aduersus Marcionem ait, Christus, qui desiderauit desiderio edere pascha, acceptum panem & distributum discipulis, corpus suum fecit illum, dicendo, Hoc est corpus meum, &c. Sed quia hunc Tertulliani locum aduersus Marcionem, quidam nostri aduersarij perperam intelligunt, & ad suam ipsorum falsitatem detorquent, inferius de illo latior erit sermo, ubi obiectionibus respondebitur.

Quidam etiam bene metricè dixerunt,

Refert
S. Tho.
par. 3.
quæst. 81.
art. 1. 1.
ad primū
arg.

Rex sedet in cæna, turba cinctus duodena.

Se tenet in manibus, se cibat ipse cibus.

Quid multa? Si licet in hac causa huius catholicæ ueritatis tuenda, ab aduersariis nostris accipere testimonia, habemus & nos huius ueræ doctrinæ testes, Martinum Lutherum, Philippumque Melachthonem, & alios, qui eos sequuntur. Ij enim uerè docent, facta consecratione in hoc diuino sacramento Eucharistiæ realiter, substantia-liter, atque uerè præsens adesse corpus Christi Domini nostri, & præsentem eius sanguinem: in eo solo errantes quoad hoc sacramentum in hoc articulo, quòd negantes transsubstantiationem, dicunt cum corpore & sanguine

Domini in hoc sacramento, manere simul panis & uini substantias. Sed hoc aliud est, contra quod directè agit tertia conclusio nostra, quæ paulò ante in hoc articulo posita est, & paulò post probabitur.

Lutheri testimonium.

LUTHERUS igitur tanquam à manifesta ueritate uictus, fateretur in hoc sacramento post consecrationem, esse realiter uerum corpus Christi, non solum tanquam in signo aut figura, sed uerè præsentia ipsa. propter illud manifestum uerbum Domini, Hoc est corpus meum. Agit de hoc in multis locis, ut in libro suorum articulorum; in epistola quâ scripsit charissimis Argentinz; & in epistola ad Ioannem Heruagium Argentinensem. Etenim in epistola ad charissimos Argentinz, dicit, Hoc diffiteri non possum, nec uolo; Si Carolostadius, aut alius quispiam ante quinquennium mihi persuadere potuisset, in sacramento præter panem, & uinum esse nihil, magno ille me beneficio deuinxisset, grauib; enim curis anxius in hac excutienda materia, multum desiderabam omnibus neruis extensis me extricare, & expedire conatus sum; probè perspiciebam hac in re Papatui cum primis me ualde incommodare posse. Verùm ego me captiuum uideo, nulla elabendi uia relicta. Textus enim Euangelij nimis apertus est & potens, qui facilè còuelli non potest, multo minus uerbis aut glossis ex capite uertiginoso confictis subuerti. Sum enim (proh dolor) plus æquo in hanc partem propensus, quantum Adami mei naturam aduertere possum. Hæc ille.

Melanchthonis testimonium.

MELANCHTHON etiam eodè modo sensit cum Luthero; Vnde in tractatu De Cœna Domini contra Anabaptistas, fidem suam de hac ueritate ostendens, & eos notans, qui dominicam cœnam dicunt solum esse figuratiuam, umbra-

De Cœna, & Calice Domini

tricam, aut metaphoricam, dicit, Quibusdam ualde hebetes uidemur, quod in uerbis Euangelij, Hoc est corpus meum. non uideamus metaphoram; nec intelligamus nos ab infinitis quæstionibus unius beneficio metaphoræ liberari. Videtur infania esse, sententiam longè omnium absurdissimam mordicus tenere, cum aliam commodissimam offerat metaphoram. Hi desiderabunt in me iudicium: hic etiam quod in his testimoniis hyperbolas & allegorias non depræhenderim. Ego uerò non ignoro hæc medicamina utilia & exquisita, ut quibus medicantur has sententias alij. Verum, quid non poterit eludi hac arte, si licebit allegorias comminisci nostro arbitrio? Quidam enim callidi homines totam religionis doctrinam hoc modo transformarunt in philosophiam. Quomodo Origenes totam historiam, quam describit Genesis de Paradiso, traxit ad allegoriam & spiritum, negans corporalem huiusmodi hortum à Domino plantatum, & arbores esse corporales, quarum meminit Genesis, ut dicit de eo beatus Augustinus. Pergit Philippus, Et uniuersam Ecclesiam catholicam semper docuisse corpus, & sanguinem Domini uerè adesse in cœna dominica, perspicua & clarissima doceant uetèrum scriptorum testimonia. Et quanquàm fides non pendeat ab humana auctoritate, sed à uerbo Dei, tamen cum scripturam imbecilles à fortioribus confirmari uelit, iuuat habere Ecclesiæ testimonia in omnigenere temptationum. Vt enim uiuos libenter consulimus, quos iudicamus usum aliquem habere spiritualium rerum, ita & ueteres quorum scripta probantur, censeo consulendos esse. Sunt & aliæ causæ, cur ueterum testimonia non contemnam, Existimo enim hoc communiter sensisse Ecclesiam, quod isti scripserunt. Neque uerò tantum est à communi sententia ueterum discedere. Ego nouum dogma, quod maximam ruinam rerum maximarum secum trahit, sine firmioribus testimoniis non uelim profiteri. Caroloftadius primum excitauit hunc tumultum; homo ferus, sine ingenio, sine doctrina, sine sensu communis, quem nullum unquam humanitatis officium aut intelligere aut facere animaduertimus, tantum abest ut in eo significatio aliqua Spiritus

*Carolofta.
uir pessimus.*

Spiritus sancti animaduersa sit: immo extant manifesta signa impietatis. In tota doctrina solebat Iudaizare & dissentire, &c.

Itaque postquam annis superioribus cœperunt quidam excutere iugum Domini de ceruicibus suis, & seipsos ab obedientia sanctæ Romanæ Ecclesiæ subtraxerunt, capite Ecclesiastico destituti, in sectas varias diuisi sunt, ut unus quisque pro libito diceret, quæ uoluisset. Retinuit Martinus Lutherus hanc ueritatem catholicam de existentia corporis Christi uera atque reali in sacramento Eucharistiæ, cum quo etiam in ea erant Ioannes Bugenhagius, Pomeranus, Philippusq; Melancthon, tanquam ex una parte. Ex alia parte erant Vuolfangus Capito, Martinus Bucerus, & Vuolfangus Musculus, qui è contra negabant realem existentiam corporis & sanguinis Domini in sacra Eucharistiæ, asserentes ea ibi esse solum tanquam in signo. Cum ergo Bucerus & alij eius asseclæ docerent, non realiter nec substantialiter, sed figuratiuè tantum Christum esse in sacra Eucharistia. quomodo erat in mænâ & agno paschali, reclamante Luthero cum tota sua schola, nec sine mutua partium iniuria, grauem animis molestiam atque indignationem Principes Germaniæ, & totus populus, ex dissidio in grauissimo isto nostræ religionis articulo concœperunt. Coactum est igitur concilium pro pace & concordia ineunda inter coryphæos sectarum, quæ conuenerunt Vuittembergam ad ædes Martini Lutheri, anno. 1537. Tunc Bucerus excogitauit medium concordiæ, quod & proposuit, prout in eiusdem congregationis eorum actis reperitur, quæ sic habent, Audiuius D. Bucrum explicantem suam & aliorum, qui unâ adfuerunt sententiam de sacramento corporis & sanguinis Domini. Consentunt, sentiunt, & docent cum pane & uino uerè & substantialiter adesse & exhiberi corpus Christi & sanguinem, &c. Vnde eoacta est pars Buceri in hoc saltem uenire, confiteri & docere, quod porrecto sacramento simul adest & exhibetur corpus Christi. A qua parte si queratur, unde hoc habet? manifestum est se non posse alio modo respondere, nisi asserat quod propter illud uerbum Domini, ex quo agimus,

Io Bugēb.
Pomeran.
Vuolfang.
Capito.
Bucrus.
Vuolf. Musculus.

Refert
Ruurdus
Tapper.
art. 3.
tom. 2.
Io. Coccl.
tract. 8.
lib. 3.
Miscellaneorum.

Hoc est corpus meum : Hic est sanguis meus : Et sic habemus non solum ab scripturis sacris, nec solum ab amicis, quin etiam & ab inimicis, istud uerbum diuinum, Hoc est corpus meum : esse positum corporis Christi in sacramento Eucharistia.

Lutheri
opinio quod
pallo erro-
rem admi-
serit.

In hac illorum concordia partim obtinuit contra falsitatem ueritas, partim autem obtinuit contra ueritatem falsitas. Obtinuit ueritas contra falsitatem, quod Bucerus omnesque eius asseclæ fatentur saltem eo tempore, quo hoc diuinum sacramentum porrigitur, aut sumitur, præsentem adesse Saluatorem nostrum, & cum eo simul porrigi aut sumi : namque ante istam concordiam, etiam hoc negabat. Bucerus, & ad hanc confessionem uictus est atque superatus à Luthero : Obtinuit tamen falsitas contra ueritatem, quod Lutherus & omnes, qui ab eo stabant, dixerunt postea Saluatorem nostrum, præsentem adesse realiter in hoc diuino sacramento, solum in tempore usus illius, non autem antea : cum tamen prius non dixissent hoc, sed simpliciter assererent, Saluatorem nostrum in hoc sacramento esse realiter præsentem : uidelicet statim post consecrationem, quandiu durat sacramentum. Quod omnes dixerunt per concordiam, Christum Saluatorem nostrum tempore, quo hoc sacramentum alicui ministratur, adesse realiter præsentem ; & cum sacramento præstari aut sumi, utique est uerum, & in hoc concordia ipsa neutiquam improbanda fuit. Quod autem per concordiam illi dixerunt, Christum non esse realiter præsentem in sacramento nisi tempore communionis, porrectionis, aut sumptionis sacramenti, falsum est omnino : & in hoc concordia fuit mala. Mala namque est concordia, super falsum constitendum, credendum, aut prædicandum. Etenim quod uerum corpus Christi realiter sit præsens in hoc sacramento, nos non aliunde habemus quam ex illo uerbo ipsius Christi, Hoc Est Corpus Meum. quia in hoc uerbo ipse primus corpus suum in hoc sacramento posuit, & hoc uerbum nobis reliquit, in quo nos idem corpus suum in hoc sacramento consecremus. Tanquam hoc uerbum in persona Christi à sacerdote prolatum, diuina uirtute id agente, sit consecra-

tium corporis Christi, & illius in hoc sacramento positum. Christus enim Dei Patris naturalis Filius, eidem consubstantialis natura, æqualis uirtute & potentia, sua diuinā potestate potuit corpus suum in hoc sacramento ponere, absque uerborum quorumlibet prolatione; sola sua potentissima diuina uoluntate, qua cælum & terram, & uniuersa ex nihilo creauit. Vtus tamen est in hac re altissima, his diuinis uerbis suis, quibus dixit, Hoc est corpus meum. In his tunc consecrauit, & in his uoluit atque præcepit nos deinceps consecrare. Sic semper notum fuit apud omnes patres antiquissimos, Latinos atque Græcos, ut satis probauit Bessarion: & sic iam determinatum est in sancto uniuersali concilio Florentino: sicque habet Schola Christiana in libris sententiarum. Refert Bessarion, Augustinum, Ambrosium, Chrysost. Damascenum, sed præter hos patres, sunt alij etiam penè infiniti. In hoc igitur uerbo consecramus; quod cum sit uerum atque enuntiatium de præsentī, statim ponit in re; quod significat in uoce. Aliās, quomodo erit uerum? Absit autem, ut dicamus sacramentorum formas uocales, esse falsas. Merè igitur gratis dictum est, hoc uerbum Domini, Hoc est corpus meum; non habere aut non ponere suum significatum in re, statim atque est prolatum, sed postea quando sacramentum sumitur. Neque solum est merè gratis dictum; sed etiam simul est impium. Est gratis dictum; quia sine auctoritate, sine causa, sine ratione. Quandoquidem, si in uirtute huius uerbi ponitur corpus Christi in hoc sacramento, profectò maior ratio est, quòd hoc fiat, dum hoc uerbum profertur, aut statim simul atque prolatum est. Est etiam impium, quia qui dicit corpus Christi non esse in hoc sacramento, nisi dum sacramentum sumitur; ille in toto tempore intermedio, inter uerbi prolationem & sacramenti sumptionem, illud uerbum falsitate obruit. Verum est, quòd hoc sacramentum institutum fuit propter usum; sed hoc non obstante, hoc sacramentum sine dubio conficitur, quando uerbum consecrationis super debitam materiam, & cum recta intentione à sacerdote profertur.

Bessarion.
Est in lib.
Liturg.
Concilium
Floren.
lib. 4.
dist. 18.
quest. 10.

Forma sacramento-
rum, sunt
uerba.

GABRIEL Biel.

Placuit igitur Deo Optimo Maximo uerbum instituere in Ecclesia sua, quam acquisiuit sanguine suo, ad cuius prolationem legitimam ipse uirtute sua infinita poneret corpus suum realiter, ut nostri aiunt, atque præsentialiter in hoc diuino sacramento Eucharistiæ: eo tempore, ea hora, eo instanti. Vnde sicut iam superius posuimus, Basilii & Chrysostomus optimè dixerunt, O miraculum, o Dei nimia beneuolentia, quæ sursum sedet ad dexteram Patris, sacrificij tamen tempore manibus hominum continetur. Quod est illud uerbum? Hoc est corpus meum. Hæc, enim enuntiatio est, per quam Deus ipse exercet negotium, positionis realis sui corporis in sacramento: non prout hæc enuntiatio est in libro scripta, nec prout est tantum in mente concepta: sed prout est super debitam materiam, & cum recta intentione à sacerdote uocaliter seu in uoce prolata. Quia uerò hæc enuntiatio prout sic, id est, prout est uocalis, est oratio uocalis, & est quædam quantitas discreta successiua, ut constat omnibus ex doctrina prædicamentorum: possunt esse de illa quæstiones, quæ de omni alia oratione seu enuntiatione uocali moueri solent. Vicelicet, Quando sit; Et quando significet. Et quando sit uera, ut autem hæc quæstiones tollerentur atque omnino uitarentur, bene notauit Gabr. super Cano. Missæ, dicens, Hoc tenendum est, quod hæc oratio non est forma sacramentalis, ut uera; sed ut tale signum præcedens forte tempore uel ad minus natura, suam ueritatem, id est, conuersionem, per quam propositio est uera. Et nec ut uera, nec ut falsa est conuersiua; sed ut sic, tanquam dispositio præuia à Deo instituta, ad effectum sacramentalem: cui Dominus ex pacto assistit ad causandum talem effectum in termino suæ prolationis, siue significet hoc, siue aliud: siue uera, siue falsa. Non itaque necesse est ministro, de eius ueritate disputare: sufficit ei, intendere proferre hanc orationem eo modo & sine, quo Christus instituit eam proferendam. Et hæc est intentio debita, quam habere

Gabriel.
br. 48.
litera S.

debet actualiter uel habitualiter, ut declaratum est: quæ
existente, & ipso orationem uocaliter distinctè proferen-
te, assistit Deus ad perficiendum effectum. Hæc ille. Et
profectò, quàm optimè. Ita igitur theologizandum est
nobis omnibus de hac forma sacramentalis consecrationis,
ut dicamus & firmiter credamus, eam ex diuina pactione
esse quasi quandam præuiam & proximam & immediatam
dispositionem ad realem positionem corporis Christi in
hoc sacramento altissimo. De dispositione autem præuia
& proxima & immediata, nemo est, qui non sciat, eam
statim habere effectum, ad quem ordinatur.

leſt 6.
ubi ſupra.

S. BONAVENTURA.

S. Bonauentura satis bene notauit post Alexandrum de
Ales, & Gabrielem super Canonem Missæ, quòd hæc ora-
tio singulariter significatiua est, inter omnes orationes.
Nam aliæ orationes tantum sunt indicatiuæ ueritatis, uel
existentiæ eius quod significant: hæc autem quod signifi-
cat, efficit, & operatur. Nec solum est oratio hæc singu-
larius, comparando ad alias communes locutiones: sed
etiam singularis, comparando ad alias formas sacramen-
tales. Sicut & hoc sacramentum non solum omnium alio-
rum dignissimum est, sed & super mirabile, & singulare.
Vnde sicut sex norantur in hoc uenerabili sacramento sin-
gularia: ita eadem singulariter oportuit per eius formam
designari. Primum est, mirabilis illa conuersio panis in
corpus Christi. cuius conuersionis mira singularitas in su-
perioribus exposita est. Ideò oratio, quæ dicitur forma
huius sacramenti, nedum est significatiua, sed operatiua.
Efficit enim quod significat, tanquam causa sine qua non,
ut supra dictum est. Secundum, quòd operatio illa siue
conuersio ad successiuam orationis prolationem facta, nō
est successiua, sed instantanea. Tertium, quòd non est ope-
ratio siue productio alicuius rei nouæ uel non existentis,
sed terminus eius est ens actu completum, substantialiter
non mutatum. Quartum, quòd conuersio illa termina-
tur ad illud ens, scilicet corpus Christi, ut est signum al-

lib. 4. sent.
dist. 8.
quæst. 7.
Poteſt ui-
deri Alex.
de Ales.
par. 4.
quæst. 33.
memb. 3.
art. 2.
Gabriel
leſt. 48.
litera V.

De Cœna, & Calice Domini

terius, uidelicet corporis Christi mystici; Ecclesiæ scilicet fidelium, quæ est corpus capitis Christi secundum Apostolum, Dedit illum caput super omnem, quæ est corpus eius. Quintum, quod hæc conuersio fit uirtute Verbi increati, non tamen sine ministro sacerdote, uerba certa super materiam certam cum intentione debita proferente. Sextum, quod sacerdos nullam operationem habet præter uerborum prolationem circa materiam conuertendam. Siquidem ad effectum conuersionis non requiritur quod sacerdos materiam scilicet panem & species tangat, leuet, frangat, aut dispenset. Sine omnibus his, sola uerborum prolatione cum intentione consecrandi, fit conuersio: etiam si nec tangat, dispenset, frangat, autumat. Non sic in aliis sacramentis. In baptismo non sufficit prolatio uerborum super puerum & aquam; sed requiritur lotio in aqua, quæ est operatio sacerdotis baptizantis: & in confirmatione, unctio in fronte confirmandi, quæ similiter est operatio Episcopi confirmatoris: sine quibus nihil efficiunt uerba. Hæc Gabriel. Ex quo multa alia possemus adducere. Sed hæc sufficiunt. Hoc igitur modo semper intellexerunt omnes patres & sancti doctores, qui ante nos fuerunt, hæc uerba Domini, Hoc est corpus meum. ut firmiter crederent illa statim esse effectiua, seu operatiua eius rei quam significant: idest, sic quod ad rectam prolationem eorum à Sacerdote super debitam materiam, statim ponatur ibi uerum corpus Saluatoris nostri. Ita ij prædicti patres expressè tanquam rem notissimam, & cognitam ueritatem, proposuerunt, Alexander de Ales, sanctus Bonauentura, & Gabriel, paulò ante relati: nec isti solum, sed & S. Thomas, Scotus, & cuncti alij doctores Scholastici: ante quos omnes, immo & ante mille, ante mille centum, atque ante mille ducentos annos, eodè modo intellexerunt & crediderunt hanc ueritatem & hoc uerbum Domini, doctores sancti, catholici, & antiquissimi, ut palam est in allegatis dictis eorum. Vnde mos fuit apud eos, ut post consecrationem, quæ prædictis uerbis fit, statim sacerdos diuinum sacramentum populo ostenderet, in quo populus Christum realiter præsentem adoraret, ut paulò post dum

de quarta conclusione sermo, erit, satis demonstrabitur. Malè igitur inita est pax factaq; est conciliatio inter Lutherum & Bucerum, ut dicerent, uerum Christi corpus solùm tempore porrectionis aut sumptionis, esse in hoc sacramento realiter, non ante. Quia immo statim per consecrationem ad prolationem uerborum est ibi, & manet, quandiu durat sacramentum. Non enim ponitur ibi per porrectionem, nec per sumptionem; sed per consecrationem, & uerborum Domini prolationem. Verbum Domini rectè prolatum hoc facit, quod statim habet effectum. Accedit uerbum ad elementum, & fit sacramentum. Mira concordia hominum illorum illa fuit, quæ potentissimum & excellentissimum Dei uerbum, Hoc est corpus meum. suo effectû mirabili ac sua ueritate tanto tempore priuauit, quantum fuerit medium inter prolationem uerbi, & sumptionem sacramenti. Ita illi ergo & malè & falsè concordarunt. Sed profectò, Verbum Domini in æternum semper stat, semperq; est, quod est etiani si ab hominibus perperam concordantibus negetur esse. Non est concilium, non est prudentia contra Dominum. Cælum & terra transibunt, uerba autem eius ullo pacto non transibunt. Omisso igitur eo in quo Lutherus & Bucer errarunt, uel nimium seipso amantes, uel uerbum Dei prorsus non intelligentes: in eo tamen bene dixerunt, quod omnes confessi sunt, Christum realiter præsentem inesse sacramento tempore porrectionis, communionis, aut sumptionis, & cum sacramento porrigi. Hoc enim nobis uidetur sufficere in præsentia, quando de usu, seu sumptione huius diuini sacramenti, uel solùm, uel principaliter loquimur, ostendentes quod communicantes, realiter atque substantialiter accipiunt Christum præsentem, nec plus de illo sub duabus speciebus, quàm sub altera tantùm: quia sub utraque totus est Christus.

PASCHASIUS.

Paschasius bene dixit ad propositum in tractatu De Sacramento. Nulli dubium, quod sicut quando in nomine

Patris & Filij & Spiritus sancti, ter mergimur in fonte; utique baptizamus: non in uirtute & potestate illius qui hoc dicit, sed in uirtute Christi qui hoc præcepit, dicens, Ite, docete omnes gentes, baptizantes eos in nomine Patris, &c. Sic & hoc sacramentum non meritis, non uerbis humanis, idest, in persona hominis prolatis; sed proculdubio diuinis efficitur, & consecratur mandatis. Idcirco æstimandum non est, quòd alteris uerbis, quòd ullis meritis, quòd potestate alicuius ista fiant: sed uerbo utique Creatoris. Et post pauca, Propterea ueniendum est ad uerba Christi, & credendum quòd in eisdem uerbis id conficiatur. Reliqua omnia, quæ sacerdos dicit, aut Clerus canit, nihil aliud quàm laudes & gratiarum actiones sunt, aut certè obsecrationes, fidelium postulationes & petitiones: Verba autem Christi sicut diuina sunt, ita & efficacia: ut hoc scilicet proueniat, quod iubet. Cælum, inquit Christus, & terra transibunt, uerba autem mea non transibunt: sed facient omnia, ad quæ Missa sunt. Cum igitur dixit Christus, Accipite, & manducate ex hoc omnes. Hoc est corpus meum. illico ibi comparuit corpus suum. Et subdit Paschasius, Sanè fortè putares quòd de illo solo uno pane, & in illa hora hoc esse iusserit. Ad quòd tollendum adiungit, Hoc facite in meam commemorationem. Vnde fatendum quòd quicquid illud fuit, quod Apostoli à Christo perceperunt; hoc totum est istud quod sacerdotes & fideles percipiunt. Et si uelis audire quid est, Hoc est, inquit, corpus meum, quod pro uobis tradetur. In hoc ergo uerbo creatur illud corpus: quia diuinum uerbum, & omni potentia plenum est. Et quod dicit, Hoc est corpus meum, quod pro uobis tradetur. crede ò fili; quia ita est: quoniam ipse dixit, & factum dubitare non potes. Ipse mandauit, & creatum est. Præceptum ergo posuit, In meam commemorationem hoc facite. Et ideo quotienscunque sit catholicè, uerè hoc sit quod dictum est, Hoc est corpus meum. Hæc ille.

Nunc operæ precium est catalogum apponere doctorum sanctorum & catholicorum, atque uniuersitatum factorumque conciliorum, in quibus legimus corpus & sanguinem

nem Christi uerum esse in sacramento Eucharistiæ post consecrationem, panemque & uinum in altari oblatum per consecrationem, in uerum corpus & uerum sanguinem Christi mutari, diuina potentia, atque uirtute; ut uerè ex tunc ibi situs sit Christus dominus, uerè, realiter, præfentialiter (ita dixerim) & substantialiter.

IACOBVS Apostolus.

Clemens Martyr.

Dionysius Areopagita Martyr.

Irenus Martyr.

Iustinus Martyr.

Hilarius.

Cyprianus Martyr.

Cyrillus.

Basilus.

Eusebius Emisenus.

Gregorius Nicanus.

Damascenus.

Ioannes Chrysostomus.

Gregorius Neocæsariensis.

Augustinus.

Ambrosius.

Hieronymus.

Gregorius.

Theophylactus.

Bernardus.

Tota Schola Christiana.

Magister sententiarum.

Sanctus Thomas.

Alexander de Ales.

Hugo uenerabilis.

Sanctus Bonauentura.

Guilhelmus Parisiensis.

Scotus.

Albertus.

Durandus à Sancto Portiano.

Gabriel Biel.

De Cæna, & Calice Domini

Nicolaus Eifcopus Methonenfis.
Samonas Archiepiſcopus Gazæ.
Marcus Epiſcopus Ephelinus.
Germanus Archiepiſcopus Conſtantinopolitanus.
Nicolaus Cabasila.
Beſiarion Epiſcopus Tuſculanus.
Innocentius Papa.
Ioannes Gerſon Cancel. Pariſien.
Caſſiodorus.
Origenes.
Iuuenus Poëta Chriſtianus.
Nicæna Synodus.
Epheliſina Synodus.
Lateranenſe Concilium.
Viennenſe Concilium.
Conſtantiènſe Concilium.
Baſiliènſe Concilium.
Synodus Diœceſana Auguſtenſis.
Tridentinum Concilium.
Vercellenſe concilium ſub Leone nono.
Turonenſe Concilium ſub Victore ſecundo.
Romanum Concilium ſub Nicolao ſecundo.
Romanum Concilium ſub Gregorio ſeptimo.
Berengarius.
Lanfrancus Archiepiſcopus Cantuarienſis.
Guidmundus Epiſcopus Auerſanus.
Algerius.
Adelmanus Epiſcopus Brixienſis.
Hildebertus Epiſcopus Cenomanen.
Ioannes Epiſcopus Roſſen.
Iodocus Clitoveus.
Alfonſus à Caſtro Archiepiſcopus Compoſtellanus.
Conſtallus Epiſcopus Dunelmienſis.
Ioannes Hoefmeſtærus.
Ioannes Driedonius.
Ruardus Tapper.
Stanislaus Oſius Epiſcopus Varmien. Sanctæ Romanæ
Eccleſiæ Cardinalis ampliſſimus.

Parisiens. facultas theologica .
 Louanienſis facultas theologica .
 Tertullianus .
 Paſchaſius .

*Demonſtratione , quæ labefactari nequeat , rationibusque in
 concuſſis , & Ambroſii ſubſtructione , ueritas eadem fulci-
 tur . Chriſtum ſe nobis in ſacramento exhibere , & diſtri-
 buere , quo pacto fateantur aduerſarij , & in quibus nobis
 aſſentiantur , & aduerſentur . Eorundem error eliditur , &
 quomodo re ipſa , uereque in ſacramento manducetur Chri-
 ſtus , demonſtratur .*

C A P. X.



Ngeniùe fateor , uerba diuina ſuperius alle-
 gata , ſimul & dicta horum patrum ſancto-
 rum & catholicorum , antiquiſſimorum &
 recentium , quos ſtatim memorauimus ,
 talia eſſe ut omnem mentem Chriſtianam
 cogant credere , in ſacramento Eucharistiæ
 uerè , realiter , ſubſtantialiter , atque præſentialiter eſſe
 uerum corpus uerumque ſanguinem Chriſti Saluatoris no-
 ſtri dicentis , Hoc eſt corpus meum . Hic eſt ſanguis meus .
 Hoc facite in meam commemorationem . Omnem , in-
 quam , mentem Chriſtianam nulla excepta . Niſi ea for-
 taſſe ſola , quæ dixerit , aut impoſſibile eſſe Deo efficere ut
 corpus & ſanguis Chriſti ſubſtantialiter & præſentialiter in
 hoc ſacramento ſint , aut hoc & ſi ſit poſſibile Deo abſolu-
 tè loquendo , fidei tamen aut charitati repugnare , ut fiat .
 Quæ mens aliquod horum trium in ſeipſa conceptum ha-
 buerit , illa durante tali conceptu , non cogetur credere
 corpus Chriſti in ſacramento ſubſtantialiter ac præſentia-
 liter eſſe : ſed magis cogetur neceſſariò uerba alio modo
 interpretari , ſciens Deum neque ſacere aliquod impoſſi-
 bile , nec quicquam contra fidem , aut contra charitatem .
 De omni enim alia humana mente , ideſt , de omni quæ cre-
 dit hanc exiſtentiam in ſacramento eſſe Deo poſſibilem ,
 nec fidei , aut charitati repugnare , dico quòd ſtatim dixi ,
 eam cogi uel potius neceſſitate trahi conſequenter ſe ha-

De Cœnâ, & Calice Domini

bendo, ut credat & confiteatur uerum corpus, & uerum sanguinem Christi, substantialiter ac præsentialiter in hoc sacramento esse. Demonstratio ad hoc est una & sufficientissima, Quia uerba Domini semper intelligenda sunt in sensu, qui ex ipsis eruitur, nisi aliunde constiterit id esse impossibile, aut fidei repugnare, uel charitati, aut alio modo intelligendum fore. Alias enim, idest, citra impossibilitatem rei, atque citra repugnantiam cum fide & charitate, nemini licet uerba Domini ad alium sensum trahere, nisi ad illum, quem ipsa præferunt, uel in quo à sancta Ecclesia recipiuntur, per quam ipsas diuinas scripturas habemus. Hanc regulam obseruauit & commendauit Augustinus in De doctrina Christiana: qua, nulla alia in intelligendis diuinis est magis necessaria. Quandoquidem si citra rei impossibilitatem, & citra repugnantiam cum fide & charitate, liceret alicui diuinas scripturas interpretari in alio sensu ab eo, quem faciunt diuina eloquia; nihil erit certum in aliquo sensu è scripturis accipiendo, nullaq; firmitas. Ergo cum Saluator noster cibum porrigens Apostolis, dixerit, Hoc est corpus meum, quod pro uobis tradetur, in uerbis expressis & disertissimis, necesse habemus concedere aliquod horum quatuor, idest, aut quòd ille cibus erat uerè ac realiter corpus Christi uerum, aut quòd illum esse corpus Christi uerum, erat impossibile, aut quòd illum esse corpus Christi uerum, repugnabat fidei, aut quòd repugnabat charitati. Cum autem non possit dici quartum, nec possit dici tertium, nec dici possit secundum: fit necessariò consequens euidenter; ut debeamus credere atque confiteri primum. Ut cum Christus dixit, Hoc est corpus, accipite & comedite, firmiter suum proprium corpus Apostolis tradiderit.

Quia hæc demonstratio mihi est inuictissima, & talem eam credo esse apud omnem intellectum bene affectum: placet ad illam, uel circa illam nonnulla dicere, probando hæc tria per ordinem. Primum, quòd non fuit impossibile Christo ponere proprium corpus suum uerè, realiter, substantialiter, præsentialiterque sub speciebus panis & uini, ut uerè realiter, substantialiter, ac præsentialiter esset

in sacramento . Secundum , quòd Christum ita fecisse , ant
 nos credere ita esse factum , non repugnat fidei nostræ Chri-
 stianæ . Tertium , quòd Christum ita fecisse in cœna no-
 uissima , aut etiam ita facere modò , minimè repugnat
 charitati . Primum satis probat Christi potentia : qui cùm
 sit uerus Deus secundum naturam diuinam , sicut est uerus
 homo secundum naturam humanam , certum est conse-
 quenter , potentiam suam esse infinitam . Per respectum ad
 cuius potentiam infinitam diuinam , dixit Angelus , Quia
 non est impossibile apud Deum omne uerbum . Quam-
 obrem profectò potentia Christi diuinæ infinitæ , tum du-
 ratione , tum uigore , possibile fuit ponere corpus Christi
 sub speciebus panis in sacramento . Omnino sicut illi po-
 tentia multa fuerunt possibilia , quæ nobis secundum sen-
 sum uidentur , & iuxta potentiam quancunque creatam
 sunt impossibilia , ita possibile fuit illi potentia creare cœ-
 lum , terram , & angelos ex nihilo : possibile etiam forma-
 re corpus Christi sanctissimum ex purissimis sanguinibus
 sanctissimæ Virginis ; possibile , totam Christi humanita-
 tem ex corpore & anima constantem unire diuinitati in
 unitate suppositi diui , ut non habeat suppositum proprium
 nec propriam personam humanam ; sed unum diuinum
 suppositum , siue una diuina persona , Verbum æternum ,
 Filius Dei naturalis , sit in duabus naturis , diuina & hu-
 mana . Sic possibile fuit illi , Virginem sanctissimam con-
 cipere ac Virginem parere Saluatorem nostrum , Deum &
 hominem , ipsa semper Virgine existente ac Virgine re-
 manente , possibile etiā Saluatori nostro , insanabiles infir-
 mitates secundum naturam creatam , sanare sua potentia
 increata & infinita : possibileque ipsum suum corpus ia-
 nuis clausis ad suos discipulos introducere : possibile , mor-
 tuos suscitare , & infinita prout uolebat operari miracula .
 Cum his igitur non est dubium , possibile ei esse , possibi-
 leque fuisse , ponere corpus suum sacratissimum substantia-
 liter præsens in altissimo Eucharistiæ sacramento . Si au-
 tem quispiam dixerit hoc non esse Deo possibile , sed pror-
 sus impossibile : eum oportet ostendere , quomodo hoc sit
 Deo impossibile , cui possibilia sunt omnia illa quæ memo-

Lucæ 1.

1. 1. 1.
 1. 1. 1.
 1. 1. 1.

De Cœna, & Calice Domini

rauimus. Et quandiu hoc non ostenderit, ego ei non credo; nec cum illo uolo habere sermonem, ob id quòd audet negare hoc potentia diuinæ infinitæ, ei tantopere derogando. Secundum horum trium constat ex ipsa fide, nec melius aut facilius probari potest aliunde, quàm ex fide ipsa. Quia enim fides nullo loco, nec ex aliqua ratione, uel causa, tenet aut docet oppositum; sequitur euidenter, hoc cum fide nullam habere repugnantia. Aut ostendat aliquis, hoc in re aliqua, fidei repugnare. Nos enim fidem nostram Christianam intelligimus, secundum omnes ueritates reuelatas nobis à Deo: in quibus nullam reperimus, quæ huic nostræ assertioni de reali existetia Christi in sacramento, repugnet. Tertium autem horum trium constat maximè, & super multa alia, ex natura rei: ex qua manifestò nouimus, hanc realem Christi existentiam supra modum cum charitate sua, quam habet erga nos, conuenire. Vt quemadmodum ea ipsius charitas in omnibus aliis fuit semper, & est, & erit summa: ita & in hac sacra existentia & præsentia, sit per omnia admirabilis.

*Gabriel
lect. 39.
litera A.*

Gabriel Biel super Canonem Missæ, postquàm eorum recitauit errorem, qui, ut Berengarius olim dixit, dicunt corpus Christi uel sanguinem non esse substantialiter in hoc sacramento, nec substantiam panis & uini in substantiam carnis & sanguinis conuerti, sed ibi esse corpus Christi solum tanquam in signo, & in signo solum ibi manducari. Aduersus eundem errorem ita dixit secundum tres statim dictas considerationes, Periculosissimus est error iste, & perniciosissimus contra fidei utilitatem, contra diuinæ charitatis magnitudinem, contra sacramenti dignitatem & excellentiam. Magna est enim utilitas fidei ex hoc, quòd sub specie panis continetur uerum corpus Christi. Ex illa enim continentia, multa accidunt circa hoc sacramentum, quæ sunt supra potestatem naturæ, quorum fides est fidelibus ualde utilis & meritoria. Hoc idem est etiam charitatis Christi maximum indicium, qui sua præsentia corporali, uoluit nobis utilissimè providere: ut doceat sacramenti huius fructus, diligenter masticati. Ex præsentia denique Christi, eo modo quo ibi est, declara-

tur multipliciter potentia Dei: ex quo sacramenti huius dignitas elucescit. Hæc ille.

Igitur cum realis & substantialis existentia corporis Christi in sacramento Eucharistiæ, non repugnet Dei omnipotentia, nec repugnet fidei, nec repugnet charitati, uel Christi erga nos, uel nostræ erga Christum: sit consequens, ut debeamus intelligere prædicta uerba Christi in suo proprio sensu, quem faciunt. Ut cum ipse porrigens cibum suis Apostolis dixit, Hoc est corpus meum. intelligamus & firmiter credamus ibi fuisse corpus suum non solum tanquam in signo & per significationem, sed etiam per proprietatem, atque substantiam. Manet ergo demonstratio inuictissima.

Confirmari potest eadem ueritas, non minus euidenter ex eo, quod quicquid sit de facto, si res esset factibilis, & Christus hoc fecisset, ut suum proprium corpus realiter ac substantialiter sub specie panis posuisset, & illud suis Apostolis manducandum tradidisset: profectò eam rem altissimam satis his uerbis explicasset, quibus eis diceret, Accipite & manducate, Hoc est corpus meum. Ergo ubi crediderimus potentiam, & uiderimus ea uerba dici, & nouerimus Christum ueracem, qui neque potuit nobis mentiri, nec potuit nos decipere: superest, ut firmiter credamus ita factum esse, & ita fieri. Modicæ fidei, quare dubitasti? Modica fides est, & magna dubitatio, immo & magna negatio est uerborum Christi, suæ potentia, & suæ ueritatis, ubi ad alias expositiones confugitur, cum Berengario antequam pœniteret, & cum Vuicleff.

Confirmatio.

Alia ratio est ad eandem ueritatem nostram catholicā, & profectò potentissima, ex cōmuni modo loquendi omnium sanctorum Patrum, etiam uetustissimorum, quem conformiter obseruarunt, loquentes de hac mirabili existentia Christi in sacramento Eucharistiæ: quo luce clarius ostenditur eos intellexisse & credidisse, corpus & sanguinem Christi esse in hoc sacramento præsentia, non solum tanquam in signo, sed etiam tanquam in realiter continente: ut in hoc sacramento sint, non solum quia per ipsum significantur, sed etiam quia ab ipso substantialiter

Ratio secunda.

De Cœna, & Calice Domini

continentur. Modus loquendi semper fuit obseruatissimus à sanctis Patribus, ut agerent de existentia Christi in hoc sacramento tanquam de re altissima, miraculosa, & prorsus supernaturali, ad quam nulla potest potentia pertingere nisi sola increata & infinita: & quam, superueniens Spiritus sanctus ad prolationem uerborum Christi per sacerdotem, facit sua diuina uirtute. Vnde hoc opus uocāt miraculosum, immo etiam & miraculorum omnium à Christo factorum, maximum: & ad fidem huius rei, id est, huius existentie Christi in sacramento adstruendam, eamque probandam exemplis, nihil aliud adducunt nisi miracula; palam dantes intelligi, eam rem esse miraculosam, quæ non nisi miraculis declarari aut probari ualeat. Demonstratio euidentissima, quòd existentia Christi in sacramento non est solum tanquam in signo, sed uerè est etiam ibi tanquam in realiter continenti. Quare sic? Quia existentia Christi in sacramento solum tanquam in signo, non est opus ita altissimum, neque ita miraculosum: sic enim tanquam in signo, fuit Christus in omnibus sacrificiis, quæ fuerunt in populo Dei, ab origine sæculi. Etiam absque miraculo. Ob quod ipse Saluator dicitur, Agnus, qui occisus est ab origine mundi, tum ex multis aliis causis, tum quia cum in omnibus sacrificiis significaretur, in omnibus illis dum occidebantur, occidebatur: uidelicet in suis figuris. Sicuti quodam modo dicitur occidi figuratum, dum occiditur eius figura: & ad instar cuius etiam aduersarij dicunt, Christum manducari in sacramento, quia manducetur eius signum, id est, ipsum sacramentum. Itaque igitur quòd Christus sit in sacramento solum tanquam in signo, non est magnum quid, nec est opus miraculosum: quia sic fuit in sacrificio Abel, in Sacrificio Melchisedech, in sacrificio Abraham, in omnibus sacrificiis Aaronis, & specialiter in agno Paschali, atque in sacrificio expiationis. Immo etiam & homines uel auctoritate publica, uel auctoritate priuata possunt sibi imponere signa ad significandum Christum in præsepi, in cruce, aut in sepulchro: quibus signis uisis, in memoriam Christi erigantur, & ad fidem spem, atque charitatem eius quodam modo excitentur.

tentur. Ergo non est illa sola existentia Christi in sacramento, quam patres altissimam, singularem, & miraculosam, cognoscebant, credebant, commendabant, solique uirtuti seu potentiae diuinæ possibilem prædicabant tota die. Alia igitur existentia Christi in sacramento huiusmodi, est à nobis inquirenda, & credenda, ut cum sanctis patribus antiquis sapientes simus, & cum illis unam fidem habeamus, credendo eadem credibilia. Quæ alia existentia talis? Quæ sit altissima, miraculosa, & soli Deo possibilis. Quæ est hæc? Quidem est, existentia substantialis Christi, corporis eius & eius sanguinis, in hoc sacramento augustissimo, atque diuinissimo. Hanc intelligunt & hanc requirunt testimonia patrum, de mirabili existentia Christi in hoc sacramento loquentium. Summè precor lectorem, ut attentè legat dicta patrum superius posita de hac re, & quem modum loquendi habeant, & quam existentiam diligenter animaduertat.

Ambrosius in libro de iis, qui mysteriis inicianur, multa dicit, quibus manifestat hanc suam mentem esse, & hanc mentem aliorum sanctorum patrum fuisse continuò in Ecclesia, ut in hoc sacramento sit uera, atque realis Christi eiusque corporis & sanguinis existentia, atque substantialis præsentia: non utcunque, sed profectò per diuinam potentiam, & miraculosè. Primum enim egit, De sacrosancti corporis dominici communione, & in conuiuio cœlesti: ostendens etiam antiquiora esse Ecclesiæ sacramenta quàm Synagogæ, fuerint, & præstantiora quàm fuerit manna. Antiquitatem probauit ex sacrificio Melchisedech. probando autem præstantiam super manna, inquit, Re uera mirabile est, quòd manna Deus pluerit patribus & quotidiano cœli pascebantur alimento. Vnde dictum est, Panem Angelorum manducauit homo. Sed tamen panem illum qui manducauerunt, omnes in deserto mortui sunt. Illa autem esca, quam accipis, iste panis uiuus qui descendit de cœlo, uitæ æternæ substantiam subministrat: & quicumque hunc panem manducauerit, non morietur in æternum: & corpus est Christi. Hæc ille, Post hæc immedia-
tè; agens De uirtute sacramenti corporis & sanguinis

Ambro.

*cap. 3.
tom. 4.*

Ibid.
cap. 9.

1. Cor. 10.

Christi, & comparatione per excessum ipsius ad Manna; & ad aquas petrae, & de per plurima exempla probatione, quod corpus Christi, quod accipimus, non panis sit, sed caro, quæ ex Virgine nata, quæ crucifixa, quæ sepulta fuit. dicit ad propositum manifestè, Considera nunc utrū præstantior sit panis Angelorum, an caro Christi, quæ utique corpus est uitæ. Manna illud è cœlo, hoc supra cœlum. Illud cœli, hoc Domini cœlorum. Illud corruptioni obnoxium, si in diem alterum seruaretur, hoc alienum ab omni corruptione: quod quicumque religiosè gustauerit, corruptionem sentire non poterit. Illis aqua de petra fluxit, tibi sanguis è Christo. Illos ad horā satiauit aqua, te sanguis diluit in æternum. Iudæus bibit, & sitit; tu cū biberis, sitire non poteris. Et illud in umbra, hoc in ueritate. Si illud, quod miraris, umbra est: quantum illud est, cuius & umbram miraris? Audi, quia umbra est, quæ apud patres facta est. Bibebant, inquit, de consequenti petra, petra autem erat Christus. Sed non in pluribus eorum complacitum est Deo. Nam prostrati sunt in deserto. Hæc autem in figura facta sunt nostri. Cognouisti præstantiora? Potior etenim lux, quàm umbra: ueritas, quàm figura: corpus auctoris, quàm manna de cœlo.

Sequitur ex Ambrosio, Forte dicas, Aliud uideo, quomodo tu mihi asseris, quod Christi corpus accipiam? Et hoc nobis adhuc superest, ut probemus. Quantis igitur utimur exemplis? Probemus non hoc esse, quod natura formauit, sed quod benedictio consecrauit: maioremque uim esse benedictionis, quàm naturæ: quia benedictione, etiam natura ipsa mutatur. Virgam tenebat Moses, proiecit eam, & facta est serpens. Rursus apprehendit caudam serpentis, & in uirgæ naturam reuertitur. Vides igitur prophetica gratia bis mutatâ esse naturam, & serpentis, & uirgæ. Currebant Aegypti flumina aquarum meatu, subito de fontium uenis sanguis cœpit erumpere. Non erat potus in fluuiis. Rursus ad prophetæ preces cruor cessauit fluminum, aquarum natura remcauit. Circumclusus undique erat populus Hebræorū, hinc Aegyptiis uallatus, inde mari clausus. Virgam leuauit Moses, separauit se

Exod. 15.

4. Reg. 6.

De Cœna, & Calice Domini

Vera utique caro Christi, quæ crucifixæ est, quæ sepulta est; uerè ergo carnis illius sacramentum est. Ipse clamat
Matth. 26. Dominus Iesus Christus, Hoc est corpus meum.
Marci 14.
Lucæ 22.

Ecce manifestissimis & disertissimisq; uerbis fatetur Ambrosius; nos in hoc sacramento carnem Christi accipere, & quodd in hoc sacramento, rerum naturæ mutantur diuina benedictione; & consecratione; confirmans diuinis exemplis & miraculosis argumentis mutationem panis in corpus Christi; & probans quodd aliud uidemus; aliud accipimus. Non potest igitur dubitari de sententia Ambrosij, propter suum modum loquendi; determinandi, atque probandi. Similiter nec dubitari potest de sententia aliorum patrum; propter easdem rationes. Si enim caro Christi esset in hoc sacramento solum tanquam in signo: profecto nullo modo esset opus, id probare per miracula & exempla, quæ diuinam uirtutem & infinitam potentiam ostendunt. Sed sufficebat allegare impositionem illorum signorum ad id significandum, siue esset facta impositio à Deo, siue ab Angelis, siue ab hominibus.

Ratio tertia.

Ostenditur eadem ueritas tertio principaliter; ex communis confessione omnium Christianorum à principio nascentis Ecclesiæ usque ad hæc nostra tempora. Omnes namque semper confessi sunt, nos cum sacramento Eucharistiæ uerè atque realiter accipere corpus Christi, illud idem quod est in cælo; & quod fuit in cruce. Aduersarij nostri temporis dicunt sese cum sacramento uerè atque realiter accipere corpus Christi; etiam si ibi sit solum tanquam in signo. Respondemus nos, O fraudulentæ locutionem; artificio Satana inuentam, ad fugiendas patrum sententiæ, & illudendas animas pauperum ignorantium. Quomodo est possibile, ut in sacramento accipiamus Christum uerè atque realiter, si in sacramento non est Christus substantialiter? Consuetudo loquendi apud omnes homines, necdum apud omnes sapientes est, ut quicquid est in aliquo loco uerè atque realiter, sit in eo loco substantialiter; & quicquid non est in aliquo loco substantialiter, eo ipso non sit in eo loco uerè ac realiter. Omne quod est, alicubi est. Et nunquam concessum est ab aliquo sapiente, aliquid esse

Physic. 3.
 uel 4.

in aliquo loco uerè & secundum rem, in quo non esset secundum substantiam aut essentiam. Si ergo Christus est in sacramento uerè & realiter, ipse est in sacramento substantialiter. Si autem Christus non est in sacramento substantialiter, per consequens neque est in sacramento uerè & realiter. Quòd si Christus non est in sacramento uerè & realiter: ea ipsa ratione non accipitur Christus uerè & realiter in ipso sacramento, in quo non est uerè & realiter. Quid est esse in loco uerè? Est esse in loco secundum ueritatem. Quid est esse in loco substantialiter? Est esse in loco secundum substantiam. Quid est esse in loco essentialiter? Est esse in loco secundum essentiam. Secundum has Philosophias uerissimas, communissimas, & antiquissimas debuissent Philosophari, qui de rebus altissimis rectè sapere, aut rectè tradere uolunt: ut non traherent patrum sententias grauissimas, ad sensus alienos & leuissimos. Non dicimus hic quid sit esse in loco localiter, quia paulò post de ea re, specialis sermò, donante Deo, est habendus. Hic, neque plura, neque alia dicimus, quàm quæ ad propositum pertinent; alia omittimus.

Itaque sic ordine procedamus, Christus non sumitur nec manducatur uerè & realiter; nisi ubi ipse est uerè, & realiter. Sicut in uniuersum, nihil uerè & realiter tangitur, nisi ubi uerè & realiter est. Rursus, Christus non est uerè & realiter, nisi ubi est substantialiter: quia in uniuersum sua res, quæ est ipse, est sua substantia; & non separantur loco. Ex his iam sequuntur alia duo. Alterum, quòd si Christus in sacramento uerè & realiter sumitur, Christus in sacramento uerè & realiter est. Alterum, quòd si Christus in sacramento est uerè & realiter, Christus in sacramento est substantialiter. Vnde quia nos catholici Christiani secundum nostram catholicam & antiquam fidem corde credimus ad iustitiam, & ore confitemur ad salutem, Christum in sacramento uerè atque realiter sumi; sicut Christus ipse dicit, Accipite & manducate, Hoc est corpus meum: credimus & confitemur consequenter; Christum esse in sacramento uerè & realiter, atque Christum

De Cœna, & Calicē Domini

*Quomodo
dicant ad-
uersarij
Christū se
nobis in sa-
cramento
realiter
exhibere
& distri-
buere.*

*In quibus
aduersarij
conueniant
nobiscum.*

*In quo sit
inter nos
maxima
differētia.*

esse in sacramento substantialiter. Dicunt aduersarij, Christum se realiter exhibere nobis per communionē huius sacramēti, alendo nos proprio corpore, cuius participationē defluere in nos facit uirtute Spiritus sancti, in nobis adimplendo, quod figurat sacramentum: addentes, Christum se per hoc sacramentum nobis realiter distribuere, quia nos uitam ē carne sua semel in sacrificium oblata haurire facit. In his duobis conuenimus, tum in eo quod dicunt, tum in eo quod addunt. Doctrina nostra hæc est; cognoscimus illam ubicunque sit, & à quocunque dicatur. In quo igitur est differētia? In eo, quod ultra asserunt, Christum non se corporaliter exhibere nobis per huius sacramenti communionem, nec se nobis in sacramento corporaliter distribuere, nec suam corporalem præsentiam in hoc sacramento contineri, sed in solo cœlo ubi ipse Christus est circumscriptiue, seu localiter. Hæc eorum assertio nos facit differentes. Nam ut ex dictis constat, nos credimus, totum Christum in hoc sacramento esse realiter, animam, corpus, diuinitatē; pariter & corporalem suam præsentiam ibi adesse, atque contineri. Vnde & consequenter credimus, Christum se etiam corporaliter exhibere nobis per communionem huius sacramenti diuini, & seipsum nobis in illo distribuere corporaliter: non quod corpus eius diuidatur in partes, sed quia singulis sumētibz sacramentum, Christus se totum; & totum corpus suum præstat.

*Quo dicāt
aduersarij
Christū se
nobis rea-
liter exhi-
bere, cum
tamen ne-
gēt Christi
corpus ibi
esse.*

Si quærimus ab aduersarijs, Quomodo Christus nobis se realiter exhibet per communionem sacramenti; si non se nobis exhibet corporaliter, nec est in sacramento sua realis præsentia, id est, sui corporis? Respondent, quantum possumus ex doctrina eorum accipere; quod se nobis realiter exhibet; alendo nos suo corpore: hoc est, eius participationem influendo in nos uirtute Spiritus sancti; in nobis adimplendo, quod figurat sacramentum. Si autem iterum quærimus ab eis, Quomodo per hoc sacramentum se Christus realiter distribuit nobis: si non se nobis exhibet corporaliter? Respondent, Quia nos uitam ē carne sua semel in sacrificium oblata haurire facit. Quid

ergo? Ex his suis realitatibus, dum dicunt Christum in sacramento hoc, se realiter nobis exhibere, & se realiter nobis distribuere, nullam aliam realitatem dant in hac Christi reali exhibitione & reali distributione, nisi solam realitatem effectus realis spiritalis. Id est, Dum dicunt Christum in hoc sacramento se nobis realiter exhibere ac se nobis realiter distribuere, nihil aliud intelligunt, nisi quod Christus realiter nobis exhibet & realiter nobis distribuit spiritalia dona, quæ nobis meruit in carne sua, seipsum pro nobis offerendo semel in cruce, quibus donis corpori Christi incorporamur, & spiritaliter alimur. Quam doctrinam suam declarant aduersarii in exemplo Solis, qui dicitur se nobis realiter exhibere, atque se nobis realiter distribuere, eo solum, quod nobis realiter suos radios seu effectus reales communicat.

Quo realiter manducetur Christus in sacramento, secundum aduersarios.

Error igitur aduersariorum est in hac doctrina, quod negant Christum & corpus eius proprium realiter esse in hoc sacramento, aut realiter exhiberi, aut realiter distribui, quantum ad seipsum & in seipso: & asserunt quod realiter ibi est Christus & corpus eius solum quantum ad effectum seu effectus realem, seu reales, quos per sacramentum hoc, nobis realiter communicat Christus.

Error aduersariorum.

Contra hunc errorem aduersariorum nos iam egimus satis ex multis. Et contra hunc etiam agimus modo specialiter ex communi confessione omnium sanctorum patrum, qui nos præcesserunt. Omnes enim conformiter dixerunt Christum & proprium corpus eius in hoc sacramento esse, realiter exhiberi, realiter distribui, realiter sumi, ac realiter manducari: non solum quantum ad effectum, uidelicet quia per sacramentum realiter operatur in nobis effectus spiritalis: sed etiam quantum ad rem ipsam, Christum Saluatorem nostrum & eius corpus, fontem, radicem, & causam cunctorum ipsorum effectuum. Hæc fuit omnium patrum antiquissima & communissima confessio, ut constat ex iam allegatis dictis eorum, de reali existentia & manducatione Christi, & corporis eius populi in hoc sacramento altissimo: & ab ista recedunt aduersarii nostri, fingentes non alio modo manducari Christum rea-

Impugnatio catholica, erroris prædicti.

Quo realiter manducetur Christus in sacramento, secundum catholicos.

De Cœnâ, & Calice Domini

liter per sacramentum, nisi quia per sacramentum hoc, nobis realiter præstat bona spiritalia, quibus spiritaliter uiuimus. Hoc enim quod aduersarij dicunt, non est manducare realiter Christum, nec est Christum se nobis realiter exhibere, nec est Christum se nobis realiter distribuere in sacramento, cum sacramento, aut per sacramentum: sed est, Christum in nobis realiter operari, effectiue prout Deus est, aut meritoriè ut homo. Exemplumque aduersariorum de Sole, facit manifestè contra ipsos. nullo enim modo propiè dicitur Sol realiter esse nobiscum, aut realiter se nobis exhibere, aut realiter se nobis distribuere, aut à nobis realiter sumi, aut à nobis realiter tangi, dum in nos realiter diffundit suos reales radios, seu quosuis alios effectus: nisi secundum quendam modum loquendi, qui respicit præsentiam realiter causatiuâ & uirtualem, actionem ab ipso egredientem, & quidem uirtualem contactum seu physicum, quo saltem necesse est ut agens tangat passum, si circa illud habet exercere actionem. Vnde si hoc modo solùm Christus nobiscum esset realiter, aut se nobis realiter exhiberet, aut se nobis realiter distribueret per sacramentum Eucharistiæ: sequeretur quòd Christus non alio modo realiter nobiscum esset, aut se nobis exhiberet, aut se nobis distribueret per hoc sacramentum, quàm per alia sacramenta. Per omnia enim sua sacramenta operatur Christus realiter in nobis, suos effectus reales spirituales: & omnibus tangit animas nostras tali contactu uirtuali, seu physico, quo necesse est agens tangere passum, seu obiectum in quo agit. Et sic non magis manducaretur Christus realiter in sacramento Eucharistiæ, nec se in eo nobis magis exhiberet realiter, nec se realiter in eo nobis magis distribueret, quàm in aliis sacramentis. Quæ omnia cum ex errore aduersariorum sequantur, & cum diuina scriptura atque cum patrum confessione catholica pugnent, fugienda sunt toto cursu, & cum ipso errore ex quo sequuntur, damnanda.

Nos igitur catholici Christiani, fidem retinentes antiquam & uniuersalem omnium sanctorum, qui fuerunt dilectus Christum Saluatorem nostrum, eiusque diuinitatem,

tem, humanitatem, animam & corpus, realiter esse in hoc diuino sacramento Eucharistiæ modo altissimo & miraculoso: sic ut præsentialiter ibi sit totus, & realiter per hoc sacramentum se nobis distribuat, & realiter per hoc sacramentum in nobis operetur suos effectus reales; nõ quasi nos tangendo solo contactu uirtuali seu physico, sed etiam contactu mathematico. Vt quidem ipse realiter ac præsentialiter in nobis existens totus sub speciebus alienis, tanquam nos mathematicè tangens, realiter in nobis operetur suos effectus reales: sicut ignis non solum physicè, aut uirtualiter, sed etiam mathematicè tangit lignum, quod calefacit sibi contiguum. Ex qua re, satis constat, quomodo Christus ipse nos tangit, operando in nobis suos effectus per alia sacramenta, & quo modo nos tangat, operando in nobis suos effectus per hoc sacramentum: quia re uera, operando in nobis suos effectus per alia sacramenta, tangit nos quantum ad humanitatem suam, solo contactu uirtuali seu physico: sed operando in nobis suos effectus per hoc sacramentum, tangit nos quantum ad humanitatem suam, etiam contactu mathematico. Est enim in nobis totus Christus per hoc sacramentum, non solum operatiuè seu effectiuè; quin etiam præsentialiter substantialiter, ut ex dictis est notum.

*Cōtraſtus
Mathematicus.*

De reali cœna dominica secundum fidem catholicam omnium sanctorum, qui unquam in Ecclesia Christiana fuerunt, & de reali cœna dominica secundum fictionem aduersariorum Neochristianorum.

C A P. XI.



Ostra igitur cœna dominica secundum præcedentes diuinas scripturas & sanctorum patrum præcedentia testimonia, per respectum ad corpus Christi uerum, est realis duobus modis: Altero, quia in ea recipimus reales effectus Christi spirituales, fidem, spem, charitatem, obedientiam, &c. quibus affecti, Christo spiritualiter incorporamur, & à suo corpore pro nobis oblato haurimus quodam modo nobis uitam & salutem

Cœna nostra dominica est realis, duobus modis.

Primus modus.

De Cœna, & Calice Domini

*Secundus
modus.*

spiritualem, alimentum etiam & robur spiritale, unde animæ nostræ spiritaliter aluntur & roborantur Christi corpore, sic spiritaliter accepto. Altero, quia in ea Christus ipse realiter & substantialiter etiam in anima & corpore continetur, ahsistit, & est, cum cœna ipsa seipsum nobis præsentialiter exhibet, & cum cœna ipsa seipsum nobis præsentialiter distribuit: ita ut non solum animæ accipiant corpus Christi spiritaliter, sed etiam nostra corpora per cœnam dominicam accipiant corpus Christi in seipso realiter præsens, & illud in se habeant realiter, quandiu in nobis durauerit sacramentum. Et hoc est, quod Ireneus, Cyrillus, Hilarius, Damascenus, & multi alij patres ex iam nominatis, tantopere clamarunt non solum nostras animas, sed & nostra corpora uesci & ali corpore Christi in cœna, seu per cœnam, aut cum illa. Realis est igitur nostra cœna dominica per respectum ad corpus Christi uerum, duobus modis prædictis. Est insuper nostra cœna dominica per respectum ad corpus Christi uerum, non quasi uana aut egena solum significans, & non continens: sed quidem solida, ditissima, atque potentissima, significans Christum, & realiter continens significatum. Profecto autem è contra, cœna dominica aduersariorum secundum eorum fictionem, non est realis sic duobus modis, sed uno: quia, ut ipsi dicunt, non est realis secundo modo prædicto, sed solo primo. Deinde cœna dominica aduersariorum per respectum ad corpus Christi uerum, non est solida nec potens, sed est infirma & egena: quia corpus Christi uerum significat, sed illud non continet. Quando igitur aduersarij suam cœnam dicunt realem per respectum ad corpus Christi uerum, sic eam realem constituunt, ut eam realiter destruant, & ad Iudaismum declinent. Ut enim suam cœnam constituent realem per respectum ad corpus Christi uerum, dicunt ut constat ex articulis à Petro Richero traditis in Francia Antàrctica, quod Christus se realiter exhibet per cœnæ communionem, & quod per cœnam se Christus realiter distribuit. Sed his addunt, ut constat ex eisdem articulis, quod Christus non est in cœna, hoc est, quod corpus Christi non est præsens in cœna, nec Christus

Cœna nostra est solida, ditissima, & potentissima.

Cœna aduersariorum non est realis, nisi uno modo tantum.

Cœna aduersariorum non est solida nec potens, sed egena & infirma.

Aduersarij destruunt suam cœnam realem, et declinant ad Iudaismum.

Petrus Richerus.

corporaliter se exhibet per cœnam, nec per cœnam se corporaliter distribuit. Hæc autem sua additio destruit sine dubio suam realem cœnam per respectum ad corpus Christi uerum. Primum, quia uidentur aduersarij includere repugnantia in dictis suis. Non enim uidetur morale, nec possibile, nec plenè intelligibile, quòd per cœnam seu per sacramentum cœnæ, uerè atque realiter manducemus carnem seu corpus Christi, ad quòd per cœnam se Christus realiter exhibeat nobis seu distribuat, si ibi in cœna non sit Christus realiter præsens, nec eius corpus. Secundò, quia dum aduersarij prædicantes, dicunt Christum se realiter per cœnam exhibere. Si ab eis quærimus, num etiam realem corporis Christi præsentiam admittant in ipsa cœna? id negant, quamuis realem exhibitionem ac realem distributionem Christi & corporis eius per cœnam concedant. Hoc autem ænigma quoddam uidetur; quod tamen ipsi his dissoluunt uerbis. Christus, inquit, se realiter distribuit, id est, hoc nos afficit beneficio, ut in mortem suam credentes, hac ipsa fide, uitam ex eius carne hauriamus, quæ pro nobis in sacrificium oblata est. Aduersus hanc responsionem, qua ipsi suam cœnam destruunt, nos dicimus, Si communicantes hoc nos afficit Christus beneficio, ut in mortem suam credentes, hac ipsa fide, uitam ex eius carne hauriamus: & hoc solum, id est, in mortem Christi credere, & hac fide, uitam ex eius carne haurire, est Christum aut eius corpus realiter manducare; profectò iam non per cœnâ, sed per fidem fit realis manducatio carnis Christi. Non enim credimus, nisi per fidem, ut est certissimum: nec ex carne Christi uitam haurimus, ut ipsi aduersarij dicunt, nisi per fidem. Nihil ergo facit cœna, ad carnis Christi realem manducationem in hoc sæculo. Tertiò ad idem contra aduersarios est ipsa sua responsio. Quia si hoc modo solùm; carnem Christi in hoc sæculo realiter manducamus, quòd in mortem Christi credimus, & hac fide, uitam ex eius carne pro nobis in sacrificio oblata haurimus: sine dubio, ubicunque sic tali modo affecti fuerimus, siue in templo, siue in domo priuata, siue in platea, siue in agro, siue manducantes panem communem, siue manducantes

Ratio 1.
Cõtra cœnam aduersariorum.

Ratio 2.
Cõtra cœnam aduersariorum.

Ratio 3.
Cõtra aduersarios.

cœnes porcinas; siue bibentes uinū, siue bibentes aquam, carnem Christi eodem modo realiter manducamus, quocumque realiter comedimus, cœnam edentes. Vbi est ergo prerogatiua cœnæ? Periiit, periiit, inquam, apud aduersarios. Sed non periiit apud nos. nos enim præter realem manducationem spiritalem carnis Christi, quæ est communis omnibus credentibus iustis, in omnibus locis; ponimus & credimus aliam realem manducationem carnis Christi, quæ est illorum tantum, qui sacram Eucharistiam sumunt, siue iusti, siue iniusti sint. Ergo quod aduersarij dicunt, nos in hoc sæculo non alio modo manducare realiter carnem Christi, nisi in mortem eius credentes, & hac fide, uitam ex eius carne haurientes: ex diametro repugnat eorum doctrinæ; quæ dicunt, nos per cœnam realiter manducare carnem Christi, aut Christum per cœnam se nobis realiter exhibere. Si enim solum per fidem, ergo non per cœnam. Patet hæc consequentia, quia fides non est cœna de qua loquimur, nec cœna est fides. Quandoquidem fides est, res quædam spiritalis animæ, & quædam eius spiritalis affectio, actus uel habitus, de qua in Quadrupartita iustitia, multa diximus: cœna uero de qua agimus, est res externa sensibilis, & quoddam fidei sacramentum. Quartò, quia dum aduersarij dicunt nos per cœnam realiter manducare carnem Christi, hoc ita declarant, ut manifestè doceant nos non per cœnam, sed in cœna manducare Christi carnem. De hoc tamen, statim plura.

par. 1.
lib. 2.
cap. 2.

Ratio 4.
Cōtra ad
uersarios.

Aduersarij decli-
nant ad Iu-
daismum.

Modus mā-
ducandi rea-
liter car-
nē Christi
per fidem,
fuit etiam
olim in Iu-
daismo.

Declinant etiam aduersarij ita dicentes, ad Iudaismū. Patet intellectui, & sensui communi omnium. Non enim ponunt in nostra religione Christiana alium modum realiter manducandi carnem Christi propriam, nisi cum solum, qui est per fidem: ut dum in mortem Christi credimus, hac ipsa fide, uitam ex carne Christi pro nobis oblata, haurimus. Hic autem modus manducandi realiter carnem Christi per fidem, fuit etiam olim in ueteri testamento apud Iudæos; ante aduentum Saluatoris nostri in mundum per carnis assumptionem: nisi quòd nos Christiani fide explicita credimus in carnem Christi pro nobis oblata, Iudæi autem, eo tempore fide explicita uel implici-

ta credebant in carnem Christi pro nobis offerendam. Immo etiam & iste modus manducandi realiter carnem Christi per fidem, fuit semper in uiris iustis ab initio mundi, saltem post peccatum. Sic Abraham exultauit ut uideret diem Christi, uidit, & gauisus est. Ad Iudaismum ergo fugiunt aduersarij, dum ita docent. Ad idem est contra aduersarios, quod dicentes hunc tantum modum manducandi realiter carnem Christi, esse in Ecclesia Christiana, simul dicunt eo ipso, nos Christianos non manducare realiter carnem Christi per cœnam, sed manducare carnem Christi realiter in cœna. Probat, quia ut dicunt sese declarantes, non per cœnam sed per fidem, carnem Christi tangimus, & ab illa uitam haurimus: unde iam non per cœnam, sed in cœna, per fidem, carnem Christi secundum eos manducamus. Hoc autem ipsum continebat Iudæis comedentibus agnū paschalem, aut manna, de quibus non est dubium, quin agnum paschalem aut manna comedentes, & ad significatum earum rerum Christum, mentem eleuantes & in mortem eius futuram credentes, hac fide, ex carne Christi uitam haurirent, & carnem Christi isto modo per fidem realiter manducarent. Nunquid per agnum illum aut per Manna? Nunquid per manducationem illius agni aut Mannæ? Absit. Quomodo igitur? non per esum agni aut Mannæ, sed in illo esu, per fidem. Ad Iudaismum ergo declinant aduersarij eo quod, quantum ad realem manducationem carnis Christi, æqualem faciunt nostram cœnam Christianam Eucharistiæ, cum cœna Iudaica agni Paschalis typici. Repugnant ergo aduersarij sibi ipsis, quia dum dicunt nos per cœnam realiter carnem Christi manducare, aut per cœnam Christum se nobis realiter exhibere, aut per cœnam Christum se nobis realiter distribuere, id tali modo declarant, ut dicant nihil horum Christum facere realiter per cœnam, sed hæc ipsum realiter facere in cœna, per fidem. Falsa docent, sibi metipsis repugnant, res & ueritates Christianas æquant figuris & umbris Iudaicis, ideo eos auersamur. Habemus nostram cœnam Christianam præstantem in infinitum supra cœnā Iudaicam, in qua &

De Cœna, & Calice Domini

per quam realiter manducamus carnem Christi, eam fide & ore percipientes, Abeant, qui aliud docent; anathema sint, uel potius conuertantur, & nobiscum ex sancto Euangelio, sanctisque patribus sapiant; quod ex corde optamus, & precamur ut Deus opt. max. faxit.

Conclusio tertia, qua Christum, eiusque proprium corpus, diuino Eucharistia sacramento inesse recte affirmatur, probanda desumitur, scriptorumq; catholicorum diffis adstruitur. CAP. XII.



Tertia conclusio de existentia corporis Christi in Eucharistia sacratissima, quam superioris posuimus, ita habet, Corpus Christi est in sacramento Eucharistia per conversionem, seu transsubstantiationem substantie panis in ipsum: Hæc conclusio supra præcedentem

De quo fuerit conclusio præcedens.

conclusionem, addit modum quendam. Verbi gratia, Diximus & probauimus in præcedente conclusione & circa illam, quod postquam sacerdos cum intentione consecraret, super panem & uinum, quod offert Deo in altari, dicit uerba consecrationis, statim eo instanti ponuntur uerè, realiter, atque substantialiter corpus & sanguis Christi sub speciebus panis & uini... Hæc est ueritas & doctrina catholica præcedentis conclusionis. Hæc autem conclusio præsens addit super hoc, modum quendam; quia declarat

De quo sit conclusio præsens.

Modus quo ponitur substantia corporis et sanguinis Christi sub speciebus panis & uini.

Positio corporis & sanguinis Christi sub speciebus panis et uini, cur dica-

corpus & sanguinem Christi per consecrationem poni sub speciebus panis & uini, sic uidelicet; non quasi substantia panis aut uini ibi remaneat simul cum corpore & sanguine Domini, sed quia simul tempore dum substantia corporis & sanguinis Christi sub accidentibus panis & uini ponitur, substantia panis & uini inde abiicitur, expellitur, aut remouetur, remanentibus panis & uini accidentibus sensibilibus. Vnde ista talis positio corporis & sanguinis Christi sub speciebus panis & uini, dicitur & est transsubstantiatio: quia expellit substantiam panis & uini de sub suis accidentibus propriis, & constituit aut ponit sub illis substantiam corporis & sanguinis Christi. Neque refert, quod hæc uox Transsubstantiatio, sit noua à trecentis uel qua-

dringentis annis exorta ; cum aliæ uoces æquiuales sint antiquissimæ , ut constabit ex dicendis ; & cum etiam hæc uox licet noua , maximè tamen conueniat ipsi rei.

Ad huius conclusionis præsentis probationem , facit primum conclusio præcedens , & eius ueritas , simul cum uerbis diuinis in sancto Euangelio repertis , & modo loquendi quem seruauit Dominus , hoc diuinum sacramentum suis Apostolis tradens . Dum enim cœnaret Christus cum duodecim discipulis , accepit panem , benedixit , fregit , & cum discipulis tradidisset , dixit , Hoc est corpus meum . Ecce panem accepit de mensa , panemque benedixit ; sed corpus suum dedit . Vnde non dubium , quin dum dedit , panem in corpus suum mutauit , aut mutauerit . Accedit his , quòd cibum hunc diuinum porrigens Apostolis , non dixit Christus , In hoc est corpus meum . tunc enim manifestè indicaret ibi simul esse & panem : Sed dixit , Hoc est corpus meum . significans substantiam panis iam abiisse , recessisse , & ibi non esse .

Ad idem secundò est , ea communis doctrina omnium sanctorum patrum etiam antiquissimorum , paulò ante , idest , ad conclusionem præcedentem in uerbis eorum posita , qua , ut uidimus , omnes dicunt , panem & uinum , quæ Domino in altari de suis donis offerimus , Domini uerbo per sacerdotem dicto , benedictione , prece , aut consecratione interposita , in corpus & sanguinem Christi commutari , aut conuerti , Qui sunt ij patres antiqui , ita dicentes ? Irenæus , Cyprianus , Gregorius Nyssenus , Eusebius Emislenus , Damascenus , Chrysost. Theophylactus , Ambrosius , & alij , quos memorauimus , quorumque testimonia iam superius adduximus . In uniuersum autem , dum aliqua substantia mutatur , commutatur , aut conuertitur in aliã , uel dum ex aliqua substantia fit alia , illa ex qua fit mutatio , uel conuersio , non manet . Exempla sunt manifesta & penè infinita , in omnibus mutationibus , commutationibus , uel conuersionibus naturalibus substantialibus , elementorum aut elementatorum , simplicium aut mistorum . Quando enim aqua mutatur aut conuertitur in aërem , profectò non manet aqua ; & quando alimentum conuertitur

tur trans-
substantia-
tio.

De uocabulo, trans-
substantia-
tio.

Probò. 1.
Conclus. 3.

Matt. 26.
Marc. 14.
Lucæ 22.

Probò. 2.
Conclus. 3.

ap. nat.
27. 3

tur in alitum, non manet illud alimentum in sua natura. Hanc philosophiam uerissimam & notissimam, profecto nouerunt illi patres, ex omni parte & in omni genere scientiarum doctissimi. Vnde quia constanter & conformiter dixerunt, panem & uinum, quæ in altari Domino offeruntur, per consecrationem sacerdotis uerbo, & uirtute Christi factam, mutari, commutari, conuerti, & transire in Christi corpus & sanguinem: eadem assertionem dixerunt, substantiam panis & uini non manere.

Ut autem hæc patrum sententia nunc denuo in memoriam reuocetur, ecce & hic nonnulla eorum dicta asserimus, ex illis multis, quæ superius posuimus.

IRENEUS.

lib. 4.
cap. 34.

lib. 5.

lib. 4.
c. 34.

Ireneus dixit, Quomodo autem constabit eis, eum panem in quo gratiæ actæ sunt, corpus esse Domini sui, & calicem sanguinis eius; si non ipsum fabricatoris mundi Filium dicant, idest, Verbum eius? Idem, Quando ergo & mistus calix & factus panis, percipit uerbum Dei, fit Eucharistia sanguinis & corporis Christi. Idem, Quemadmodum enim qui à terra est panis, percipiens inuocationem Dei, iam non communis est panis, sed Eucharistia duabus rebus constans, terrena & cœlesti: sic corpora nostra percipientia Eucharistiam, iam non sunt corruptibilia, spem resurrectionis habentia. Ecce qui à terra est panis, percipiens inuocationem Dei, iam non communis est panis, sed Eucharistia duabus rebus constans, terrena & cœlesti. Quibus uerbis suis manifestè addit, Vbi panis perciperit uerbum Dei, desinit esse panis communis. Dicamus igitur nos ex Ireneo, Ergo essentia diuinæ infusione ac perceptione, panis, quod erat, esse desinit, resque noua factus est. Mutatur ergo panis, tum in eo quòd esse desinit, tum in id quòd esse cœpit: atque hoc modo à priori substantia, in diuinam transit. Panis enim ille communis in altari positus, non potest desinere esse panis communis per uerbum Dei superadueniens, nisi aliquo modo in ipsa uocata desitione mutetur, Non mutatur autem in accidentibus,

dentibus, ut constet ad sensum omnium, infidelium, & fidelium: qui omnes ibi sentiunt post consecrationem, cuncta, quæ antea sentiebant. Igitur mutatur in substantia. In substantia ergo mutatur ille panis communis, quando definit esse panis communis: ut sit hæc mutatio ab esse panem communem, ad non esse panem communem: & fiat in substantia ut est ostensum. Sed quid incipit esse, aut quid est ille panis, qui fuit communis, dum definit esse communis? Eucharistia, inquit Ireneus, duabus rebus constans, terrena & cœlesti. Ecce alia mutatio panis communis in altari positi: uidelicet in id quod non erat: ut sit hæc alia mutatio a non esse Eucharistiam duabus rebus constantem, terrena & cœlesti, ad esse Eucharistiam duabus rebus constantem, terrena & cœlesti.

Quid ergo? Hæc terrena materia, qua post uerbi perceptionem panis consistit, ea ne est, qua prædictus erat ante ipsam uerbi perceptionem? ut additione, uerbi que perceptione, nunc constet illa propria uetere natura, ei addita cœlesti? Absit. Si ita est, panis non desinit esse communis. Nihil enim accessione uerbi, ab eo detractum, aut immutatum est: sed communis existens, ea creuit accessione. Quod si hac tantum ratione, quod uidelicet creuerit, hunc panem esse communem desinuisse aliquis putet, primum expediat nobis quomodo fieri possit, ut res prophana, id est panis materia, diuinitatem ferre possit, ut communionem ipsius diuinitatis, diuina non efficiatur, sicut caro, quæ ex Maria Virgine sanctissima, diuina facta est. Deinde ostendat, quomodo remanente toto pane communi quantum ad totam eius substantiam & quantum ad omnia sua accidentia, ille ipse panis desinit esse communis. Certè quando aliquid, retentis omnibus, quæ habebat, aliquid uel aliqua accipit denuò, non dicitur desinere esse quod erat, sed dicitur incipere esse quod non erat. Exemplum est manifestum in Verbo diuino, naturali Filio Dei: de quo dum factus est homo, accipiens nostram humanitatem, & retinens totam suam diuinitatem, non dicimus quod desinit esse Deus, sed dicimus quod incepit esse homo. Quando igitur Ireneus dixit, quod noster panis

De Cæna, & Calice Domini

communis percipiens uerbum Dei, desinit esse panis communis, & fit Eucharistia, &c. planè intellexit hanc mutationem non esse per solam acquisitionem rei nouæ, quin etiam per amissionem rei antiquæ.

Valde igitur notanda sunt illa duo uerba sancti uiri doctissimi & antiquissimi Irenei, Alterum quo ait, Quando ergo & mistus calix, & fractus panis percipit uerbum Dei, fit Eucharistia sanguinis & corporis Christi. Alterum quo inquit, Vbi panis perceperit uerbum Dei, desinit esse panis communis. Atque ex his multisque aliis eius dictis deducat theologus Christianus Irenei sententiam, & mentem. Nos interim alios doctores audiamus antiquos, qui idem profectò, sed clarioribus uerbis dicunt.

CYPRIANVS.

Cyprianus ait, Panis iste, quem Dominus discipulis porrigebat, non est effigie sed natura mutatus, omnipotentia Verbi factus est caro. Et sicut in persona Christi, humanitas uidebatur, & latebat diuinitas: ita sacramento uisibili ineffabiliter diuina se infudit essentia. Ecce panis omnipotentia Verbi mutatus est, non effigie sed natura, & factus est caro Christi. Non possumus hinc clariora uerba Martyris Cypriani desiderare: adeo sunt hæc perspicua, adeo manifesta. Non mutatur panis effigies, quia manent omnia accidentia, quæ sensibus patent. Mutatur autem panis natura.

GREGORIUS NISSENIUS.

Gregorius Nissenus in libro De mystica uita Moïsis, ait, exponens rationem illius cibi mannæ in deserto dati patribus, Is igitur mirabilis sine agricultura panis, uarietate qualitatis ad suscipientium habitudinem, uirtutem suam commutat. Nam cum sit panis, ignorat labeferi: sic in carnem uertitur: noluit olus imitari. Quicquid denique assumentem conueniens & expectitum sit, ut Apostolus uult, qui hanc nobis mensam præparauit, in id commutatur.

Ecce panis hic noster in altari oblatuſ, in carnem uertitur, & onimenti nobis aſſert utilitatem. Idem auctor in ſuo ſer-
mone catechetico de diuinis ſacramentis, etiã aperto aper-
tius, Rectè igitur & nunc panem diuino uerbo ſanctifica-
turi, in corpus Dei Verbi tranſmutari credimus. Hæc ille.

EUSEBIUS Emissenus.

Eusebius Emissenus ad idem dicit, Nam inuiſibilis Sa-
cerdos, uiſibiles creaturas in ſubſtantiam corporis & ſan-
guinis ſui uerbo ſuo, ſecreta poteſtate conuertit, ita di-
cens, Accipite & comedite, Hoc eſt corpus meum. No-
uum tibi & impoſſibile eſſe non debet, quòd in Chriſti
ſubſtantiam terrena & mortalia conuertuntur. Hæc ille.

AMBROSIVS.

Ambroſius in libro de iis, qui myſteriis initiantur, mul-
tis admodum argumentis miraculoſis & exemplis diuinis cap. 9.
probat, in hoc diuino ſacramento Eucharistiæ, poſt con-
ſecrationem, iam non hoc eſſe quod natura formauit, ſed
quòd benedictio conſecrauit, maioremque uim eſſe bene-
dictionis quàm naturæ, quia benedictione etiam natura
ipſa mutatur. Dicit multa alia ad idem; uideantur quæ
ſuperius ſunt poſita.

IOANNES Chryſoſt.

Ioannes Chryſoſt. ſuper Matthæum, credamus ubique Hamil. 83.
Deo, nec repugnemus ei, etiam ſi ſenſui & cogitationi no-
ſtræ abſurdum eſſe uidetur quod dicit: ſuperet & ſenſum,
& rationem noſtram, quæſo, ipſius uerbum. Quod in
omnibus & præcipuè myſteriis faciamus, non illa quæ ante
nos iacent ſolummodo aſpicientes, ſed uerba quoque eius
tenentes. Nam uerbis eius defraudari non poſſumus, ſen-
ſus uerò noſter deceptu facillimus eſt: illa falſa eſſe non
poſſunt, hic ſæpius atque ſæpius fallitur. Quoniam ergo
ille dixit, Hoc eſt corpus meum. nulla teneamur ambigui-

De Cœna, & Calice Domini

tate, sed credamus; & oculis intellectus id perspiciamus. Non sunt humana uirtutis hæc opera; que tunc in illa cœna confecit, ipse nunc quoque operatur, ipse perficit, ministrorum nos ordinem tenemus, qui uero hæc sanctificat & transmutat, ipse est. Ecce Saluator noster sanctificat & transmutat quæ in altari offerimus, & facit corpus suum, uerbo suo potentissimo; transmutat, inquam, remanentibus sensibilibus accidentibus, ut declarat.

CYRILLVS.

Cyrillus Episcopus ad Calosyrium Episcopum, Ne horreremus carnem & sanguinem apposita sacris altaribus, condescendens Deus nostris fragilitatibus, influit oblati uini uita, conuertens ea in ueritatem propriæ carnis. Ecce Christus conuertit oblata, in ueritatem propriæ suæ carnis: & propriam suam carnem sub alienis accidentibus nobis præstat, ne aliàs datam sub propriis horreremus. Fattetur ergo quod conuertit oblata, in propriam suam carnem.

EUTHYMIUS.

cap. 64.
in Math.

Euthymius Eremita, etiam ex antiquis patribus, quia uixit, anno 448. dicit, Itaque sicut uetus testamentum hostias & sanguinem habebat, ita sanè & nouum: corpus uidelicet, & sanguinem Domini. Non dixit, Hæc sunt signa corporis mei & sanguinis mei: sed, hæc sunt corpus meum & sanguis meus. Oportet ergo non ad naturam eorum, quæ proponuntur aspicere, sed ad uirtutem eorum. Quemadmodum enim supernaturaliter assumptam carnem deificauit, si ita loqui liceat, ita & hæc ineffabiliter transmutat in ipsum uiuificum corpus suum, & in preciosum sanguinem. Ecce transmutat.

I OAN. Damascenus.

lib. 4.
c. 14.

Ioannes Damascenus in De fide Orthodoxa, inquit, Panis & uinum transmutatur in corpus & sanguinem Dei.

Si autem modum requiris, quoniam pacto fiat, fac sit tibi audire, quoniam per Spiritum sanctum. Ecce panis & uinum, per Spiritum sanctum transmutantur in corpus & sanguinem Christi.

AVGVSTINVS.

Augustinus ad idem, uoluit Dominus hunc panem & uinum in mysterio uerè carnem suam & sanguinem suum consecratione Spiritus sancti potentialiter creari. Ex substantia panis & uini, mysticè corpus Christi consecratur. Infra corpus Christi & sanguis in uirtute Spiritus sancti ex panis & uini substantia efficitur. Per Spiritum sanctum hanc, scilicet panis substantiam, suam efficit carnem, & transit uinum in sanguinem. Infra, Credendum est, quod in uerbis Christi sacramenta conficiantur: cuius enim potentia creantur prius, scilicet panis & uinum, eius utique uerbo ad melius procreantur. Ecce panis & uinum consecratione Spiritus sancti potentialiter creantur uerè in carnem & sanguinem Christi: atque corpus Christi & sanguis in uirtute Spiritus sancti, efficitur ex substantia panis & uini. Transit ergo substantia panis & uini, & nō est in seipsa.

De consecr.
diff. 2.
Vtrū sub
figura.

Idem Augustinus, Sicut per Spiritum sanctum uera Christi caro sine coitu creatur; ita per eundem ex substantia panis & uini idem corpus Christi & sanguis consecratur. Corpus Christi & ueritas est, & figura. Veritas, dum corpus Christi & sanguis uirtute Spiritus sancti ex panis uiniq; substantia efficitur. Figura uerò est id, quod exterius sentitur. Ecce non potuit Augustinus confiteri hanc ueritatem apertius.

Bene refert Magi
ster sent.
lib. 4.
diff. 10.

HVGO.

Hugo in De sacramentis ad eandem ueritatem inquit, sacramentum corporis & sanguinis sui, ipse Dominus Iesus Christus instituit, quando post cœnam ueteris Patris, panem & uinum in corpus & sanguinem suum potentia transmutans, Apostolis sumendum distribuit. Idē

lib. 2.
par. 8.
cap. 2.

Ibid.

cap. 9.

auctor ex intentione declarans mysterium, ita docet, Per uerba sanctificationis, uera panis, & uera uini substantia in uerum corpus & sanguinem Christi conuertitur: sola specie panis & uini remanente, & substantia in substantiam transeunte. Conuersio autem ipsa non secundum unionem, sed secundum transitionem credenda est. Hæc ille. Dicit ibi & multa alia ad idem, sed hæc modò faciunt satis.

THEOPHYLACTVS.

Theophylactus.
lactus.

Mat. 14.

Theophylactus super Marcum, Hoc est corpus meum. Hoc, inquam, quod sumitis. Non enim figura & exemplar quoddam Domini corporis panis est, sed in illud ipsum conuertitur corpus Christi. Misericors Deus nostræ infirmitati condescendens, speciem quidem panis & uini seruat, in uirtutem autem carnis & sanguinis transelementat. Ecce Deus transelementat panem & uinum in corpus & sanguinem Christi, seruans tamen panis & uini speciem, idest, similitudinem, effigiem, seu sensibilia accidentia. Idem auctor super Ioannem, Transformatur accensionem sancti Spiritus, in carnem Domini. Igitur & nunc panis in carnem Domini mutatur. Quoad Theophylacti autem antiquitatem quibusdam uidetur, uixisse circa annum, à Christo nato 750.

In cap. 6.
Ioannis.

Ita ergo crediderunt & nobis suis posteris per sua scripta tradiderunt sancti patres, Ireneus, Cyprianus, Gregorius Nissenus, Eusebius Emisenus, Ambrosius, Chrysost. Cyrillus, Euthymius, Damascenus, Theophylactus, & alij multi, ut panis & uinum quæ in altari Deo Optimo Maximo de suis donis offerimus, ministerio sacerdotis, uerbò Christi, & uirtute Spiritus sancti, in corpus Christi proprium mutantur, commutantur, conuertantur, transformentur, efficiantur, non effigie, sed natura. Hæc fuit conclusio eorum eorumque fides, ut ex dictis est manifestum. Qui patres sapientissimi cum essent, unde exactè nouerant significationes terminorum & modum loquendi omnium sapientum, dicentes panem & uinum conuerti in corpus &

sanguinem Christi, ipsis eisdem uerbis dixerunt, panem & uinum desinere esse panem & uinum in ipsa conuersione. Illa enim regula generalis est, in omnibus conuersionibus rerum, ut iam diximus, & constat.

De qualitate huius conuersionis, qua panis & uinum per consecrationem in corpus & sanguinem Christi conuertuntur, atque de eius nomine, quod est, transsubstantiatio. Ponitur catalogus piorum auctorum patrumque, qui mutationem panis & uini, in substantiam corporis & sanguinis Christi uerè fieri sententur.

C A P. XIII.



HAnc eandem conclusionem Patrum piorum & antiquorum, de conuersione panis & uini in corpus & sanguinem Christi, tenuerunt confirmiter omnes doctores recentiores, sancti & catholici; nihil prorsus addentes, nisi quòd speciales rationes huius conuersionis considerantes, quæ in aliis conuersionibus naturalium non reperiuntur, ei nomen speciale dederunt, quo eam appellarunt, transsubstantiationem. Vt saltem ex nomine, aduertamus, hanc conuersionem esse altissimam, & alterius generis ab omnibus conuersionibus, quas nouit & facit natura creata. Naturales enim conuersiones quibus aliqua in alia conuertuntur, ut quædam elementa in alia elementa, uel elementa in mista, aut quædam mista in alia mista, tales sunt, ut æcidentia sensibilia eorum, quæ conuertuntur in alia, aut semper aut propè semper corrumpantur, seu ad refractus gradus reducantur, uel omnia uel aliqua. Manifesta sunt exempla, & non pauca. Rursus, In omnibus conuersionibus naturalibus, quibus quædam conuertuntur in alia, generale est & sine instantia, quòd ea quæ conuertuntur in alia, desinunt esse quod erant: & è contra, ea in quæ alia conuertuntur incipiunt esse quod non erant. Verbi gratia, Dum aqua conuertitur in aerem, aqua, quæ conuertitur, desinit esse aqua: aer uerò, in quem conuertitur aqua, incipit esse aer. Iterum, In omnibus conuersionibus naturalibus substantiarum in alias substan-

Cōditio 1.
naturalis
conuersionis.

Cōditio 2.

Cōditio 3.

Cōditio 4.

De Cœna, & Calice Domini

tias, hoc seruatur infallibiliter & necessariò, secundum ordinem naturalem & creatam potentiam, quòd substantia, quæ conuertitur in aliam, nunquam desinit esse tota, quia tunc esset annihilatio: & substantia in quam alia conuertitur, nunquam incipit esse tota seu secundum se totam, quia esset creatio: quorum duorum neutrum potest facere creata potentia. Et sic manet semper eadem materia, quæ est ingenerabilis & incorruptibilis per creatam potentiam.

*In hac con-
uersione
deficiunt cõ-
ditiones na-
turaliũ cõ-
uersionum.*

Hæ sunt regulæ & conditiones, quæ necessariò sequuntur naturales conuersiones substantiarũ in substantias. Quia uerò omnes hæ conditiones deficiunt in hac mirabili conuersione, qua panis & uinum per consecrationem in corpus & sanguinem Christi conuertuntur: idèò absque dubio fuit conuenientissimum, ut theologi patres aliquod nomen inuenirent, quo hanc specialem conuersionem speciali, peculiarique suo nomine appellarent. An deficiunt omnes illæ conditiones conuersionum naturalium, in hac

*Deficit 1.
Quare.*

una conuersione? Ita profectò prima deficit, quia manent & durant omnia accidentia sensibilia panis & uini, ut fides uigeat, & ut nos sub illis corpus proprium Christi & proprium eius sanguinem absque horròre sumamus.

*Deficit 2.
Quare.*

Secunda deficit, quia & si in hac conuersione panis & uinum desinant esse quod erant: corpus tamen & sanguis Christi non incipiunt esse quod non erant: sed incipiunt esse ubi non erant, idest, sub speciebus panis & uini, atque modo, quo ante non erant: conseruato in cœlo tamen modo essen-

*Deficit 3.
Quare.*

di, quem ibi habebant. Tertia deficit, quia tota panis & uini substantia, esse desinit; & quoad formam, & quoad materiam, totaue substantia corporis & sanguinis Christi, ibi esse incipit, forma & materia: non quia incipiat esse, sed quia incipit esse ibi, ut constat ex dictis. Etenim conuertuntur panis & uinum in corpus & sanguinem Christi, non secundum accidentia, quia accidentia manent, unde nos in specie panis & uini quam uidemus, res inuisibiles, id est, carnem & sanguinem honoramus, ut dicit Augustinus in libro sententiarum Prosperi, ergo conuertuntur secundum substantiam. Deinde, non remanet forma substantialis panis, & uini hoc sacramento post

*August.
De consecr.
dist. 2.
cap. 103
majus*

consec-

consecrationem, ut bene demonstrauit S. Thomas, nec manet ibi materia panis & uini, quia nō assumitur à Christo, ut informetur suā forma, & augeatur eius corpus aut sanguis, ut bene ostendit Glos. super uerbo, Conuertuntur, & post Glos. Gabriel Biel super Canonem Missæ: nec manet ibi ipsa materia ut informata ab alia forma, nec ut sine forma ulla, ut de se constat. Igitur hæc conuersio fit in tota substantia panis & uini, ita ut tota desinat esse. Duplex est enim conuersio, quædam naturalis, quædam supernaturalis. Naturalis est, quæ fit à principiis naturæ, præsupposito subiecto utrique termino; ut est conuersio aeris in ignem, in qua eadem materia, quæ fuit sub forma aeris, manet sub forma ignis. Supernaturalis est, quæ fit actione diuina speciali, præter ordinē naturæ. Nec potest conuersio naturalis fieri nisi secundum formam accidentalem, uel substantialem; unde omnis conuersio naturalis, est formalis, accidentalis, uel substantialis. Respicit namque omnis naturalis conuersio, agens naturale: quod omne quum sit finitum, & agat non se toto sed secundum formam suam, quā est in actu, & non intendat corruptionem nec destructionem, sed generationem, ædificationem, aut compositionem: sicut non potest producere nisi formam, ita non potest corrumpere nisi formam. Conuersio autem supernaturalis, quia respicit agens supernaturale, infinitum & potentissimum, in cuius potestate & sub cuius potestate sunt omnia entia creata & creabilia, quantum ad esse uel non esse; conseruari uel non conseruari, produci uel non produci, simpliciter uel secundum quid, secundum se tota uel secundum quamlibet sui partem, potest esse alio modo supra conuersionē naturalem. Quamobrem potest esse non solum formalis, aut secundū formam: quin etiam & secundum totam substantiam, secundum formam accidentalem, secundum formam substantialem, secundum materiam, secundum totum. Vnde bene dicitur, quod non solum corpus in corpus, aut substantia in substantiam, seu accidens in accidens: sed etiam spiritus in spiritum, & corpus in spiritum, & spiritus in substantiam corporalem, substantia in accidens, accidens in substantiam, & gene-

S. Tho.

par. 3.

quest. 75.

art. 6.

De consecr.

dist. 2.

c. Quia cor

pus.

Gabriel

lect. 49.

litera E.

Gabriel.

ubi supra.

lect. 40.

litera D.

De Cæna, & Calice Domini

*Quomodo
Deus po-
test, quã-
libet crea-
turam con-
uertere in
quãlibet.*

*Quid sit,
aliud con-
uersti in
aliud.*

raliter quodlibet creatum in creaturam quamlibet potest conuersti diuina potestate. Probat, Quia cum quãlibet creatura æque est in plena potestate Dei quantum ad esse & non esse, potest Deus quamlibet creaturam annihilare, & aduocatam desitionem alterius cuiuscunque producere: similiter potest quamlibet creaturam conseruare ad desitionem alterius. Quod cum facit, creaturam quæ desinit, in eam quam sic conseruat uel producit, conuertit. Nec tamen propter talem conuersionem unum fit reliquum, Hoc est, Si corpus conuertitur in spiritum, non ideo corpus fit spiritus: neque materia fit forma, si in formam conuerteretur: nec substantia accidens, uel è conuersò: cum conuersti unum in aliud, non est unum fieri aliud: sed est, uni desinenti succedere aliud: licet in casu ex corpore fiat spiritus, & ex materia fiat forma: quod nihil aliud est dictu, nisi quòd desinenti corpori succedit spiritus. Sicut in generatione naturali ignis ex aëre, aër non fit ignis, nec forma aëris fit forma ignis, sed forma aëris corrumpitur, & producitur in eadem materia forma ignis: quod est conuersti aërem in ignem, siue formam aëris in formam ignis. Sic ergo; post horum omnium considerationem, quia prædicti sancti patres antiqui hanc conuersionem de qua agimus, prædicant atque commendant, non tanquam naturalem sed tanquam supernaturalem, & eam in Deum auctorem specialissimo modo referunt: quia in super ea, omnibus modis prædictis, à naturalibus conuersionibus differt: iure optimo, peculiari uocabulo dicta est, transsubstantiatio. Vtpote quòd tota substantia panis & uini, conuertatur in totam substantiam corporis & sanguinis Christi, modo exposito; & non sola materia in solam materiam, nec sola forma in solam formam.

*August.
lib. 7.
Boethius.
Durand.
dist. 11.
quaest. 2.*

Augustinus super Genesim, & Boethius in lib. de duabus naturis, & Durandus, lib. 4. sent. negant quodlibet posse conuersti in quodlibet: sed notum est, quòd alio modo acceperunt conuersionem.

Concilium Lateran.

Concilium Lateranense sub Innocentio tertio celebratum, secundum hanc ueram & catholicam theologiam ita definiuit, Vna est fidelium uniuersalis Ecclesia, extra quam nullus omnino saluatur; in qua idem ipse sacerdos & sacrificium Iesus Christus, & cuius corpus & sanguis in sacramento altaris sub speciebus panis & uini ueraciter continetur: transubstantiatis pane in corpus, & uino in sanguinem, potestate diuina: ut ad perficiendum mysterium unitatis, accipiamus ipsi de suo, quod accepit ipse de nostro. Ecce sacrum concilium iam à multis annis usum fuit hoc uocabulo, transubstantiatio, pro ea conuersione, qua panis & uinum in corpus & sanguinē Christi conuertuntur.

Extra de
sum. Trin.
& fide.
c. Firmi-
ter.

Magister sent.

Magister sententiarum primum auctoritatibus probauit, uerum corpus Christi esse in altari, & in id panē conuerti. Deinde uerò ita prosequitur ad propositum. Si autem queritur, qualis sit illa conuersio, an formalis, an substantialis, an alterius generis? definire non sufficio. Formalem tamen non esse cognosco: quia species rerum quæ antefuerant, remanent, & sapor, & pondus. Quibusdam esse uidetur substantialis, dicentibus sic substantiam conuerti in substantiam, ut hæc essentialiter fiat illa. Cui sensui præmissæ auctoritates consentire uidentur. Hæc ille. Ecce secundum Magistrum, substantialis est hæc conuersio, & substantia conuertitur in substantiam, idest, substantia panis & uini, in substantiam corporis & sanguinis Christi. Est igitur transubstantiatio, quocunque nomine nominetur.

lib. 4.
diff. 10.
Ibid.
diff. 11.

Idem Magister opponens contra se, & soluens, declarat magis materiam, dicens, Sed huic sententiæ sic opponitur ab aliis, Si substantia panis, inquit, uel uini conuertitur substantialiter in corpus uel sanguinem Christi: quotidie fit aliqua substantia corpus uel sanguis Christi, quæ

Oppositio.

Solutio.

ante non erat corpus: & hodie est aliquid corpus Christi, quod heri non erat: & quotidie augetur corpus Christi, atque formatur de materia, de qua in conceptione non fuit factum. Quibus hoc inodo responderi potest: Quia non ea ratione dicitur corpus Christi confici uerbo cœlesti, quod ipsum corpus in conceptu Virginis formatum de inceptis formetur: sed quia substantia panis uel uini, quæ non fuerat corpus Christi uel sanguis, uerbo cœlesti fit corpus & sanguis. Et ideo sacerdotes dicuntur conficere corpus Christi & sanguinem: quia eorum ministerio substantia panis fit caro, & substantia uini fit sanguis Christi: nec tamen aliquid additur corpori uel sanguini; nec augetur corpus Christi uel sanguis. Hæc ille. Ergo substantialis est hæc conuersio, & nihil ualet obiectio in contrarium.

*Corpus et
sang. Chri-
sti nõ aug-
mentatur.
ex conuer-
sione panis
& uini.*

Idem auctor declarando magis, dicit, Si uerò quæris modum, quo id fieri possit, breuiter respondeo, Mysteriorum fidei credi salubriter potest, inuestigari salubriter non potest. Quod ergo corpus Christi, panis mutatione in id, non augmentatur; nec sanguis ex uini conuersione, eius uoluntati & potentia adscribatur, qui idem corpus de Virgine eduxit. Fit ergo substantia illa ista, sine eius augmento. Nec tamen concedunt quidam, quod substantia panis aliquando fit caro Christi, & si fiat caro Christi: sicut farina facta est panis, & aqua facta est uinum; nec tamen dicitur farina est panis, & aqua est uinum. Alij uerò concedunt, illud, quod erat panis uel uinum, post consecrationem esse corpus & sanguinem: non tamen sequitur, panis est caro Christi, uel uinum est sanguis. Quia substantia panis uel uini, postquam facta est caro Christi uel sanguis, non est substantia panis uel uini, sed caro & sanguis. Idem distinguendum uidetur, cum dicitur, substantia panis uel id quod erat substantia panis, modò est corpus Christi. Manens enim panis non est corpus Christi: sed mutata in id quod facta est, est corpus Christi. Nec dicimus substantiam panis uel uini materiam esse corporis uel sanguinis Domini; quia non de ea ut de materia, formatur corpus; sed ipsa formatur in illud, & efficitur illud. Hactenus ipse.

Idem Magister clarius explicans hanc ueritatem, ait,
 Quidam uerò dicunt conuersionem illam esse intelligen-
 dam, ut sub illis accidentibus, sub quibus erat prius sub-
 stantia panis & uini, post conuersionem sit substantia cor-
 poris & sanguinis. Sic tamen, ut non eis efficiatur. Et sic
 asserunt dictum panem transire in corpus Christi, quia ubi
 erat panis, nunc est corpus Christi. Quod si est, quid er-
 go sit de substantia panis & uini? Illi dicunt uel in prae-
 centem materiam resolui, uel in nihilum redigi. Hæc ille.
 Qui secundum hanc sententiam porius, aduersus errorem
 eorum, qui dicerent, ibidem substantiam panis & uini re-
 manere simul cum corpore & sanguine Domini, dicit ex-
 pressè. Sed quòd non sit ibi substantia, nisi corpus Christi
 & sanguis, ex prædictis & subditis apertè ostenditur. Ait
 enim Ambrosius, Panem istum, quem sumimus in myste-
 rio, illum intelligo utique, qui manu sancti Spiritus for-
 matus est in utero Virginis, & igne passionis decoctus in
 ara crucis. Panis enim Angelorum factus est cibus homi-
 num. Hæc ille. *In de sa-
 cramen.
 De cōsec.
 diff. 2.
 c. Omnia
 que.*
 Hanc eandem doctrinam tenuerunt semper omnes do-
 ctiores catholici, quotquot post Magistrum sententiarum
 scripserunt: quia omnes dicunt, substantiam panis & uini
 conuerti in substantiam corporis & sanguinis Christi; &
 hanc conuersionem asserunt esse substantialem, atque il-
 lam appellant, transubstantiationem. *par. 3.
 quest. 75.
 art. 2.*
 S. Thomas asseruit, quòd in hoc sacramento non rema-
 net substantia panis & uini post consecrationem: quod &
 probat. Ipseque auctor sanctus aduersus eos, qui olim an-
 te huius ueritatis plenam cognitionem posuerant post con-
 secrationem substantiam panis & uini in hoc sacramento
 remanere; dicit palam, Sed hæc positio stare non potest,
 Primò quidem, quia per hanc positionem tollitur ueritas
 huius sacramenti, ad quam pertinet, ut uerū corpus Chri-
 sti in hoc sacramento existat: quod quidem non est ante
 consecrationem. Non autem aliquid potest esse alicubi

Quibus
modus p-
est ali-
quid esse
ubi prius
non erat.

ubi prius non erat, nisi uel per loci mutationem, uel per alterius conuersionem in ipsum, Sicut in domo aliqua de nouo incipit esse ignis, aut quia illuc defertur, aut ibi generatur. Manifestum est autem, quod corpus Christi non incipit esse in hoc sacramento per motum localem, Primò, quidem, quia sequeretur quod desineret esse in cœlo: non enim quod localiter mouetur, peruenit de nouo ad aliquè locum, nisi deferat priorem. Secundò, quia omne corpus localiter motum, pertransit omnia media, quod hic dici non potest. Tertiò, quia impossibile est, quod unus motus eiusdem corporis localiter moti, terminetur simul ad diuersa loca: cum tamen in pluribus locis corpus Christi sub hoc sacramento simul esse incipiat. Et idèò relinquitur, quod non possit aliter corpus Christi incipere esse de nouo in hoc sacramento, nisi per conuersionem substantiæ panis in ipsum. Quod autem conuertitur in aliquid, facta conuersione non manet. Vnde relinquitur, quod salua ueritate huius sacramenti, substantia panis post consecrationem remanere non possit. Secundò, quia hæc positio contrariatur formæ huius sacramenti, in qua dicitur, Hoc est corpus meum; quod non esset uerum, si substantia panis ibi remaneret. nunquam enim substantia panis est corpus Christi. Sed potius esset dicendum, Hic est corpus meum. Tertiò, quia contrariatur uenerationi huius sacramenti, si aliqua substantia creata esset ibi, quæ non posset adoratione latræ adorari. Quartò, quia contrariatur ritui Ecclesiæ, secundum quem post corporalem cibum non licet sumere corpus Christi: cum tamen post unam hostiam consecratam liceat sumere aliam. Vnde hæc positio uitanda est tanquam hæretica. Hæc ille. Ecce substantia panis & uini conuertitur in substantiam corporis & sanguinis Christi, & non manet in sacramento post consecrationem.

Ibid.
art. 4.

Idem auctor paulò post, probat, quod licet agens naturale non possit facere conuersionem nisi formalem, quæ est secundum transmutationem solius formæ: Deus tamen potest facere conuersionem secundum totam substantiam, & illam facit in hoc sacramento, quæ potest, dici transub-

stantiatio. Dicit nanque, Manifestum est enim, quòd omne agens agit in quantum est actu. quodlibet autem agens creatum, est determinatum in suo actu, cum sit determinati generis & speciei: & ideo cuiuslibet agentis creati actio fertur super aliquem determinatum actum, Determinatio autem cuiuslibet rei in esse actuali, est per eius formam.

Vnde nullum agens naturale seu creatum, potest agere nisi ad immutationem formæ: & propter hoc omnis conuersio quæ fit secundum leges naturæ, est formalis. Sed Deus est actus infinitus; ut in prima parte habitum est; unde eius actio se extendit ad totam naturam entis. Non igitur solum potest perficere conuersionem formalem, ut scilicet diuersæ formæ sibi in eodem subiecto succedant; sed conuersionem totius entis, ut scilicet tota substantia huius conuertatur in totam substantiam illius. Et hoc agitur diuina uirtute in hoc sacramento: Nam tota substantia panis conuertitur in totam substantiam corporis Christi; & tota substantia uini, in totam substantiam sanguinis Christi. Vnde hæc conuersio non est formalis, sed substantialis: nec continetur inter species motus naturalis, sed proprio nomine potest dici transsubstantiatio. Hæc ille.

Scotus eodem modo determinat hanc ueritatem. Probatur enim ex Ambrosio, quòd cum Deus possit dare nouas naturas rebus, quæ prius non erant, potuit & mutare naturam in naturam, & per consequens, transsubstantiare. Addit, quòd hæc est cõueniens ratio huius nominis, transsubstantiatio: quod est, transitio totalis substantiæ in substantiam. Addit his, quòd possibile est huic rationi nominis, aliquid subesse, & quòd hoc non est possibile alicui uirtuti actiue nisi diuinæ immediatè. Ostendit hæc omnia, sed omittimus suas ostensiones, breuitatis causa. Sufficit quòd in potentia Dei est omnis creatura: & quantum ad totum esse, & quantum ad totum non esse. Hinc enim fit, ut quodlibet creatum possit conuerri in quodlibet, per eandem rationem; quia utrumque extremum in creaturis subest potentie diuinæ, & quantum ad totale esse, & quantum ad totale non esse. Mouet quæstionem, Vtrum panis conuertatur in corpus Christi in Eucharistia? Respondet

Agens naturale potest facere conuersionem formalem solummodo, & quare.

Deus potest etiam facere conuersionem totius substantiæ, & quare.

Scot. lib. 4. dist. 11. quæst. 1.

Ibid. art. 1.

Ibid. art. 2.

Ibid. quæst. 2.

Ibid. quæst. 3.

De Cœna, & Calice Domini

quod non manet panis, nec annihilatur, nec resoluitur in materiam primam, sed conuertitur in corpus Christi. Ibiq; adducit multa, quibus hanc demonstrat ueritatem: ex diuo Ambrosio, ex cap. Ad abolendam, extra de hæreticis. ex cap. Firmiter. extra. de summa Trinit. & fide catholica.

GABRIEL Biel.

Gabriel Biel, tum in locis communibus libri quarti sententiarum, tum in suo opere nunquam satis laudato super Canonem Missæ, idem tenet omnino, constat, & docet: pro quo adducit determinationem Ecclesiæ in capitulo, Firmiter. de summa Trinit. & fide catholica. atque doctorum sanctorum auctoritates, Eusebij Emisleni, Ambrosij, Augustini, Hugonis, in De sacramentis. Post hanc determinationem idem auctor ita subiungit, ut exactius & suam mentem, & nostram hanc catholicam ueritatem declaret. Quia ergo, inquit, ex determinatione Ecclesiæ conformiter ad sanctorum auctoritates credendum est, corpus Christi in sacramento esse per conuersionem panis in ipsam; uidendum, quomodo intelligenda sit ipsa conuersio. Vbi tria sunt perquirenda, Primum, quid sit conuersio. Secundò, quid in quid conuerti possit. Tertiò, qua specie conuersionis panis in corpus Christi conuertatur.

Quoad primum, notat quod conuersio, quæ est transitio unius in aliud, duo dicit: scilicet desitionem alicuius rei, & successione alterius. Tunc conuersionem describens, ita dicit, Est ergo conuersio, successio entitatis posituæ ad entitatem posituiam desinentem. Quoad secundum ita præmittit, Tunc res aliqua conuerti potest in aliam, dum utraque est in potestate agentis, quantum ad esse uel conseruari & non esse, simpliciter uel secundum quid.

Deinde ita determinat, Non solum corpus in corpus, aut substantia in substantiâ, seu accidens in accedens: sed spiritus in spiritum, & corpus in spiritum, & spiritus in substantiam corporalem, substantia in accedens, & accedens in substantiam, & generaliter quodlibet creatum, in creaturam quamlibet potest conuerti diuina potestate.

Idem

Super ca.
no. lxx. 40.

Ibid.
litera C.

Succesio,
quid sit.

Ibid.
litera D.

Quid in
quid possit
conuerti.

Idem auctor quoad tertium, qua uidelicet specie conuerſionis panis conuertatur in corpus Chriſti: ut id declareret, notat in primis, multipliciter accipi, tam à Philoſopho, quàm à ſanctis Patribus: & poſſe acceptiones has omnes reduci ad tres. Quia uno modo poteſt accipi mutatio largè, ſiue comuniſſimè: & ſic accipiendo, mutari, eſt rem incipere uel deſinere eſſe, aut ſe habere aliqualiter poſterius qualiter ſe non habuit prius, inſtanteè uel ſucceſſiue; & ſic eſt genus ad motum & conuerſionem: quia motus dicit ſucceſſionem, & conuerſio deſitionem conuerſi, quæ non importat mutatio, in ſpecie. Similiter ſic accipiendo mutationem, ſeu mutari, eſt genus ad creationem & annihilationem, & alterationem: quia in genere importat, quicquid illi termini important in ſpecie. Alio modo mutatio ſeu mutari accipitur ſtriçtè, pro receptione alicuius formæ ſubſtantialis uel accidentalis de nouo, uel pro diſmiſſione talis formæ præhabita, inſtantea uel ſucceſſiua. Et illo modo materia prima ſi fuiſſet creata ſub forma, ideſt, ſimul creata cū forma, in inſtanti, ſux creationis fuiſſet mutata; quia in illo inſtanti recepiſſet formam, quam ante hoc inſtans non habuiſſet. Tertio modo accipitur mutatio ſeu mutari, ſtriçtiſſimè, & ſic accipiendo, mutari, eſt ſubiectum præſuppoſitum recipere formam uel locum prius non habitam uel habitum, uel talem perdere, inſtanteè uel ſucceſſiue: Et ſic accipitur, octauo Phyſicorum, ubi innuitur, quòd mutari, eſt rem aliter ſe habere prius & poſterius. Ex illo patet quòd conuerſio non eſt mutatio, ſecundo uel tertio modis, ſaltem non oportet: ſed tantum, primo modo: quia quod his duobus ultimis modis mutatur, non deſinit; quod autem conuertitur, deſinit eſſe. Hæc ipſe doctor ſatis explanauit.

Idem auctor, ut oſtenderet, quomodo ſe habeat conuerſio ad tranſubſtantiationem, aduertit, quòd eſt conuerſio quædam naturalis, quædam ſupernaturalis. Naturalis eſt, quæ fit à principiis naturæ præſuppoſito ſubiecto utrique termino: ut eſt conuerſio aëris in ignem. Supernaturalis eſt, quæ fit actione diuina ſpeciali præter ordinem naturæ. Et iſta, ſi fit inter terminos ſubſtantiales, di-

Ibid.
litera F.

Mutatio
accipitur
multis mo-
dis.

Genus 1.
mutationis

Genus 2.
mutationis

Genus 3.
mutationis

Ibid.
litera G.

De Cœna, & Calice Domini

*Quid sit
transsub-
stantiatio.*

*Quid sit
transacci-
dentiatio.*

*Descri-
ptio trās-
substantia-
tionis.*

*Transsub-
stantiatio,
cuius con-
uersionis
sit species.*

*Nulla po-
tentia na-
turalis po-
test face-
re trās-
substantia-
tionem.*

*Posterior-
es Theo-
logi in hac
materia ni-
hil addide-
runt supra
sententiam
priorum,
nisi quòd
illā redu-
xerunt ad
metodū.*

citur transsubstantiatio. Si inter terminos accidentales, posset dici transaccidentiatio. Si inter terminum à quo, qui est substantia, & ad quem, qui est accidens, posset circumlocutiue dici, transsubstantiæ accidentatio. Post hæc idem auctor de transsubstantiationis descriptione ita dicit, Potest autem transsubstantiatio ad propositum sic describi, est conuersio substantiæ totius in substantiam non habentem communem materiam cum priore. Hac descriptione posita, discurrit idem auctor per omnes eius particulas: & profectò satis ostendit eam esse bonam, & ob id ab omnibus recipiendam. Tandem sic concludit tertium, quod proposuerat discutiendum, Ex his, inquit, patet, quòd transsubstantiatio, est species conuersionis supernaturalis, & per consequens species conuersionis in genere. Patet quòd nulla potentia naturalis potest in transsubstantiationem: quia nulla habet in sua potestate totam substantiam compositam, quantum ad materiam & formam, cum materia naturalis, sit ingenerabilis & incorruptibilis; neque substantiam simplicem ut formam, nisi mediante subiecto communi utrique termino trāsmutationis; sed ubi manet materia communis, ibi non est transsubstantiatio, ut patuit. Hæc ille. Ita sua tria proposita determinauit doctor hic catholicus uerè, doctè, & catholicè: explicando materiam, & concludendo ueritatem.

Iam ex dictis palam est omnibus, ut arbitror, nihil ultra fecisse doctores scholasticos posteriores, supra illos doctores & patres antiquos, nisi quòd eorum sententiam prosequuti sunt, illam declararunt, suis declarationibus illustrarunt, & prout possibile ipsis fuit, reducerunt ad methodū. Verbi gratia, dixerunt primi patres, Deum Optimum Maximum sua infinita uirtute per consecrationem sacerdotis, in uerbo Christi mutare, commutare, transformare, efficere, aut conuertere substantiam panis, & uini, in substantiam corporis & sanguinis Christi: hæc fuit fides, & doctrina salutaris, iuxta uerbum Domini, Hoc est corpus meum. Hoc facite in meam commemorationem, &c. Supra hanc nihil addiderunt posteriores, nisi quòd naturam huius mutationis seu conuersionis inquirentes, omnes

mutationes, omnesque conuerfiones fuae etiam modos earum percurrerunt: hanc ab aliis diftinxerunt, fpeciem eius inuenerunt, & nomen quo ipfam rem oftenderent, ei impoferunt. Videlicet ut hæc conuerfio dicatur, tranfubftantiatio: quia uidelicet eft conuerfio fubftantiæ panis & uini in fubftantiam corporis & fanguinis Chrifti: & non eft conuerfio fecundum accidentia, quia accidentia manent, ergo eft fecundum fubftantiam, & non eft conuerfio naturalis in qua fit mutatio folùm fecundum formam, manente fubiecto feu materia fub utroque termino conuerfionis, quia nihil accrefcit Chrifto ex omnibus quæ fuerunt panis: ergo eft conuerfio fupernaturalis, in qua tota fubftantia conuertitur in totam fubftantiam. Id etiam maximè declarantes quòd & fi tota illa fubftantia panis & uini definat eſſe in fe, ita ut nihil eius remaneat fecundum eſſe quòd habuit in pane & uino, non tamen ullo modo annihilatur, nec in materiam refoluitur primam, aut præiacentem. Quare fic? Quia Deus conuertens, non intendit annihilare nec refoluere in præiacentem materiam, fed conuèrtere in aliam fubftantiam: unde non annihilat neque refoluit, fed conuertit. Definit ne eſſe illa panis & uini fubftantia? Definit quidem eſſe in fe, quia re uera non eſt in fe, ut bene notauit S. Thomas: non tamen annihilatur, quia non definit eſſe per annihilationem, fed definit eſſe per conuerfionem. Idem Scotus in quarto libro ſententiarum; idem Gabriel ſuper Canonem Miſſæ, idemque omnes alij literis prodiderunt. Durandus conuenit cum alijs patribus in eo, quòd hic ponit quidem conuerfionem à fubftantia panis & uini, in fubftantiam corporis & fanguinis Chrifti: & eam quidem non accidentalem, fed fubftantialem. Quia uerò ad pauca reſpiciens, exiſtimauit hanc conuerfionem eſſe admodum naturalium conuerfionum fubftantiarum in alias fubftantias: iudicauit manere in hoc diuino ſacramento materiam propriam, quæ fuit panis, non propria forma panis informatam, nec ſine forma relictam, nec ad aliam formam extraneam mutatam, ſed ab ipſo Chriſto Domino noſtro aſſumptam, corpori ſuo unitam, & ſua propria informatam forma. Vnus ille fuit in

S. Tho.
par. 3.
quæſt. 75.
art. 3.
Scotus
diff. 2.
Gabriel
leſt. 51.
Durand.
lib. 4.
diff. 11.
quæſt. 3.

De Cæna, & Calice Domini

lib. 4. sct.
quæst. 2.
de Eucha-
ristia.

hoc, Vox autem unius, uox nullius. Sententia sua sine fundamento est, per se ruit, non uetustate, sed nouitate, falsitate, temeritateque collapsa. Minusque est audiendus, sed magis est fugiendus Cardinalis Cameracensis, Petrus ab Aliaco.

Concilium Florentinum.

Florentina Synodus Oecumenica sub Eugenio quarto celebrata, & ex patribus tam Græcis quam Latinis legitime congregata, manifestè etiā definiuit, quòd Sacerdos in persona Christi loquens, hoc conficit sacramentū; quodq; ipsorum uerborum uirtute substantia panis in corpus Christi, & substantia uini in sanguinem, conuertitur.

Concilium Tridentinum.

6. 4. Sess.

Tridentina Synodus etiam Oecumenica sub Iulio tertio, de hoc altissimo sacramento ita docet, Quoniam autem Christus redemptor noster, corpus suum, id quod sub specie panis offerebat, uerè esse dixit, idèd persuasum semper in Ecclesia Dei fuit, idque nunc denuò sancta hæc Synodus declarat, per consecrationem panis & uini, conuersionem fieri totius substantiæ panis in substantiam corporis Christi Domini nostri, & totius substantiæ uini, in substantiam sanguinis eius: quæ conuersio conuenienter & propriè à sancta Catholica Ecclesia transsubstantiatio est appellata.

Can. 2. in
ordine.

Et nequis contra hanc ueram & catholicam doctrinam docere, aut sentire præsumat, sub Canone latæ sententiæ contra eiusmodi præsumptores hæc protulit eadem sacrosancta Synodus Tridentina.

Siquis dixerit in sacrosanctæ Eucharistiæ sacramento remanere substantiam panis & uini unā cum corpore & sanguine Domini nostri Iesu Christi, negaueritque mirabilem illam & singularem conuersionem totius substantiæ panis in corpus, & totius substantiæ uini in sanguinem, manentibus dumtaxat speciebus panis, & uini, quam qui-

dem conuersionem catholica Ecclesia apertissimè transubstantiationem appellat, Anathema sit.

Ecce omnibus modis & ubique ista ueritas proponitur credenda, & declaratur exactè, de conuersione substantiæ panis & uini in substantiam corporis & sanguinis Christi Domini nostri: pro qua, & si quæ in istum usque locum dicta sunt, sufficiant, libet nihilominus etiam nonnulla alia adducere, quæ lectori erunt non iniucunda.

Parisiensis Theologica facultas.

Parisiensis facultas Theologica in suis articulis declarantibus fidem, & religionem Christianam, ut iam posuimus ad ueritatem conclusionis præcedentis huius materiæ, ita dixit, Quilibet Christianus tenetur firmiter credere, in consecratione Eucharistiæ, panem & uinum conuerti in uerum Christi corpus & sanguinem, remanentibus tamen panis & uini speciebus, sub quibus realiter uerum Christi corpus continetur, quod ex Virgine natum est, & in cruce passum.

art. 5.

Louaniensis facultas.

Louaniensis facultas Theologica eandem ad rem, in suis articulis, sicut etiam ante memorauimus, ita habet, In Eucharistia non manent panis & uinum, sed hæc in corpus & sanguinem Christi admirabili potentia uerbi ipsius sunt conuersa, manentibus tantum panis uinique speciebus.

art. 14.

Lanfrancus Episc.

Lanfrancus Episcopus Cantuariensis uerè ac manifestè scripsit ad Berengarium, quod toto Orbe diffusa Ecclesia Catholica, credidit, terrenas illas substantias, quæ in mensa Dominica per sacerdotale mysterium diuinitus sacrificantur, ineffabiliter, incomprehensibiliter, & mirabiliter, operante superna potentia, conuerti in essentiam dominici corporis & sanguinis, reseruatis ipsarum rerum speciebus & qualitatibus, ipso nihilominus dominico cor-

pore permanente in cœlestibus ad dexteram Patris, integro, incontaminato, illæso: nempe impasibili, & immortali. Ut uerè utrumque dici possit, & ipsum corpus, quod de Virgine sumptum est, atque ipsum sanguinem, qui in ara crucis pro nobis effusus est, sub speciebus panis & uini nos sumere, & quodammodo non ipsum; ipsum quidem quantum ad uerā utriusque naturæ essentiam proprietatem, & uirtutem: non ipsum autem, si modum illum ineffabilem spectemus, quo sub alienis speciebus mirabiliter & incomprehensibiliter latitat. Hæc, inquit, fides est, quam tenuit à priscis temporibus, & nunc tenet Ecclesia, quæ per totum Orbem diffusa, catholicā nominatur. Hanc fidem Latinos, hanc Græcos, hanc Armenos magno consensu sequi affirmat.

Patrum aliorum complurium de eadem re testimonia.

Sunt etiam multi alij, qui hæc ueritatem tenuerunt ante nos, & tenent hisce nostris temporibus. Idem enim crediderunt, & in suis scriptis confessi sunt, Nicolaus Episc. Methonen, Samonas Episc. Gazæ ciuitatis, Marcus Episc. Ephesus, Germanus Archiepisc. Constantinopolitanus, Nicolaus Căbasila, Bessarion Episc. Tusculanus, Innocentius in De officio Missæ. Omnium enim horum paulò ante ad secundam conclusionē præcedentem retulimus sententias in suis dictis, quibus omnes fatentur, panem & uinum per consecrationem mutari, commutari, aut conuerti in corpus & sanguinem Christi Saluatoris nostri. Vnde quia scripta eorum iam posui, modò ea iterum referre supersedeo. Manifestè tenuit hanc ueritatem Alfonsus à Castro Archiepiscopus Compostellanus in suo opere aduersus hæreses. Ibi enim ex multis ostendit, non solum panem & uinum non manere in sacra Eucharistia post consecrationem, quin etiam & ea transsubstantiari in corpus & sanguinem Christi. Adducitque pro ista ueritate catholica, ad quam agebat, & ad quam nos agimus, Concilium Constantien. Theophylactum, Damascenum, Gregorium Nisænum, Cyprianum, Ireneum, Concilium Lateranense sub

Nicol. Methonen.
Samonas
Gazæ.
Marcus
Ephesus.
Germanus
Constantinopolitanus.
Nicolaus
Căbasila,
Bessarion,
Innocentius.

Alfonsus
à Castro.

Hæresis
aduersus
sacramentum
Eucharistie.

Innocentio tertio. Rex Angliæ Henricus octauus antequàm deficeret asseruit & satis probauit in assertione septem sacramentorū aduersus Lutherum, non manere substantiam panis nec uini in sancto sacramento Eucharistiæ. Idem Ioannes Episcopus Rossensis in Apologia pro eadem assertione. Ioan. Eckius in suo opere de septem sacramentis. Idem etiam abundè Ruardus Tapper, circa articulum decimumquartum facultatis theologicæ uniuerſitatis Louaniensis, quo loco, pro hac eadem ueritate adducit multa, satis probantia præsentem ueritatem. Ad hanc insuper ueritatem multa dixit, multaque adduxit Stanislaus Hosius, Episc. Varmien. Sanctæ Romanæ Ecclesiæ Cardinalis meritisſimus, & nunc ad hoc sacrosanctum Tridentinum Concilium Oecumenicum Legatus tertius: dixit, inquam, & adduxit uerè, piè, doctè & prudenter, adeò ut nihil præterea desiderari possit.

Rex Angliæ Henricus 8.

Io. Episc. Rossen.

Io. Eckius Ruardus Tapper.

Stanisl. Hosius. In confessione sine explicatione. cap. 39.

Concilium Constantiense.

Constantiense Concilium enumerans errores Ioannis Vuitcleff, numero 45. eum suum errorem primo loco collocat, quo ipse his uerbis uel in hanc sententiam dicebat, Substantia panis materialis, & similiter substantia uini materialis, manent sine subiecto in eodem sacramento altaris. Ibidemque, 3. loco, collocat istum alium eius articulum, Christus non est in eodem sacramento identicè & realiter in propria præſentiâ corporali. Hos autem errores cum aliis, 43. una super omnes lata sententia, damnat concilium. Vnde quidem eo ipſo iam determinauit, substantiam corporis & sanguinis Christi in hoc sacramento Eucharistiæ post consecrationem præſentialiter adesse, atque substantiam panis & uini ibi non manere.

Sessio. 8.

Alexander de Ales, sanctus Bonauentura, & alij patres scholastici, qui de hac re scripserunt penè infiniti, omnes quasi uno ore loquantur, hanc ueritatem confessi sunt: quorum dicta breuitatis gratia omittimus.

Nunc fuerit operæ precium hic ponere catalogum doctorum sanctorum & catholicorum, conciliorum & uni-

40

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 84

• *Chlorophyll a*

3.

1. 1000

• 77494 •

2

60 18

ג. אגודת חסידות חב"ד

2. 1. 19

13

6. 12-4

2.3

Ruardus

Ruardus Tapper.

Stanislaus Hosius.

Constantiense Concilium.

Quarta in ordine Conclusio probanda suscipitur, & de adoratione corporis Christi in sacra Eucharistia agitur, eaque ratione quadruplici probatur. CAP. XIII.



Quarta conclusio, hæc est, corpus Christi in hoc excellentissimo sacramento, est quidem manducandum; non solum autem manducandum, sed & adorandum. Quo ad primam eius partem, sic nota est conclusio, ut prorsus nulla indigeat probatione: tum quia est in diuinis scripturis expressa, dicente Domino discipulis suis, Accipite & manducate, Hoc est corpus meum. Hoc facite in meam commemorationem. tum quia est ab omnibus concessa, absque ullo prorsus dissidio. Nec solum corpus Christi in hoc sacramento sic est manducandum; ut licite possit manducari: quin potius sic est corpus Christi in hoc sacramento manducandum ut omnes adulti sanæ mentis teneamur sub præcepto, corpus Christi in hoc sacramento in re, uel saltem in uoto manducare. Quia ergo hæc ueritas omnibus patet, omnibus est nota, & ab omnibus conceditur, tam amicis, quam aduersariis, non est opus in ea probanda multiplicare rationes. Sufficit ei sua claritas, ad suam probationem.

Secunda pars huius conclusionis, idest, quod corpus Christi in hoc sacramento, est adorandum, ita est manifestata, ut profecto nunquam putarem, posse de ea apud quemuis intellectum humanum, aliquod unquam suboriri dubium: intellectum humanum, inquam, Christianum. Sic manifesta illa est, & sic nota fuit semper apud omnes catholicos Christianos. Corpus Christi est pars essentialis humanitatis Christi, informatum nunc anima rationali altera parte essentiali ipsius humanitatis, & simul cum ipsa anima assumptum à Verbo diuino in unitate diuini suppositi. Ob quod absque dubio, eadem adoratio debetur

Corpus Christi in hoc sacramento, est manducandum.

Corpus Christi in sacramento Eucharistie, est adorandum.

Corpus Christi est pars essentialis humanitatis eius.

De Cœna, & Calice Domini

Christi corpori, quæ debetur Christi animæ, & quæ debetur toti Christi humanitati: quamvis tamen inter patres essentialia ipsius humanitatis, præstans magis sit anima, quam corpus, & suas habeat prærogativas excellentiores. De humanitate autem Salvatoris nostri nullus unquam Christianus dubitavit, quin ea sit adoranda; licet nonnulli inquirent, quæ adoratione debeat humanitas Christi adorari, Latria, Hiperdulia, an Dulia? de qua questione, aut circa illam, seu materiam illius, Magister sententiarum multa dicit, & Gabriel Biel super Canonem Missæ, tres refert patrum sententias. In eo, qui honoratur, duo possumus & debemus considerare; idest, cum cui honor exhibetur, & causam honoris; hoc est, rationem propter quam honorato deferatur honor. Item, propriè loquendo, honor debetur toti rei subsistenti: & si aliquando dicatur honorari manus, vel pes, vel pars aliqua alicuius, hoc non dicitur ea ratione, quod huiusmodi partes secundum se honorentur, sed quia in his partibus honoratur totum: per quem etiam modum aliquis homo potest honorari in aliquo exteriori, ut in ueste, aut in imagine, aut in nuntio. Sic dicimus, cum in Christo sit tantum una persona divinæ & humanæ naturæ, & etiam una hypostasis & unum suppositum, est quidem eius una adoratio & unus honor ex parte eius, qui adoratur: sed ex parte causæ seu rationis, qua honoratur, possunt dici esse plures adorationes, ut videlicet alio honore honoretur propter sapientiam increatam, & alio propter sapientiam creatam. Hinc fit, ut firmiter dicamus, quod, una & eadem adoratione sit adoranda divinitas Christi & eius humanitas, considerando personam, quæ honoratur: quæ una est in duabus naturis, divina, & humana. Hac de causa, in capitulis quintæ Synodi sic legitur; Siquis duabus naturis adorari dicit Christum, ex quo duæ adorationes introducuntur, sed non una adoratione Deum Verbum incarnatum cum propria ipsius carne adorat, sicut ab initio Dei Ecclesiæ traditum est; talis, Anathema sit. Rursus in capitulis Cyrilli sic dicitur; Siquis audeat dicere assumptum hominem coadorari oportere Deo Verbo, quasi alterum alteri, & non potius una

Magister.
lib. 3.
dist. 9.
Gabriel
lect. 50.
litera D.

S. Tho.
par. 3.
quest. 25.
art. 1.

Terminus
adoratio-
nis pro-
priæ.

Synod. 5.

In cap.
Cyrill.

adoratione honorificat Emanuelem, secundum quòd factum est caro Verbum, Anathema sit. Consequenter procedendo, quia ut statim diximus & per se constat, honor adorationis propriè debetur hypostasi subsistenti, licet ratio honoris possit esse res non subsistens: sit ut adoratio humanitatis Christi si sic accipiatur seu intelligatur, ut sit eius sicut rei adorata, tunc ipsa humanitatis adoratio proculdubio est adoratio Latriæ. Nam sic adorare carnem Christi seu eius humanitatem, nihil est aliud, quàm adorare Verbum Dei incarnatum seu humanatum: sicut adorare uestem Regis, nihil aliud est, quàm adorare Regem uestitum. Non enim subsistit humanitas Christi per se, nec est persona, aut suppositum: sed est in persona seu supposito diuino Verbi Dei, & ab illo & in illo sustentatur. Si autem modo alio intelligatur adoratio humanitatis, idest, ut sit ratione humanitatis Christi perfectæ omni munere gratiarum; sic adoratio humanitatis Christi non est adoratio Latriæ, sed adoratio Dulix, aut Hyperdulix. Ita uidelicet ut una & eadem persona Christi adoretur adoratione Latriæ, propter suam diuinitatem: & adoratione Dulix siue Hyperdulix, propter perfectionem humanitatis. Nec hoc est inconueniens: quia ipsi Deo Patri debetur honor Latriæ propter deitatem, & honor Dulix aut Hyperdulix propter Dominium, quo gubernat creaturam. Vnde super illud Psalmi, Domine Deus meus in te speraui. dicit Glos. Dominus omnium per potentiam, cui debetur Dulia; Deus omnium per creationem, cui debetur Latria. Tam enim gubernare, quàm creare, prout est in Deo, est infinitum: quia uerò gubernare, est quodam modo communicabile; creare autem, non sic, uidetur Glos. fecisse hanc differentiationem. Sed ad propositum redeamus. Humanitas Christi, est adoranda adoratione Latriæ, modo exposito. Ad hoc facit, quod Damascenus ait, Adoratur autem caro Christi incarnato Verbo Deo, non propter se ipsam, sed propter unitum ei secundum hypostasim, Verbum Dei. Et super illud Psalmi, Adorate scabellum pedum eius. dicit Glos. Qui adorat corpus Christi, non tantum intuetur, sed illum potius, cuius scabellum est, cuius

S. Tho.
par. 3.
quæst. 25.
art. 2.

Qua adoratione adoretur humanitas Christi.

Glos.
psal. 7.

Damasc.
lib. 3.

Glos.
psal.

De Cœna, & Calice Domini

*Damasce.
lib. 3. de
Orthod.
fide. c. 8.*

in honore scabellum adorat. Sed Verbum incarnatum adoratur adoratione Patriæ. Ergo & corpus eius, siue eius humanitas, secundum prædictam considerationem. Damasceus iterum, Unus est Christus, Deus perfectus, & homo perfectus, quem adoramus cum Patre & Spiritu sancto una adoratione cum immaculata eius carne.

*Christus
est adoran-
dus in sa-
cramento
Euchar.*

*Proba. 1.
psal.*

*Proba. 2.
Deuter. 6.
& 10.
Matth. 4.*

Matth.

Vera sunt hæc omnia, neque potest homo Christianus dubitare de his, nisi prius ignoret Christi dignitatem & excellentiam, modum quo natura humana suppositatur in persona diuina Verbi diuini, & proprium terminum adorationis: sed sunt hæc uera communia, ut omnibus est manifestum. Nos autem particularius agentes, nunc dicimus, Christum in sacra Eucharistia esse adorandum: & iuxta hanc mentem diximus in hac conclusione quarta, adorandum esse corpus Christi in hoc diuino sacramento: Non enim est ibi corpus Christi solum, sed corpus Christi, sanguis, anima, diuinitas: nec ibi corpus Christi subsistit perse, sed tota humanitas subsistit in persona diuina Verbi Dei. Sic ergo confitemur, Adorandus est Christus in sacramento Eucharistiæ. Qua ueneratione? Quo cultu? Ea ueneratione, eoque cultu, quo ipsum & nos adoramus, & sancti Angeli adorant, in cœlo sedentem à dextris Dei. Hanc ueritatem probat primum ipsa natura rei; & hoc nos docet lumen uultus Dei signatū super nos omnes, ut Saluatorem nostrum uerum Deum, & uerum hominem adoremus, ubicunque sentimus aut credimus singularem eius familiaremque aliquam nobis ingestam præsentiam: id quod fecisse semper omnes sanctos, nullo modo dubitare ualeamus. Ad idem est diuina scriptura, dicens, Dominum Deum tuum adorabis, & illi soli seruiēs. Ibi nanque adoratio præcipitur, tempus autem & locus, adorationi non taxantur, eo uidelicet, ut sciamus omnes, semper & ubique esse locum & tempus adorandi Deum, quemadmodum semper & ubique est tempus orandi ipsum. Oportet semper orare, & nunquam deficere. Profecto, qui non taxauit tempus aut locum, orationi; per idem nec taxauit tempus aut locum, adorationi. Cultus etiam interior, & interior adoratio, quæ uel maximè sit per actus seu exerci-

tium uirtutum, fidei, spei, & charitatis, nullum locum habet, tempus aut horam, in quo non possit benefici. Simili ergo modo & cultus exterior. Tertiò, quia de Salvatore nostro specialiter dicit Apostolus, Et cum introducit Primogenitum in Orbem terrarum dicit, Et adorent eum omnes Angeli eius. Atque de eius nomine glorioso, Dedit illi nomen, quod est super omne nomen: ut in nomine Iesus, omne genu flectatur, celestium, terrestrium, & infernorum. Ita Magi Christum uidentes, ipsumque recognoscentes, procidentes adorauerunt eum: & apertis thesauris suis, obtulerunt ei munera, aurum, thus, & mirram. Sic & leprosus adorabat eum descendentem de monte, dicens, Domine, Si uis, potes me mundare. Sic & Princeps unus accessit, & adorabat eum, dicens, Domine, filia mea modò defuncta est. Sic etiam accessit ad Iesum mater filiorum Zebedei cum filiis suis, adorans & petens aliquid ab eo. Sic, undecim discipuli abierunt in Galileam, in montem, ubi constituerat illis Iesus; & uidentes eum adorauerunt. Quartò probat hanc ueritatē communissima & antiquissima totius Ecclesiæ consuetudo, tum apud Latinos, tum apud Græcos, quæ certè seruatur etiam & apud Aethiopes, & apud Armenos, & ubique per Christianum Orbem. Omnis Christiana natio, quæ per suos sacerdotes Missas celebrat, & hoc diuinum sacramentum conficit, illud iam confectum, populo adstanti ostendit; ut in memoriam reducat Christi eleuationem in cruce, ut in amorem eius pro nobis immolati inflammet, ut illum ibi præsentem colamus interius atque exterius, ut ipsum inuocemus, ut ipsum ueneremur.

Eadem corporis Christi in sacratissima Eucharistia adoratio, sanctorum Patrum, scriptorumque testimoniis probatur. CAP. XV.



Erùm sanctos patres & probatz fidei scriptores eadem de re loquentes audiamus. Dionysius Areopagita in De Ecclesiastica Hierarchia dicit, At uerò Pontifex cum diuina munera laude prosequutus fuerit, sacrosan-

Proba. 3.

Hebr. 1.

Phil. 2.

Matt. 2.

Matt. 8.

Matt. 9.

Matt. 20.

Matt. 28.

Proba. 4.

cap. 3.

De Cœna, & Calice Domini

Et æta & augustissima mysteria conficit: & quæ ante laudauerat uenerandis operata signis, atque abdita, in conspectum agit, diuinâq; munera reuerenter ostendens, ad sacram illorum communionem & ipse conuertitur, & reliquos ut communicent, hortatur. Ecce iam temporibus Dionysij, qui ipse discipulus Apostoli Pauli fuit, Pontifices celebrantes, post consecrationem & ante communionem, diuina munera reuerenter ostendebant populo adstanti. Ad quid ostendebant? Vt populus uideret, ut interius crederet, speraret, diligeret, ut exterius adoraret; utque ad communionem excitaretur. Et notandum est, quod, ut ait, Pontifex ostendebat reuerenter; quia idcirco certè, ut reuerenter ostendens, populum ad reuerentiam prouocaret. Illa reuerentia erat ueneratio, illa adoratio. Optime etiam diuinus ille Dionysius, ea signa, quibus operata erant diuina munera, appellat signa ueneranda: ut doceat nos non solum res contentas, corpus & sanguinem Christi uenerari ibi debere, sed etiam signa ipsa seu sacramentalia species. De hoc autem inferius dicuntur nonnulla.

cap. 4. Idem auctor ibi, ait, Quod Episcopus consecratum corpus in conspectum agit & ostendit, ut Patri uidelicet Filium præsentet, eiusque contemplatione populi sui misereatur.

BASILIVS Magnus.

cap. 27. Basilivs Magnus in libro de Spiritu sancto, Si aggredieremur nos scripto proditas consuetudines, uelut non magham uim habentes reuicere imprudentes, etiam ipsis principalibus Euangelij partibus damnum inferremus: immo potius ipsam Euangelij prædicationem ad nudum nomen contraheremus. Velut, uerbi gratia, ut eius, quod primum & communissimum est, primam mentionem faciam, figura crucis signare eos, qui in nomen Domini nostri Iesu Christi spem habent, quis scripto docuit? Inuocationis uerba dum ostenditur panis Eucharistiæ & poculum benedictionis, quis sanctorum, scripto nobis reliquit? Non enim his contenti sumus, quorum Apostolus aut Euangelium mentionem facit: sed & ante, & postea alia quædam

Prædicatione Euangelij ad nudum nomen contrahit, qui solam scripturam recipit, & consuetudines abiicit

dicimus, uelut magnum robur ad mysteria habentia, ex doctrina scripto non prodita, assumpta. Ecce dum ostenditur panis Eucharistiæ & poculum benedictionis, uerba inuocationis dicimus in Ecclesia Dei: quam consuetudinem ponit Basilus quasi iam antiquam, & inter ea, quæ assumpta sunt ex doctrina scripto non prodita, magnum tamen robur habentia ad mysteria. Quo loco & quibus uerbis satis declarat, ab antiquissimis temporibus etiam ante ipsum, consuetudinē eam fuisse, ut sacra Eucharistia populo ostenderetur: & populus eo tempore suæ ostensionis uerba inuocationis diceret, quibus inuocaret. Inuocabat igitur. Ergo & orabat, & adorabat.

Iacobus Apost.

Iacobus Apostolus Dionysio antiquior & præstantior, docens nos in Liturgia sua, quam reuerenter celebrationi Eucharistiæ adstare debemus, dicebat populo per Diaconum, Stemus honestè, stenus reuerenter, stemus cum timore Dei, & compunctione, attenti simus diuinæ oblationi, ut Deo pacem offeramus.

Idem appellabat hoc mysteriū, uerendum & in cruentū sacrificiū.

Augustinus.

Augustinus in libro sententiarum Prosperi, In specie panis & uini, quam uidemus, res inuisibiles, idest, carnem & sanguinem Christi honoramus: nec similiter pendimus has duas species, sicut ante consecrationem pendebamus: cum fideliter fateamur ante consecrationem panem esse & uinum, quod natura formauit; post consecrationem uerò carnem Christi & sanguinem, quod benedictio consecrauit. Ecce honoramus corpus & sanguinem Christi in sancto sacramēto Eucharistiæ. Quomodo honoramus? Credendo, sperando, diligendo, honoremque exhibendo: tum interius, tum exterius. Attendamus, quæso, quid sit honorare: & uidebimus sine dubio, Augustinum satis determinasse hanc quæstionē, ex consuetudine sui temporis.

De consecr. dist. 2. c. Nos autem.
Mag. 1. c. lib. 4. diff. 10.

Idem Augustinus, Fluctuans coniecto me ad Christum.

Psal. 98.

De Cœna, & Calice Domini

quia ipsum quæro hic; & inuenio quomodo sine impietate adoretur scabellum pedū eius, suscepit enim de terra terram, quia caro de terra est, & de carne Mariæ carnem accepit, & qui in ipsa carne hic ambulauit & ipsam carnem nobis manducandam ad salutem dedit. Nemo autem carnem illam manducat, nisi prius adorauerit, inuentum est, quomodo adoretur scabellum pedum eius: & non solum non peccamus adorando, sed peccamus non adorando. Profecto non possemus nos, etiam si uellemus, ab Augustino expetere determinationem expressiorem.

IOAN. Chrysof.

*Hom. 24.
in c. 10.
prioris
Epistola.*

*Sanguis
qui ex la-
tere Chri-
sti fluxit
in cruce,
est nūc in
calice.*

*Magorum
exemplo,
debemus
adorare
Christū in
sacramen-
to.*

*Idē auct.
Hom. 21.
in Act.
Apost.*

Ioannes Chrysof. in commentariis suis super Apostolum ad Corinthios, exhortans nos ad Christi Saluatoris nostri adorationem in hoc diuino sacramento, inquit, calix benedictionis, cui benedicimus, nonne communicatio sanguinis Christi est? Maximè his sibi uerbis & fidem facit, & horrorem. Eorum autē eiusmodi est sententia. Quod est in calice, idest, quod a latere fluxit, & illius sumus participes. Et panem, quem frangimus, nonne communicatio corporis Christi est? Hoc corpus in præsepi reueriti sunt Magi, & uiri impij & Barbari longo itinere confecto, cum timore, & tremore plurimo adorauerunt. Imitemur saltem Barbaros, nos, qui cælorum ciues sumus. Illi enim cum id præsepe & tugurium tantum, neque eorum quidquam, quæ tu nunc intueris, uiderent, summa accesserunt reuerentia & horrore; tu uerò non in præsepi id, sed in altari, non mulierem, quæ in ulnis teneat, sed sacerdotem præsentem; & spiritum perabundè super proposito diffusum sacrificio uides. Hæc ille. Ecce exemplo Magorum, qui Christum in præsepe ipsi adorauerunt, debemus & nos adorare eundem Christum in sacramento Eucharistiæ.

: Idem auctor secundum eandem Christianam doctrinā, & ad nostram bonam institutionem, dicit, Quid dicis? In manibus est hostia, & omnia proposita sunt bene ordinata, adsunt Angeli, adsunt Archangeli, adest Filius Dei, cum tanto horrore adsunt omnes: adsunt illi clamantes omnibus

omnibus silentibus, & putas temere hæc fieri? Contem-
 plare, obsecro, adstat mensa regia, adsunt Angeli, mensa hu-
 ius ministri, adest rex ipse, & tu oscitans astas? Quem-
 admodum ad mensam accumbente hero, non licet iis, qui
 illum offenderunt inter ministros adesse, sed è medio abi-
 guntur: ita & hoc loco, dum offertur oblatio, dum Chri-
 stus atque Agnus ille dominicus immolatur. Quando au-
 dis, precemur pariter omnes, dum uides sublata uela, tum
 cogita: cælum ipsum sursum referari: Idem auctor, Per
 id tempus & Angeli Sacerdoti assident, & cælestium pote-
 statum uniuersus ordo clamores excitat, & locus altari ui-
 cinus in illius honorem, qui immolatur, Angelorum cho-
 ris plenus est. Id quod credere abundè licet, uel ex tanto
 illo sacrificio, quod tum peragitur. Ego uerò & commemo-
 rantem olim quendam audiui, quum diceret senè quen-
 dam, uirum admirabilem, ac cui reuelationum mysteria
 multa diuinitus fuissent detecta, sibi narrasse, se tali olim
 uisione dignum habitum à Deo esse; ac per illud quidem
 tempus derepentè Angelorum multitudinem conspexisse,
 quatenus aspectus humanus ferre poterat, fulgentibus ue-
 stibus indutorum, altare ipsum circundantium: Denique
 sic capite inclinatorum, ut si quis milites præsentè rege
 stantes uideat: id quod facile mihi ipsi persuadeo.

Homil.
in epist. ad
Ephes.

In de S.
credito.
lib. 6.

Angeli ad-
stas nostri
sacra, Ciri-
acum reue-
rentes, &
adora ipsi.

IRENEUS, & Ep. Galli.

Ireneus & Episc. Galliæ in epistola ad Victorem, quam
 citat Eusebius, scribunt quòd, Romani Pontifices sui præ-
 cessores solent Episc. ecclesiarum, qui non ita sicut ipsi ce-
 lebrant diem Paschæ, Eucharistiā transmittere in signum
 pacis & communionis. Vbi notat Beatus Rhenanus; quòd
 cum Episc. aliquis Romā ueniret, Pontifex Romanus Eu-
 charistiā hospiti solenniter trans mittebat; & id fortè, in-
 quit, & à cæteris fiebat Episc. Ecce solenniter trans mitte-
 batur olim sacra Eucharistia Episc. & ea erat consuetudo
 sanctæ Ecclesiæ, etiam ante tempora Victoris, & Irinei.
 Solenniter dicitur, sic autem non dubium, quin reueren-
 ter, uenerabiliter, honorabiliter, & cum adoratione.

Ep. Galliæ

Cyprianus in Serm. de lapsis, mulieris meminit, quæ in arca sacram Eucharistiam reposuerat : & quia indignis manibus eam tractauerat, quando arcam aperire tentauit, igne inde surgente, deterrita est, ne attingere auderet. Ecce Christus in Eucharistia uult tractari dignis manibus, eadem ratione ut constat, uult ibi tractari cum reuerentia, ueneratione, honore, atque adoratione.

CLEMENS Martyr.

Clemens Petri Apostoli discipulus, & in Cathedra Apostolica successor, inter multa, quæ se à Beato Petro accepisse narrat, dicit se accepisse, quòd tribus gradibus commissæ sunt sacramenta diuinorum secretorum : Presbytero, Diacono, & ministro, qui cum timore & tremore reliquias corporis Domini debent custodire fragmentorum, ne qua putredo in sacrario inueniatur. Ecce cum timore & tremore est sacra Eucharistia custodienda : per consequens & cum ueneratione atque reuerentia & adoratione est uidenda, & sumenda.

AMBROSIVS.

Ambrosius in prima præcatione preparante ad Missam. Summe sacerdos & uere Pontifex IESU Christe, qui te obtulisti Deo Patri in ara crucis hostiam puram & immaculatam pro nobis miseris peccatoribus, & qui dedisti nobis carnem tuam ad manducandum, & sanguinem tuum ad bibendum, & posuisti mysterium in uirtute Spiritus sancti, dicens, Hæc quotiescunque feceritis, in mei memoriam facietis; rogo per tuum sanguinem preciosum, magnum salutis nostræ precium; Rogo per hanc miram & ineffabilem charitatem, &c. Infra, Quanta enim Domine IESU Christe cordis contritione, & lacrymarum fonte, quanta reuerentia, & tremore, quanta corporis castitate,

De consecr.
distin. 2.
c. Tribus
gradibus.

ibid.
paulo pñt.

& animi puritate illud diuinum & cœleste sacrificium est celebrandum, ubi caro tua in ueritate sumitur, ubi sanguis tuus in ueritate bibitur, ubi summa imis iunguntur, ubi adest præsentia sanctorum Angelorum, ubi tu es sacerdos & sacrificium mirabiliter & ineffabiliter constitutus? Infrâ, Per hanc omnipotentiam tuam te rogo, ut concedas mihi peccatori hoc cœleste sacrificiū celebrare cum timore & tremore, cum cordis puritate, & lacrymarum fonte, cum lætitia spiritali & cœlesti gaudio. Hæc ille. Ecce cum reuerentia, timore, & tremore celebrandum est hoc mysterium: sic etiam tractandum, sic & manducandum. Non sunt autē ista, sine honoratione & adoratione.

Ibid.
paulo post.

Concilium. Viennense.

Vienn. generale Concilium arguit & damnat eos, qui in eleuatione corporis Christi nolébant assurgere, & reuerentiam ei exhibere. Mandatque ut celebretur festum corporis & sanguinis Christi.

In Clem.
Ad nostru.
De hereti.
Clem. uni
ca. De reli
quin. & ad
ner. San. a
florant.
De celebra.
Miss.
c. San. e.

Honorius. I.

Honorius I I I. mandat, præcipitque, ut Eucharistia in loco aliquo ad hoc destinato & mundo honorificè reponatur, ac per fideles & pios custodiat. Sacerdos uerò frequenter plebem doceat, ut cum in celebratione Missarum eleuatur hostia salutaris, se reuerenter inclinet, atque idem faciat cum deferitur ad infirmum. Voluit etiam luminaria semper Eucharistiæ præferri, ad significandam præsentiam Lucis æternæ.

Schola Christiana tota simul, hanc eandem profitetur ueritatem, Magister sententiarum, Alexander de Ales, S. Thomas, Scotus, Durandus à Sancto Portiano, Gabriel Biel, & denique quotquot sunt aut fuerunt doctores scholastici, sancti aut Catholici.

Magister Sentent.

lib. 4.
dist. 10.

Magister Sententiarum cum multis id agat, ut ostendat existentiam Christi in hoc sacramento quoad eius adorationem, ita dicit cum Augustino, In specie panis & uini, quam uidemus, res inuisibiles, idest, carnem & sanguinem, honoramus. Nec similiter pendimus has duas species, sicut ante consecrationem pendebamus: cum fideliter fateamur ante consecrationem panem esse & uinum, quod natura formauit: post consecrationem uero carnem Christi & sanguinem, quod benedictio consecrauit. Ecce in specie panis & uini, quam uidemus, carnem & sanguinem Christi honoramus, ut inquit Magister. Quid est honoramus? honorem impendimus.

S. THOMAS.

par. 3.
quest. 75.
art. 2.

S. Thomas fatetur nos adorare hoc sacramentum, immo potius Christum in illo adoratione Latriæ. Qui cum ex multis ostendat, quod in hoc sacramento non remaneat substantia panis & uini post consecrationem, speciali quadam ratione id probat, dicens, Quia contrariatur uenerationi huius sacramenti, si aliqua substantia creata esset ibi, quæ non posset adoratione Latriæ adorari. Ecce ex adoratione, qua omnes communiter & à tempore antiquissimo in Ecclesia Dei adoramus hoc diuinum sacramentum uel potius Christum in illo, ostendit S. Thomas non remanere substantiam panis & uini in hoc sacramento post consecrationem.

SCOTUS.

lib. 4.
dist. 11.
quest. 3.

Scotus eodem modo docet, quod Christo in sacramento debetur cultus Latriæ. Vidensque hanc esse communissimam & antiquissimam Ecclesiæ consuetudinem, quam obseruant & simplices, qui non sciunt distinguere sacramentum continens, à re contenta, & scientes, qui bene di-

stingunt : saluat ipsos simplices ab idololatria, ex eo, quòd adorant in fide Ecclesiæ, & hoc sufficit eis ad salutem.

GUILIELMVS Ockam

Guilelmus Ockam manifestè etià asserit, Christo in Eucharistia deberi cultum Latriæ : atque ex hoc fundamento, deducit aduersus eos, qui dicunt, post consecrationem manere in sacramento substantiam panis aut uini. Agit autem aduersus eos, in multis locis, ut lib. 4. in hac materia, quæst. 3. in solutione septimi dubij. Idem in Quoli. 4. quæst. 35. Et in tractatù huius materiæ, cap. 5. Potest uideri hac de re in his locis.

GABRIEL Biel.

Gabriel Biel super Canonem Missæ, de diuinissimī sacramenti Eucharistiæ ueneratione seu cultu uolens docere, hoc proposuit exordium. Quia autem ex prædictorum omnium inuestigatione sufficēter patuit, in hoc sacramento Christum contineri & quoad corpus & animam, ineffabilemque deitatem, restat pro complemento illius quarti membri inquirere, Quo cultu, quauē adorationē diuinissimum illud sacramentū tam à sacerdote celebrante, quàm à circumstantibus debeat uenerari? Ad hoc enim statim facta consecratione reuerenter in altum fert hostiā, ipsam populo ostendens, quatenus uisā Eucharistia ab hominibus suppliciter adoretur. Hæc ille. Deinde aduertit, quòd communiter ponuntur tres species adorationis largè acceptæ, siuæ uenerationis, quæ Græcis frequenter nominantur uocabulis : scilicet theosebia siue Latria, Dulia, Hyperdulia. Declarat, Latriam, esse interiorem per actus internos, fidei, spei, charitatis, & Latriam etiam esse exteriorem per actus externos sensibiles in protestationem Latriæ interioris, seu interiorem Latriam protestantes. Sunt hi actus, sicut bene declarat, ritus quidam, qui secundum Christianæ religionis pietatem obseruantur, ut oblatio sacrificij, laudum & cantitorum uocalis prolatio, manuum

in multis locis.

lib. 4. q. 3.

Tres sunt species adorationis.

Latria, Dulia, Hyperdulia.

De Cœna, & Calice Domini

compositio aut extensio, pectoris tunſio; capitis nudatio, genuum inflexio, corporis totius proſtratio, & ſimilia. Dicit itaque idem auctôr multa, & ualde notanda, lectio-
ne 49. & lectio- ne 50.

BESSARION.

Bessarion Episc. Tusculanus in eo suo opere, in quo satis probauit hoc diuinũ sacramentum confici his uerbis Domini, Hoc est corpus meum! Hic est sanguis meus, &c. hanc ueritatem confiteretur; asserens hæc diuina post conse-
crationem ostendi, ut Christus ibi existens, adoretur. Habetur illud opus huius auctoris in lib. Liturgiaram.

Facultas Theol. Louan.

Art. 14.

Facultas Theologica uniuerſitatis Louaniensis in ſuis articulis ſecundum hanc ueritatem ita determinauit, In Eucharistia non manent panis & uinum, ſed hæc in corpus & sanguinem Christi mirabili potentia Verbi ipſius ſunt conuerſa, manentibus tantũ panis uinique ſpeciebus. Vnde certa fide tenendum eſt, ſacram Eucharistiã ſanctẽ à nobis adorari, ſiue in Miſſa, ſiue extra Miſſam, ubicunq; reposita fuerit, aut quoties in ſupplicationibus publicis à ſacerdote circumfertur.

Ruardus Tapper.

Art. 14.

Ruardus Tapper in ſua explicatione prædictorum articulorum dictæ uniuerſitatis, circa hunc articulum ſtatim recitatum, tenet hanc ueritatem, & pro illa adducit multa, quæ facile uideri poſſunt, apud ipſum. Inter alia ſic ait, Atque perpetuo ſuo uſu teſtatur tota Eccleſiã catholica, Dominum ſuum ſic eſſe adorandum, ubicunq; cum nouit eſſe præſentem. Et naturale lumen rationis hoc docet, quod Dominum ad nos uenientem, ut patrocinetur neceſſitatibus noſtris, agnoſcamus; & ueneremur eo honore, quo dignus eſt. itaque conſuſio ſua eſt, uera & ca-

tholica, Hoc interim certissimum est, & certa fide credendum, quod in sacrosancta Eucharistia Christus eadem ueneratione & cultu sit adorandus, quod & nos & sancti Angeli ipsum à dextris Patris in cælo sedentem adorant.

Ad cœnæ mysticam Ioh. d. (Eckius, lib. 2)
 - Ad cœnæ mysticam, & c. (Eckius, lib. 2)
 ad Ioannes Eckius, uir doctissimus, piusque & uerè Christianus, cum iam multa dixisset ad istam ueritatem catholicam, ita tandem concludit suam de hac re orationem, Nec hic quoque, inquit, in immensum nostra crescat oratio, impium est, inhumanum & à Christiano homine alienissimum, scripturis omnibus & ipsi etiam rationi contrarium, credere Dominum Iesum esse in hoc sacramento, neque tamen uelle honorem illi debitum impendere, nolle adorare, quod isti faciunt NeoChristiani: qui superiores se putant, quam ut in honorem sacramenti caput aperiant, sese inclinent, genua flectant. Turpe est dicere quod ferunt eos etiam sacramentum in marsupio circumferre; quæ, quis non auerfetur, exhorrescat, abominetur? Quum interim omnis scriptura clamet, nosque clamando iubeat adorare Dominum: cur non cum etiam isti sub sacramento uelatum adorant? Idem enim ille Christus, qui sedet in cœlis ad dexteram Dei Patris, hic in sacramento latet: qua propter diuinus honor & cultus Latræ ei impendendus est, non minus quam Deo Patri. Hæc ille.

Homig.
 tom. 4.

STANISLAUS Hofius.

Stanislaus Hofius, Episcopus Varmien. Cardinalis meritisissimus, in sua confessione, seu potius explicatione catholicæ fidei, secundum hanc ueritatem ita bene dixit, Quamobrem rectè populum institutum fuisse uidemus à maioribus nostris, cum Eucharistiâ sacerdos eleuat, quod est sacrificij signum (nam & in lege quæcunque sacrificabantur, eleuari consueuisse, docemur ex Leuitico) ut in genua procidentes, Christum in Eucharistia præsentem adorent: simul in memoriâ redeant illius sacrificij, quo ille in crucem sublatu, se pro nobis hostiâ obtulit Deo. Hæc ille.

cap. 45.

Sacratissima Eucharistia sacramentum, quo pacto Christi imago sit: de imaginum adoratione, & reliquiarum ueneratione.

CAP. XVI.

Sacramentum Eucharistia, est imago Christi.



Accedit his, quòd hoc nostrum diuinum sacramentum Eucharistia, symbolum est, signum, & imago Sáluatoris nostri pronòbis passi, ut constat ex iam dictis, & præsertim ex sacro concilio Nicæno ad secundam conclusionem de nostra cœna dominica allegato: nec solùm imago Christi est, eius significatiua,

quàm potius & imago Christi est, eius contentiua, ut etiam ad eandem conclusionem fuit ostensum, per diuinas scripturas & sanctos patres. Figura, inquam, & imago Christi, non ut olim petra deserti, Serpens æneus, aut manna: sed multum expressior, multum excellentior. Vt hæc nostra imago, seu figura Christi, excedat illas Christi figuras antiquas, tum in expressiore repræsentatione, quia expressius nobis Christum significat: tum in continentia, quia ipsum eundem Christum realiter continet. Hæc ideo modo adnotauimus, ut sciamus omnes eos patres ad hanc ueritatem adorationis sacrae Eucharistia nostræ, seu Christi in ea, locutos fuisse, quotquot dixerunt unquam, imagines Christi & sanctorum, eorumq; reliquias adorandas seu uenerandas esse. Non quòd rebus irrationabilibus aut insensibilibus debeamus aliquam adorationem per se, cùm illæ ex natura rei sint nobis inferiores, & non habeant in se aliquid diuinum, ut uirtutem, potestatem, aut excellentiam aliquam singularem à Deo participatam, suis naturis superadditam; sed quia imagines & reliquiae huiusmodi uenerandæ quidem sunt per accidens & propter aliud, id est, quia habent aliquem ordinem repræsentationis, continentia, coniunctionis, aut alterius huiusmodi habitudinis, ad ea, quæ sunt per se adoranda propter aliquam excellentiam, uirtutis, aut potestatis, aut eiusmodi.

Et quia adoratio non conuenit illis rebus insensibilibus tanquam obiectis, actum adorationis terminantibus, sed

quasi

Adoratio imaginum.

Gabriel secundum canonem Missæ. lect. 49. in P. Q.

quasi medijs, per quæ adoratio terminatur ad obiecta per se & principalia; ideo eorum adoratio eisdem nominibus nominatur, & ad easdem species reducitur adorationis, quæ sunt principalium obiectorum, propter quæ aut imagines aut reliquæ uenerantur. Verbi gratia, ut imago Christi adoretur adoratione Patriæ, quæ adoratur ipse Christus; imago Beatissimæ Virginis adoretur adoratione Hyperdulciæ: & imago Beati Petri adoretur adoratione Duliæ; quia talibus uenerationibus ueneremur ipsas res, si eas præsentem in seipsis uideremus. Per hoc autem iam factis constare existimamus, quod adoratio non cõuenit uniuocè rebus ipsis, & suis imaginibus aut reliquiis: quin potius ipsis rebus conuenit per se, suis autem imaginibus aut reliquiis conuenit analogicè, siue per analogiam ad res ipsas. Sicut generaliter dicimus de sanitate, quod alicui conuenit per se, alicui uerò non nisi analogicè.

BASILIVS.

Basilius Magnus fatetur palàm adorationem imaginum, sed ordinando modum, quo eas adoramus, dicit, Honor imaginis ad prothotypum peruenit, idest, exemplar. Est enim prothotypon, prima forma, seu forma exemplaris, ad quam facta est imago.

DAMASCENVS.

Damascenus secundum eandem ueritatem, ita docet, Honor, qui exhibetur imagini, refertur ad illud, cuius est imago. Idem auctor, Quia non omnes noscunt literas, neque lectioni uacant, patres excogitauerunt uelut quosdam triumphos in imaginibus hoc describere, ad uelocem memoriam. Quapropter multotiens non secundum mentem habentes Domini passionem, imaginem crucifixionis Christi uidentes, & in salutaris passionis memoriam uenientes, procidentes adoramus Christum.

lib. 4.

lib. 104.

De Coena, & Calice Domini

Synodus Constantinop.

Constantinopolitana Synodus in quodam suo decreto, sic habet, Sacratam imaginem Domini nostri IESU Christi & omnium liberatoris & Saluatoris, a quo honore cum libro Euangeliorum sanctorum adorari decreuimus. Infra, Siquis ergo non adorat Iconam Saluatoris Christi, non uideat formam eius quando ueniet in gloria paterna glorificari & glorificare sanctos suos; sed alienus sit à communione ipsius, & claritate.

EUSEBIUS.

lib. 7.
cap. 14.

Eusebius manifestè agit de imagine Saluatoris nostri, apud quem reperimus, quòd, Mulier in Euangelio sanguinis profluuiò liberata formauit statuam Domini nostri IESU fusilem, quam postea Iulianus Cæsar, apostata, apud Cæsaream deiecit, locoque illius, sui ipsius statuam collocauit, quæ cœlitus à Deo contrita est. Postea uerò Christiani, partes statuæ Christi colligentes, in Ecclesia recondiderunt, ubi hætenus reseruatur; quæ sicut refert idem Eusebius, omnium passionum & ægritudinum noscitur esse medicamentum. Ad quod etiam potest uideri historia Tripartita. Vnde mos fuit antiquis, ab ipsis Apostolorum temporibus, ad nos uidelicet custoditus, seruari imaginem Domini nostri IESU Christi, & certis in locis permanere; quum uideamus etiam nunc, dicit Eusebius, ipsius Saluatoris, Apostolorum & Pauli designari, tabulisque depingi.

Tripart.
historia.
lib. 6.
cap. 41.

GREGORIUS.

De cõser.
dist. 3.
Perlatum.

Grogorius, Illum in toto corde diligis, cuius imaginem præ oculis habere desideras. Qui auctor Sereno Episcopo Mafsilienfî scribens, satis explicat modum, quo imagines Saluatoris nostri & sanctorum adoramus, adorareq; debemus. Aliud est enim picturam adorare, aliud per pi-

etiam historiam, quid sit adorandū addiscere. Nam quod legentibus scriptura; hoc & idiotis præstat pictura cernentibus: quia in ipsa, ignorantes uident, quod sequi debeant. In ipsa legunt, qui literas nesciunt. Vnde & præcipuè gentibus, idest, laicis, pro lectione pictura est.

ROBERTVS Holckot.

Robertus Holckot circa illud Sapien. Infœlices sunt, & inter mortuos est spes illorum, qui appallauerunt Deos suos opera manuum suarum. ita dicit, Non uideo esse bene dictū quod eodem honore honoretur Deus, & imago eius. Sed mihi uidetur dicendum, quod neque adoro imaginem Christi, quia lignum, nec quia imago; sed adoro Christum corā imagine Christi; quia scilicet imago Christi excitat me ad amandum Christum. Voluit igitur Holckot imagines, & docuit nos coram illis debere adorare eas res, quarum sunt imagines: quia nos in memoriam illarum rerum excitant, & in amorem inducunt, atque reuerentiam. Vnde & uenerationem imaginum concedit, eo modo; quia nos in memoriam sanctarum rerum inducunt, quia coram ipsis res sanctas adoramus. Concederet etiam esse benedictū quod eodem honore honoretur Deus, & imago eius; si animaduertisset analogiam paulò ante positam, de qua modò satis.

AUGUSTINVS.

Augustinus in De uisitatione infirmorum, de imagine Christi ait, Hanc complectere humiliter, uenerare suppliciter, cum hæc ad memoriam tibi reducat Crucifixum. Ecce unde habet imaginem Christi, quod eam ueneremur, & complectamur; & adoremus: quia uidelicet habet ordinem siue habitudinē ad Christum, per repræsentationē. Quia igitur nostrum diuinum sacramentum Eucharistia; est imago Christi, ipsiusque repræsentatiua: constat illud esse uenerandum & adorandum, saltē secundum eam communem rationem, qua sancta Ecclesia Dei semper re-

De uisitatione infirmorum.

De Cœna, & Calice Domini

Hoc sacra-
mentum non
est imago
Christi si-
cut pictu-
ra.

Hoc sacra-
mentum est
imago ex
institutio-
ne Christi.

Matth. 26.

Marci 14.

Luce 22.

1. Cor. 11.

Hebr. 10.

Rom. 1.

tognouit uenerandam, honorandam, adorandamque esse suo modo Christi imaginem. Non est hoc sacramentum imago Christi, sicut imago picta, uel sculpta secundum similem protractionem & figurationem membrorum Christi, siue in ea figura in qua natus est, siue in qua prædica- uit, siue qua crucifixus in ligno pependit. Est tamen hoc sacramentum imago Christi, modo quodam altissimo: ex diuina uidelicet institutione, qua ipse Christus substantiam panis & uini, in substantiam corporis & sanguinis conuer- tit, suum corpus, suum sanguinem sub speciebus panis & ui- ni per conuersionem posuit, & tandem dixit, Hoc facite in meam commemorationem. Vnde quidem uim habet repræsentatiuam Christi, nec solum repræsentatiuam, sed & contentiuam: secundum quod Christus uerè dixit, & nos in persona illius uerè dicimus, Hoc est corpus meum. Hic est sanguis meus, &c. Hinc est, quod Apostolus Paulus propter hanc institutionem ac repræsentationem huius sa- cramenti, ait, Quotiescunque enim manducabitis panem hunc & calicem bibetis, mortem Domini annuntiabitis, donec ueniat. Secundum quem etiam alibi, Vmbra enim habens lex futurorum bonorum, non ipsam imaginem re- rum. Nunquid idem de Euangelio? Absit. Virtus enim Dei est in salutem omni credenti. Habetque ipsarum re- rum imaginem. Patres igitur, qui dicunt uenerandam esse Christi imaginem, idem profectò intelligunt de hoc di- uino sacramento; nisi quod huic sacramento hoc magis conuenit, quia & Christum significat atque repræsentat, & ipsum Christum realiter continet, quod nulla alia habet Christi imago.

Synodus VI. Constantinop.

Beda in li-
bro de tem-
pore.
dist. 16.
cap. 9.

Sexta Synodus uniuersalis Constantinopoli congregata est, & Græco sermone temporibus Papæ Agathonis; exequente piissinio principe Constantino intra palatium suum, simulque legatis Apostolicæ Sedis, Episcopis centum quin- quaginta residentibus. Ex ea autem sexta Synodo sic ha- bemus, Venerabiles imagines, Christiani non deos appel-

lant, neque seruiunt eis ut diis, neque spem salutis ponunt in eis, neque ab eis expectant futurum iudicium: sed ad memoriam & recordationem primitiuorum, uenerantur eas & adorant.

De cōsec.
dist. 3.
c. Venera-
biles ima-
gines. q.
can. 27.

Hieronymus probat esse sanctorum reliquias uenerabili-

Contra Vi-
gilantium.

ter honorandas, contra Vigilantium, qui cultum reliquiarum sanctorum reprobabat. Reliquiæ autem eiusmodi Christi Saluatoris nostri aut sanctorum eius, si bene aduertimus antiquissimos sanctæ matris Ecclesiæ mores, doctrinas sanctissimorum doctorum antiquorum, & miracula diuinitus facta, sunt ex res, quæ habuerunt aliquam specialem coniunctionem Christo aut sanctis suis, seu specialem habitudinem. Velut carnes, ossa, pulueres in quos resolutæ sunt sanctorum corpora: atque etiam ut arma triumphalia, sicut crux Christi, clauis, lancea, corona, flagella, columna, uestes, sepulchra, & alia familia ad usum Christi aut sanctorum eius pertinentia. Omnes autem, qui credimus Christum præsentialiter adesse in hoc diuino sacramento, uidemus statim mentis nostræ oculis hoc nobilissimum sacramentum habere quandam specialem coniunctionem seu habitudinem ad ipsum Christum, quem modo altissimo continet, nostræ iustificationis ac salutis mysteria operantem. Qui ergo senserunt uenerandas adorandasque suo modo esse reliquias Christi & sanctorum, propter specialem coniunctionem seu habitudinem prædictam: absque dubio, idem de hoc diuino sacramento crediderunt; eo uidelicet, quod ad Christum habet altissimam & excellentissimam habitudinem continentis. Idcirco diuini Hieronymum adducimus, uenerationem reliquiarum profitentem. Idem Hieronymus manifestè ad Theophilum Alexandrinum Episcopum, in epistola libris eius Paschalis annexa. Verba ipsius ponuntur paulò post.

Gabriel su-
per canonem
Missæ.
lect. 50.

Dea Iba

Idem aut.

De cōsec. dist. 3. c. Venerabiles imagines. q. can. 27.

ALEXAND. III. & INNOC. III.

Extra de
reliquiis
& uenera-
tione sanc.

Alexander III. & Innocentius III. in Concilio generali, de reliquiis & ueneratione sanctorum tradiderunt, modum adhibentes, quo reliquia huiusmodi uenerarentur debite: ne fieret error, ne fieret deceptio. Nouerat enim Innocentius; nouerat & generale concilium; nonnullos ad ecclesias accedere, causa uenerandi reliquias: qui mos fuit semper in Ecclesia Dei; ut & antiqua facta, & antiqua scripta testantur.

de hinc
Summa 419

lib. 2.

Idē auct.

Tertullianus non obscure ostendit in quanta reuerentia hoc diuinum sacramentum olim haberetur apud fideles, & ueneratione. Dicit enim ad uxorem, Non sciet maritus, quid secreto ante omnem cibum gustes. Ecce quod licet tunc consuetudo esset apud nonnullos, ut Laici in manus acciperent Eucharistiam & domum portarent: eam tamen non ut communem cibum, sed ieiuni, & sic, reuerenter manducarent. Idem in De corona militis, Eucharistia sacramentum, & in tempore uictus, & omnibus mandatum à Domino etiam antelucanis cœtibus; nec de aliorum manu, quam presidentium accipimus. Infra, Eadem intimitate à die Pasche; usque in Pentecosten gaudemus: calicis etiam aut panis nostri aliud decuti in terram anxie patimur. Ecce quā reuerentia & ueneratione, & quo honore Christiani olim tempore Tertulliani, hoc diuinum sacramentum profectuebantur, ut illud non nisi ieiuni sumerent, ut si aliquid eius in terram decuti contingeret, anxie paterentur. Profecto ueneratio ibi erat, reuerentia non parua, & quadam adoratio.

Dionysius Arcop.

Dionysius Arcopagita præter ea, quæ ab ipso iam adduximus, dicit etiam in De ecclesiastica Hierarchia, agens

de hac nostra diuina coena, Sacrosancta & augustissima
mysteria. Venerabilissima mysteria, Coeleste mysterium,
Sancta mysteriorum consecrationes. Oblatio sanctissimi
sacrificij. Ecce sunt nostra hæc sacramenta, coeleste my-
sterium, mysteria uenerabilissima, si uenerabilissima, et-
go, & suo modo adoranda.

In epist. ad
Demophi-
lum.

CONSTANT. Magnus.

Constantinus Magnus in epistola ad Episc. Tiri collectos,
ait, Sancta debitis offerre mysteria. Ecce de his sacra-
mentis agebat, eaque sancta appellabat. Non est dubium,
quin ea adoranda iudicaret, eo modo, quo confitebatur ea
sancta. Sanctum enim in eo quod sanctum, est suo modo
uenerandum. Solue calcamentum de pedibus tuis, locus
enim in quo stas, terra sancta est. Ecce ibi terræ quodam
modo ueneratio, propter terræ sanctitatem.

EUSEBIUS Pam. in De demonstrantione Euangelica,
Horrorem afferentia mensæ Christi sacrificia. Deo ple-
num, & horrorem afferens, & sacrosanctum sacrificium.
Ecce hæc sacrificia sunt Deo plena, & horrorem afferentia.
Ergo eisdem de causis sunt ueneranda.

lib. 7.
cap. 10.

IOAN. Chrysof.

Ioannes Chrysostomus etiam præter ea, quæ ex ipso
iam adduximus, homilia 31. in Acta Apostolorum, &
homilia 41. in primam epistolam ad Corin. & homilia 18.
in eandem epistolam, & sermone tertio in epistolam ad
Philip. & lib. tertio de sacerdotio, & homilia 6. ad An-
thiocheneses, multis nominibus explicat cuius nostræ cœ-
næ excellentiam, atque ei debitam uenerationem: inter-
que, hæc sunt, Mortis Christi celebratio, Horrendum sac-
rificiū, Ineffabilia sacramenta, Sacra mysteria, Horrenda
mysteria, Horrendissima mysteria, Celebratio ueneran-

in multi-
locis.

De Cœna, & Calice Domini

dorum mysteriorum, Mysterium omnium maxime horrendum, uerendumque, Tremenda mysteria, Tremendum sacrificium. Ecce hæc sacramenta sunt ineffabilia, horrenda, horrendissima, omnium maxime horrenda, uerenda, tremenda, ueneranda. Non potuit Chrysostomus loqui aut abundantius, aut manifestius, ad istam ueritatem,

THEODORETUS.

In Exodo.
In religio-
sahist.
cap. 20.

Theodoretus ad idē, Sacrificatio Agni dominici, Oblatio spiritalis & mystici sacrificij, Oblatio diuini doni, Oblatio diuini mystici & salutaris sacrificij. An huic tanta rei non debetur ueneratio? Absit. Est tibi Agnus Dei, est diuinum donum; est spiritale & salutare sacrificium: & per consequens inuitabile, est etiā aliquid ualde uenerandū.

CYRILLUS.

Contra Ne-
storium.
Epist. 3.

Cyrillus contra Nestorium appellauit nostram sacram Eucharistiam, sanctum ac uiuificum & incruentum sacrificium: quia secundum suam doctrinam in eo loco, nostrū hoc sacramentum seu eius celebratio, est sancti ac uiuifici & incruenti operatio sacrificij. Quod autem aliquo modo est sanctum, eo modo absque dubio est uenerandum.

IOAN. DAMASCENUS.

Ioannes Damascenus in uita Sancti Balaami, Tremendum & impollutum uitaleque sacramentum, Incruentum sacrificium. Ecce est sacramentum & sacrificium, uitale, impollutum, tremendum. Qui tremendum dicit, reuerendum & uenerandum confitetur.

ANACLETUS.

Anacletus Papa antiquissimus, ostendens quanta cum reuerentia ministri Episcopi celebrantis adstare debeant, dicit, corde contrito & humillato spiritu, ac prono stent uultu,

uultu, custodientes eum, &c. Ecce qualem reuerentiā & deuotionem requirit in ministris adstantibus.

HIERONYMVS.

Hieronymus in epistola ad Theophilum Alexandrinum Episcopum, Discant qui ignorant, eruditi testimoniis scripturarum, qua debeant ueneratione sancta suscipere, & altaris Christi ministerio deferuire, sacrosque calices & sancta uelamina, &c. quæ ad cultum dominicæ passionis pertinent, non quasi inanima & sensu carentia sanctimoniam non habere, sed ex consortio corporis & sanguinis Domini eadem, qua corpus eius & sanguis, maiestate ueneranda.

Epistola, libris eius Paschalibus annexa est.

Libet nunc ponere catalogum patrum & doctorum antiquorum, recentiumque, conciliorum etiam & uniuersitatum, in quibus reperitur nostram sacram Eucharistiam seu cœnam dominicam, esse uenerandam, reuerendam, honorandam; horrendam, tremendam, seu adorandam.

IACOBUS Apostolus.

Dionysius Areopagita Martyr.

Basilius Magnus.

Augustinus.

Ioannes Chrysostomus.

Ireneus & Episcopi Gallie.

Cyprianus.

Clemens Petri discipulus.

Ambrosius.

Viennense generale concilium.

Magister sententiarum.

Sanctus Thomas.

Scotus.

Guilelmus Ockam.

Gabriel Biel.

Bessarion Cardinalis.

Facultas Theologica uniuersitatis Louanienfis.

Ruardus Tapper.

De Cœna, & Calice Domini

dorum mysteriorum; Mysterium omnium maxime horrendum, uerendumque, Tremenda mysteria, Tremendum sacrificium. Ecce hæc sacramenta sunt ineffabilia, horrenda, horrendissima, omnium maxime horrenda, uerenda, tremenda, ueneranda. Non potuit Chrysostomus loqui aut abundantius, aut manifestius, ad istam ueritatem,

THEODORETUS.

In Exodo.
In religio-
sa hist.
cap. 20.

Theodoretus ad idē, Sacrificatio Agni dominici, Oblatio spiritalis & mystici sacrificij, Oblatio diuini doni, Oblatio diuini mystici & salutaris sacrificij. An huic tantæ rei non debetur ueneratio? Absit. Est tibi Agnus Dei, est diuinum donum, est spiritale & salutare sacrificium: & per consequens inuitabile, est etiā aliquid ualde uenerandū.

CYRILLUS.

Contra Ne-
storum.
Epi. 1.

Cyrillus contra Nestorium appellauit nostram sacram Eucharistiam, sanctum ac uiuificum & incruentum sacrificium: quia secundum suam doctrinam in eo loco, nostrū hoc sacramentum seu eius celebratio, est sancti ac uiuifici & intruenti operatio sacrificij. Quod autem aliquo modo est sanctum, eo modo absque dubio est uenerandum.

I OAN. Damascenus.

Ioannes Damascenus in uita Sancti Balaami, Tremendum & impollutum uitaleque sacramentum, Incruentum sacrificium. Ecce est sacramentum & sacrificium, uitale, impollutum, tremendum. Qui tremendum dicit, reuerendum & uenerandum confitetur.

ANACLETUS.

Anacletus Papa antiquissimus, ostendens quanta cum reuerentia ministri Episcopi celebrantis adstare debeant, dicit, corde contrito & humiliato spiritu, ac prono sterno uultu,

uultu, custodientes eum, &c. Ecce qualem reuerentiã & deuotionem requirit in ministris adstantibus.

HIERONYMVS.

Hieronymus in epistola ad Theophilum Alexandrinum Episcopum, Discant qui ignorant, eruditi testimoniis scripturarum, qua debeant ueneratione sancta suscipere, & altaris Christi ministerio deferuire, sacrosque calices & sancta uelamina, &c. quæ ad cultum dominicæ passionis pertinent, non quasi inanima & sensu carentia sanctimoniam non habere, sed ex consortio corporis & sanguinis Domini eadem, qua corpus eius & sanguis, maiestate ueneranda.

Epistola, lib.
viii. eius Pa-
schalis
anexa est.

Libet nunc ponere catalogum patrum & doctorum antiquorum, recentiumque, conciliorum etiam & uniuersitatum, in quibus reperitur nostram sacram Eucharistiam seu cœnam dominicam, esse uenerandam, reuerendam, honorandam; horrendam, tremendam, seu adorandam.

-IACOBUS Apostolus.

-Dionysius Areopagita Martyr.

-Basilius Magnus.

-Augustinus.

-Ioannes Chrysostomus.

-Ireneus & Episcopi Gallie.

-Cyprianus.

-Clemens Petri discipulus.

-Ambrosius.

-Viennense generale concilium.

-Magister sententiarum.

-Sanctus Thomas.

-Scotus.

-Guilhelmus Ockam.

-Gabriel Biel.

-Bessarion Cardinalis.

-Facultas Theologica uniuersitatis Louaniensis.

-Ruardus Tapper.

De Cœna, & Calice Domini

Ioannes Eckius.
 Stanislaus Hosius.
 Damascenus.
 Constantinopolitana Synodus.
 Eusebius.
 Gregorius.
 Robertus Holkot.
 Sexta Synodus.
 Hieronymus.
 Alexander III.
 Innocentius III.
 Tertullianus.
 Constantinus magnus.
 Theodoricus.
 Cyrillus.
 Damascenus.
 Anacletus.

Duplicem esse adorationem, & utraque sacratissimam Eucharistiam, quod Christi corpus uerè contineat, adorandam esse, demonstratur. Ponitur aduersariorum obiectio, eaque statim refellitur.

CAPITULUM XVII.

1. Cor. 11.



De hac ueritate satis manifestè est Apostolus Paulus, in eo, quòd de hac nostra cœna dominica agens, nullo modo permittit hominem aliquem ad eam accedere de ea sumpturum, nisi se prius probauerit, qui se prius iudicauerit, & qui in ea diiudicet corpus Domini. Itaque quicumque manducauerit panem, uel biberit calicem Domini indignè, reus erit corporis & sanguinis Domini. Probet autem seipsum homo, & sic de pane illo edat, & de calice bibat. Qui enim manducat & bibit indignè, iudicium sibi manducat & bibit, non diiudicans corpus Domini. Ideo inter uos multi infirmi, & imbecilles, & dormiunt multi. Quòd si nosmetipsos diiudicemus, non utique iudicemur. Ecce quàm ordinatum & quàm reuerentem interius requirit hominem

ad hanc sacram cœnam accessurum : ea enim, quæ requirit, certè sunt sanctitatis interioris, interioris cultus, & interioris reuerentiæ, ut constat omnibus sapientibus. Duo enim ego hîc considero, quæ mihi uidentur ab omnibus considerata; Alterum, quòd non sic interius compositi tenemur accedere ad aliam mensam, ad aliam cœnam, ad alios cibos communes, seu prophanos: quia non sic probati, non sic examinati, non sic diiudicati. Alterum, quòd hæc interior compositio, ad interiorem adorationem seu reuentiam aut honorationem pertinet, & quædam interior est adoratio, reuerentia, honoratio, seu honorificatio, aut cultus Dei: quia hæc interior compositio, per probationem, examinationem, discussionem, & diiudicationem nostri, est quædam nostra humiliatio coram Deo & donis suis, & multa habet, quæ non possunt ad Dei cultum & adorationem non pertinere, ut fidem, spem, charitatem, & aliâ. Tenemur ergo accedere cum adoratione interiori. Igitur si aduertimus, etiam cum exteriori.

Quandoquidem externa adoratio ab interiori habet originem, illamque significat, & quodam modo adorationem nostram erga Deum complet: utpote quòd cum ex corpore & anima compositi simus, & singuli duos homines, interiorem uidelicet & exteriorem habeamus, non intelligimur plenè adorare Deum, nisi illum in utroque nostro homine, idest, inferiore & superiore adoremus, ueneremur, aut honoremus. Veri adoratores adorabunt Patrè in spiritu & ueritate, & tales adoratores querit Deus, qui illum in spiritu adorent, quia ipse Spiritus est. Sed hæc interior adoratio non excludit, nec damnat, nec contemnit adorationem Dei exteriorem, immo eam parit, suis temporibus & locis: unde duæ ex adorationes Dei, seu duo ij modi adorandi Deum, interior & exterior, interius & exterius, reperiuntur passim in diuinis scripturis. Habet adoratio interior suos actus, quibus exercetur, per fidem, spem, charitatem, & alias uirtutes: habetque similiter & adoratio exterior actus suos, ut capitis discoopertionem, manuum eleuationem, pectoris percussione, genuflectionem, totius corporis prostrationem. Apostolus ergo

De Cœna, & Calice Domini

requirit huius sacramenti uenerationem. Eodē pertinet quod ipse non permittit ut ecclesias Dei materiales contēnamus, aut ut tanquā prophanas domos tractemus, ut constat ad Corin. Nūquid domos non habetis ad manducandū aut bibendum? aut Ecclesiam Dei contemnitis. Quantū ergo magis uult, ut hanc cœnam dominicam tractemus non ut prophanam, sed ut sacram, ut diuinam, cum ueneratione? Est enim sanctitas in ea, immo est in ea realiter totus Christus, fons & origo totius sanctitatis.

*Veneratio
sacramenti
ostenditur
ex uenera-
tione arce
federis.
Nums. 14.*

Iosua 3.

Iosua 6.

Docet profectō nos satis hanc ueritatem, quod uidemus olim tantum honoris impensum fuisse arce fœderis, quæ maximo erat apparatu instructa, quam soli gestabant sacerdotes, idque per duo millia passuum ante uniuersum populum per Iordanem. Quid ergo nos facere æquum est obsecro, quantumque decet honoris exhibere sanctissimo huic sacramento corporis Christi? Ad hæc, eandem gestarunt cum tubis septies per circuitum urbis Hierico, & conciderunt muri ciuitatis, sicut & in deserto arca deferbatur ante populum, unde constaret, ubi nam castra figenda essent. Longum nimis foret persequi, quo modo illa delata fuerit in bellum, quomodo à Philistæis remissa rursus sit Iudæis in Betsames, deinde in Gabaa. Certè David ipse arcam ex Gabaa cum triginta millibus uiro- rum adduxit in domum Obededom, deinde in ciuitatem suam maximo cum honore; quando etiam David Rex ante arcam saltitans, cithara lusit, nihil reueritus etiam si ab uxore Michol deridebatur. Cui ergo non turpe uidebitur nos Christianos non plus honoris & reuerentiæ exhibere sacramento corporis Christi, quàm Iudæi olim impendebant illi arce? Quid erat in illa arca? Quid est in hoc diuino sacramento? Erant in illa arca, duæ tabulæ Mo- sis, cum decem præceptis, uirga Aaronis florens, & Manna in uasculo. Est in hoc sacramento totus Christus, corpus, sanguis, anima, diuinitas.

Exod. 16.

Hebr. 9.

Philip.

Quid multis opus est? Angeli adorant Christum in cœlo, ubi eum præsentem uident per claram uisionem. Nos debemus adorare Christum in hoc sacramento, ubi eum uidemus certissimè per fidem. In nomine I. E. S. V. omne ge-

nu debet flecti, cœlestium, terrestrium, & infernorum. Non secus in hoc sacramento omne genu flecti debet. nomen enim IESVS, significat quidem Christum; sed non continet. Hoc autem sacramentum & Christum significat, & Christum continet realiter.

• Dicunt aduersarij fugientes has nostras demonstrationes, Christus non est in sacramento ut adoretur, sed est in sacramento ut manducetur. Respondemus multipliciter. Primùm, Nullibi potest esse Christus, ubi non sit adorandus. Vbicunque enim sit, secum habet, unde adorandus est. Ad rationes adorationis debemus inspicere, non ad locum, nec ad modum essendi. Rationes autem ipsæ, semper & ubique sunt in eo, sua diuinitas infinita, & sua sanctitas excellentissima. Secundò, quia absque dubio Christus Dominus, Propter nos homines & propter nostram salutem descendit de cœlis. Venitque quærere & saluum facere quod perierat. Nec uenit ministrari, sed ministrare, & dare animam suam redemptionem pro multis. Hoc tamen non obstante, quia adorandus erat ob maximas rationes adorationis, quas habebat, frequenter legimus ipsum à multis adoratum fuisse: quod factum non fuit unquàm in ipsis adorantibus reprobatur, quin potius fuit in illis maximè laudatum. Penè infinita sunt exempla, ex quibus ià superius nonnulla posuimus, & ea sufficietia. Quia igitur Christus in sacramento habet omnes rationes, omnesque causas, propter quas adoratur in cœlo: iam non potest esse dubium, quin sit ipse adorandus in sacramento. Profectò Magi illi antiquissimi, Dei Optimi Maximi ductu, & non dubium quin & ab ipso illuminati, Christum ipsum in præsepi adorauerunt. Certum est autem, quòd ipsi eundem Christum sibi cognitum adorassent in sacramento, quem cognitum adorauerunt in præsepi.

AUGUSTINVS.

• Augustinus ad Ianuarium postquàm determinauit debere nos facere, quæ sancta scriptura nos facere præcipit. adiecit statim, Similiter etiam si quid horum, (de quæ-

Obiectio
aduersario-
rum.

Responsio
catholicorum.

In symbo-
lo.

Math. 18.
Luc. 15. 19
Math. 20.
Luc. 22.

Epist. 118.
tom. 2.

De Cœna, & Calice Domini

*Infamia in
solentissima
est disputa-
re, an sit fa-
ciendum,
quod Ecce-
sia per Or-
bem frequen-*

tionibus Ianuarij erat sermo) tota die per Orbē frequen-
tat Ecclesia. Nam hoc quin ita faciendum sit, disputare,
insolentissimæ infantiæ est. Ecce est quidem infantiæ inso-
lentissimæ, disputare, an faciendum sit, quod Ecclesia fre-
quentat tota die per Orbem. Nunc autem discurremus per
omnia, & uidebimus, quod hoc maximè Ecclesia tota die
per Orbem frequenter, ut in hoc sacrosancto Eucharistiæ
sacramento adoremus Christum. Ergo insolentissimæ in-
fantiæ est, disputare, an hoc sit faciendum. Est enim fa-
ciendum absque dubio. Sicut absque dubio esset facien-
dum, si in diuinis scripturis esset scriptum, ut fieret.

*Conclusio quinta & ultima probatur, & uerbo Dei diuinum sacra-
tissima Eucharistia mysterium confici, peragi, perficique, ex iis,
quæ Patres sancti auctoresque catholici literis prodiderunt, osten-*
ditur. CAP. XV III.



Vinta cōclusio de cœna hac sacratissima est;
Nostra cœna est permanens in se & in sua
sanctitate, etiam si per annum nō sumatur.
Ut sic intelligamus nostram cœnam domi-
nicam, uerum sacramentum esse ac uerum
Christi corpus & sanguinem continere, non
solum tempore sumptionis, sed statim post consecratio-
nem, toto tempore, quo species panis aut uini durant.

Ad huius conclusionis ostensionem satis profectò facit,
ipsa uerborum Christi auctoritas, maiestas, potestas, effi-
cientia, ueritas, quæ nunquam possunt non esse uera. Hoc
enim uno fit, ut cum sacerdos super materiam panis & ui-
ni in Christi persona dicit hoc Christi uerbum, Hoc est
corpus meum. Hic est sanguis meus, &c. cum intentione
consecrandi, statim nostra cœna sacra est, corpus & san-
guinem Christi significat, atque corpus & sanguinem Chri-
sti continet. Vera enim sunt ea Christi uerba, effectiuaque
eius quod repræsentant, suo modo, qui satis iam constat
ex dictis: nec possunt ullo modo esse falsa, nec inefficacia.
Verbum nanque Domini in æternum semper stat, semper
uerum, semper firmum, semper efficax. Ut etiam uide-

mus omnes, non per sumptionem panis & uini fit panis corpus, aut uinū sanguis, sed per uerbum Domini à sacerdote ea intentione prolatum, fit ea consecratio, eaque ineffabilis mutatio. Erit igitur ea, ex quo ipsum uerbum Domini prolatum fuerit. Ita nanque generaliter, posita causa, ponitur effectus. Durabit autem, usquequo? Non est præfixum tempus, non est assignatus terminus, sed durabit consecratio facta, continentia, significatio, & sanctitas: quandiu panis aut uini species perdurauerint, & ubicunque illæ fuerint. Ratum, firmumque est uerbum Domini, Hoc est corpus meum. Hic est sanguis meus. Quod autem semel corpus aut sanguis Christi factum est, non dimouetur, nec inde separatur, persistentibus speciebus sub quibus panis aut uino, successit corpus aut sanguis Christi. Manifestum est hoc mysterium confici, peragi, ac perfici uerbo Christi; manifestumque, nostram sacramentā perdurare in sua sanctitate, quandiu ipsæ species sacramentales perdurauerint. Constant hæc ex ipso uerbo Christi & eo posito, constant etiam ex natura rei. Placet tamen ad hæc, patrum testimonia asserre nonnulla, ut uideamus has ueritates semper in Ecclesia Dei sanctis patribus fuisse notas.

AUGUSTINVS.

Augustinus inquit, Diuini corporis consecratio à catholica Ecclesia creditur, non magis à bono, non minus à malo sacerdote confici. Neque enim merito consecrantis; sed creatoris, efficitur uerbo. Alibi, credendum Christi uerbis sacramentum confici: Cuius enim potentia prius creata sunt ea, quæ sunt, huius certè uerbo ad melius mutantur. Idem in De uerbis Domini, Ante uerba Domini, quæ, Hoc est corpus meum. dicunt, panis dicitur quod offertur: uerbis autem illis dictis, non amplius panis, sed corpus uocatur. In expositione super Ioanne, Vocatur corpus & caro Christi, quod caro continere non potest. Conficiunt autem illud carnis uerba, quæ ipsius carnis Christi uerba fuerunt. Ait enim, Hoc est corpus meum.

AMBROSIVS.

Ambrosius in sermone de sacramētis, Quomodo enim panis potest esse corpus Christi? Quibus uerbis, aut quorum uerbis hæc sacramenta perficiuntur? Addit; Ipsi Domini nostri Iesu Christi. Infra, Oūm autem hoc sacramentum perficit, non propriis uerbis sacerdos, sed ipse Christi utitur. Verba enim Christi, hoc sacramentum conficiunt. Et post pauca idem auctor dicit, Ante consecrationem panis est, uerbis autem Christi dictis, mox corpus Christi est. Accipite enim, inquit, comedite ex eo omnes, Hoc est corpus meum. Similiter in calice ante uerba Domini, uinum est aqua mistum: Christi uerbis operantibus, sanguis efficitur. Idem auctor post multas rararum mutationes factas uerbo Domini adductas, ita continuat, Si igitur tantū potuit humana benedictio ad transmutandam rerum naturam, quid de hac diuina consecratione dicemus, ubi ipsa uerba Saluatoris operantur? Hoc enim sacramentum, quod accipis, uerbis Christi conficitur. Idem auctor, Accipite quemadmodum sermo Christi creaturam omnem mutare consueuerit; & mutat quando uult instituta naturæ. At qui paulò post meminit conuersionis panis in corpus Christi.

De sacram.
mem. lib. 4.
c. 4. & 5.

HIERONYMVS.

Hieronymus ad Euagrium, ita confitetur & docet palam, non quod ad communionem alicuius, sed quod ad precem sacerdotis, conficitur corpus Christi.

CHRYSOSTOMVS.

Ioan. Chrysoſt. in homilia, De prodicione Traditoris, & sacramentorum traditione, Adest nunc quoque Christus, qui illam mensam fecit, ille ipse nunc etiam ornat. Non enim est homo, qui hæc munera facit corpus & sanguinem Christi; sed qui crucifixus est pro nobis, Christus.

Figuram

Figuram quidem adimpleris astat sacerdos, uerba illa pronuntians: potestas uero & gratia tota Christi est. Hoc est corpus meum, ait. Hoc uerbum, res propositas transmutat. Nam quemadmodum uox illa, qua dictum est, Crescite, & multiplicamini, & replete terram. semel quidem dicta est, semper autem fit, operæ naturæ nostræ uim præbens ad generandum: ita hæc quoque uox semel dicta, in singulis aris ex eo tempore usque in præsentem diem, & usque ad Christi aduentum hoc sacramentum integrè perficit. Hæc ille. Idem auctor super Matthæum, Non sunt humanæ potentiæ opera, quæ proposita sunt: qui tunc ea fecit in cœna, ipse nunc ea quoque operatur. Nos ministrorum locum tenemus, qui uerò sanctificat, & ea mutat, ipse est. Hæc ille.

Homil. 82.

GREGORIUS Nyssenus.

Gregorius Nyssenus in Catechetico sermone de diuinis sacramentis, ait, Rectè igitur & nunc panem diuino uerbo sanctificatum, in corpus Dei Verbi transmutari credimus. Nam & illud corpus (intelligit autem corpus assumptum ex Virgine) panis potentia erat, sanctificatus uerò fuit habitatione Verbi in carne habitantis, à quo ita panis, qui in illo corpore erat, transsubstantiatus fuit in diuinam potentiam, per eum nunc æqualiter fit. Et ibi enim gratia Verbi sanctum fecerat illud corpus, quod ex pane consistebat. Et illud quodam modo etiam panis erat, & hic similiter panis, quemadmodum Apostolus ait, sanctificatur pe Verbum Dei & orationem, non comestionem, ad hoc procedens, ut corpus Verbi fiat, sed mox ad corpus per uerbum transmutatur, quemadmodum ab ipso Verbo dictum est, Hoc est corpus meum. Ecce non uidetur facile quo modo ad hanc ueritatē dici potuerunt uerba clariora.

cap. 37.

DAMASCENUS.

Damascenus in lib. Sententiarum inquit, Non est panis figura corporis & sanguinis Christi, absit, sed ipsum cor-

cap. 23.

De Cœna, & Calice Domini

pūs Christi deificatum. Hōc habemus ab ipso Domino, dicente, non, Hoc est figura corporis, sed ipsum corpus meum. & non figura sanguinis, sed ipse sanguis meus.

RABANVS.

De Eucha-
ristia.
cap. 4.

Rabanus ita docet, Nullus moueatur de hoc Christi corpore & sanguine, quod in ministerio sit uera caro, uerus sit sanguis, dum sic ille uoluit, qui creauit. Omnia enim quæcunque uoluit Dominus, fecit in cœlo & in terra. Et quia uoluit, lœt figura panis & uini sit hîc, omnino nihil aliud quàm caro Christi & sanguis post consecrationem credenda sunt: & ut mirabilius loquar, non alia planè caro quàm quæ nata est de Maria, & passa in cruce, & resurrexit de sepulchro.

Nota fuit ergo hæc ueritas antiquis patribus, Augustino, Ambrosio, Chrysostomo, Damasceno, Rabano, ut ex dictis constat: quam etiam accepit & conseruat tota schola Christiana, ex qua placet nonnullorum patrum adducere testimonia.

Magister Sentent.

lib. 4.
dist. 10.

In libro de
his qui my-
sterium in-
stantur.
cap. 9.

Magister sententiarum eam confitetur, profiteturque ueritatem: unde ad illam & pro illa dicit, Ait enim ueritas, Accipite, Hoc est corpus meum. Item Ambrosius, Si tantum ualuit sermo Helix, ut ignem de cœlo deponeret non ualebit tantum sermo Christi, ut substantias mutet? De totius mundi operibus legitur, quia ipse dixit & facta sunt, &c. Sermo igitur, idest, Filius, qui potuit ex nihilo facere quod non erat, non potest ea, quæ sunt, in id mutare quod non erant? Non enim minus est creare, quàm mutare nouas naturas rerum. Hæc ille. Infra, Ante benedictionem alia species nominatur, post consecrationem corpus significatur. Ante consecrationem aliud dicitur, post consecrationem sanguis nuncupatur.

S. THOMAS.

S. Thomas fatetur, quòd hæc sit forma huius sacramenti, Hoc est corpus meum. & Hic est calix sanguinis mei. Probando autem, dicit cum diuo Ambrosio in lib. De Sacramentis; consecratio fit uerbis & sermonibus Domini IESU. Nam per reliqua omnia, quæ dicuntur, Laus Deo refertur, oratione petitur pro populo, pro regibus, pro cæteris. Vbi autem sacramentum conficitur, iam non suis sermonibus sacerdos utitur, sed utitur sermonibus Christi. Ergo sermo Christi conficit hoc sacramentum. Hæc ille. Idem auctor dicit cum Cyrillo, eos insanire, qui dicunt hoc sacramentum non posse referuari in crastinum. Et fatetur, quòd post consecrationem, tandiu durat sacramentum, quandiu durant species consecratæ.

par. 3.
quæst. 78.
art. 1.

par. 3.
quæst. 76.
art. 5. ad se-
cundum &
tertium arg.

Concilium Florentinum.

Florentinum Concilium uniuersale, in quo & Latini patres & Græci conuenerunt, diuinas scripturas respiciens, simul & doctores sanctos Occidentis & Orientis, manifestè determinauit hanc esse formam huius sacramenti, in qua statim omnes sacerdotes conficimus, Hoc est corpus meum. Hic est calix sanguinis mei, &c.

SAMONAS.

Samonas Archiepiscopus Gazæ ciuitatis eandem tenet ueritatem, in sua disceptatione, quā habuit cum Achmed Sarraceno. Dicit enim inter alia, cæterum cum ipsemet Christus testificetur, corpus suum esse re uera & sanguinem, id quod nos fideles offerendo assumimus, quid amplius est opus de hac re dubitare, si Deum & filium Dei ipsum esse credimus? Si enim ex nihilo mundum condidit, & uerbum eius uerum est, uiuum, efficax, atque omnipotens; & quæcunque uoluit Dominus fecit omnia; nonne potest panem in suum ipsius corpus mutare, & aqua & ui-

Genf.

Luce 12.

ni cõmissionem, in proprium sanguinem? Nam quemadmodum initio dixit, Germinet terra herbam uirentem, & usque in hodiernum diem, eo pluuiam mittente terra germinat herbas, quæ Dei auxilio protegitur, eiusque iussu id præstare cogitur: ita loquutus est Deus, Hoc est corpus meum. &, Hic est sanguis meus. &, Hoc facite in meam commemorationem: idque omnipotentis mandato usque ad eius secundum aduentum fit, diuina inspiratione & accessu Spiritus sancti. Hæc ille.

MARCUS Arch. Ephesi. & Caba sila.

cap. 27.

Marcus Archiepiscopus Ephesinus in quodam suo tractatu, qui in libro Liturgiarum habetur; similiter & Nicolaus Cabasila, eandem ueritatem confessi sunt, ut statim dictis his sæpe allegatis Christi uerbis; & addita præce sacerdotis, fieret mutatio substantiæ panis & uini in substantiam corporis & sanguinis Domini. In eo tantum errantes, quod putauerunt hæc uerba Domini non perficere hoc mysterium; nisi addita etiam sacerdotis præce, quæ iuxta antiquas Liturgias Apostolorum, sicut recollegit Clemens, Iacobi, Basilij, & Chrysostomi, solet addi.

BESSARION.

Bessarion Episc. Tusculanus in tractatu quodam suo speciali, pro hac nostra ueritate catholica, atque specialiter contra illam deceptionem Marci Ephesini, & Nicolai Cabasilæ, agit latissimè, & doctissimè. Dicit post nonnulla, quæ præmittit, Primum enim conabimur ostendere, diuinitus inuicem corpus Christi & sanguinem; nullis aliis uerbis, aut sacerdotum precibus confici, quam ijs, quæ supra memorauimus, Domini uerbis, Hoc est corpus meum. &, Hic est sanguis meus. Post hæc sanctorum Ecclesiæ doctorum ac patrum nostrorum unam & eandem esse sententiam declarabimus. Postremo quæ huic opinioni aduersari uidentur, duce Domino, cuius res agitur, dissoluemus. Hæc ille. Proccedit deinde ad singula proposita, & in omni-

bus bene loquitur secundum hanc ueritatem : quam satis ostendit tenuisse semper in Ecclesia doctores omnes, & Latinos, & Græcos.

GREGORIUS.

Gregorius etiam, Quis enim fidelium habere dubium possit, in ipsa immolationis hostia ad sacerdotis uocē eos aperiri, in illo Christi mysterio choros angelorum adesse, summa & ima sociari, unum quid ex inuisibilibus fieri :

Homilia Paschalis.

CYRILLUS.

Cyrillus scribens ad Calosirium Episcopum Arfinoitem, inquit, caterum, Audio quid dicant, mysticam benedictionem, si ex ea remanserint in sequentem diem reliquiae, ad sanctificationem inutilem esse : sed insaniunt hæc dicentes. Non enim alius sit Christus, neque sanctum eius corpus immutabitur : sed benedictionis uirtus & uiuifica gratia, perpetua manet in illo. Hæc Cyrillus. Quæ iuxta uersionem & piissimi & doctissimi Stanislaus Holij Episcopi Varsauien-
mientis, ita se habent, Audio quod dicant, mysticam benedictionem si ex ea remanserint in sequentem diem reliquiae, ad sanctificationem inutilem esse. Sed insaniunt hæc dicentes. Non enim alius est Christus, neque sanctum eius corpus immutabitur, sed benedictionis uirtus & uiuifica gratia perpetuo manet in illa.

Stanislaus Hosius. In confes. cap. 33.

Ecce secundum horum sanctorum patrum testimonia, & iuxta diuinas scripturas, uerbo Dei uirtuteque diuina, non autem manducatione aut sumptione nostra, conficitur peragiturque hoc mysterium, manetque perpetuo sua uirtus, ac sanctitas.

Ostenditur eadem veritas ex factis ordinationibusque patrum, sanctorum, insuper & antiquorum, qui statim post consecrationem, sacrosanctam Eucharistiam adorandam iudicauerunt, & eam pro communione fidelium infirmorum morituro- rum adseruari cum reuerentia, praeceperunt. C A P. X I X.

lib. 6.
cap. 34.



Vsebius Caesariensis ex epistola Dionysij Episcopi Alexandrini scripta ad Fabianum Antiochenum Episc. inquit, Intexuit quandam historiam dignam memoria nempe Serapionem quandam fuisse apud Alexandriam, unum ex his qui lapsi fuerant, eundemque saepe deprecatum ut susci- peretur ad pacem, nec tamen impetrasse, oppressum deinde hunc esse aegritudine, ita ut tri- duo iam sine uoce prorsus iaceret; paululum uero, quarto die respirantem, uocasse ad se. filiam suam & dixisse, Quo- usque me detinetis? Quae uos, cito aliquis presbyterum roget, ut possim aliquando dimitti. Et cum hac dixisset, rursus sine uoce permansit. Abiit cursu puer ad presby- terum, noctis tempore. Infirmabatur Presbyter, uenire non potuit, tamen quia praeceptum fuerat à me (ait Dio- ny.) ut lapsis in exitu nemo reconciliationis solatia dene- garet, & maxime his, quos prius id rogasse constaret, Pa- rum Eucharistiae puero qui ad se uenerat, dedit: quod in- fusum iussit seni praebere. Regredienti adhuc puero, ante- quam intraret domum, rursus Serapion respiciens, Re- diisti, inquit, puer? Et licet presbyter uenire non potuit, tu tamen imple quod tibi praeceptum est, ut possim disce- dere. Cumque esset completa solennitas, uelut catenis quibusdam uinculisque diruptis, latiore iam spiritum reddidit. Ex quo, inquit beatus Dionysius, certissimò constar, huius boni auxilio nullum fraudari debere.

HIERONYMVS.

Epistola ad
Rufinum
monachum.

Hieronymus de sancto Exuperio Episcopo Tolosano nar- rat, quòd tam liberalis erat in pauperes, ut nihil sibi ser-

uaret, & corpus Domini in canistro uiminea & sanguinem
in uitro ad infirmos portaret.

AMBROSIVS.

Ambrosius singularem fratris sui Satyri commendans
erga Deum pietatem, & deuotionem, refert quòd consti-
tutus in naufragio, non mortem metuens, sed ne uacnus
mysterio è uita exiret, ab his, quos initiatos esse cognoue-
rat, diuinum illud fidelium sacramentum sibi dari popo-
suerit, ut fidei suæ tali sacramento consequeretur auxiliũ;
quodque datum sibi sacramentum ligari fecerit in orario,
& orarium in collo inuoluerit, atque ita se in mare deiece-
rit: non requirens de nauis compage resolutam tabulam,
cui supernatans iuuaretur, quoniam fidei solius arma qua-
sierat, atque his se tutum ac munitum satis credens, alia
auxilia non desiderabat. Et addit Ambrosius, Nec spes
eum deseruit, nec scellit opinio: sed primus seruatus est,
& in portum terrenæ stationis est euectus.

*De successu
fratris sui
cap. 7. l. 2.*

TERTULLIANVS.

Tertullianus ad uxorem, Non sciet maritus quid secre-
tò ante omnem cibum gustes. Idem in libro De corona
militis, Eucharistiæ sacramentum, & in tempore uictus,
& omnibus mandatum à Domino etiam antehucanis cati-
bus, nec de aliorum manu, quàm præsentium accipi-
mus. Idem, Calicis etiam aut panis nostri aliquid decuri
in terram, anxie patimur.

lib. 2.

CYPRIANVS.

Cyprianus de Lapsis, mulieris meminit, quæ in arca sa-
cræ Eucharistiæ reposuerat, & quia indignis manibus
eam tractauerat, quando arcam aperire tentauit, igne in-
de surgente deterrita est, nè attingere auderet. Consuetu-
do nanque tunc habebat apud aliquas ecclesias, quòd Lai-
ci in manus acciperent sacram Eucharistiæ & domum

*De lapsis
lib. 2.*

Eusebius
lib. 6.
cap. 33.
in fine.

De Cœna, & Calice Domini
portarent; ut patet ex historia Ecclesiastica Eusebij, ubi
& hoc annotat Beatus Rhenanus:

CLEMENS.

De consecr.
dist. 2.
c. Tribus
gradibus.

Clemens Petri Apostoli discipulus & in cathedra Apostolica successor, inter multa, quæ se à Beato Petro accepisse narrat, dicit se accepisse, quòd tribus gradibus commissæ sunt sacramenta diuinorum secretorum, Presbytero, Diacono, & ministro, qui cum timore & tremore reliquias corporis Domini debent custodire fragmentorum, ne qua putredo in sacrário inueniatur, ne cum negligenter agitur, portioni corporis Domini grauis inferatur iniuria.

IRENEUS.

Ireneus & quidam alij Episcopi Galliæ, ut citat Eusebius, ad Victorem Papam scripserunt, quòd Romani Pontifices sui præcessores, solebant Episcopis ecclesiarium, qui non ita sicut ipsi celebrabant diem Paschæ Eucharistiam transnittere in signum pacis & communionis. Notatque ibi beatus Rhenanus, quòd cum Episcopus aliquis Romam uenisset, Pontifex Romanus Eucharistiam hospiti sollemniter trans mittebat, & id fortè, inquit, & cæteris fiebat Episcopis, quòd haud dubiè ex Apostolica consuetudine est desumptum.

Rhenani.

Concilium Vuormatiense.

De consecr.
dist. 2.

Vuormatiense Concilium sancit, debere Presbyterum Eucharistiam semper habere paratam ut si quis infirmatus fuerit, statim eum communicet ne sine communione moriatur; cum sacrosancta Eucharistia morientibus saluberrimum & tutissimum sit uarietum.

Concilium Arelatense.

De consecr.
dist. 2.

Arelatense Concilium grauius animaduertit in eos, qui negligentes sunt in sacre Eucharistiæ custodia.

Concilium

Concilium Lateran.

Lateranense Concilium, cui quatuor Patriarchæ interfuerunt, & ingens Episcoporum multitudo, ex toto terrarum Orbe sub Innocen. III. celebratum, constituit, ut sacra Eucharistia cum chrismate sub fidei custodia clauibus & seris adhibitis conseruetur, ne temeraria ad ea manus extendi possit.

*De custodia
Eucharist.
c. Statu-
mus.*

Concilium Vien.

Viennense Concilium generale arguit, & damnat eos, qui in eleuatione corporis Christi, nolebant assurgere, & reuerentiam ei exhibere. Mandatque, ut celebretur festum corporis & sanguinis Christi.

*In Clemē.
Ad nostrū,
de hære-
si.*

HONORIUS. III.

Honorius III. præcepit, ut Eucharistia in loco aliquo ad hoc destinato & mundo honorificè reponatur, ac per fideles & pios custodiatur. Sacerdos uerò frequenter plebem doceat, ut cum in celebratione Missarum eleuatur hostia salutaris, se reuerenter inclinet; atque idem faciat, cum deferitur ad infirmum. Voluit quoque Luminaria semper Eucharistiæ præferri, ad significandā præsentiam lucis æternæ.

*Clemē. uni-
ca, De re-
liquiis &
uenir. San-
ctorum.
De celebra-
tionem.
c. Sane.*

IOAN. Eckius & alij.

Ad hanc ueritatem spectantia multa etiam dixerunt & uera & optima, doctores catholici recentiores, ut Ioan. Eckius homil. 31. tomo 4. Ruardus Tapper in sua explicatione articulorum facultatis Theologicæ uniuersitatis Lo- uaniensis. art. 13. & 14. Stanislaus Hosius, Episc. Var- mienfis; & sanctæ Romanæ Ecclesiæ Cardinalis amplissimus & modò ad hoc sanctum Concilium Tridentinum sanctissimi Domini nostri Pij Papæ Quarti, Legatus tertius, in confessione; seipsum explicatione, &c. Accedit eò scho-

*Ruardus
Tapper.
Stanislaus
Hosius.
cap. 39.*

Alexand.
S. Bonavent.
Scotus,
Durandus,
Gabriel,
Thomas ab
Argentina,
Marfilus.
Iudiciū Cle
ri & uni
uersitatis
Colonsen.
Alfonfus à
Castro.
Io. Cocleus.

la Christiana concors, Alexander de Ales, Sanctus Bona-
uentura, Scotus, Durandus à sancto Portiano, Gabriel
Biel, Thomas ab Argentina, & Marfilus, quorum testi-
monia oimitto referre, tum breuitatis causa, tum quia
notum est cunctis, eos omnes hanc eandem ueritatem &
sententiam tueri. Huc etiam spectat iudicium atque sen-
tentia Cleri & Vniuersitatis Coloniensis super doctrina Bu-
ceri apud Bonam. Ruardus Tapper etiam quem paulò an-
te memorauimus, asserit contra errorem oppositum huic
doctrinæ, scripsisse Dominum Alonsum à castro, De Eu-
charistia hæresi 12. & Io. Cocleum, tract. 9. Miscel. Hanc
quoque ueritatem confessa est tota facultas theologica uni-
uersitatis Louaniensis in suis articulis, articulo 14. ut iam
posuimus.

Concilium Trident.

Tridentinum quoque Concilium uniuersale ita defini-
uit, Siquis dixerit, non licere sacram Eucharistiā in sacra-
rio referuari, sed statim astantibus necessariò distribuen-
dam; aut non licere ut illa ad infirmos deferatur, Ana-
thema sit.

Constans fuit ergo in Ecclesia Dei hæc doctrina, passim
& semper, apudque omnes, ut fideles cuncti crederent sa-
crām Eucharistiā perfici in suo esse sanctissimo, non per
sumptionem sumentis, sed per uerbum Dei & consecra-
tionem sacerdotis, uerbum Dei in persona Christi profe-
rentis: ut quæ post factam ipsam consecrationem per sa-
cerdotem in persona Christi, semper deinceps maneat sa-
cra Eucharistia in sua sanctitate, etiam si non sumatur per
annum. Vnde hanc ueritatem recognoscens patres sta-
tim post consecrationem, sacram Eucharistiā ostende-
runt populo adorandam; & eam cum diligentia & reue-
rentia iusserunt adseruari, fidelibus morituris tribuendā.
Constitentes palàm in hac sua sacræ Eucharistiz ostensione,
atque diligenti, uigilanti, religiosissimaque adseruatione,
ac solenni delatione, hanc nostram sacrosanctam Euchi-
ristiam eo ipso post consecrationem, & ante communionem,
perfectam esse in sua significatione, continentia, & sancti-

tate. Alioquin non talia testimonia de ea proferrent, non tales de ea leges conderent, non sic eam contrectarent: non eam adseruarent ut sanctam, antequam esset sancta: nec eam adorarent ut diuinam, antequam esset diuina.

Sed iam appono catalogum patrum & conciliorum, quorum testimoniis & constitutionibus constat, nostram sacram Eucharistiam per consecrationem sacerdotis in uerbo Christi, esse sanctam & perfectam, etiam ante omnem sumptionem sacramentalem.

AUGUSTINVS.

Ambrosius.

Hieronymus.

Chrysostomus.

Gregorius Nissenus.

Damascenus.

Rabanus.

Magister sententiarum.

Sanctus Thomas.

Florentinum Concilium uniuersale.

Samonas.

Marcus Episcopus Ephesinus.

Nicolaus Cabasila.

Bessarion Episcopus Tusculanus.

Gregorius.

Cyrillus.

Eusebius Cæsariensis.

Satyrus frater Ambrosij.

Tertullianus.

Cyprianus.

Clemens discipulus Petri Apostoli.

Irenæus, & alij Episcopi Galliz.

Rhenanus.

Vormatiense Concilium.

Arelatense Concilium.

Lateranense Concilium generale.

Viennenfe Concilium generale.

Honorius II.

De Cœna, & Calice Domini

Ioannes Eckius.

Ruardus Tapper.

Stanislaus Hosius Cardinalis amplissimus.

Schola uniuerſa Chriſtiana.

Alexander de Ales.

Sanctus Bonauentura.

Scotus.

Durandus à Sancto Portiano.

Gabriel Biel.

Thomas ab Argentina.

Marſilius.

Alfonſus Caſtrenſis.

Ioannes Cocleus.

Vniuerſitas Coloniensis.

Vniuerſitas Louanienſis.

Tridentinum Concilium uniuerſale.

Noſtram cœnam dominicam, eſſe ſecundum Chriſti Saluatoris noſtri inſtitutionem demonſtratur, & explicantiſur quaſi per anacephaloſim eius prærogatiue, proprietates, ac excellentiæ, ſignificatio, uocata continentia, debita adoratio, & permanens ſanctitas.

CLAP. XX.



Oenam ergo noſtram nos Chriſtiani Catholici habemus ex Chriſti inſtitutione, & ſecundum illam. Ipſe enim Saluator noſter, Pridie quàm pateretur, cœnans cùm duodecim diſcipulis ſuis, accepit panem, & benedixit, ac fregit, deditque illis, & ait,

Accipite & comedite, Hoc eſt corpus meum. Et accipiens calicem, gratias egit, & dedit illis, dicens, Bibite ex hoc omnes, Hic eſt enim ſanguis meus noui teſtamenti, qui pro multis effundetur in remiſſionem peccatorum. Ecce primam huius diuinæ celebrationem, ab ipſo uidelicet Saluatore noſtro, ſed quod uerè narrat Euangelista Matthæus, cui concordant alij Euangelista, qui de hac ſacra cœna loquuntur expreſſius, ut Marcus, & Lucas. Vnde proſectò panem accepit, panemque benedixit, ſed corpus

Matt. 26.

Marc. 14.
Luce 22.

suum dedit, dicens, Hoc est corpus meum. Similiter & calicem accepit, uini quidem adhuc non consecrati, gratias egit, & sanguinem suum dedit, dicens, Hic est enim sanguis meus, &c. Verba uerissima sunt Christi ueracissimi & potentissimi; non licet negare, nec licet dubitare de ueritate eorum. Ita Christus ipse, Deus & Homo, primus celebrauit hanc nostram cœnam sanctissimam, ipse conuiua & conuiuium, atque sic celebrando instituit, fecitque hanc rem nullis retro sæculis uisam, uerè memoriā omnium mirabilium suorum. Quæ res sacratissima, ne fuisset horaria; eadem nocte orta & eadem nocte finita; ad horam concessa; & in eadem hora sublata, ipsemet auctor omnium bonorū Christus, totius generis humani creator, & redemptor, simul instituens celebrationem huius sacræ cœnæ permanētem in sancta Ecclesia sua Christiana, dixit statim Apostolis, & in eis, suis in sacerdotio successoribus, Hoc facite in meam commemorationem. Quid est illud, Luca 22. Hoc? Absq; dubio est, id totum, quod Christus tunc fecit, faciēs; dicens; Est illud factum mirabile. Hinc est, quod nos huius eius uerbi & mandati memores, panem accipimus, benedicimus, consecramus uerbis suis, & corpus eius damus ac sumimus.

Prærogatiuæ autem huius nostræ sacræ cœnæ dominicæ, Prærogatiua cœnæ nostræ dominicæ. quas ipsa habet eleuata supra id quod apparet sensibus, eæ sunt potissimæ; ad quædam genera, seu ad quasdam species reductæ, significatio, continentia realis, ratio adorationis, seu adoratio debita; & permanens sanctitas. Significat enim Christum pro nobis oblatum, passum, mortuum, ut demonstrauit conclusio prima: Continet ipsum eandem Christum, uerè, realiter, ac præsentialiter, ut demonstrauit conclusio secunda: est adoranda, ueneranda, seu honoranda suo modo, ut demonstrauit conclusio quarta: est permanens in sua significatione, continentia, & sanctitate, ut demonstrauit conclusio quinta: atque non continet substantiam panis nec uini, ut demonstrauit conclusio tertia.

Talem habemus, talem corde credimus ad iustitiam, talem ore confitemur ad salutem, talemque toto nixu &

De Cœna, & Calice Domini

omnibus uiribus prædicamus nostram cœnam dominicam: nihil prorsus noui addentes, nihil immutantes. Sed profectò omnia de ea tenentes, credentes, confitentes, & prædicantes, quæ de ea tenuerunt, crediderunt, confessi sunt, & prædicauerunt sancti patres iam inde ab exordio nascentis Ecclesiæ Christianæ, usque ad nos; per tempora omnia interlabentia. Constat hoc per ea patrum testimonia, exempla, & instituta, quæ adduximus ad singulas conclusiones, dum eas ratas, uerasque esse demonstrauiamus.

Sic habemus nostram cœnam, ex magno admodum Dei dono, significatiuam & contentiuam eius quod significat, sanctam & sanctificantem, uenerandam & honorandam; non egenam nec infirmam, ut cœnam Moïsis, sed ditissimā, firmissimam, potentissimam, solidam, ut cœnam Christi.

Aduersariorum, nempe Caluini, Bucerii, Melancthonisque opiniones refelluntur, atque improbantur. CAP. XXI.



Valeat Caluinus, qui sibimetipsi repugnans & contra Christum agens, docet hanc sacram cœnam Christianam esse egenam & infirmā, solum significantem, & non continentem corpus aut sanguinem Christi; figuram, signum, seu imaginem cœnæ ueri agni, non

autem realem cœnam agni ipsius. Contra Christum absque dubio agit Caluinus, Christus enim dicit, Hoc est corpus meum. Hic est sanguis meus. Caluinus uerò, Hoc non est corpus Christi, sed est figura corporis Christi. Hic non est sanguis Christi, sed est figura sanguinis Christi. Ita Caluinus aduersatur, inque impiam prorsus miser effertur audaciam, quasi ipse certiore melioremque contineat de corpore & sanguine Christi cognitionem quam Christus ipse; aut quasi Christus, qui ueritas est, uoluisset mentiri seu nos decipere, & Caluinus uelit nos à mendacio & impostura liberare. Valeat igitur Caluinus, Christo absolutissimæque ueritati repugnans, nostramque cœnam dominicam faciens atheam, & atheismos impiè introducens.

Procul à fidelium cœtu Caluinus abût qui sibimetipsi

repugnans, dicit, nostram cœnam solum significare & non continere Christum, ac negat eam aut Deum per eam, tanquã ex opere operato operari aliquid boni, aut sanctitatis, aut gratiæ: & tamen simul addit, Christum se realiter per cœnæ cõmunionem exhibere, atq; se Christum per cœnam realiter distribuere. Hæc enim inter se non coherent sed repugnât. Si nanque Christus in nostra cœna non continetur, nec per illam in nobis tanquam ex opere operato quicquam boni operatur, gratiæ, aut sanctitatis, sed totum est secundum quod ab ipso per fidem, charitatem, aut etiam alias uirtutes tanquam ex opere operantis haurimus: iam profectò nec ipse per cœnæ communionem nobis se exhibet, nec per cœnam nobis sese distribuit. Cur ita? Quia eodem modo & in eodem gradu bonorum, gratiæ aut sanctitatis, se nobis distribueret & se nobis exhiberet, ubicunque, quodocunque, & quotiescunque, eandem fidem, eandem charitatem, & easdem uirtutes in actu haberemus, manducantes aut bibentes aliquid aliud propter ipsum. Vnde hoc non est manducare Christum per cœnam, sed est manducare Christum per fidem, charitatẽ, aut uirtutes alias. Similiter nec hoc est, Christum se nobis exhibere aut distribuere per cœnam; sed hoc est, Christum se nobis exhibere aut distribuere per fidem, charitatem uel res huiusmodi. Et ut iam diximus, atque constat, hoc non est, Christum se nobis exhibere aut distribuere per cœnam, sed Christum se nobis exhibere aut distribuere per fidem, in cœna. Verba igitur Caluini mutuo dissident, adeò ut uerè Caluinum Caluino repugnare, dicere possimus.

Eius nanque uerba dicunt, Christum realiter exhibere se per cœnæ communionem, atque Christum per cœnam se realiter distribuere: doctrina autem sua dicit, quòd non per cœnam, sed per fidem, in cœna, Christus distribuit & exhibet sese. Nugæ istæ sunt & illusiones, quibus infirmiores, sacrarumque expertes literarum tanquam à præstigiatore decipiuntur.

Si Caluinus dixisset, aut quòd Christus continetur realiter & præsentialiter in cœna sacra, aut saltem quòd per illam tanquam ex opere operato operatur aliquid boni,

De Cœna, & Calice Domini

gratiæ uel sanctitatis, præter id quod præstat per fidem, charitatem, aut alias uirtutes: stare uerbum eius, quo dicit, Christum se realiter exhibere per cœnæ communionem, & se realiter distribuere per cœnam. Cum autem neget utrunque, nullo modo subsistit perstatque uerbum ipsius, sed ruit, à suo auctore, repugnantia dicente euulsū.

Contra
Bucerum.

Abeat etiam & Bucerus, in eo quòd dicit, nostram cœnam continere Christum solummodò in tempore sumptionis, tanquàm non antea, tanquàm non postea. Errat enim in eo multipliciter. Primum, contra fidem uniuersalem omnium Christianorum fidelium, & totius Ecclesiæ Dei. Secundò, contra totam theologiam, quam hætenus habuimus fideles, theologizantes de Deo & rebus diuinis. Tertiò, contra totam Philosophiam naturalem agentem de causis atque effectibus. Omittamus cuncta alia, gratia breuitatis. De hoc solo agamus, uel ad minimum. Cum sacra Eucharistia non sit talis per sumptionem aut communionem, sed per consecrationem à Sacerdote in uerbis Domini: quí fieri potest, ut ipsa dicatur non esse talis, aut non habere suam sanctitatem, nisi communionis aut sumptionis tempore? Quidem nulla est ratio, qua ita dici possit. Clamat enim in oppositum generalis & inuictissima regula, qua scimus, quòd posita causa sufficiente, ponitur effectus eius, nisi impediatur ipsa à sua actione. Causa autem tota in consecratione Eucharistiæ, est forma consecrationis, est materia debita, est sacerdos consecrans, & principaliter Christus. Vnde cum accedit uerbum ad elementum, etiam hic fit sacramentum.

Soluitur
obectio.

Ordinatur consecratio huius sacramenti ad usum eius, qui est sumptio, sicut quodam modo ad finem: & sic est ipsa sumptio quodam modo prius in intentione, quàm ipsa consecratio sit in re. Sed hoc non prohibet, nec quicquam ad propositum facit. Nanque in factibilibus, licet finis sit quid primum in intentione, frequenter tamen, ne dicam semper, est quid ultimū in executione: & sapissimè ponitur res in suo esse reali & completo, multo tempore, antequàm suo iungatur fini. Est uidere in ædium ædificatione siue in ædibus quæ absque dubio, propter habitationem
construuntur

construuntur & longo tempore non rarò sunt, priusquam habitentur. Ita est in proposito. Consecratio sacramenti in esse sacramenti, est propter sumptionem: sed ex quo ponitur consecratio, sacramentum uerè est, etiam si per annū non sumatur. Agimus uerò de sacramento Eucharistiæ.

Hoc etiam sacramentum ab aliis sacramentis differt in multis aliis, sed quātum ad rem præsentem attinet, differt in duobus. Primò quidem, quantum ad hoc, quòd hoc sacramentum perficitur in consecratione materiæ, alia uerò sacramenta perficiuntur in usu materiæ consecratæ. Secundò, quia in aliis sacramentis, consecratio materiæ consistit solū in quadam benedictione, ex qua materia consecrata accipit instrumentaliter quandam spiritualem uirtutem, quæ per ministrum, qui est instrumentum animatum, potest ad instrumenta inanimata procedere. Sed in hoc sacramēto consecratio materiæ consistit in quadam miraculosa conuersione substantiæ, quæ à solo Deo perfici potest. Vnde minister in hoc sacramento perficiendo, non habet alium actum, nisi prolationem uerborum. Et quia forma debet esse conueniens rei, ideo forma huius sacramenti differt à formis aliorum sacramentorum in duobus: Primò quidem, quia formæ aliorum sacramentorum important usum materiæ, puta baptismationem uel cōsignationem, sed forma huius sacramenti importat solam consecrationem materiæ, quæ in transubstantiatione consistit: ut cum dicitur, Hoc est corpus meum. uel, Hic est calix sanguinis mei. Secundò, quia formæ aliorum sacramentorum proferuntur ex persona ministri, siue per modum exercentis actum, sicut cum dicitur, Ego te baptizo. uel, Ego te confirmo. siue per modum imperantis, sicut in sacramento ordinis dicitur, Accipe potestatem, &c. siue per modum deprecantis, sicut cum in sacramento extremæ unctionis dicitur, Per istam unctionem & nostram intercessionem, &c. Sed forma huius sacramenti proferetur quasi ex persona ipsius Christi loquentis; ut intelligatur, ministrum in perfectione huius sacramenti, præter prolationem Christi uerborum, nihil agere.

Non potest igitur fieri argumentum ab aliis sacramentis

S. Tho.
par. 3.
quæst. 78.
art. 1.

De Cœna, & Calice Domini

*Nō valet ar-
gumentum
ab aliis sa-
cramentis
Eucharisti-
quantū ad
permanen-
tiam.*

ad hoc sacramentum, ita deducendo, ut sicut alia sacra-
menta non sunt realiter nisi dum sunt in usu, dum circa
aliquem applicantur, aut alicui conferuntur, nec perma-
nent ante, nec post, ut patet de sacramento baptismi, de
sacramento ordinis, sacramento confirmationis, & aliis:
sic debeat fomari iudicium aut sic dicendum sit, de hoc
nostro altissimo sacramento Eucharistiæ, longè præstan-
tissimo, & alterius naturæ. Absit talis deductio. Hoc
enim sacramentum, est hoc sacramentum, & alia sacra-
menta, sunt alia sacramenta. Differentia latè patet, con-
siderantibus ea, quæ paulò ante è schola communi Theolo-
gorum annotauimus. Omnes enim formæ aliorum sacra-
mentorum important, seu habent uerba adiectiua impor-
tantia aliquem actum transeuntem super eos quibus ipsa
sacramenta ministrantur, & prodeuntem ab ipso ministro:
quo etiam uerbo, explicatur quodam modo ipse actus; ut
minister id explicet uerbo illo, quod facit actū, siue in re.
Forma autem huius sacramenti non sic se habet, quia non
habet uerbum adiectiuum, sed substantiuum, est. nec im-
portat aliquem actum, quem ipse minister exerceat, circa
aliquam personam; sed est forma merè consecratiua mate-
riæ debitæ, ut forma illa prolata super debitam materiam
à ministro cum intentione consecrandi, statim sit materia
consecrata, & sit uerum atque perfectum sacramentum,
iam non amplius dependens ab ipsa forma, quæ cum sit
quædam uocalis oratio, est per consequens quantitas di-
screta successiua, qualis est omnis oratio uocalis. Itaque
in aliis sacramentis idem est ministrum conficere sacra-
mentum, & ministrum ministrare alicui ipsum sacra-
mentum; & non possunt hæc separari ab inuicem, ut palàm est
de sacramentis baptismi, confirmationis, ordinis & alio-
rum. Vnde iam prodiit regula generalis & infallibilis,
qua constanter & uerè dicimus, Alia sacramenta à sacra-
mento Eucharistiæ consistunt in usu, & solum sunt quan-
do ministrantur; quia tunc solum accedunt sua uerba ad
sua elementa, idest, suæ formæ ad suas materias. In hoc
autem sacramento Eucharistiæ longè est aliud. Quia im-
mo aliud est, & nullo modo idem, ministrum conficere

*Alia sacra-
menta cōs-
sistunt in usu.*

*Scotus.
lib. 4.
dist. 8.
quest. 1.*

hoc sacramentum, & ministrum ministrare alicui hoc sacramentum. Nam hoc sacramentū minister absolute conficit, per hoc solum, quod materiam consecrat: quicquid inde postea sequatur: siue illud alicui ministret porrigens manducandum, siue non. Ex quo etiam orta est regula generalis, qua uerè dicimus, Sacramentum Eucharistiæ consistit in consecratione materiæ, idest, per hoc solum habetur cōpletè, quod materia debita consecratur: quāuis forma eius transeat, & non permaneat cum materia consecrata. Quamobrem quidam oculatius attendentes, uerba ipsa diuina, quibus hoc sacramentum conficimus, appellarunt non tam formam sacramenti, quàm formam consecrationis, ipsius sacramenti, aut corporis & sanguinis Domini.

*Sacramētū
Eucharist.
consistit in
consecratio-
ne materiæ.*

*Gabriel sum-
per canonē
Missæ.
lect. 38.
litera B.*

Abeat ergo simul cum Bucero, Melanchthon, qui, tum in Apologia pro Bucero ipso, tum in De cœna Domini, ut falsitatem Buceri defendat, aliam falsitatem statuit. Somniauit enim, aut non somniauit, sed uigilans finxit, quemadmodum omnia alia sacramenta, ita & hoc altissimum sacramentum Eucharistiæ, certi generis actionem esse: ut extra actionem, panis aliena res sit à sacramento, sicut aqua Baptismi extra actionem baptizandi, non est sacramentum. Errat indoctus, non distinguens, aut distinguere non sciens, aut distinguere non uolens, inter distinctas naturas horum sacramentorum. Baptismus enim totus consistit in actione quadam, quia est lotio quadam hominis in aqua cum certa forma uerborum: nec sacramentum baptismi est ipsa aqua, neque ipsa uerba, aut uerborum forma: sed cum accedit uerbum ad elementum, fit sacramentum. In Eucharistia autem non est sic. Non enim consistit in aliqua actione sacerdotis, quam ipse exerceat circa aliquam personam: sed consistit in consecratione materiæ, ut dictum est, & monstratum. Primum constat hoc ex ipsa forma uerborum, quibus sacramentum Eucharistiæ conficitur: quæ non denotat aliquam sacerdotis actionem, ut forma baptismi absolutionis, aut confirmationis: sed denotat consecrationem materiæ, dum dicit sacerdos in persona Christi, Hoc est corpus meum. Hic est sanguis

*Contra
Melāch.*

De Cœna, & Calice Domini

meus, &c. Secundò constat, quia ipsa communio uel sumptio Eucharistiæ, quidem præsupponit ipsum sacramentum iam confectum, illis uerbis statim relatis, Hoc est corpus meum. Hic est sanguis meus. Qui non uidet hanc ueritatem, prorsus meridianam lucem non uidet.

*Baptismus
quid sit.*

*Cōfirmatio
quid sit.*

Itaque omnia alia sacramenta consistunt solùm in usu quodam & in fieri: ita quòd idem ibi est sacramentum, & perceptio seu ministratio sacramenti: sicut idem est baptis-
mus, & perceptio seu ministratio baptismi. Non enim baptis-
mus est aqua; aut confirmatio, chrisma. Sed hic, idest baptis-
mus, est lotio facta in aqua cum certa forma uerborum: & hæc, idest, confirmatio, est unctio hominis in fronte facta à Pontifice sub forma uerborum debita. Nec in his permanet sacramentum, transeunte usu, seu tali perceptione, aut tali ministratio-
ne, aut consecratione. Sacramentum uerò Eucharistiæ, est quoddam permanens, etiam ante usum eius qui consistit in eius sumptione. Et hoc congruum erat, quia Christus permanenter uoluit esse nobiscum. Ergo in aliquo signo permanente, cuiusmodi signum est sacramentum istud. Habet ergo sacramentum Eucharistiæ esse permanens, & non successiuum. Est enim sacramentum Eucharistiæ, species panis & uini, corpus & sanguinem Christi continens: uel etiã ipsum corpus Christi secundum aliam sacramenti acceptionem: & tam species continentes, quam corpus Christi contentum, res sunt permanentes. Rei autem permanentis forma, esse non potest quid successiuum, cum res habens formam non possit esse sine forma: permanens autem permanet, successiuum uerò non, quia eius esse consistit in quodam fieri. Et quia uerba non possunt esse nisi in quadam successione prolationis saltem uocalia, de quibus nunc est sermo; ideo manifestum est, quòd non possunt esse forma sacramenti Eucharistiæ. Consecratio autem huius sacramenti, quæ est quædam uia ad sacramentum, est res successiua consistens in fieri; & ita requirit certam formam uerborum, quæ dici possunt uerba sacramentalia, ut notauit Scotus. Verba utique sunt forma consecrationis sacramenti, non forma sacramenti: quia pertinent non ad esse sacramenti, sed ad

*Scotus
ubi supra.*

fieri sacramenti. Pertinent autem ad esse consecrationis, quod consistit in fieri, ut constat ex dictis. Aliorum autem sacramentorum formæ sunt uerba: quia alia sacramenta non sunt nisi in fieri, sicut & uerba ipsa. Sæpe autem ipsa uerba consecrationis Eucharistiæ, uocantur forma sacramenti, quia sunt forma consecrationis, qua sacramentum ipsum conficitur, & in suo esse permanenti ponitur. Hæc est uera thelogia, catholica, & obseruanda; quam quia patres antiquissimi, sanctissimi, & doctissimi nouerunt, prædictam doctrinam de permanentia nostræ sacræ Eucharistiæ in sua sanctitate ac dignitate tradiderunt.

Optimè igitur ad Episcopum Calosyrium Cyrillus dixit, eos insanire, qui dicunt mysticam benedictionem, si ex sacræ Eucharistiæ remanserint in sequentē diem reliquiæ, ad sanctificationem inutile esse. Cur sic? Quia, ut statim bene inquit idem Cyrillus, Non alius fit Christus, neque sanctum eius corpus immutabitur: sed benedictionis uirtus, & uiuifica gratia perpetua manet in illo. Hæc ille. Manet itaque ibi corpus Christi, & manet sacræ Eucharistiæ in tota sua sanctitate. Insaniunt, qui aliud docēt. Absurdum enim est quod à sumptione seu à uoluntate communicare uolentium pendeat, quod corpus Christi sit & permaneat in Eucharistiæ: ut si uelint communicare aut cōmunicent, sit in ea corpus Christi; si autem nolint communicare aut non communicent, iam in ea esse desinat: & si hostia una forte superfit, non permaneat ibi corpus Christi, sed fiat panis prophanus. Similiter absurdum est, ut tanquam uinum prophanum effundatur, cuius pars reliqua quæ in usum uenit, sanguinem Domini continebat, prout docent & obseruant aduersarij. Absurdissima sunt hæc portenta, & meræ insanix.

Cyrril. ad Calosyrium.

De Cœna, & Calice Domini

Ponitur conclusio præcedentium, pro uocata continentia & significatione nostræ sacræ Eucharistia. C A P. X X I I.



Rgo nostra sacra Eucharistia significat corpus & sanguinem Christi, ut dicit conclusio prima, atque continet corpus & sanguinem Christi, ut dicit conclusio secunda. Nec alterum excludit alterum, sed potius statuit. Vnde quòd sacra Eucharistia di-

catur aliquando sacramentum, mysterium, exemplum, symbolum, figura, imago, aut signum, quæ pertinent aut uidentur pertinere ad suam significationem: nullo modo hoc facit contra suam continentiam, aut realitatem. Si

*Innocentius.
c. Cū Mar-
tha.
De celebra-
Missæ.*

*Gabr. Biel
super cano.
Missæ.
lib. 39.
libra 1.*

Esaia 53.

*Exod. 12.
Num. 9.*

Joan. 19.

enim quia figura est sacramentum altaris, ueritas negatur; ergo nec mors nec resurrectio Christi cū sit figura, ueritas est credenda, siquidem mortem & resurrectionem Christi, similitudinem & imaginem esse, Apostolus manifestat, Christus, inquit, mortuus est pro delictis nostris & resurrexit propter iustificationem nostram. Apostolorum enim princeps Petrus in epistola sua scribit, Christus passus est pro nobis, uobis relinquens exemplum, ut sequamini uestigia eius. Sic ergo tam mors Christi, quàm resurrectio eius, est exemplum, ut nos peccatis mortui, iustitiæ uiuamus. Quare si non fuit ueritas, quia fuit exemplum: ergo nec ueritas fuit Christus, nec uerè à mortuis resurrexit. Sed absit à fidelium cordibus error iste, cū Propheta de ipso testetur, quòd, uerè languores nostros ipse tulit, & dolores nostros ipse portauit. Dicitur tamen mysterium fidei, quoniam aliud ibi creditur, quàm cernatur: & aliud cernitur, quàm credatur. Cernitur species panis & uini: & creditur ueritas carnis & sanguinis Christi. Etcertè Paschalis ille agnus legalis, uerus erat, atque uera uictima: & simul cum esset uerus, erat typicus, & figuratiuus, signumque & figura agni nostri Paschalis Euangelici. Dicit nanque Euangelista de Saluatore nostro in sua passione, Facta sunt enim hæc, ut scriptura imple-retur, Os non comminuetis ex eo. Ecce quæ dicta erant

de agno Paschali legali, uerè asserit Euangelista impleta esse in Christo. Signum manifestum, quòd agnus ille, Christum significabat. Sic etiam multis de causis iustissimis, agnus Paschalis dicitur fuisse præcipua figura huius diuini sacramenti: qui tamen inse uerè realiter erat agnus & uictima quædam realis. Immo etiam agnus ille memoratiuus erat rei præteritæ, uidelicet liberationis populi Hebræorum ab Aegyptiaca captiuitate & à deuastante angelo, atque simul erat præfiguratiuus Saluatoris nostri, nostri huius sacramenti, & nostræ liberationis per Christum. Erat tamen ipse agnus realiter. Ergo quòd aliquid sit signum, non impedit quo minus sit res. Pariter quòd aliquid sit signum, non prohibet quo minus contineat eam rem, quam significat: quia non repugnant in eadem re, significatio alicuius rei, & continentia ipsius. Maximè dum tam significatio ipsa, quàm continentia, non est ex natura rei, sed Dei beneplacito, pactione, institutione. Nec potest dubitari, præstantiora esse signa, quæ significant, & simul quod significant, continent: præ illis signis quæ non continent, sed significant tantum. Hinc est enim quòd signa huius generis secundi, idest, solum significantia & non continentia, dicuntur signa egena, infirma, umbratilia, & alia id genus. Signa uerò illius generis primi, hoc est, significantia & continentia, aliis nominibus nominantur, per oppositum ad nomina aliorum signorum, saltè cum quadam excellentia. Signa generis secundi, fuerunt sacramenta testamenti ueteris. Signa generis primi, sunt sacramenta testamenti noui. Satis probata est hæc ueritas, quantum pertinet ad propositum nostrum de sacramento Eucharistiæ, de quo modò agimus.

Christus ergo est in hoc diuino sacramento Eucharistiæ realiter, præsentialiter, & corporaliter, idest, cum suo proprio & uero & reali corpore, quod habet in cælo. Vidergetque hic ueritas uerbi Dei, & fides in illud. An corpus Christi est in hoc sacramento sicut in loco, uel localiter? Absit. Non nos id dicimus, nec hoc dixit aliquando aliquis Christianus doctus. Oportet enim locum & locatum, quod est in loco aut localiter, esse æqualia. Sed locus ubi

S. Tho.
par. 3.
quæst. 73.
art. 6.

Signa sunt
duplicis ge-
neris.

Signa gene-
ris secundi.

Signa ge-
neris primi.

Corpus
Christi est
in hoc sa-
cramento
realiter &
corporali-
ter.

De Cæna, & Calice Domini

S. Tho.
par. 3.
quæst. 66.
art. 5.
4. Physic.

Corpus
Christi non
est in hoc sa-
cramento si-
cut in loco
aut locali-
ter.

est hoc sacramentum, est multo minor quam corpus Chri-
sti: Ergo corpus Christi non est in hoc sacramento, sicut
in loco, aut localiter. Corpus Christi non est in hoc sacra-
mento secundum proprium modum quantitatis dimen-
sionum, qui est, ut pars ipsius dimensionis respondeat parti
loci, & tota toti loco: sed est ibi secundum modum sub-
stantiæ, qui est, ut tota substantia sit sub suis dimensio-
nibus: & tota natura substantiæ reperiatur etiam sub qua-
libet parte dimensionum: ut constat de natura aëris, quæ
tota saluatur sub qualibet parte dimensionum suarum.
Omne autem corpus locatum, est in loco secundum modum
quantitatis dimensionum, in quantum scilicet commensura-
tur loco secundum suam quantitatem dimensionum: Unde,
corpus Christi non est in hoc sacramento sicut in loco, sed
per modum substantiæ: eo videlicet modo, quo substan-
tia continetur à dimensionibus. Succedit enim substantia
corporis Christi in hoc sacramento, substantiæ panis: Id-
circo sicut substantia panis non erat sub suis dimensio-
nibus localiter, sed per modum substantiæ, ita nec substantia
corporis Christi. Non tamen substantia corporis Christi
est subiectum illarum dimensionum, sicut erat substantia
panis. Ideo substantia panis ratione suarum dimensionum,
localiter erat ibi: quia comparabatur ad locum illum, me-
diantibus propriis dimensionibus. Substantia autem cor-
poris Christi comparatur ad locum illum, mediantibus di-
mensionibus alienis. Ita quod è conuersò, dimensiones
proprie corporis Christi comparantur ad locum illum, me-
diante substantia, quod est contra rationem corporis loca-
ti. Ergo nullo modo corpus Christi est in hoc sacramen-
to localiter.

Substantia
corporis
Christi in
sacramento,
comparatur
ad locum
medianti-
bus dimen-
sionibus a-
lienis.

In hoc igitur sacramento est corpus Christi, estque ibi
corporaliter, sed non est ibi localiter. Quomodo est ibi
corporaliter, si non est ibi localiter? Non est ibi localiter
propter rationes dictas. Est autem ibi corporaliter: quia
realiter atque præsentialiter ibi est corpus, illud idem cor-
pus numero, quod est in cælo. Si hæc philosophia alicui ui-
detur dura, credat ipse, & intelliget. Ideo paulò ante di-
ximus, quod & modò dicimus, Viget hic ueritas uerbi
Christi,

Christi dicentis, Hoc est corpus meum. Hic est sanguis meus. Atque uiget fides in illud Christi uerbum. Qui hic non uolunt fidem, fugiunt ad metaphoram. Quæ metaphora si admittatur semel in detorquendis scripturis diuinis, eadem facilitate breui euerteret totam scripturam sacrâ, & negabit totam uerissimam de Christo historiam Euangelicam. Procul amoueat ergo talis metaphora, absit, & nunquam appareat. An Christus, seu corpus eius, aut sanguis ponitur in hoc sacramento per motum localem? Minimè, sed ponitur substantia corporis & sanguinis Christi in hoc sacramento, per conuersionem substantiæ panis & uini in ipsam: ipsa eadem substantia corporis & sanguinis Christi manente in cælo, in suo loco proprio. Et hæc etiam fides uiget, quam nos magis uolumus quam metaphoram Caluini, destructiuam fidei Christi. Non est ponenda metaphora in diuinis scripturis, nisi ubi & quando nos cogit fides, aut charitas, aut rei impossibilitas, aut necessitas alia: non est autem hæc aliquid tale, ut iam supra monstrauius.

Hinc profectò mirum est, non de Carolo studio, qui primum excitauit hunc tumultum, & errorem huius metaphoræ à Berengario ortum, & à Berengario relictum, ut Iudaizaret in consuetudine & in multis aliis accepit: quia, sicut de ipso refert & asserit Philip. Melanchthon, cum esset homo ferus, sine ingenio, sine doctrina, sine sensu communi, & quem nullum unquam humanitatis officium, qui cum nouerunt, aut intelligere, aut facere animaduertenterunt; non mirum est, quod sic delirauerit, sed mirum est de Iohanne Caluino, qui aliàs & ingenio præditus non hebetur, & diuinas scripturas atque sanctos patres legisse uidetur, quas & quos utinam audiuisset, quibusque utinam non se ipsum solum præposuisset. Mirum est etiam de Bucero in eo, quod asserit, nostram sacram Eucharistiam non esse propriè sacramentum, aut non continere corpus Christi, nisi in sola actione communionis; sicut baptisimus non est sacramentum, nec continet Spiritum sanctum, nisi in actione lotionis. Qui error, quemadmodum est nouissimus, ita omni fundamento caret; nec aliunde potuit habere or-

Matth. 26.
Luca 22.
Marc. 14.

Tractat. de
cena Domi-
ni, contra
Anabapt.

211. 23

De Cœna, & Calice Domini

tum, nisi ex pura, mera, & crassissima ignorantia ipsorum uerborum Christi, quæ dicuntur sacramentalia; & sunt formæ ipsorum sacramentorum, suo modo. Nam uerbum Christi quoad sacramentum Eucharistiæ, est, Hoc est corpus meum. Hic est sanguis meus. quod significat & facit simpliciter, absolute, & substantiuè, consecrationem materiæ, & ponit in ea suo modo ministeriali, instrumentali, aut tanquam causâ sine qua non; corpus & sanguinem Christi. Verbum autem Christi quoad sacramentum baptismi est, Ego te baptizo, &c. quod significat & importat non consecrationem alicuius materiæ in se, sed actionem transeuntem in eum, qui baptizatur. Vnde non sunt similia, sed sunt differentissima. Essent autem sine dubio similia, si forma consecrationis Eucharistiæ esset hoc uerbum, Ego te communico de corpore & sanguine Christi. quod diceret sacerdos communicando aliquem: uel, Ego me communico de corpore & sanguine Christi. quod diceret sacerdos communicando seipsum. Tunc illa forma seu illud uerbum, haberet similitudinem cum forma & uerbo baptismi: & consisteret in actione, seu usu sacramentum Eucharistiæ, sicut consistit in actione seu usu sacramentum baptismi. Nunc autem non ita res habet, sed tale est uerbum Christi quoad sacramentum Eucharistiæ, quod hoc sacramentum specialiter inter omnia sacramenta nouæ legis consistit in consecratione materiæ, & permanet, etiam si per infinitum tempus durarent ipsæ species sacramentales, semel consecratæ.

Olim fuerunt quidam, qui uidentes quod ueritas debet respondere figuræ, quodque agnus Paschalis Iudæorum, erat figura huius sacramenti, & quod de agno Paschali non remanebat quicquam usque mane: existimauerunt, quod si hoc sacramentum referretur in crastinum, non erit ibi corpus Christi. Huic errori obuiauerunt statim patres, qui tunc in humanis agebant, & illum funditus extirparunt. Et contra eos, qui hunc errorem excitarunt, dixit Cyrillus, ut iam retulimus, Insaniunt quidam, dicentes mysticam benedictionem cessare à sanctificatione, si quæ eius reliquiæ manserint in diem subsequenter: non enim mutatur sa-

crum corpus Christi, sed uirtus benedictionis & uiuificatiua gratia, iugis in eo est. Si illi eo errore errantes, insaniebant, cum tamen ex ritu & proprietate figuræ acciperent argumentum; quanto magis hi Neochristiani insaniant, qui sine figura, sine ritu, sine scriptura, sine auctoritate alicuius doctoris sancti, quin potius contra Christi uerbum, contra Christi Ecclesiam, contra Ecclesiasticas traditiones, & contra omnes doctores sanctos, dicunt nō esse hoc uerum sacramentum Eucharistiæ nec cōtinere corpus Christi, nisi solo tempore communionis, non antea, nec postea? Excedit, superatque error horum, errorem illorum. At illi insaniebant, ergo multo magis hi insaniant. Fuit agnus ille Paschalis, figura huius nostri sacramenti, ueritas etiam respondet figuræ. Sed utique figura non potest adæquare hanc ueritatem. Vnde hæc ueritas respondet illi figuræ, simul autem excedit illam figuram: pariter excedit omnes figuras suas, quæ pro tempore præcesserunt, tum distributiue, tum collectiue sumptas. Quamobrem multa reperiuntur in hoc diuino sacramento, quæ non erant in figuris eius. Et quid multa? Nemo mihi dubitare potest, quin etiam manna fuerit figura huius diuini & admirabilis sacramenti. Manna autem in uasculo seruabatur formato instar calicis, quo nunc quoque utimur in templis; sicut numismate Iudaico in siclis uidetur consignata inscriptio talis, *VERNA MANNÆ*. Seruabatur ergo manna olim in arca, seruabaturque arca in templo; eratque in magno honore, & ueneratione. Ab hac igitur figura & nos quoque habemus, ut nostram sacram Eucharistiam in nostris sacrariis, & in nostris templis, seruemus cum magno honore, ueneratione, & reuerentia, ad nostram consolationem, deuotionem, & utilitatem spiritalem. Manet enim consecratio eius, sicut etiam omnes aliæ consecrationes immobiliter manent, permanentibus rebus consecratis: unde non iterantur. manentibus, inquam, rebus consecratis, id est, in suis formis. Corpus ergo Christi, Manna uerissimum & altissimum, manet in hoc sacramento, non solum in crastino, sed etiam in futuro: quousque species sacramentales manent. Quibus cessantibus, desin-

S. Tho.

par. 3.

quest. 76.

art. 6.

ad 2. & 3.

arg.

Figura non

adequat ueritatem, licet

quidam ueritas respon-

det figuræ.

Exod. 15.

Deute. 10.

2. Para. 15

Exo. 16.

Hebr. 9.

Manna ser-

uabatur in

arca, & in

templo.

S. Tho.

ubi statim.

ad 2. arg.

Consecratio-

nes immobili-

ter manent,

rebus conse-

cratis manentibus in

suis formis.

De Cœna, & Calice Domini

Quædo &
quo desinat
esse corpus
Christi i sa-
cramento.
S. Tho.
ubi statim.
ad 3. arg.
Ioh. 1.

nit esse corpus Christi sub eis: non quia ab eis dependeat, sed quia tollitur habitudo corporis Christi ad illas species: per quem modum Deus desinit esse dominus creaturæ desinentis.

In principio igitur erat uerbum, & uerbum erat apud Deum, & Deus erat uerbum. Et uerbum caro factum est, & habitauit in nobis, & uidimus gloriam eius, gloriam quasi unigeniti à patre, plenum gratiæ & ueritatis. De plenitudine eius omnes accepimus. Qui traditus est propter delicta nostra, & resurrexit propter iustificationem nostrā. Quique ascēdit in cœlum, & sedet à dextris Dei. Ipsemet est, qui habitat in Ecclesia triumphante, in propria specie: & ipsemet est, qui habitat nobiscum in Ecclesia militante, sub speciebus alienis, uidelicet panis & uini, in hoc diuino sacramento. Ipse nanque dixit, Hoc est corpus meum: Hic est sanguis meus. Ecce ego uobiscum sum omnibus diebus usque ad consummationem sæculi. Sic, Puer natus est nobis, & Filius datus est nobis. quem etiam habemus nunc, sub speciebus panis & uini, ad omnem usum decentem, nobis salutarem; ut ipsum offeramus, ut ipsum manducemus, ut ipsum adoremus, ut ipsum seruiemus ad consolationem nostram, ut ipsum cum honore & gratiarum actione circumferamus, cantantes, & psallentes Deo, in psalmis, & hymnis, & canticis spiritalibus.

Durandus.
lib. 4.
dist. 11.
quæst. 1.

Bene notat Durandus, quod inter omnia miracula, quæ continet fides nostra, istud sit unum de maximis: scilicet quod corpus Christi manens in cœlo localiter, & circumscriptiue, sit simul in hoc sacramento: uidelicet non localiter, nec circumscriptiue, nec diffinitiue, sed modo alio altissimo. Ideo fides hic exigitur, fides urgere debet, & fide nobis agendum; ut non dicamus cum Capharnaitis, Quomodo potest hic nobis dare carnem suam ad manducandum? Sed ut credamus cum patribus nostris, & simus eius fidei cum illis, & cum illis postea ab auctore ipsius fidei coronemur. Magnum est hoc miraculum; sed non quia est magnum, ideo est negandum; quin potius, quia est magni, est maximè considerandum, maximè credendū, maximè gratiarum actione prosequendum.

Ioh. 6.

Vigeat ergo fides, Et sit una in nobis, quæ fuit in sanctis patribus, & est etiam modò in Ecclesia Dei, fuitque semper, semperque erit.

Memoriam fecit mirabilium suorum misericors & miserator dominus; escam dedit timentibus se. Est autem nostra hæc esca diuina excellentior præstantiorque absque comparatione, supra illam magnam admodum escam antiquam, quæ hanc nostram adumbrabat tanquam eius figura, supra modum deficiens & non adæquans hanc nostram ueritatem, utpotè, quod hæc nostra esca, & hæc nostra cæna, significat quidem, & continet uerè, realiter, atque præsentialiter Christum Saluatorem nostrum.

Referuntur & diluuntur fundamenta aduersariorum, quibus ipsi suum errorem statunt. CAP. XXIII.



Calvinus non semel, quod in nostris sententiis Catholicis negare non potest, confitetur: sed idipsum, quod confessum habet, statim labefactare conatur: ut nostram catholicam, atque ueram doctrinam à suis nugis excludat, & suam falsam introducat.

Sic facit in proposito, uidet hanc nostram sententiam de reali corporis Christi existentia in cæna dominica esse antiquam; & ut hanc antiquitatem eius infirmet ac quariat, dicit illam ab hinc sexcentos annos ortum habuisse. Videt illam esse multorum doctorum, omnium etiam sanctorum, & ut hanc auctoritatem euertat aut fugiat, asserit ueteres doctores Sorbonicos subtilius disputasse, quomodo corpus & sanguis cum signis coniunctum sit: quasi soli doctores Sorbonici hanc ueritatem calculis suis approbauerint. Videt hanc doctrinam esse fuisseque semper in Ecclesia Christiana, & ut suos deludat, ait, hanc opinionem receptam esse à summis & infimis in Ecclesia Papali: quasi Ecclesiam Papalem ab Ecclesia Christiana abiiciat, quasi eam parui pendat, quasi nihili faciat.

Nos autem contra hæc Caluini insana commenta & perniciosissimas technas, hoc unum hic facimus, & hoc uno

*Calvinus
in libello de
Cæna Do-
mini.*

contenti sumus : quod uidelicet in hoc libro catalogos sanctorum doctorum recentiorum iuxta & antiquorum ponimus, qui apertè dixerunt corpus Christi esse uerè, atque realiter in hoc diuino sacramento, etiam per conuersionem substantiæ panis in ipsum. Ex prædictis enim catalogis constat palam, eos doctores esse etiam alios à Sorbonicis; constat eos fuisse ante mille, & ante mille centum, atque etiam ante mille & ducentos annos : & constat eos esse fuisseque ex Ecclesia Christi, atque ex Ecclesia Papali, pro qua & pro cuius debita obedientia multa dixerunt, ex quibus in sequenti libro nonnulla afferuntur. Voluerunt enim, ut constar ex eorum manifestis testimoniis, & ita docuerunt, neminem esse ex Ecclesia Christi quantum ad statum salutis, qui non fuerit ex Ecclesia Papali, qui Ecclesiam Papalem reliquerit, qui Ecclesiam Papalem scienter non acceperit. De his, inferius multa.

Lib. 3.

*Argumenta Caluini contra realem Christi existentiam
in hoc sacramento.*

*Caluinus
in libello de
Cœna Do-
mini.*

Iam si quærimus in Caluino diligenter, quibus argumentis probare nititur cœnam Domini esse atque fuisse solum significatiuam & symbolicam, non autem contentiuam Christi ueri cibi spiritualis animarum; reperiemus esse, fuisse aut esse duo potissima, quæ apud ipsum primum obtinere locum: Alterum, quia putauit quod existentia realis corporis Christi in hoc sacramento, est contrà naturæ humanæ ipsius ueritatem. Alterum, quia putauit, quod existentia Christi huiusmodi, derogat gloriøsæ eius conditioni & ascensioni. Quasi dicat, Si est in cœlo gloriôsè triumphas, quomodo est in sacramento? Si uera est eius natura humana, quomodo in sacramento continetur? Verba eius sunt in suo libello, de cœna Domini. Sic itaque duo nobis consideranda sunt, cum de Christi humanitate uerba facimus, Primum, ne ueritati naturæ ipsius detrahâmus: deinde ne derogemus gloriøsæ eius conditioni. Quod ut ritè obseruemus, erigendæ sunt in cœlum mentes, ut ibi redemptionem nostram quæramus. Nam si uelimus eum sub elemen-

*Caluini
uerba.*

ta mundi corruptibilia abiicere, cum ea destruemus, quæ de humana eius natura scripturæ testantur, tum etiam gloriosam ipsius ascensionem in nihilum redigemus. Hæc ille.

Responsiones Catholica.

Ecce talia sunt argumenta Caluini, qualia non formaret unquam, aut recens theologiæ initiatus, aut aliquis pius fidelis Christianus. Quod enim ait, Sic itaque duo nobis consideranda sunt, cum de Christi humanitate uerba facimus; Primum, ne ueritati naturæ ipsius detrahamus; Deinde ne derogemus gloriøsæ eius conditioni. Vtique uerum, idest, iustum, pium, sanctum, bonum, & catholicum: qualia ò utinam fuissent omnia eius dicta. Quod autem Caluinus putat sibi & prædicat suis discipulis; realem & corporalem corporis Christi existentiam in hoc diuino sacramento, ueritati naturæ ipsius detrahere, & gloriøsæ eius conditioni derogare, falsissimum est, iniustum impium, malum, hæreticum, & infidele.

Responsiones Catholica.

Sicut enim non detrahit ueritati naturæ humanæ in Christo Saluatore nostro, quod corpus eius sanctissimum formatum fuit ex purissimis sanguinibus Virginis sine uirili semine, quod natum est ex sanctissima Virgine, ipsa existente atque semper permanente Virgine, quod supra marinos uertices ambulauit, quod ianuis clausis ad discipulos est ingressum, quod quadraginta diebus & quadraginta noctibus ieiunauit, nihil comedens, ac nihil bibens, quod contactu suo glorioso multa miracula facta sunt, quod clauso sepulchro inde exiuit, & quod tandem uidentibus discipulis eleuatum est, & nubes suscepit illud ab oculis eorum. & similia; Sic profectò eodem modo eisdemq; rationibus, non detrahit ueritati naturæ humanæ in Christo, quod corpus eius id ipsum realiter existat præsentialiter in sancto sacramento Eucharistiæ. Omnia enim ista sunt supra humanæ naturæ uires, & superant naturalem rationem: unde in

omnibus his uiget diuina potentia, diuina gratia, diuina charitas, diuina benignitas. Atque non secus in omnibus his uigere debet non noster sensus, sed nostra fides.

Iean. 6. Dicit Caluinus, Quomodo potest hic nobis dare carnem suam ad manducandum, realiter ac præsentialiter? Verbum est Iudaicum, paræ intelligentiæ, paræ etiam aut nullius fidei. Quam ob rem, nos Caluinò dicimus, Quod non capis, quod non uides: animosa firmat fides, præter rerum ordinem. Hæc non euidenter in hoc sæculo ostenduntur, sed fide proponuntur, fide probantur, & argumenta, quæ in contrarium sunt, fide dissoluuntur. Fides proponit & probat has ueritates altissimas: & fides soluit omnia argumenta, quæ sunt in oppositum.

Cæterum, Saluator noster in cœlum quidem receptus est, ibiq; mansurus, quoad descendat ad iudicandum Orbem; ibi uiuit, ibi regnat, ibi triumphat, ibi beatificat. Sed huic eius conditioni, triumpho, aut gloriæ, nullo modo repugnat nec ullo modo derogat, quod ipse realiter, præsentialiter & corporaliter existit in hoc augustissimo sacramento Eucharistiæ: quia hæc eius existentia in sacramento nec tollit, nec ullo modo minuit ejus existentiam in cœlo. Vnum enim numero est corpus Christi in cœlo, & in sacramento: sed modus existendi hic & ibi, est diuersus. Existit nanque in cœlo corporaliter circumscriptiue: existit autem in sacramento corporaliter sacramentaliter. Qui duo modi existendi, qui, aut quales sunt, uel quomodo inter se differunt, & apud omnes theologos est notum; & apud omnes fideles ex iam dictis potest esse manifestum.

Christus ergo in cœlo existit corporaliter circumscriptiue in tota gloria sua: corporaliter, inquam, secundum corpus suum: & simul hoc primo in nihilo imminuto, Christus ipse in sacramento Eucharistiæ existit corporaliter sacramentaliter. Eodem modo intelligendo corporaliter, secundum suum corpus. Nunquid hoc secundum derogat illi primo? absit. Quin potius hoc secundum exaltat magis, magisque commendat illud primum, in Christi misericordia, clementia, benignitate, atque charitate: quæ tanta

tanta est, ut cum Christus iam in cœlis existat triumphans cum membris suis beatis, uult etiam esse & est corporaliter in hoc sacramento cum membris suis adhuc laborantibus in hac peregrinatione. Sic omnia aprans, ut quemadmodum sua Ecclesia triumphans illum habet præsentialiter, realiter, & corporaliter uno modo, id est, circumscriptiuè; ita sua Ecclesia militans eum habeat præsentialiter, & realiter, & corporaliter alio modo, id est, sacramentaliter. Et de isto singulari modo, quo Christus existit nobiscum in sacramento hoc mirabili, supra illum modum communem, quo ipse est nobiscum per gubernationem, etiam intelliguntur eius uerba, quibus ait, Et ecce ego uobiscum Manh. 28. omnibus diebus, usque ad consummationem sæculi. Ut multi sancti patres optimè intellexerunt. Exultat ergo hoc secundum, illud primum, in multis iam dictis, præsertim uerò in Christi charitate, & optima prouidentia.

CHRYSOSTOMVS.

Chrysostomus in de Sacerdotio, inquit, O miraculum, Lib. 3. ò Dei benignitatem. Qui cum Patre sursum sedet in illo ipso temporis articulo (nempe post uerba Christi operatoria) omnium manibus pertractatur, ac ipse se tradit uolentibus ipsum excipere ac complecti. Fit autem id nullis præstigiis, sed apertis ac circumspicientibus circûstantium omnium oculis: Et ne existimet aliquis hoc illi excidisse, passim ferè ita loquitur.

Idem enim auctor super Apostolum ad Corinthios inquit, Cum mors accepisset corpus Christi, quia continere non poterat, rursus euomuit, & radios ad ipsum supernum thronum dimisit. Illuc namque ipsum extulit, quod nobis etiam exhibuit: & ut teneremus & manducaremus, quod maximum dilectionis signum est. Quos enim amamus, nonnunquam morfu etiam petimus. Corin. 1.
Homil. 24.

Idem auctor in eodem loco ait. Quod summo honore dignum est, id in terra ostendam. Nam quemadmodum in regiis non parietes, non tectum aureum, sed regum corpus in throno sedens omnium præstâtissimum est; ita quo-

De Cœna, & Calice Domini

que in cœlis regium corpus, quod nunc in terra uidendum tibi proponitur, neque angelos, neque archangelos, non cœlos cœlorum, sed ipsum horum omnium tibi dominum ostendo. Animaduertis quo nam pacto, quod omnium maximum est, atque præcipuum in terra, non conspiciaris tantum, sed tangis: neque solum tangis, sed comedis: & eo accepto, domum redis. Absterge igitur ab omni forde animam tuam.

Homil. 3. Idem auctor super epistolam ad Ephesios dicit, Recolite quia illius corpus est & sanguis, qui supra cœlos residet, qui ab angelis suppliciter adoratur. Illius, inquam, qui proximè assistit immortalis Dei potentia. Huius delibamus sanguinem, & proprium corpus nobis sumendum tradidit.

Homil. 1. Idem auctor ad populum Antiochenum declamans & enarrans locum de pallio Helia donato Helisæo, sic docet, Helias melotem discipulo reliquit, filius autem Dei ascendens, suam nobis carnem dimisit. Sed Helias quidem exutus, Christus autem & eam nobis reliquit, & ipsam habens ascendit.

Idem auctor in Liturgia Idem auctor in sua Liturgia ita orat, Qui supra unâ cū patre sedes, & hîc unâ nobiscum inuisibiliter uersaris, dignare potenti manu tua nobis impartiri impollutum corpus tuum, & preciosum sanguinem, & per nos toti populo.

Hæc igitur ô Caluine, sancta uerba sancti Ioannis Chrysostomi, ô miraculum, ô Dei benignitatem. Qui cum Patre sursum sedet, in illo ipso temporis articulo (nempe post uerba Christi operatoria) omnium manibus pertractatur, &c. Hæc est etiam doctrina omnium sanctorum patrum aliorum, quotquot unquam fuerunt, ut constat ex allegatis eorum dictis. Omnes autem sancti patres huiusmodi, optimè nouerunt, firmiterque crediderunt omnes articulos fidei nostræ, & particulariter etiam atque explicitè hos duos articulos, tum de uera Christi natura humana, tum de eius gloriosa ascensione in cœlum.

Quomodo ergo ita docuerunt, de uera, reali, atque corporali existentia corporis Christi in hoc sacramento? Quia cum planè cognouissent idem corpus Christi uerum & gloriosum, quod modo est in cœlo, esse simul in hoc sa-

cramento gloriosum etiam & impassibile, atq; cum omnibus sibi inhaerentibus realiter, dotibus, qualitatibus, & cætera: firmiter crediderunt, id quod est uerissimum, hanc eius realem & corporalem existentiam, nec detrahere ueritati naturæ suæ humanæ, nec derogare eius conditioni gloriosæ. Vnde in hac existentia, maximè commendauerunt Christi potentiam infinitam, & Christi erga nos, & suam Ecclesiam militantem, summam immensamque dilectionem. Sicut re uera hinc uiget infinita omnipotentia, & immensa charitas. Quemadmodum Chrysostomus, ait, O miraculum, ò Dei benignitatem.

SANCtus Thomas.

Corpus Christi idem in substantia est in hoc sacramento & in propria specie, sed non eodem modo. Nam in propria specie contingit circumstantia corpora per proprias dimensiones, non autem prout est in hoc sacramento; ut supra dictum est. Et ideo quicquid pertinet ad Christum, secundum quod in se est, potest attribui ei & in propria specie, & in sacramento existenti: sicut uiuere, mori, dolere, animatum uel inanimatum esse, & cætera huiusmodi. Quæcunque uerò conueniunt ei per comparisonem ad corpora extrinseca, possunt ei attribui in propria specie existenti, non autem prout est in sacramento: sic irrideri, conspui, crucifigi, flagellari, & cætera huiusmodi. Vnde & quidam metricè dixerunt,

Pixide seruato poteris sociare dolorem

Innatum, sed non illatus conuenit illi.

Ita omnes doctores catholici dixerunt, quærentes ac determinantes quæstionem, Vtrum, si hoc sacramentum tempore mortis Christi fuisset seruatum uel consecratum, ibi moreretur? Est autem hæc communissima atque uerissima doctrina, eo omnibus manifesta, quia utique corpus Christi tale est in sacramento, quale est in seipso: licet modus essendi sit diuersus, prout est satis explicatum.

Hinc est quòd in cœna fuit in hoc sacramento corpus Christi passibile, ac mortale, quia tunc in seipso erat pas-

De Cœna, & Calice Domini

sibile ac mortale. Nunc autem in hoc sacramento est corpus Christi non passibile nec mortale, sed immortale & gloriosum; quia in seipso est in cœlo tale, id est, immortale & gloriosum.

Hunc ergo errorem Caluini & nonnullorum nostrorum aduersariorum, qui cum Caluino terrenè sapiunt, tenuerunt etiam alij aduersarij fidei Catholicæ, ut constat ex dictis: atque ad eum astruendum nonnulla etiam Augustini dicta conabantur adducere, quæ insuper quidam nostri aduersarij huius temporis pro eodem adducunt. His omnibus, nos nunc respondere tenemur: sed quia multi sancti & catholici patres hoc ipsum fecerunt ante nos, magis placeat ut eorum dicta repetamus, quibus ipsi hunc errorem cum suis fundamentis retulerunt, & omnia abiecerunt, errorem damnando, fundamenta autem erroris soluendo, encruando, atque diluendo.

Verba Magistri narrantis & referentis.

Ib. 4.
dist. 10.

Magister sententiarum ita dicit, Sunt & alij præcedentium insaniam transcendentis, qui Dei uirtute iuxta modum naturalium rerum metientes, audacius ac periculosius ueritati contradicunt: asserentes in altari non esse corpus Christi uel sanguinem; nec substantiam panis uel uini in substantiam carnis & sanguinis conuerti: sed ita Christum dixisse, Hoc est corpus meum: sicut Apostolus dixit, Petra autem erat Christus. Dicunt enim ibi esse corpus Christi tantum in sacramento, id est, in signo, & tantum in signo manducari à nobis. Qui errandi occasionem sumunt, à uerbis ueritatis, unde prima hæresis facta est in discipulis Christi. Cum enim diceret, Nisi quis manducauerit carnem meam, & biberit sanguinem meum, non habebit uitam æternam: illi non intelligentes dixerunt, Durus est hic sermo, quis potest eum audire? & abierunt retro. Illis decedentibus, instruxit duodecim, qui remanserant. Spiritus

Augu super
psal. 94. nō
longè à fine
anathema =

est, inquit, qui uiuificat, caro nihil prodest. Verba, quæ locutus sum uobis, spiritus & uita sunt. Intellexisti carnaliter? etiam sic spiritus & uita sunt, sed tibi non sunt. Spi-

ritualiter intellige, quæ locutus sum. Nō hoc corpus, quod uidetis, manducaturi estis, & bibituri illum sanguinem, quem effusuri sunt, qui me crucifigent. Sacramentum ali- quod uobis commendauī, spiritualiter intellectuū uiuifi- cabit uos: caro autem non prodest quicquam. Sunt etiam & alia, illorum infan- tiæ fomitem ministrantia. Ait enim Augustinus, Donec sæculum finiatur, sursum est Dominus: sed tamen etiam hīc nobiscum est ueritas Dominus. Cor- pus enim in quo resurrexit, in uno loco esse oportet; ue- ritas autem eius ubique diffusa est. Item, Vna persona est Deus & homo; ubique per id, quod est Deus in cælo; per id, quod homo est Christus. Dicit etiam, Pauperes semper habebitis uobiscum: me autem non semper habe- bitis. His aliisque utantur præfati hæretici in assertionem sui erroris. Ita Magister refert errorem, cum fundamen- tis eiusdem erroris.

nū in illum
psal.
tom. 8.
Ioan. 6.

August. ad
Dardanū.
Epist. 57. nō
legē a prin-
cipio.
tom. 2.
Matth. 26.

Verba Magistri determinantis, soluentis & respondentis.

Quæ ex eadem ratione, omnia accipienda sunt. Non enim uerbis his negatur uerum corpus Christi a fidelibus sumi, uel in altari esse: sed his ueritas Apostolos, & in eis nos instruxit, quod ipsius corpus non per partes disceptū, ut putauerunt illi discipuli, qui retro ierunt, sed integrum, nec uisibiliter in forma humana, sed inuisibiliter sub forma panis & uini, corpus & sanguinem nobis traderet. Quem sensum Augustinus confirmat, dicens, ipsum quidem, & non ipsum corpus, quod uidebatur, manducatur: ipsum quidem inuisibiliter, non ipsum uisibiliter. Item, Si ne- cesse est illud celebrari, necesse est tamen inuisibiliter intel- ligi. Ita etiam intelligendum est corpus Christi esse in uno loco, scilicet uisibiliter in forma humana: ueritas tamen eius, id est, diuinitas ubique est: ueritas etiam eius, id est, uerum corpus in omni altari est, ubicunque celebratur. Sic etiam illud intelligēdum est, Pauperes semper habebitis uobiscum: me autem non semper habebitis. secundum cor- poralem præsentiam, scilicet qua cum eis conuersabatur. Similiter per id, quod homo est, in cælo est, scilicet uisibi-

Magister
ibid.

Augustinus
Ioan. 6.

August. in
epist. ad Hi-
renum.
De consecr.
dist. 2.
c. Nō hoc.

De Cœna, & Calice Domini

sibile ac mortale. Nunc autem in hoc sacramento est corpus Christi non passibile nec mortale, sed immortale & gloriosum; quia in seipso est in cœlo tale, id est, immortale & gloriosum.

Hunc ergo errorem Caluini & nonnullorum nostrorum aduersariorum, qui cum Caluino terrenè sapiunt, tenuerunt etiam alij aduersarij fidei Catholicæ, ut constat ex dictis: atque ad eum astruendum nonnulla etiam Augustini dicta conabantur adducere, quæ insuper quidam nostri aduersarij huius temporis pro eodem adducunt. His omnibus, nos nunc respondere tenemur: sed quia multi sancti & catholici patres hoc ipsum fecerunt ante nos, magis placeat ut eorum dicta repetamus, quibus ipsi hunc errorem cum suis fundamentis retulerunt, & omnia abiecerunt, errorem damnando, fundamenta autem erroris soluendo, encruando, atque diluendo.

Verba Magistri narrantis & referentis.

1ib. 4.
dist. 10.

Magister sententiarum ita dicit, Sunt & alij præcedentium insaniam transcendentis, qui Dei uirtute iuxta modum naturalium rerum metientes, audacius ac periculosius ueritati contradicunt: asserentes in altari non esse corpus Christi uel sanguinem; nec substantiam panis uel uini in substantiam carnis & sanguinis conuerti: sed ita Christum dixisse, Hoc est corpus meum: sicut Apostolus dixit, Petra autem erat Christus. Dicunt enim ibi esse corpus Christi tantum in sacramento, id est, in signo, & tantum in signo manducari à nobis. Qui errandi occasionem sumunt, à uerbis ueritatis, unde prima hæresis facta est in discipulis Christi. Cum enim diceret, Nisi quis manducauerit carnem meam, & biberit sanguinem meum, non habebit uitam æternam: illi non intelligentes dixerunt, Durus est hic sermo, quis potest eum audire? & abierunt retro. Illis decedentibus, instruxit duodecim, qui remanserant. Spiritus est, inquit, qui uiuificat, caro nihil prodest. Verba, quæ locutus sum uobis, spiritus & uita sunt. Intellexisti carnaliter? etiam sic spiritus & uita sunt, sed tibi non sunt. Spi-

Augu super
psal. 94. nō
longè à fine
narratio =

ritualiter intellige, quæ locutus sum. Nō hoc corpus, quod uidetis, manducaturi estis, & bibituri illum sanguinem, quem effusuri sunt, qui me crucifigent. Sacramentum ali- quod uobis commendauī, spiritualiter intellectum uiuifi- cabit uos: caro autem non prodest quicquam. Sunt etiam & alia, illorum insanix fomitem ministrantia. Ait enim Augustinus, Donec sæculum finiatur, sursum est Dominus: sed tamen etiam hīc nobiscum est ueritas Dominus. Cor- pus enim in quo resurrexit, in uno loco esse oportet; ue- ritas autem eius ubique diffusa est. Item, Vna persona est Deus & homo; ubique per id, quod est Deus in cælo; per id, quod homo est Christus. Dicit etiam, Pauperes semper habebitis uobiscum: me autem non semper habe- bitis. His aliisque antantur præfati hæretici in assertionem sui erroris. Ita Magister refert errorem, cum fundamen- tis eiusdem erroris.

nū in illum
psal.
tom. 8.
Ioan. 6.

August. ad
Dardanū.
Epist. 57. nō
lēge à prin
cipio.
tom. 2.
Matth. 26.

Verba Magistri determinantis, soluentis & respondentis.

Quæ ex eadem ratione, omnia accipienda sunt. Non enim uerbis his negatur uerum corpus Christi à fidelibus sumi, uel in altari esse: sed his ueritas Apostolos, & in eis nos instruxit, quòd ipsius corpus non per partes discerprū, ut putauerunt illi discipuli, qui retro ierunt, sed integrum, nec uisibiliter in forma humana, sed inuisibiliter sub forma panis & uini, corpus & sanguinem nobis traderet. Quem sensum Augustinus confirmat, dicens, ipsum quidem, & non ipsum corpus, quod uidebatur, manducatur: ipsum quidem inuisibiliter, non ipsum uisibiliter. Item, Si ne- cesse est illud celebrari, necesse est tamen inuisibiliter intel- ligi. Ita etiam intelligendum est corpus Christi esse in uno loco, scilicet uisibiliter in forma humana: ueritas tamen eius, id est, diuinitas ubique est: ueritas etiam eius, id est, uerum corpus in omni altari est, ubicunque celebratur. Sic etiam illud intelligēdum est, Pauperes semper habebitis uobiscum: me autem non semper habebitis. secundum cor- poralem præsentiam, scilicet qua cum eis conuersabatur. Similiter per id, quod homo est, in cælo est, scilicet uisibi-

Maxim.
ibid.

Augustinus
Ioan. 6.

August. in
epist. ad Hi
renum.
De consacr.
dist. 2.
c. Nō hoc.

De Cœna, & Calice Domini

In libro sen-
t. Prosperi.
De consecr.
dist. 2.
c. Hoc est.

liter : inuisibiliter autem est in altari, quia non in forma humana apparet, sed forma panis & uini operitur. Vnde & inuisibilis caro eius dicitur, quæ uerè est in altari. Sed quia in specie sua non apparet, inuisibilis dicitur : ait enim Augustinus, Hoc est quod dicimus, quod modis omnibus approbare contendimus, Sacrificium Ecclesiæ duobus confici, duobus constare, uisibili elementorum specie, & inuisibili Domini nostri IESU Christi carne & sanguine : Sacramento, & re sacramenti, id est, corpore Christi : sicut & Christi persona constat & conficitur ex Deo & homine, cū Christus sit uerus Deus & homo : quia omnis res illarum rerum naturam & ueritatem in se continet, ex quibus conficitur. Conficitur autem sacrificium Ecclesiæ duobus, sacramento, & re sacramenti, id est corpore Christi. Est ergo sacramentum & res sacramenti, idem corpus Christi. Ecce inuisibilem dixit carnem Christi, quia forma panis operta sumitur & tractatur. Idemque corpus Christi dixit esse sacramentum & rem : ex quo confirmatur quod supra diximus. Deinde addit quod magis mouet lectorem ; Caro, inquit, eius est, quam sub forma panis opertam in sacramento accipimus : & sanguis eius, quem sub uini specie ac sapore potamus. Caro uidelicet carnis, & sanguis sacramentum est sanguinis : carne & sanguine, utroque inuisibili, intelligibili, & spiritali significatur corpus Christi uisibile & palpabile, plenum gratia & diuina maiestate.

ibidem
ut supra.

Verba Magistri declarantis, quæ sit intelligentia præmissorum.

Attende iis diligenter, quia tropo quodam utitur hic Augustinus, quo solent res significantes, rerum sortiri uocabula, quas significant. Hic enim uisibilis species panis, uocatur nomine carnis, & uisibilis species uini, nomine sanguinis, inuisibilis uerò & intelligibilis dicitur caro Christi, quia secundum illam speciem non uidetur caro, sed intelligitur : ita & sanguis. Caro ergo, inuisibilis dicitur esse, sacramentum carnis uisibilis : quia species panis, secundum quam illa non uidemus, caro est sacramentum carnis uisibilis : quia in carne inuitibili, id est specie, secundum quam

caro Christi non uidetur caro, significatur corpus Christi, quod est uisibile & palpabile, ubi in sua forma apparet. Ita & de sanguine accipi debet. Quem sensum confirmat Augustinus, aperiens qualiter prædicta intelligenda sint, quia obscure dixerat: consequenter dicens, ita panem uocari corpus Christi, cum uerè sit sacramentum corporis Christi, quod in cruce positum est: sicut ipsa immolatio, quæ fit manibus sacerdotis, uocatur Christi passio, non rei ueritate, sed significandi mysterio: & sicut sacramentum fidei dicitur fides.

De consecr.
dist. 2.
Hoc est
quod dicitur
mum. para-
gr. Sicut
ergo.

Verba Magistri concludentis contra aduersarios.

Satis responsum est hæreticis, & obiectionibus eorum, qui negant uerum corpus Christi in altari esse, & panem in corpus, uel uinum in sanguinem mystica consecratione conuerti, dicentes, Quis audeat manducare dominum suum. Quis etiam audeat dicere, quotidie formari corpus Christi de materia uel substantia, quæ non fuit caro Virginis?

Sic Magister sententiarum ex Augustino respondet omnibus obiectionibus, quas formant aduersarij ex uerbis eiusdem Augustini perperam intellectis: ostendens, Augustinum semper tenuisse, credidisse, atque prædicasse, hanc nostram ueritatem Catholicam de uera, atque reali & corporali Christi existentia, atque præsentia in hoc sacramento diuino.

S. THOMAS.

S. Thomas idem fecit omnino. Tenebat enim sicut semper tenuit cum aliis sanctis patribus, hanc nostram ueritatem Catholicam de existentia reali corporis Christi in hoc sacramento secundum ueritatem rei ipsius. Videns autem quod hæretici in confirmationem sui erroris, quem hodie errans sequitur Caluinus, adducebant illud Augustini super Psalm. 98. Spiritualiter intelligite, quæ locutus sum: non hoc corpus, quod uidetis, manducaturi estis, &c. &

par. 3.
quest. 75.
art. 1.

De Cæna, & Calice Domini

illud aliud Augustini, Donec sæculum finiatur, sursum est Dominus, &c. respondet his omnibus exactissimè.

*Ibidem ad
primum ar
gum.*

Ad primum enim horum dicit, Ex hac auctoritate prædicti hæretici occasionem errandi sumpserunt, malè uerba Augustini intelligentes. Cum enim Augustinus dicit, Non hoc corpus, quod uidetis, manducaturi estis, non intendit excludere ueritatem corporis Christi, sed quòd non erat manducandum in hac specie, in qua ab eis uidebatur. Per hoc autem quod subdit, Sacramentum uobis aliquod commendaui, spiritualiter intellectum uiuificabit uos. nõ intendit quòd corpus Christi sit in hoc sacramento solum secundum mysticam significationem, sed spiritualiter dici, idest impassibiliter, & per uirtutem Spiritus. Vnde super Ioannem exponens id, quod dicitur, Caro non prodest quicquam, dicit, Sed quomodo illi intellexerunt? carnem quippe sic intellexerunt, quomodo in cadauere dilaniatur, aut in macello uenditur: non quomodo spiritu uegetatur. Accedat spiritus ad carnem, & prodest plurimum. Nisi caro, nihil prodesset, Verbo caro non fieret, ut habitaret in nobis. Hæc ille.

*Ibidem ad
secundum
arg.*

Ad secundum autem horum ait, Verbum illud Augustini & omnia similia sunt intelligenda de corpore Christi, secundum quod uidetur in propria specie, secundum quod etiam ipse Dominus dicit Matth. 26. Me autem non semper habebitis, inuisibiliter tamen sub speciebus huius sacramenti est, ubicunq; hoc sacramentum perficitur. Hæc ille.

GABRIEL Biel.

*lect. 39.
lib. 1. O.*

Gabriel Biel super canonem Missæ eodem modo se habet; confitetur enim hanc ueritatem Catholicam, quàm cõfitemur: Quia uerò hæretici uerba quædam Augustini allegabant in oppositum, respondendo Gabriel, dicit contra eos, Verba uerò beati Augustini, suprà pro sua hæresi allegata, Magister. distin. 10. quarti, determinat, dicens, Non his negat Augustinus corpus Christi à fidelibus sumi, uel esse in altari: sed his ueritas Apostolos & in eis nos intruxit, quòd ipsius corpus non per partes discerptum, ut putauerunt

putauerunt illi discipuli, qui retro ierunt, sed integrum: nec uisibiliter in forma humana; sed nobis inuisibiliter sub forma panis & uini, corpus & sanguinem traderet. Quem sensum beatus Augustinus confirmat, dicens, Ipsum quidem, & non ipsum corpus, quod uidebatur, manducabatur: ipsum inuisibiliter, non ipsum uisibiliter. Item & si necesse est illud uisibiliter celebrare; necesse est tamen inuisibiliter intelligi: ita etiam intelligendum est, corpus Christi esse in uno loco, uidelicet uisibiliter in forma humana. Veritas tamē eius, idest diuinitas, ubiq; est: ueritas etiam eius, id est, uerum corpus in omni altari est, ubicunque celebratur. Sic etiam illud intelligendum est, Pauperes semper habebitis uobiscum, me autem non semper habebitis. secundum corporalem præsentiam, secundum quam cum eis conuersabatur. Similiter & illud, quod homo est, in celo est uisibiliter: inuisibiliter autem est in altari, quia non in forma humana apparet, sed forma panis & uini operitur. Vnde & inuisibilis eius caro dicitur, quæ uerè est in altari: sed quia non in specie sua apparet, dicitur inuisibilis. Ait enim Augustinus, Sacrificium Ecclesiæ duobus constat, uisibili elementorum specie, & inuisibili Domini nostri Iesu Christi carne & sanguine: sacramento, & re sacramenti, idest corpore Christi. Ecce inuisibilem dixit carnem Christi, quia forma panis operita sumitur, & tractatur. Hæc ille.

Ita omnes doctores sancti & catholici, ubique & semper intellexerunt Augustinum, ex Augustino: & ita re uera, est Augustinus intelligendus.

Alia obiecta aduersariorum.

Instant præterea aduersarij ex Augustino contra Adimantum Manichæi discipulum, dicente, Dominus non dubitauit dicere, Hoc est corpus meum, cum sui corporis daret signum. Atq; iterum ex Augustino in præfatione Psalmi 3. ubi inquit, Miranda Domini patientia, quod Iudam adhibuit ad conuiuium, in quo corporis & sanguinis figuram discipulis commendauit, & tradidit.

Auguſt.
cap. 12.

Responsio Catholicorum.

Nos autem respondendo ex Augustino, dicimus, Hæc est aduersariorum uel insania, uel inscitia, qua uel Augustinum non legunt, uel Augustinum non intelligunt, uel de mente, aut uera & catholica doctrina Augustini non curât.

Vsitatissimum est apud Augustinum, quòd sacrosanctum sacramentum Eucharistiæ appellat signum, aut etiam figuram corporis & sanguinis Christi: & iterum quòd ipsum sacramentum, tropo quodam, & modo loquendi (quo solemus signa aliquarum rerum nominare eisdem nominibus, quibus nominamus res ipsas) appellat carnem Christi & sanguinem. Sic etiam non est ignotum, apud Augustinum istud pronomen, Hoc, in hac locutione, Hoc est corpus meum. demonstrare quandoque species panis: & uerbum, Est, accipi tunc non substantiuè, sed repræsentatiuè: ut sit sensus, Species, quæ uidentur, significant corpus Christi realiter adesse. Iuxta quam doctrinam, doctores theologi, Catholici & doctissimi, disertè satis tradētes, docent, istud pronomen, Hoc, in hac enunciatione, Hoc est corpus meum. posse accipi, uel prout demonstrat ad sensum, uel prout demonstrat ad intellectum. Si accipiatur, ut demonstrans ad sensum, tunc demonstrat species panis: & uerbum, Est, accipitur non substantiuè, sed repræsentatiuè, aut significatiuè. Si autem accipiatur, ut demonstrat ad intellectum, & fidem, tunc demonstrat contentum sub illis speciebus: & uerbum, Est, accipitur substantiuè, effectiuè, atque operatoriè. Vt sensus huius uerbi consecrationis sit hic, Contentum, uel substantia, quæ est sub his speciebus panis, est corpus meum: ut demonstratio, quo ad species sit certa; sed indeterminata quoad substantiam contentam. Hæc est communis theologia, uera & catholica; quam Augustinus & omnes sancti doctores olim insinuarunt, & quam theologi posteriores secundum eandem ueritatem, magis ac magis explicauerunt.

Augustinus ergo dicit, hoc sacramentum, esse signum & figuram corporis & sanguinis Christi: sed ipsemet declarat

fese, ita exactè, ut nullo modo possit trahi ad errorem Caluini. Dicit enim hoc sacramentum esse signum corporis & sanguinis Christi. sed declarat illud non esse signum uacuum aut uanum, aut à suo significato separatum, Quin potius manifestat statim, hoc signum esse solidum, plenum, atque suo significato coniunctum, & præsens. Omnino si-
cut sanguis pecoris, est signum animæ ipsius, non quidem absentis sed præsensis.

*Sacramen-
tum est si-
gnum cor-
poris Chri-
sti, non ua-
cuum, sed
plenum, ipso
re signifi-
cata.*

Etenim Augustinus contra Adimantum, tractans locum ex Deuteronomio, secundum interpretationem Septuaginta, Sanguis pecoris, est anima eius. Interpretatur quod dicitur, Anima eius. quia est signum animæ, sed præsensis. Ita, inquit, Christus dicit, Hoc est corpus meum, id est, corporis mei signum, sed uerè & realiter præsensis: sicut sanguis, animæ iam præsensis est signum. Eadem est doctrina Augustini de figura. Vt hoc sacramentum sit figura corporis & sanguinis Christi: sed utique figura solida, plenaque, & quæ secum habet suum significatum uerè, atque realiter.

*Optima &
propria de-
claratio ip-
sius Augu-
stini.*

Instant insuper aduersarij ex eodem Augustino in de Doctrina Christiana, ubi tradens regulam, qua discernatur locutio scripturæ figurata à propria, dicit, Si scriptura flagitium uel facinus uideatur iubere, aut utilitatem aut beneficentiam uetare: figura est locutio, ut, Nisi manducaueritis carnem filij hominis, & biberitis eius sanguinem, non habebitis uitam in uobis. facinus uel flagitium uidetur iubere.

*Obiectio
aduersa-
riorum.
Lib. 3.
cap. 16.
Ioan. 6.*

Respondemus, Neque hic Augustinus quicquam dicit, aut docet, aut insinuat, contra hanc nostram catholicam ueritatem: sed potius illam declarat, & commendat. Ipse namque doctor gloriosus, in De doctrina Christiana, se explicat, quo sensu secundum tropum intelligenda dicat uerba Domini, Nisi manducaueritis carnem Filij eius, & biberitis eius sanguinem, &c. Quæ propriè intelligi non posse dicit, si uidelicet intelligantur de manducatione carnali, qua sub specie propria, & in partes decerptæ carnes manducantur, hoc est, ut in macello ueneunt. Sic enim ipsemet interpretatur uerba domini, Spiritus est, qui uiuificat,

*Responsio
catholico-
rum.*

*Augustinus
lib. 3.
cap. 16.*

caro non prodest quicquam. Hoc enim sensu uerba Christi sonarent scælus & flagitium, sicut apud carnales auditores sonant, propter quod si ueri fuissent discipuli, quia arduum uidebatur, & inhumanum quod dicebat, humiliter, inquit Cyril. petere oportebat intelligentiam, non ueluti truculentos exclamare; Quomodo potest nobis carnem suam dare ad manducandum? Et rectè dicit Augustinus, quòd in hisce uerbis Christus præcipit passionem domini in memoria recondi, quia sacramentum, illius est memoria, & hic eius effectus est atque significatio. Citat etiam aliquando hæc uerba domini, Nisi manducaueritis carnem filij hominis, & biberitis &c. quasi intelligantur de spiritali manducatione duntaxat, aliquando autem ut de sacramentali manducatione, ratione effectus eius. Quod autem aduersarij dicunt, esse in hoc sacramento solum figuram & memoriam Christi mortui pro nobis, nullus unquam doctor catholicus docuit, immo omnes palàm reclamant. Nam Damascenus in de Orthodoxa fide, inquit, Non est figura panis corporis, & uinum sanguinis Christi: Absit enim hoc credere; sed est ipsum corpus Domini Deificatum, ipso dicente, Hoc est corpus meum. Non corporis mei figura, sed corpus: non sanguinis figura, sed sanguis. Non quasi hoc sacramentum non sit figura aut signum corporis & sanguinis Christi: sed quia contentum sub hoc sacramento, reuera est proprium corpus & proprius sanguis. Vnde sacramentum hoc, est non solum significatiuum, sed etiam realiter contentiuum. in quo ob id & per quod uerè atque realiter corpus & sanguinem Christi manducamus atque bibimus. Non quidem uisibiliter, sicut carnes ex macello sumptas; sed inuisibiliter, & sic quodam modo spiritaliter: sed realiter, præsentialiter, & corporaliter. Hæc est Augustini doctrina, prout ipse sese in quamplurimis locis declarat: unde aduersarij iniuriam faciunt Augustino, dum eum in eorum errorem referunt.

Damasc.
lib. 4.

Aduersariorum obiectio.

Tertullian.
lib. 4.

Instant insuper aduersarij ex Tertulliano aduersus Mar-

cionem, dicente, Acceptum panem, & distributum discipulis, corpus suum ipsum fecit, dicendo, Hoc est corpus meum, id est, corporis mei figura.

Responsio Catholicorum.

Respondemus, Primùm, Tertullianus defecit in partes Montani, & ideò non est audiendus in hac re grauissima. Deinde, Quæ est auctoritas solius Tertulliani, ut comparatur auctoritati tot sanctorum patrum, etiam antiquorum, & doctissimorum? Tertiò, nihil facit hoc dictum Tertulliani ad propositum: quia ipse considerauit pronomen, Hoc, prout ostendit ad sensum: non autem considerauit hoc pronomen in eo dicto, prout ostendit ad intellectum. Sic autem intelligendo, necesse erat, ita explicare. Sed sic intelligendo & sic explicando, nullo modo negauit, immo confessus est, tum in eodem loco, tum alibi, in hoc sacramento contineri uerum Christi corpus & sanguinem.

Hanc esse, & hanc fuisse mentem Tertulliani, quam statim explicauimus, declarat ipsemet Tertullianus in multis. Primùm in eodem loco, ubi ait, Acceptum panem, & distributum discipulis, corpus suum ipsum fecit. Quibus uerbis manifestè tradit, quòd Christus Dominus noster, panem acceptum, fecit corpus suum, id est, per conuersionem, aut mutationem. &c. Quia autem uidebat Tertullianus speciem panis manere, & putabat illud pronomen, Hoc, demonstrare ipsam speciem ad sensum, posuit illam interpretationem.

*Tertullian.
in eod. loco.*

Ad idem est secundò, quod ipse Tertullianus docet, in libro de carnis resurrectione. Postquam enim carnem nostram substantiam friuolam & sordidam multis extulit præconiis, addidit, Caro abluitur, ut anima emaculetur. Caro ungitur, ut anima consecretur; Caro signatur, ut & anima muniat; Caro manus impositione obumbratur, ut anima spiritu illuminetur; Caro corpore & sanguine Christi uestitur, ut anima de Deo sanetur. Hæc ille. Ecce inter res reales & corporales, quæ in nostra carne & circa illam hinc uerè, realiter, atque corporaliter sunt, ponit Tertullianus

*Tertullian.
in libro de
Carnis re-
surrect.*

De Cæna, & Calice Domini

expresse, quod caro uescitur corpore & sanguine Christi. Ait enim disertis uerbis, Caro abluitur, Caro ungitur, Caro signatur, Caro manus impositione obumbratur, Caro corpore & sanguine Christi uescitur. Hæc autem omnia, carnis ablutio, carnis unctio, carnis signatio, carnis manus impositione obumbratio, sunt uera, realia, corporalia, & præsentia. Ergo similiter & illud ultimum, quod cum illis ponitur & explicatur, est reale, uerum, atque corporale. Vt etiam corporalis, uerus & realis sit ille esus, dum caro uescitur corpore & sanguine Christi: sicut & alia ibi explicata, sunt talia, id est, Sicut corporale est, quod, Caro abluitur, Caro ungitur, Caro signatur, Caro manus impositione obumbratur. Multa alia possemus hæc traducere ex Tertulliano, pro hac mente sua; sed quæ statim adduximus, & quæ superius posuimus, faciunt satis; præsertim, si ubi opus sit, illud contigerit, quod sancta Ecclesia canit,

Quod non capis, quod non uides, animosa firmat fides
Præter rerum ordinem.

Multa nanque sunt, quæ in cernendi sensum non cadunt; & quæ Physicarum humanarumque rationum uia assequi non possumus; si tamen fidei adiumenta accefferint, facile suadentur. Fides ergo debet uigere.

Finit libri primi de Cæna, & Calice Domini.



REVEREND. GASPARIS
CASALII LVSTITANI,

EPISCOPI LEIRIENSIS,

De Cœna, & Calice Domini quo ad laicos,
aut clericos non celebrantes,

LIBER SECVNDVS.

*Proponuntur quinque articuli, qui ad usum Calicis Domini quoad
laicos vel clericos non celebrantes, pertinent; quibus determi-
nandis eorumque determinationibus probandis, totus hic secun-
dus liber dicatus est.*

CAPVT PRIMVM.



Ostquam satis superque præcedenti
libro iam quinque conclusiones, ea-
rumque probationes Domini per-
missu absoluimus, in quibus de no-
stra cœna dominica suas illas quin-
que prærogatiuas altissimas excel-
lentesque abundè monstrauius,
significationem nimirum, conti-
nentiam, modum continendi per-
conuerfionem, debitam adorationem, seu rationem adora-
tionis, & permanentem sanctitatem; modò superest ut hoc
secundo libro, propofitos nobis quinque articulos ad calicē

De Cœna, & Calice Domini

Domini pertinentes, primùm referamus; secundò ut eis respondeamus; tertio ut responsiones assignatas, ex diuinis scripturis & sanctis patribus ostendamus. Etenim & his omnibus animus est satisfacere, cum ad absoluendos oblatos, exhibitosque articulos, tum propter instantes temporum necessitates. Quando uidelicet aduersarij etiam in his grauissimè errant, sanctam matrem Ecclesiam Christianam calumniantur, indoctas plebes deludunt, & delusas, ad quæ uolunt seducunt, atque seipsos eorum duces immaniter perdunt: Idque nescio quibus non rationibus, sed ratiocinationibus adducti, quas pro uiribus confutabimus, atque elidemus, usque adeò ut nihil postea, in quo iurè ambigi possit, superfuturum sit. Verùm articulos ipsos, quos nobis disputatione uersandos, examinandosque proponimus, apponamus: sunt autem infra scripti.

Articulus primus.

Axioma Dei præcepto ad salutem necessariò, omnes & singuli Christi fideles, utranque speciem sanctissimi Eucharistiæ sacramenti, suscipere teneantur.

Articulus secundus.

An rationes, quibus sancta Catholica Ecclesia adducta fuit, ut communicaret laicos, ac etiam non celebrantes sacerdotes, sub una tantùm specie panis, ita sint retinendæ, ut nulla ratione calicis usus cuiquam sit permittendus:

Articulus tertius.

An si honestis, & Christianæ charitati consentaneis rationibus concedendus alicui uel nationi, uel regno, calicis usus uideatur, sub aliquibus conditionibus concedendus sit, & quæ nam sint illæ.

Articulus

Articulus quartus.

An minus aliquid sumat, qui sub una tantum specie hoc sacramento utitur, quam qui sub utraque.

Articulus quintus.

An diuino iure necessarium sit paruulis, antequam ad annos discretionis peruenerint, altissimum hoc porrigere sacramentum.

Proponuntur responsiones ad omnes propositos articulos
precedentes. CAP. II.



D primum articulum, ut paucissimis agam, *Ad arti. 1.*
& illis necessariis atque clarissimis, respon- *Responsio.*
deoque negatiue, sequenti conclusione, Nul-
lum est diuinum preceptum ad salutem ne-
cessarium, quo omnes & singuli Christi fi-
deles utranque speciem sanctissimi Eucha-
ristiæ sacramenti suscipere teneantur.

Ad secundum articulum respondeo per sequentes duas *Ad arti. 2.*
conclusiones, alteram affirmatiuam, alteram negatiuam. *responsio.*
Affirmatiua est, Rationes quibus sancta Catholica Ecclesia
adducta fuit, ut communicaret laicos ac etiam non cele-
brantes sacerdotes, sub una tantum specie panis, sunt & fue-
runt bonæ, iustæ, sanctæ, atque, ut ita dicam, ualde ratio-
nabiles. Negatiua est, Illæ tamen rationes non sic sunt re-
tinendæ aut credendæ, ut nulla ratione, nullaque ex causa
calicis usus cuiquam de prædictis laicis, uel non celebra-
ntibus clericis sit permittendus.

Ad tertium articulum respondeo per sequentes conclu- *Ad arti. 3.*
siones, Prima est, Si honestis & Christianæ charitati con- *responsio.*
sentaneis rationibus concedendus alicui uel nationi uel re-
gno, calicis usus uideatur, ille non absolutè, sed sub ali-
quibus conditionibus concedendus est, propter rerum &c.

temporum difficultates. Secunda est, Conditiones, sub quibus eo casu ita alicui nationi uel regno usus calicis concedendus sit, uidentur debere esse illæ, quæ in concilio Basileensi, antequàm declinaret, sunt expressæ, cum nonnullis aliis; quæ inferius explicantur.

Ad arti. 4.
responsio.

Ad quartum articulum respondeo per sequentes conclusiones. Prima est, Quantum ad sacratissimam rem contentam, id est, Christum Saluatorem nostrum, non minus aliquid sumit, qui sub una tantum specie hoc sacramento utitur, quàm qui sub utraque. Secunda est, Quantum ad ipsum sacramentum, id est, quantum ad ipsas species sensibiles sacramentales, minus aliquid sumit, qui sub una tantum specie hoc sacramento utitur, quàm qui sub duabus. Tertia est, Quantum ad id gratiæ, quod quis cõmunicans consequitur ex opere operantis, non est certa regula; sed potest aliquis plus, aut minus, aut æqualiter suscipere sub altera tantum, quantum sub utraq; & è contra. Quarta est, problema Theologicum uidetur ad utranq; partem probabile, An minus gratiæ recipiat ex opere operato, qui in altera tantum specie communicat, quàm qui in duabus. Quinta est, Et si dicatur minus gratiæ recipere aliquem communicando in altera specie, quàm communicando in utraque, non tamen idcò minus bene fecit sancta mater Ecclesia interdicens laicis ac sacerdotibus non celebrantibus communionem utriusq; speciei, ex iustis causis ac rationabilibus. Sexta est, Accipiendo institutionem Christi prout significat actionem eius instituentis, uel ipsas res institutas, seu ipsa sacramenta instituta, uel partes eorum, minus suscipit qui sub altera tantum specie communicat, quàm qui sub utraq;. Septima est, Accipiendo institutionem Christi, prout significat statutum uel præceptum eius, obligans omnes & singulos Christi fideles, non minus suscipit qui in una specie communicat, quàm qui in duabus.

Ad quintum articulum respondeo per sequentem conclusionem, Non est necessarium ex diuino aliquo iure paruulis antequàm ad annos discretionis peruenerint, augustissimum hoc porrigere Eucharistiæ sacramentum. Huic uidetur posse addi, gratia ueritatis indagandæ, quòd si illis

porrigatur, in illis hoc sanctissimum sacramentum habebit suum effectum augendi gratiam.

Hæc sunt, quibus meam totam habeo explicatam sententiam; simpliciter; & de plano, ut aiunt: solummodò affirmando uel negando, & nihil adhuc probando. Ut pote quòd probationes omnes, suis reſeruatae sunt in locis. Possem etiam iuxta prædictos articulos alias conclusiones statuere probandas cum prædictis simul, quæ non parùm facerent ad materiæ maiorem declarationem: eas tamen consultò omisi, ut uerba aptarem rebus, & conclusiones responsuæ interrogationibus: ne aliquid superflueret, aut superfluere uideretur. Hæc maximè dixerim propter responsionem ad primum articulum, quam in una sola conclusione negatiua conclusi; asserens, nullum esse præceptum diuinum, quo de necessitate salutis teneantur omnes Christi fideles ad communionem aut sumptionem sanctissimi sacramenti Eucharistiæ sub utraque specie. Huic enim conclusioni uerissimæ potui addere istam aliam sequentem, Omnes tamen Christi fideles adulti tenentur præcepto diuino necessariò ad salutem, suscipere sacramentum illud sanctissimum, saltem sub altera specie, in re quidem, uel in uoto: intelligendo de adultis sanæ mentis, ut ipsam ueritatem intelligendam esse manifestum est. nanque & ista conclusio non secus est uerissima. Omisi nihilominus eam cum alia ponere, ne articulum propositum excederem; qui non de communione fidelium Christi sub altera specie, sed de cõmunione eorum sub utraque loquitur. Opus etiam non fuit, ut uel articulus de communione sub altera tantum quæreret, uel ego de illa responderem: quia constans est apud omnes, qui sese Christianos profitentur, & Dei optimi maximi legem accipiunt scriptam & naturalem, teneri omnes fideles adultos ad sumptionem huiusmodi sacramenti, saltem sub una specie. Ut quidem in iure diuino stando, suscipere hoc sacramentum sub utraque specie, sit deuotionis, libertatis; aut uoluntatis: suscipere autem illud saltem sub altera, sit necessitatis, præcepti, & legis obligantis. Quia igitur hæc constans est ueritas & manifesta omnibus, articulus de illa non quæsiuit: & quia arti-

Lib. 4.
dist. 9.
11. 12.

par. 2.
quæst. 80.
art. 11.

culus de illa non quæsiuit, ego ad illam non respondi: De hac ueritate tradunt doctores communiter in libris sententiarum. Atque S. Thomas ibi, & in partibus, ubi quærit, Vtrū liceat omnino à communione cessare. Alexander de Ales in partibus.

- *Conclusio, qua primo articulo respondimus, declaratur, & probatur.*

CAP. III.



Conclusio, qua respondimus primo articulo, declaratur & probatur ex multis Christi fidelibus, paruulis baptizatis uidelicet, adultis laicis, ac sacerdotibus non consecratis: de quibus omnibus nullum est præceptum diuinum, quod teneantur suscipere hoc diuinum sacramentum sub utraque specie, etsi Christi utique sint fideles. Quod autem nullum sit præceptum diuinum de re huiusmodi, ex multis compertum habemus. Constat enim primum, ex sanctæ matris Ecclesiæ obseruantia, dispositione, ritu, & consuetudine: quibus de cōmunionē laicorum aliquando disposuit uno modo, aliquando alio: prout rationabiles causæ occurrebant, uno uel alio tempore: & particulares Ecclesias permittebat suos filios laicos, uel sub altera tantum, uel sub utraq; specie communicare, ut tum in Decretis Pontificum, tum in historiis cernere est. Quæ profectò non faceret sancta mater Ecclesia, si de hac re præceptum aliquod diuinum esset: nanque neque ipsa illud præceptum ignorasset, neque contra illud cognitum quidquam immutasset. Constat secundò, ex determinationibus conciliorum. Ita enim determinauit uniuersale concilium Constantiense, & ita etiam si accipimus Basileense, ut ex actis illorum est manifestum. Constat tertio, ex determinationibus particularium doctorum cōplurium, eorundemque grauissimorum. Etenim Alexander de Ales in suis partibus, S. Thomas in suis, & inscriptis, S. Bonauentura, Ioā. Gerson Cancellarius Parisien. doctor illuminatus, in tractatu suo, quem de hac materia in concilio Constantiensi edidit, probant istum ritum, morem,

Alexander
par. 4.
quæst. 53.
S. Tho.
par. 3.
quæst. 80.
art. 12.
S. Bonau. 8.
Io. Gerson.

aut consuetudinem, communicandi laicos fratres sub altera tantum specie: & causas plurimas, assignant, cur sancta Ecclesia catholica hunc ritum introduxit, & laudabiliter continuat, & continuabit. Post istos omnes patres, Gabriel Biel in suo opere egregio super canonem, mouit questionem, Vtrum populus fidelis participaturus Eucharistiā, teneatur eam sumere sub utraque specie & respondendo dicit, Olim questio illa poterat esse dubia, sed nunc post determinationem concilij Constantiensis, ueritatem catholicam determinantis, dicere, communionem sub utraque specie, esse de necessitate salutis, omni fideli, est hæresis ibidem publicè condemnata. Videns autem non esse inutile, nec presumptuosum, ad intellectum clariorem huius ueritatis aliquid disserere, ita rursus mouit questionem eandem, Vtrum communicatio sub utraque specie emanauerit à præcepto diuino indispensabili, annon? Respondet autem per sequentem conclusionem, Communicatio Eucharistiæ sub utraque specie, à Christo non est præcepta generaliter omnibus fidelibus indispensabiliter. Probat uerò sic, Quia hoc præceptum uel colligeretur ex institutione huius sacramenti, quia sub duplici specie ipsum instituit; aut ex eius dispensatione, qua suis discipulis dispensauit; aut ex manifesto præcepto, quod uel ante institutionem, aut in ipsa cœna, aut post cœnam dedit: Sed nullum horum dici potest, Ergo proposito uera. Hæc ille. Qui deinceps in sequentibus probat omnia, satis sufficienter. Eodem modo sapuit & docuit facultas Theologiæ Parisien. ut à nonnullis annis fecit manifestum in suis articulis, quibus fidem & religionem Christianam declarauit: Dixit enim in his uerbis & forma sequenti, Non est laicis ad salutem necessaria cōmuniō sub utraque specie, rectèque certis ac iustis de causis olim ab Ecclesia sancitum est, ut illis sub una tantum panis specie communicetur. Eodem quoque modo sacre theologiæ professores uniuerſitatis Louaniensis, in suis articulis orthodoxam religionem sanctamque fidem nostram respicientibus, ita dixerunt, Non est laicis necessaria ad salutem cōmuniō sub utraque specie; iustisque de causis ab Ecclesia sancitum est, ut illis sub una tantum panis spe-

Gabr. Biel.
lect. 84.
intra l.

Ibid.

Ibid.
lura K.

Facultas
theologia
Parisiens.

art. 7.

Professores
theologia
uniuersita-
tis Loua-
niensis.
art. 15.

De Cœna, & Calice Domini

Ruardus
Tapper.
tom. 2.

Alfonſus
à Caſtro.
lib. 6.
Hæreſi. 12.
aduerſus
Euchar.

ſtanilaus
Hoſius.

cie ſacramentum communicetur; in quo carnem & ſanguinem, atque ita totum Chriſtum ſub una ſpecie ſumunt. Hæc ibi. Super quo articulo agens Ruardus Tapper eiſdem uniuerſitatis Cancellarius, multa admodum adduxit, quibus eundem articulum, ſeu eiſ ueritatem optimè atque eleganter demonſtrauit. Eodem modo iudicauit Alſonſus à Caſtro in ſuo opere aduerſus hæreſes, ita dicens, Vltima (quod ſciam) de hac re hæreſis eſt, quæ aſſerit, neceſſariò ſub utraque ſpecie, ſcilicet panis & uini, eſſe communicandum: ita quòd qui ſub una tantum ſpecie communicat, etiam ſi laicus ſit, peccat. Idem auctor in ſequentibus probat latiſſimè, non teneri omnes fideles Chriſtianos ad communionem ſub utraque ſpecie ſacroſanctæ Eucharitiæ.

Hanc eandem ueritatem oſtendit ſatis ſtanilaus Hoſius in ſua confeſſione ſeu explicatione &c.

Nō licet alicui pro ſuo libito fingere præcepta diuina.
Apoc. ult.
Dento. 12.

Conſtat autem quartò & inuiſiſimè, eo, quo ceſtiſſimum eſt apud omnes ſapientes catholicos non reperi tale præceptum diuinum in aliquo illorum, in quibus diuina præcepta reperiuntur. Quòd ſi ibi non reperiatur, aut certè non eſt, aut non debet dici eſſe. non enim licet alicui pro libito ſuo fingere diuina præcepta, ſed turpe eſt alicui dicere quòd aliquid eſt de iure diuino, & non oſtendere ubi ſit, aut unde habeatur: ſicut turpe eſt doctori in iure canonico, dicere quòd aliquid ſit iuris canonici, ſi non oſtendat locum, ſic etiam in iure ciuili (unde erubescunt Iureconſulti cum ſine lege loquuntur) ita & in iure diuino. Deinde, quia qui dicit aliquid eſſe iuris diuini, quod, reuera, non eſt iuris diuini, mutat legem Dei, & blaſphemat quodammodo contra illam, addendo illi: atque facit contra ipſam legem, quæ præcipit ut nullus ei quicquam addat: Rurſus, quia qui dicit aliquid eſſe iuris diuini, quòd non eſt iuris diuini, mentitur contra Deum; quia aſſerit Deum aliquid dixiſſe aut præcepiſſe, quòd Deus nō dixit, nec præcepit: Non igitur licet alicui pro ſuo libito fingere diuina præcepta, & ſecundum ſuam fictionem docere: ſed qui dixerit aliquid eſſe iuris diuini, oportet oſtendat ubi eſt, aut omnino taceat. Aſſerimus ergo nullum eſſe tale præceptum diuinum: idque ſufficientiſimè pro-

bamus, dicentes quòd non reperitur in aliquo locorum, in quibus & non alibi reperiuntur diuina præcepta, quæ nos obligant. Omnia enim loca in quibus diuinum præceptum reperitur, reperiri solet, & reperiri debet, ea sunt; diuina scriptura, uniuersalis consuetudo antiquissima Ecclesiæ Christianæ, decreta sanctorum conciliorum uniuersalium legitime congregatorum, & conformis sententia doctorum sanctorum: & si quæ alia sint similia. Ad hæc igitur nobis nunc respiciendum est; & constat, quòd in nullo horum reperitur tale præceptum.

Loca, in quibus reperiuntur præcepta diuina.

Dicimus, præceptum diuinum reperiri in scriptura diuina. Hoc autem non ita intelligendum est, quasi omnia præcepta, quæ in diuina scriptura reperiuntur sint diuina: quia immo in scriptura diuina, nonnulla reperiuntur, aut reperiri possunt præcepta humana, siue Ecclesiastica. sed hoc dictum est, quia diuina præcepta sunt omnia, quæ apud diuinam scripturam ex persona Dei reperimus, & quæ ex illis deducuntur. Alioquin præcepta Apostolorum & seniorum in diuinis scripturis reperta, diuina dicerentur: quod non est, nisi aliàs ipsa præcepta diuina sint. Constat hoc, in bigamis, & homicidis: & in multis aliis, quæ facile possent adduci. Simile est de consuetudine uniuersali antiquissima. Non enim ita intelligimus, quasi omnis illa sit præceptum diuinum: sed dicimus quòd illa est audienda, & si ipsa dixerit aliquid esse iuris diuini, firmiter docendum est illud esse talis iuris. Dicimus insuper eam consuetudinem esse omnino seruandam, nisi sancta mater Ecclesia aliter ordinauerit. Idem de conformi sententia sanctorum doctorum; de traditionibus Ecclesiasticis, & similibus. Non sufficit si in aliquo horum reperitur aliquod factum, præceptum, aut determinatum, ut statim credamus illud esse præceptum diuinum: sed sufficit si in aliquo horum declaretur aliquo modo sufficiente, id esse diuinum præceptum. Multæ enim traditiones uenerunt ad nos ab Apostolis antiquissimæ, uerbotenus, & non scripto, ut palam confitetur Dionysius in de Ecclesiastica Hierarchia, & confitentur omnes doctores sancti, & notum est omnibus: inter quas, nonnullæ fortassis reperiri possunt, quæ non

De auctoritate huiusmodi consuetudinis, diximus in Axiomaticis.

Dionysius cap. 1.

dij. 68.

dij. 68.

dij. 68.

art. 15.

uenerunt ad nos, nec unquam fuerunt traditæ, ut à Deo præcepta: sed tantum ut bonæ, iustæ, ac sanctæ. Glossa in cap. Coëpiscopi: præsumit Coëpiscopos fuisse ab Apostolis uel conciliis institutos: quos tamen tanquam non institutos à Christo, Ecclesia bene prohibuit. Et abstinentia à sanguine & suffocato & immolatis simulachrorum, ab Apostolis præcepta, & in diuinis scripturis expressa, iam non seruator.

Ut autem ostēdamus nullum esse locum talem de prædictis, in quo reperiatur tale ius diuinum; placet omnia loca adducere fortiora, quæ ad oppositum ab aliquibus adducuntur, uel adduci possunt, & simul ostendere nullum eorum probare, esse tale diuinum præceptum, quo teneantur singuli Christi fideles sumere sacratissimam Eucharistiam in utraque specie. Si enim id ostensum fuerit de locis illis fortioribus, statim per consequens ostensum erit, & liquidum de aliis, per locum illum communem, quo satis probamus, quod si fortiora non possunt, nec minus fortia. Quia uero ea loca pertinent ad obiectiones, & eas in tertium librum reseruauimus; simul & ea loca in tertium librum, quo ponuntur obiectiones, & solutiones, reseruentur. Nunc enim de his tantum agimus, quæ ad secundum hunc librum pertinent, idest, de articulis in se, de nostris Catholicis responsionibus, & responsionum huiusmodi probationibus.

Nō omnia, q̄ in diuinis scriptis reperiuntur, sunt diuina præcepta. Non debet quæri diuinum præceptum, in sola diuina scriptura.

Interim hoc facimus, quod ostendimus nec omnia, quæ in diuinis scripturis reperiuntur, esse præcepta diuina, nec deberi præcepta diuina quæri solummodo in sacra scriptura: simul asserentes, quod & si etiam aliàs diuina præcepta quærere debeamus, nullibi tamen diuinum præceptum de communione omnium fidelium sub utraque specie reperi-mus. Ergo nec omnia, quæ in diuinis scripturis reperiuntur, sunt diuina præcepta, aut diuini iuris propriè dicti: nec diuinum præceptum apud fideles Christianos quærendum est in sola diuina scriptura, sed etiam & in multis aliis locis. Duo hæc sunt ita nota, ut profectò non indigeant ulla probatione. Primum enim constat ex prohibitione bigamiæ aut etiam homicidij in ordinandis; atque in prohibitione eius sanguinis, suffocati, & immolati simulachrorum,

chorum, de quibus iam diximus. Quæ omnia si diuini iuris propriè dicti, fuissent aliquando in Ecclesia Christiana, neque dispensata nec abrogata fuissent unquam. Secundum non minus patet, cum non sint omnia diuina eloquia, quæ habuit ad nos Deus noster, expressa in diuinis scripturis: quin potius homines sancti, qui ab ipso Deo Optimo Maximo audierunt, nobis partim scripturis, partim non scriptis, sed uerbo tenus tradiderunt. Vnde diuina præcepta, non sunt quærenda solum in diuina scriptura. Nec fortè maliter loquitur, nec sapienter, nec uerè, qui dicit, diuinum præceptum solum in diuinis scripturis esse quærèdum.

Quidam errores aduersariorum referuntur, & refelluntur.



Duersarij nostri huius temporis, uel quasi diuinantes, uel tanquam à manifesta ueritate coacti, pro omni præcepto, seu pro omni iure diuino, quod eis obtrudimus, petunt uerbum Dei: quibus hos in ea petitione non inficias imus, sed potius pro omni, quod ius diuinum esse dicimus, uerbum Dei damus. Errant tamen ipsi dupliciter, Primum generaliter, quia non recipiunt uerbum Dei, nisi in sacra scriptura expressum. Secundò specialiter, quia contendunt in diuinis scripturis esse expressum Dei uerbum pro communiōe omnium fidelium, etiam laicorum, in ambabus speciebus sanctissimi sacramenti Euchàristiæ. Aduersus hunc eorum errorem secundum, nos agimus in toto hoc libro præsentis ex proposito, & latius, quatenus nobis præsentis occupationes permittunt. At uerò contra hunc eorum errorem primum, nonnulla, licèt paucissima, libet producere.

Quòd ergo dicunt, ius diuinum debere haberi ex uerbo diuino, uerum est, & nostrum est dictum, nostra fides, nostra confessio, & nostra professio. Nos sumus priores illis in Ecclesia, hoc ipsi à nobis receperunt, & in hoc nobiscum conueniunt, sicut & in multis aliis: quâuis & in multis aliis à nobis differant, propter quæ sua errata, à fide deficiunt

Diuinitas aduersariorum.

Errores aduersariorum.

Ius diuinum habetur ex uerbo diuino.

dist. 68.

art. 15.

art. 15.

uenerunt ad nos, nec unquam fuerunt traditæ, ut à Deo præceptæ: sed tantum ut bonæ, iustæ, ac sanctæ. Glossa in cap. Coëpiscopi: præsumit Coëpiscopos fuisse ab Apostolis uel conciliis institutos: quos tamen tanquam non institutos à Christo, Ecclesia bene prohibuit. Et abstinentia à sanguine & suffocato & immolatis simulachrorum, ab Apostolis præcepta, & in diuinis scripturis expressa, iam non seruatur.

Ut autem ostēdamus nullum esse locum talem de prædictis, in quo reperiatur tale ius diuinum; placet omnia loca adducere fortiora, quæ ad oppositum ab aliquibus adducuntur, uel adduci possunt, & simul ostendere nullum eorum probare, esse tale diuinum præceptum, quo teneantur singuli Christi fideles sumere sacratissimam Eucharistiam in utraque specie. Si enim id ostensum fuerit de locis illis fortioribus, statim per consequens ostensum erit, & liquidum de aliis, per locum illum communem, quo satis probamus, quòd si fortiora non possunt, nec minus fortia. Quia uerò ea loca pertinent ad objectiones, & eas in tertium librum referuauimus; simul & ea loca in tertium librum, quo ponuntur objectiones, & solutiones, referuntur. Nunc enim de his tantum agimus, quæ ad secundum hunc librum pertinent, idest, de articulis in se, de nostris Catholicis responsionibus, & responsionum huiusmodi probationibus.

Nō omnia, quæ in diuinis scriptis reperiuntur, sunt diuina præcepta. Non debet quæri diuinum præceptum, in sola diuina scriptura.

Interim hoc facimus, quòd ostendimus nec omnia, quæ in diuinis scripturis reperiuntur, esse præcepta diuina, nec deberi præcepta diuina quæri solummodò in sacra scriptura: simul asserentes, quòd & si etiam aliàs diuina præcepta quærere debeamus, nullibi tamen diuinum præceptum de communionem omnium fidelium sub utraque specie reperi-mus. Ergo nec omnia, quæ in diuinis scripturis reperiuntur, sunt diuina præcepta, aut diuini iuris propriè dicti: nec diuinum præceptum apud fideles Christianos quærendum est in sola diuina scriptura, sed etiam & in multis aliis locis. Duo hæc sunt ita nota, ut profectò non indigeant ulla probatione. Primum enim constat ex prohibitione bigamiæ aut etiam homicidij in ordinandis; atque in prohibitionem eius sanguinis, suffocati, & immolati simulachrorum,

chorum, de quibus iam diximus. Quæ omnia si diuini iuris propriè dicti, fuissent aliquando in Ecclesia Christiana, neque dispensata nec abrogata fuissent unquam. Secundum non minus patet, cum non sint omnia diuina eloquia, quæ habuit ad nos Deus noster, expressa in diuinis scripturis: quin potiùs homines sancti, qui ab ipso Deo Optimo Maximo audierunt, nobis partim scripturis, partim non scriptis, sed uerbo tenus tradiderunt. Vnde diuina præcepta, non sunt quærenda solum in diuina scriptura. Nec fortius maliter loquitur, nec sapienter, nec uerè, qui dicit, diuinum præceptum solum in diuinis scripturis esse quærèdum.

Quidam errores aduersariorum referuntur, & refelluntur. CAP. IIII.



Adversarij nostri huius temporis, uel quasi diuinantes, uel tanquam à manifesta ueritate coacti, pro omni præcepto, seu pro omni iure diuino, quod eis obtrudimus, petunt uerbum Dei: quibus nos in ea petitione non inficimus inus, sed potius pro omni, quod ius diuinum esse dicimus, uerbum Dei damus. Errant tamen ipsi dupliciter, Primum generaliter, quia non recipiunt uerbum Dei, nisi in sacra scriptura expressum. Secundò specialiter, quia contendunt in diuinis scripturis esse expressum Dei uerbum pro communione omnium fidelium, etiam laicorum, in ambabus speciebus sanctissimi sacramenti Euchàristiæ. Aduersus hunc eorum errorem secundum, nos agimus in toto hoc libro præsentis ex proposito, & latius, quatenus nobis præsentis occupationes permittunt. At uerò contra hunc eorum errorem primum, nonnulla, licèt paucissima, libet producere.

Quòd ergo dicunt, ius diuinum debere haberi ex uerbo diuino, uerum est, & nostrum est dictum, nostra fides, nostra confessio, & nostra professio. Nos sumus priores illis in Ecclesia, hoc ipsi à nobis receperunt, & in hoc nobiscum conueniunt, sicut & in multis aliis: quauis & in multis aliis à nobis differant, propter quæ sua errata, à fide deficiunt

Diuinatio aduersariorum.

Errores aduersariorum.

Ius diuinum, habetur ex uerbo diuino.

*In diuinum,
est ius diui-
nitatis pro-
mulgatum.
S. Tho.
secunda 2.
quæst. 57.
art. 2.
ad 3. arg.*

Christiana, atque extra Ecclesiam Christi reponuntur. Est hoc nostrum dictum, quia nos palam docemus, ius diuinum dici, quod diuinitus promulgatur. At quidem non uidetur quomodo possit ius aliquod promulgari diuinitus, nisi aliquo Dei uerbo. Si enim diuinitus debet promulgari, ab ipso Deo proculdubio debet exprimi. Exprimitur autem aliquid ab aliquo, uerbo: quia est uerbum, uel iculum, seu declaratiuum cogitationis, aut conceptus mentis, seu mentalis. ut tamen uerbum extendatur ad signum uocale, uel scriptum, uel naturaliter inditum, uel aliquo modo menti impressum, uel huiusmodi. Itaque ius diuinum dicitur, quod diuinitus promulgatur. Vnde consequenter uidetur dicendum, quod ius diuinum ex aliquo Dei uerbo haberi debet, aut probari.

*Contra ad
uersarios,
dicentes ut-
rum Dei
sola scriptu-
ra esse qua-
rendum.
Verbum Dei
est secundum
Dei reuelationem.
Dei uerbum
est, Dei re-
uelatio.
Dei reuelatio,
est Dei
locutio.*

*Reuelatio
per se, ab-
strahit ab
scriptura.*

Quod autem aduersarij dicunt, uerbum Dei in sola diuina scriptura esse querendum, uel ostendendum, est falsissimum, nec potest sustineri, nec potest dici inter Christianos. Verbum enim Dei, est secundum Dei reuelationem, & secundum quod Deus ueritates suas alicui reuelauit, aut reuelauit Ecclesie suæ: ut Dei uerbum sit, Dei reuelatio. Eo namque modo nobis Deus loquitur, quo nobis aliquid reuelat: ut sua reuelatio, quædam sit eius locutio. Vnde stultissimum est, nedum stultum, dicere, quod in sola diuina scriptura est Dei uerbum, aut Dei locutio; sicut stultissimum est dicere, quod in sola diuina scriptura est Dei reuelatio. Primum, quia Dei reuelatio, prout sic, & per se, abstrahit ab omni scriptura, ab omni uerbo uocali, & ab omni uerbo mentali: utpote quod est quid communius, ut palam est omnibus sapientibus. Deinde, quia de facto reuelauit Saluator noster multa Apostolis suis ante passionem, atque post resurrectionem, per dies quadraginta apparens eis & loquens de regno Dei: è quibus reuelationibus, nulla tunc fuit scriptis mandata. Similiter & in aduentu Spiritus sancti, dum ipse docuit eos omnem ueritatem, & repleti sunt omnes Spiritu sancto. Nunquid non fuerunt illis temporibus multæ reuelationes diuinæ, factæ Ecclesie in illis personis? Immo fuerunt. Nunquid fuit tunc aliqua reuelatio facta à Christo, uel à Spiritu sancto

in scriptis? Absit. Sed deinde post multos annos, edita fuit omnis scriptura noui testamenti. Erat ergo tunc Dei reuelatio; & nullum erat tunc Dei uerbum scriptum, uidelicet Testamenti noui. Astrahit ergo Dei reuelatio, à uerbo Dei scripto, Malè igitur extorquere à nobis nituntur aduersarij, ut quoties eis ius diuinum opponimus, ipsi à nobis uerbum Dei scriptum exigant. Quod certè à nobis bene rectèque urgerent, si eis opponeremus præceptum diuinum scriptū. Nāque omne Dei scriptum ius, habet Dei scriptum uerbum, seu Dei scriptam reuelationem. Sed quod à nobis petunt uerbum diuinum in particulari, id est, scriptum, dum eis opponimus ius diuinum in communi, id est, abstrahendo ab scripto, nulla est ratio, nulla lex, nulla fides, nulla conscientia, nulla consequentia. Errant ergo grauissimè in sua ipsorum petitione.

Multa annu fuit Ecclesia Christi, sine noui testamenti scriptura.

Errant etiam aduersarij nostri grauissimè, in eo, quòd, ut manifestant in suis dictis, falsò docent, omnem & totam reuelationem factam à Deo Ecclesie suæ Christianæ, esse iam reducant ad solam scripturam: quasi non nisi per scripturas, aliquam nouam reuelationem accipiat. Non secus hic error eorum est intolerabilis, quàm præcedens. Errat, inquam, aduersarij sic dicentes, tum, quia ex uerbo Dei, quod est ualde commune secundum Dei reuelationem, mentalem, uocalem, scriptam, uel naturalem scriptam in cordibus, faciunt; seu recipiunt solum uerbum Dei in mēbris, cartis, aut papyris scriptum: & sic uerbo Dei dero-gant, illud minuentes, & illud ad quandam certam speciem uerbi Dei scripti extrinsecè, seu exterius, reducentes. Tum, quia falsum est dicere, quòd omnes reuelationes factæ Ecclesie à Christo per seipsum aut per Spiritum sanctū, reductæ sint ad scripturam, & in scriptura sint iam positæ. Immo enim primi patres, id est, Apostoli, qui primò receperunt, primitias spiritus habuerunt, repleti sunt Spiritu sancto, & ab ipso omnem ueritatem sunt edocti; quædam sibi reuelata nobis tradiderunt scripto: quædam autem nō scripto, sed uerbo. Vnde Apostolus dicit, Cætera autem cum uenero, ego disponam. Et alibi, Itaq; fratres state,

Cetera aduersarios, docentes omnem reuelationi factam à Deo esse positam scriptura sacra.

2. Cor. 13.
2. Thim. 2.

& tenete traditiones, quas didicistis, siue per sermonem, siue per epistolam nostram. Quo uerbo, satis declarat, se quædam tradidisse per scripturam: quædam autem non nisi per sermonem: & ut uidemus, non minus iubet teneri traditas sermone, seu uerbo, quàm traditas epistola, seu scripto.

DIONYSIVS Areopagita.

Cap. 1.

Dionysius Areopag. in de Ecclesiastica Hierarchia, inquit, Substantia enim sacerdotij nostri, scriptura sacra est, nobis diuinitus tradita. Porro huiusmodi plena uenerationis eloquia dicimus, quæ à beatissimis patribus nostris, à quibus sacris mysteriis imbuti sumus, in sanctis ac theologicis commendata sunt libris. Ac præterea quæque ab eisdem sanctissimis uiris, sacratiore & purgatiore & propinqua quodammodo cælesti hierarchiæ doctrina, sancti duces ac præceptores nostri didicerunt, ex animo in animum (mediq; intercurrente uerbo, corporali quidem, sed quod carnis penitus excedat sensum) sine literis transfusa sunt. Ecce multa ab Apostolis ad nos uenerunt, non scripto, sed uerbo. Et addit Dionysius, Et ipsi quoque sanctissimi principes nostri, dum sacrâ publicè agenda instituerunt, non apertis ac patulis sensibus, sed signis augustinioribus tradiderunt. Est enim non omnis sanctus, neque omnium scientia est, ut sacra testantur eloquia. Hæc ille. Et secundum hanc Dionysij doctrinam atque monitionem, locuti sunt etiam omnes alij sancti patres, quotquot fuerunt, & de traditionibus Ecclesiasticis habuerunt sermonem.

1. Cor. 8.

BASILIVS.

cap. 27.

Basilius in libro de Spiritu sancto, ait, Si aggrederemur non scripto proditas cōsuetudines, uelut non magnam uim habentes reuocare, imprudentes etiam ipsis principalibus Euāgelij partibus damnum inferreimus: immo potius ipsam Euāgelij prædicationem ad nudum nomen contrahemus. Velut, uerbi gratia, ut eius, quod primum & com-

Qui ab iis
et consuetu
dines nō p
ditas serm

munissimum est, primam mentionem faciam, figura Crucis signare eos, qui in nomen Domini nostri Iesu Christi spem habent, quis scripto docuit? Inuocationis uerba dum ostenditur panis Eucharistiae, & poculū benedictionis, quis sanctorum, scripto nobis reliquit? Non enim his contenti sumus, quorum Apostolus aut Euangelium mentionem facit, sed & antea, & postea alia quædam dicimus, uelut magnum robur ad mysteria habentia, ex doctrina, scripto non prodita, assumpta. Benedicimus aquam baptismatis & oleum unctionis, ex quibus scriptis? Nonne à tacita, & arcana traditione? Ipsam uerò olei unctionem, quæ doctrina scripto docuit? ex qua scriptura? Nonne ex hac non publicata, id est, non scripta, & arcana doctrina, quam in minimè curioso, ac sollicito silentio patres non conseruauerunt: rectè illi, utpote doctè mysteriorum reuerentiam ac auctoritatem silentio custodiri. Hæc ille.

pto, principi-
palibus E-
uangelii par-
tibus dam-
nū infert,
& Euange-
lii predica-
tionem ad
nudum no-
mē contrahit.

O uerè Christianam, uereque Catholicam hanc diuilius magni Basilij sententiam, qua fatetur, quod si consuetudines non scripto proditas abiicimus, ipsi principalibus Euangelij partibus dānum inferimus: & rursus, quod tunc ipsa Euangelij prædicatio, ad nudum nomen contrahitur.

Notanda
sententia
Basilij.

AUGUSTINVS.

Augustinus ad Ianuariū, Illa autem, quæ non scripta sed tradita custodimus, quæ quidem toto terrarum orbe obseruantur, dantur intelligi, uel ab ipsis Apostolis, uel plenariis conciliis, quorum est in Ecclesia saluberrima auctoritas, commendata atque statuta retineri: sicuti quod Domini passio, & resurrectio, & ascensio in cælum, & aduentus de Cælo Spiritus sancti, anniuersaria solennitate celebrantur. Infra, propositis quibusdam quæstionibus ipsius Ianuarij, dicit idem Augustinus, Ad hæc itaque ita respondeo, ut quid horum sit faciendum, si diuinæ scripturæ præscribit auctoritas, non sit dubitandum quin ita facere debeamus, ut legimus, ut iam non quomodo faciendum, sed quomodo sacramentum intelligendum sit, disputemus. Similiter etiam si quid horū tota die per Orbem frequentat

Epi 77. 118.
tom. 2.
Saluberrima
auctoritas
est in
concilio.

De Cœna, & Calice Domini

*Insolentissi-
ma infania
est, disputa-
re de eo,
quod Eccle-
sia frequen-
tat tota die
per Orbem.
Dist. 11.
c. 4. in l. 10.*

Ecclesia. Nam hoc quin ita faciendum sit, disputare, insolentissimæ infaniæ est. Hæc ille. Idem in Casulanum presbyterum, In his rebus, de quibus nihil certi statuit diuina scriptura, mos populi Dei, & instituta maiorum, pro lege teneunda sunt. Et sicut præuicatores diuinarum legum, ita contemptores Ecclesiasticarum consuetudinum coercendi sunt.

HIERONYMVS.

1. Cor. 11.

Hieronymus circa illud, Si quis autem uidetur contenciosus esse, &c. existimat hoc dictum esse aduersus eos, qui solas scripturas petunt, dicentes, Vbi est scriptum? Ait enim, Præuenit illos, ne quis diceret: ubi scriptum est? Vel aliis argumentis, huic resisteret rationi. Quomodo præuenit? Nos talem consuetudinem, inquiring, nō habemus, neque Ecclesia Dei: siue contendendi, siue talia faciendi. Sic non admittit Hieronymus, immo ut bene notat Hieronymus, non admittit Paulus, ut quis in rebus Ecclesiasticis seu Christianorum probandis dicat, Vbi est scriptum? Vt potest quod sufficit Ecclesiæ traditio, mos, aut consuetudo. Idem ad Lucinium, Ego illud te breuiter admonendum puto, traditiones Ecclesiasticas, præsertim quæ fidei non officiant, ita obseruandas, ut à maioribus traditæ sunt.

*Idē auctor
Rom. 1.*

CHRYSOSTOMVS.

2. Thess. 2.

Chrysostomus circa illud, Itaque fratres state, & tenete traditiones. dicit, Traditionem quoque Ecclesiæ, fide dignam putamus. Traditio est, nihil quæras amplius.

ATHANASIVS.

Athanasius seu Vulgarius super eundem locum, inquit, Itaque & Ecclesiæ traditionem dignam existimemus, cui præstanda sit fides: ut si quid ab ea sit traditum, nihil ultra perquiras.

CYPRIANVS.

Cyprianus, Ipse summus sacerdos sui est sacramenti institutor: in cæteris, homines Spiritum sanctum habuere doctorem: & sicut par est, Spiritui sancto, & Christo diuinitas, ita in suis institutis æqua est auctoritas, & potestas.

*Serm. de
ablutione
pedum.*

HILARIVS.

Hilarius in de Trinitate, agens de fide, quam à maioribus acceperat, dicit, Ab his ergo, quæ teneo, doctus sum: his immedicabiliter imbutus sum: & ignosce omnipotens Deus, quia in his nec emendari possum, sed commori possum.

lib. 6.

IRENEVS.

Ireneus refert, maiores nostros obseruantias, traditiones Apostolicas, secundum quas instituerunt Ecclesias, sedulo perquirentes, scriptis, uerbis, & gestis, posteris commendasse. Idem aduersus Valentinum, cæterosq; sui temporis hæreticos. Traditionem Apostolorum toto Orbe manifestam in omni Ecclesia adest perspicere omnibus, qui uera audire uoluerint; eam uidelicet, quam primitiua illa Ecclesia ab Apostolis acceptam per successionem continuam patrum, & Episcoporum, transmisit ad nos. Sed quoniam per omnes Ecclesias discurrere prolixum fuerat, & infiniti operis; ex omnibus maximè antiquissimam, ac omnibus cognitam, Romæ à gloriosissimis duobus Apostolis, Petro, & Paulo, fundatam eligens, eius fident, traditioneq; quam habet ab ipsis annuntiatam, & per successiones Episcoporum ad nos peruenientem indicantes, confundimus omnes eos, qui quoquo pacto, uel per sui placentiam, uel uanam gloriam, uel cæcitatem, & malam sententiam, fidem præterquam oportet, colligunt.

*lib. 3. et
Contra he-
reses.
Euseb. in ec-
clesiastica
hist.
lib. 3.
cap. 12.*

POLYCARPVS.

*Vt refert
Irenæus.*

Polycarpus etiam Ioannis Apostoli auditor, hoc ipsum testatur, prout Irenæus de eodem refert; dicens, Polycarpus, qui non solum ab Apostolis eruditus est, neque solum conuersatus est cum iis, qui Dominum uiderant; sed ab ipsis Apostolis ordinatus Smyrneorum Episcopus, quem nos quoque in prima nostra ætate uidimus. Infra, Doccebat semper ea, quæ sub Apostolis ipse didicerat; & hæc Ecclesiæ tradebat, quæ solo uerbo dicenda sunt. Sequitur, Qui etiam sub Aniceto Romam perrexit, & multos ex supradictis hæreticis ad Ecclesiam Dei conuertit: hanc solum prædicans tenendam esse ueritatem, quam ipse sciret se ab Apostolis suscepisse, quam & tradebat Ecclesiæ.

ORIGENES.

*De princ.
plac. Chri-
stianae uer-
itatis.*

*Idem auctor
Hosii, 5.
sup. Num.*

Origenes in inquisitionibus de principiis Christianæ uitæ, ait, Sicut multis apud Græcos & Barbaros pollicentibus ueritatem, dissueuimus apud omnes eam querere, qui eam falsis opinionibus asserebant, post quam credimus Filium Dei esse Christum, & ab ipso nobis hanc discendam esse persuasimus: ita cum multi sint, qui se putant scire, quæ Christi sunt, & nonnulli eorum diuersa à prioribus sentiant, seruetur uero Ecclesiastica prædicatio per successionis ordinem ab Apostolis tradita, & usque ad præsens in Ecclesiis permanens: illa sola credenda est ueritas, quæ in nullo ab Ecclesiastica traditione discordat. Idem auctor, Ex traditione didici de quatuor Euangelis, quod hæc sola absque ulla contradictione suscipi debeant in omnibus, quæ sub cælo sunt, ecclesiis Dei. Ita enim tradiderunt patres nostri. Et quod primum omnium sit Euangelium à Matthæo scriptum, qui aliquando fuerat publicanus, Hebraicis literis, & traditum his, qui ex circumcisione crediderant: Secundum uero scriptum esse à Marco, iuxta ea, quæ &c.

*Tomo 1.
cōm.ario-
rū i. Matt.
teste Euseb.
Ecclesiast.
historia.
lib. 6.*

Conclusio

Conclusio ex precedentibus patrum dictis. CAP. V.



Ta ergo omnes hi patres olim cognouerunt & tractauerunt negotium Christianum, ut omnes confiterentur in traditionibus Ecclesiasticis esse quid diuinum, uerbum, reuelationem, locutionem, aut promulgationem, cui nobis Christianis standum est: siue in uera intelligentia diuinarum scripturarum, siue in conseruatione illorum, quæ per solam consuetudinem morum habemus: Qui sunt hi patres? Qui iam dicti sunt, & qui statim tanquam sub Catalogo scribuntur, aut nominantur denuò,

Dionysius.

Basilus.

Augustinus.

Hieronymus.

Chrysostomus.

Athanasius, seu Vulgarius.

Cyprianus.

Hilarius.

Ireneus.

Polycarpus.

Origenes.

An fuerunt ij soli patres in hac sententia? absit. Non enim hos memorauimus ad hanc ueritatem, tanquam solos, sed quidem, tanquam primos. Quos etiam, quot quot successerunt in tempore, secuti sunt in hac doctrina. Sed nunc omittamus alios, & de his attendamus tantillum. Sunt ij patres antiquissimi; uerum iam suo tempore, condita erat tota scriptura sacra. Nihilominus ipsi pro religione Christiana conseruanda, nullo modo solam scripturam commendabant, sed quidem scripturam ipsam, & Catholicæ Ecclesiæ Christianæ traditiones. Vnde traditionem Ecclesiasticam seu Ecclesiæ consuetudinem aut consuetudines ita prædicabant, tanquam irrefragabilem ac diuinam auctoritatem haberent: tanquam quoddam Dei Optimi.

Chrysol.

uerbum, non scriptum, sed memoria, aut moribus conseruatum. Quapropter dixit Chrysostomus, ut iam posuimus, Traditio est, nihil quæras amplius.

In Axiomatibus Christiani passum.

Errant igitur aduersarij, in eo, quod putant, diuinum uerbum, aut diuinam reuelationem omnem Christianam, esse in sola diuina scriptura. non enim ita est; quin potius etiam in Ecclesiasticis traditionibus Ecclesiæ Dei, est diuinum uerbum, est diuina reuelatio: non in scriptis, sed in moribus, & obseruantia. Vt diuinum uerbum, diuina reuelatio, diuinæ auctoritatis quoad ea probanda, quæ sunt fidei aut religionis Christianæ, reperiatur in diuina scriptura, in traditionibus Ecclesiæ, & in multis aliis, de quibus abundè diximus aliàs.

Alius error aduersariorum refertur & impugnatur. CAP. VI.



Errant etiam aduersarij in eo, quod non solum petunt uerbum Dei scriptum, sed etiam petunt pro omnibus rebus Christianæ religionis probandis, uerbum Dei scriptum & expressum. Næque & hic error non minor est, quàm præcedens, immo uidetur maior,

quia aliquid addit super præcedentem errorem. Primus & præcedens error dicit, nihil esse credendum aut faciendum in Ecclesia Christiana sine Dei uerbo scripto: & hic error dicit, nihil esse credendum aut faciendum in Ecclesia Christiana sine Dei uerbo scripto expresso.

Contra errorem aduersariorum pro omnibus faciendum aut uitandum, &c. petitiu uerbum Dei scriptum expressum.

Qui ita petunt iuxta hunc errorem statim positum, multo plus impie agunt. Ex isto nãque errore abiciunt, uel coguntur abicere, primum omnes Ecclesiasticas traditiones seu consuetudines non scriptas: secundò, omnes conclusiones in bona consequentiã deductas ex sacris scripturis, quæ in illis non sunt expressæ: tertio, omnes ueritates: quæ licet in diuinis scripturis per se contineantur quoad substantiam rei, non tamen in illis exprimuntur uocabulis expressis. Quod hæc sequantur ex isto errore, & quod ista sint falsissima atque impiissima, constat omnibus: & per consequens constat omnibus, hunc errorem esse falsissi-

num, & impiissimum, ex quo sequuntur hæc impiissima, & falsissima. Vnde contentiosi sunt profectò ac pertinaces, qui semper clamant, Euangelium Christi, Euangelium Christi, Verbum Dei expressum, Verbum Dei expressum, de unaquaque re hætenus in Ecclesia obseruata exigentes testimonium expressum, & quo'niam scripturæ loco hæc, aut hæc demonstrantur. Homines quidem (quemadmodum dicit Augustinus) arrogantes, & insanæ mentis, dum contemnunt uniuersalem Ecclesiæ obseruationem, ab ipsis fidei initiis custoditam: quæ non aliud est, quàm Christi & Apostolorum aut successorum Spiritu sancto loquentium, traditio & doctrina. Coguntur necessariò ex illo principio abiicere omnes traditiones Ecclesiæ, omnes conclusiones scripturæ, omnes scripturarum sanctarum non expressas ueritates, fidem trium personarum diuinarum in una essentia diuina singulari, & multa alia grauissima. Sed quid plura? sufficit eorum absurditas, pro eorum abundante impugnatione.

Aduersus hos duos errores aduersariorum præcedentes, de uerbo Dei ab ipsis malè intellecto. CAP. VII.



Aduersarij ergo errant grauissimè, tum in eo quod dicunt aut docent, nullum esse quoad nos uerbum diuinum, nisi scriptum: tum in eo quod aiunt, nullum esse quoad nos uerbum diuinum, nisi scriptum expressum.

Errant, inquam, in his, quæ sic adstruunt, quia sunt hæc duo falsissima: atque errant deinde, in illis quæ ex his duobus sequuntur. Ex his enim, illis fit, ut neque aliqua credibilia, neque aliqua Dei mandata recipiant, nisi in diuinis scripturis scripta & simul expressa. Aduersus eos dico, qui ita insaniunt, & ita obganniunt.

Pugnat cum prædictis aduersariis tota scriptura diuina, tota ratio naturalis colligens ex manifestis, tota sanctorum patrum doctrina, & tota communis Ecclesiæ Dei obseruantia. Quod non accipiunt ius diuinum, nisi ex diuina promulgatione, & per consequens ex uerbo Dei, accipimus;

ut iam dictum est. Quod autem non accipiant ius diuinum, nisi ex uerbo Dei scripto expresso: nec accipimus, nec admittimus: quia nec est accipiendum, nec admittendum, nec audiendum. Multis enim temporibus nihil ualuit hæc quæ subiicitur cōsequentia, Diuina iura sunt, ergo diuina uerba sunt scripta expressa: Quia uidelicet illis temporibus, multa erant diuina iura, pro quibus nullum erat uerbum diuinum scriptum, nedum expressum.

Quæ tempora sunt aut fuerunt illa? Omnia, quæ præcesserunt ab initio usque ad tempora Moysis, ante legem datā sibi à Deo pro filiis Israël. In omnibus enim illis temporibus multa fuerunt diuina iura quo ad homines illorum temporum, nullum tamen uerbum diuinum scriptum expressum, uel non expressum tunc fuit, & si multæ fuissent diuinæ reuelationes de illis diuinis iuribus. Igitur nulla est consequentia. Sic etiam Noë post diluuium, sic & Abraham suo tempore particularia mandata acceperunt à Deo, ad quæ absque dubio tenebantur. Non autem habuerunt aliquod uerbum diuinum scriptum, ut palam est omnibus. Eandem ueritatem reperimus in his, quæ ad nos pertinent & nouum Dei concernunt testamentum. Longo namque tempore Ecclesia Christiana fuit, multa habens diuina iura tum credendorum, tum faciendorum, aut uitandorum, ante uerbum diuinum scriptum, quod ad nouum testamentum pertineret. Sic ergo illis temporibus nullo modo potuerunt fideles Dei recipere diuina iura secundum Dei uerbum scriptum; neque tunc audierunt, nec in Ecclesia Dei permitterentur, qui non admitterent diuina iura, nisi ex Dei uerbo scripto. talis fuit status Christianorum in primitiua Ecclesia Christiana, ante scriptum Christi euangelium. Erant multa tunc diuina iura prædicta, nullum erat tunc Dei scriptum uerbum.

Qui ergo sunt, aut quam rationem habent aduersarij, qui modò in Ecclesia Christiana nullum admittunt ius diuinum, nisi ex Dei uerbo scripto expresso? Ingenuè fateor non uideo unde sic somnare aut fingere potuerunt, nisi forte imaginentur omnes diuinas reuelationes à Deo Ecclesiæ Christianæ factas, reductas fuisse ad scripturam sacram no-

ui testamenti; quasi omnis diuina reuelatio reducta sit & contracta ad huiusmodi scripturam. Si ita fingunt, possunt dicere quidquid libuerit, modò sciant id falsissimum esse dictum, absque ueritate, absque ratione, absque fundamento, & contra omnes doctores sanctos, quotquot fuerunt in Ecclesia Dei. Omnes namque sancti patres, etià antiquissimi, quotquot hac de re loquuti sunt, fatentur quasi ore uno loquentes, Apostolos & primores patres, nobis suis posteris tradidisse ea, quæ diuinitus acceperunt, partim scripto, partim uerbo. Boni testes illi sunt, prout superius memorauimus, Dionysius, Basilus, Augustinus, Hieronymus, Chrysostomus, Athanasius, seu Vulgarius, Cyprianus, Hilarius, Ireneus, Polycarpus, Origenes; & alij omnes. Ergo aduersarij nostri falsum sibi fingunt, & ex eo, quod falsò fingunt, deducunt quod uolunt, sua culpa est, & sua proteruita.

Quomodo accipiendum sit uerbum Dei scriptum. CAP. VIII.



Os autem Christiani Catholici, quantum ad uerbum Dei scriptum attinet, maximè uolumus illud: sed non petimus illud expressum; nec mordicus contendimus illud expressum esse petendum. Non contendimus de nominibus, quando constat de re: & conclusiones omnes accipimus, quæ ex sacra scriptura in bona consequentia deducuntur. Sic accipiendum est uerbum Dei scriptum: non amarè, non stricte, non hæreticè, non indolentè; sed amplè, latè, Catholicè, scienterque: cum omnibus, quæ continet explicitè aut implicitè, & cum omnibus, quæ inferit. Ut uerbum Dei scriptum, ex quo accipimus ius diuinum scriptum, intelligatur sicut uerbum Dei naturaliter inditum, ex quo accipimus ius diuinum naturale, scriptum interius in cordibus; cum utrunque horum sit ius diuinum, utrunque diuinitus promulgatum, licèt diuersis modis, & utrunque per consequens habeat diuinum uerbum. Ius enim naturale scriptum in cordibus hominum

*Verbum Dei,
quomodo
accipiendum
sit.*

etiam est diuinum, quemadmodum diuinum ius est illud Dei positium scriptum in sacris scripturis externis: quia idem auctor est Deus, dum scribit in cordibus, & dum scribit in membranis. Quod si utrunque est ius diuinum, ut reuera est, & omnes fatentur: utrunque debet dici diuinitus promulgatum, & utrunq; habet suam diuinitus promulgationem, & suum diuinum uerbum. Ius diuinum naturale, uerbum diuinum naturale: ius diuinum scriptum, uerbum diuinum scriptum. Quomodo debet igitur intelligi uerbum Dei scriptum exterius? Sicut intelligitur uerbum Dei naturale scriptum interius. Quomodo intelligitur uerbum Dei scriptum interius? Ut intelligitur ipsum naturale ius, ipsa naturalis lex. Quomodo intelligitur naturale ius diuinum, seu lex diuina naturalis? Profectò non solum cum solis suis principiis aut mandatis primis, sed etiam cum suis conclusionibus, quæ ex ipsis principiis deducuntur in bona consequentia. Ergo eodem modo debet intelligi ius diuinum scriptum, seu lex diuina scripta exterius: ut ad ipsam pertineant non solum sua prima principia, quæ continet expressè, sed etiam suæ conclusiones, ex ipsis principiis deductæ, aut deducibiles. Itaque hoc modo debet intelligi exterius scriptum Dei ius, atque exterius scriptum Dei uerbum; amplè, scienter, & catholicè, ut iam superius proposuimus.

Ad legem ergo diuinam naturalem scriptam in cordibus nostris debemus respicere; ut intelligamus legem diuinam positiam scriptam in nostris libris externis: quia utraque harum legum diuina est, & utraque absque dubio Deum auctorem habet. An fuit unquam aliquis doctus uir in mundo, Christianus, aut Ethnicus, qui negaret pertinere ad legem naturalem, eas conclusiones, quæ ex principiis naturalis legis in bona consequentia eliciuntur? Lex æterna, est quidem summa ratio in Deo existens, præsertim prout est omnium actionum & motionum in proprios fines directiua: quam & si nullus possit cognoscere in seipsa aut secundum se, nisi solus Deus, & beati, qui Deum per essentiam uident: omnis tamen creatura rationalis ipsam cognoscit secundum aliquam eius irradiationem, uel ma-

August.
De lib. arb.
lib. 1.
S. Tho.
prima 2.
quæst. 93.
art. 1.
Lex æterna,
quid.
S. Tho. ibi
art. 2.

iorem, uel minorem. Etenim omnis cognitio ueritatis, est quædam irradiatio & participatio legis æternæ, quæ est ueritas incommutabilis: & ueritatem omnes aliquo modo cognoscunt, saltem quantum ad prima principia legis naturalis: licet in aliis quidam plus, & quidam minus participent de cognitione ueritatis, & per consequens plus uel minus cognoscant legem æternam. Rursus, omnis lex à lege æterna deriuatur, sicut legimus, Per me reges regnât, & legum conditores iusta decernunt: ob quod & August. in de Libero arbitrio dicit, quod in temporali lege nihil est iustum ac legitimum, quod non ex lege æterna homines sibi deriuauerint. Porro lex naturalis, quæ in nobis à lege æterna deriuata est, siue ipsa sit propriè habitus, siue id de quo est habitus, siue sit idem realiter quod intellectus aut ratio, siue sit aliquid superadditum, illa est prima regula rationis practicæ: licet tamen lex naturalis sit aut dicatur esse, aliquid per rationem constitutum. Habet autem sua principia seu præcepta prima, ueluti ea, Quod tibi uis fieri, alteri facias. Quod tibi non uis fieri, alteri ne feceris. Bene uiuendum est, &c. Ut primum præceptum sit, Bonum est faciendum & prosequendum, malum uitandum. An habet lex naturalis, unum tantum præceptum? absit. Quinimmo sic se habent præcepta legis naturalis in homine, quantum ad operabilia, sicut se habent prima principia in demonstratiuis. Sed prima principia indemonstrabilia sunt plura in demonstratiuis: ergo etiam præcepta legis naturæ sunt plura. Verum quemadmodum quoad speculatiua datur unum primum principium, fundatum quidem super rationem entis & non entis: quale est illud, Non est simul affirmare & negare de eodem. super quo principio omnia fundantur alia; Ita quoad practica seu operabilia datur unum primum principium, fundatum utique super rationem boni & mali, quale est illud, Bonum est faciendum & prosequendum, & malum uitandum. super quo fundantur omnia alia sunt præcepta legis naturæ. Ut etiam Saluator noster nos docuit, dicens, Omnia ergo quæcunque uultis ut faciant uobis homines, ita & uos facite illis. Hæc est enim lex, & Prophetæ. Itaque sicut est

Augustinus
in de Vera
relog.

Omni lex,
deriuatur à
lege æterna.
Prouerb. 8.
August.
lib. 1.
S. The.
ubi supra.
quæst. 94.
art. 1. et 2.
Et quæst. 95.
art. 2.

Metaph. 4.

Matth. 7.

De Cœna, & Calice Domini

unum principium primum speculatiuum, & nihilominus
fuit plura principia speculatiua indemonstrabilia: sic est
unum principium primum practicum, & nihilominus sunt
plura principia practica; quæ omnia pertinent ad ratio-
nem practicam, & ad naturalem legem. Et licet principia
huiusmodi, sint quædam præcepta legis naturæ, & quasi
primi gradus aut primi ordinis naturalium præceptorum:
nullus tamen fuit unquam sapiens, qui negaret, pertinere
etiam ad legem naturalem omnia alia præcepta, quæ ex
his primis, tanquam eorum conclusiones, in bona conse-
quentia deducerentur. Quin potius omnes conformiter
dixerunt semper, huiusmodi præcepta pertinere ad legem
naturalem, quasi in secundo loco, gradu, aut ordine: tan-
quam præcepta legis naturæ mediata, habentia alia priora
& immediatiora, quibus probentur. Quibus etiam ueri-
tatibus nonnulli doctores addiderunt, uolentes id insuper
debere dici de lege naturali, quasi in tertio loco, quod &
si non deducatur ex principiis naturalibus in consequentia
manifesta, probabilius tamen deducitur ex illis, quam eius
oppositum ex illis deducatur. Vt sic, in lege naturali, latet
pateat diuinum ius, & diuinum uerbum. Ad legem ergo
diuinam naturalem scriptam in cordibus nostris respicien-
tes, tria inuenimus genera præceptorum, ordines, aut gra-
dus. Ad primum pertinent omnia eius præcepta prima &
indemonstrabilia. Ad secundum perrinēt omnia eius præ-
cepta, quæ ex illis primis sequuntur in consequentia mani-
festa. Ad tertium pertinent omnia eius præcepta, quæ non
in consequentia manifesta, sed in consequentia magis pro-
babili, quam eorum oppositum, ex præceptis primi aut se-
cundi generis inferuntur.

Simili autem modo nobis dicendum est, de lege diui-
na scripta in nostris externis libris: ut in ea etiam distin-
guamus tria genera mandatorum diuinorum, responden-
tia prædictis tribus generibus præceptorum legis diuinæ na-
turalis. Quæ namque in lege diuina scripta Evangelica sunt
expressa, sunt quasi mandata primi generis, per se nota,
& nulla alia probatione indigentia: quia eo ipso, diuina
auctoritate, qua edita est sacra scriptura, statim proban-
tur.

*Andreas à
Nouo ca-
stro. lib. 1.
sent. in na-
tur. loc.*

tur. Quæ in diuina scriptura huiusmodi non sunt expressa, sed ex ibi expressis deducuntur in bona consequentia, sunt quasi secundi generis. Quæ autem in scriptura non sunt expressa, nec in consequentia manifesta ex expressis deducuntur, sed tamen ex expressis probabilius eliciuntur, quàm oppositum, simili modo, tertij generis sunt dicenda.

Errant ergo grauiter, qui non admittunt diuinum ius, nisi ex diuino uerbo scripto: quia sic, excludunt à diuino iure, omnes consuetudines Ecclesiæ, omnesque traditiones Ecclesiasticas. Sed grauius & peius errant, qui non admittunt diuinum ius, nisi ex diuino uerbo scripto expresso: quia sic, excludunt à diuino iure omnes consuetudines & traditiones sanctæ matris Ecclesiæ, atque omnia diuina præcepta tertij, & secundi generis: partibus principalibus Euangelij inferunt damnum, & Euangelij prædicationem contrahunt ad purum seu nudum nomen.

Ostenditur quàm latè pateat Catholicis Christianis, Dei uerbum, & Dei ius, & quàm latè debet patere omnibus.
CAP. IX.



Obis catholicis Christianis latius patet tum diuinum ius, tum diuinum uerbum. Dicimus enim ius diuinum, ius diuinitus promulgatum: ubicunque illud sit, siue scriptum in libris externis, siue scriptum in cordibus, siue in consuetudinibus aut traditionibus Ecclesiæ, siue in conformi patrum sententia, siue in determinationibus sacrorum conciliorum. In omnibus his est suo modo diuina auctoritas, apud quodlibet horum est suo modo diuina reuelatio, in quolibet horum reperitur diuinum uerbum, à quolibet horum petimus diuinum ius. Latius ergo nobis patet & uerbum diuinum, & ius diuinum: Verè spiritu Dei loquens, Apostolus dixit Corinthiis, An à uobis uerbum Dei processit? Aut in uos solos peruénit? Sic & nos ingenuè hîc duo confitemur; Alterum est, Verbum Dei non processit à nobis: Alterum est, uerbum Dei non peruénit in nos solos. Quibus duobus, addi-

1. Cor. 14.

Gg

De Cœna, & Calice Domini

mus hoc tertium, uerbum Dei nō peruēnit ad nos primū, seu immediatē: sed alij primò receperunt à Christo & à Spiritu sancto, nobisque suis posteris tradiderunt. Manifesta sunt hæc tria. Si autem uerbum Dei non processit à nobis, si uerbum Dei non peruēnit ad nos solos, si uerbum Dei non peruēnit ad nos primū aut immediatē, sed mediatē, atq; si uerbum Dei uenit ad Ecclesiam Christianam, & fuit in illa multos annos ante omnem scripturam sacram Noui testamenti, ut etiam est uerissimum & manifestum; profectò nos, qui nōdò sumus, non debemus quærere uerbum Dei, admittere, uel abiicere, uel interpretari pro nostro libito. Sed potius à primis patribus debemus exigere de uerbo Dei cognitionem, & locum: quod est, ubi est. Eo maximè, quòd nobis est notissimum, omnes hæreticos, qui pro tempore fuerunt, hunc morem semper seruasse, ut scripturam & uerbum Dei prætexerent suis dogmatibus, atque prætectu uerbi Dei, suos defenderent errores. Vnde Hilarius ad Constantium, eum præmonens de hæc hæreticorum consuetudine, dixit, Memento neminem hæreticorum esse, qui se nunc non secundum scripturas prædicare ea, quæ blasphemant, nentiantur. Hinc enim Marcion, uerbum Dei cū legit, nescit. Hinc Photinus hominem IESUM Christum cum loquitur, ignorat. Hinc & Sabellius, dum quòd Ego & pater unum sumus, non intelligit, sine Deo patre, & sine Deo filio est. Hinc & Montanus per insanas fœminas suas, Paracletum alium defendit. Hinc & Manichæus & Marcion legem odit; quia litera occidit, & mundi princeps diabolus est. Omnes scripturas sine sensu loquuntur, & fidem sine fide prætendunt. Scripturæ enim non in legendo sunt, sed in intelligendo: non in prauaricatione sunt, sed in charitate. Hæc ille. Non ergo licet nobis pro nostro libito admittere, abiicere, aut interpretari uerbum Dei: quia non processit à nobis, quia non peruēnit ad nos solos, quia non peruēnit ad nos primū, & quia prætectu uerbi Dei perperam intellecti hæretici, qui fuerunt, sua falsa dogmata prædicarunt, & pro posse defenderunt. Ab aliis ergo, Dei uerbum nobis est petendum. à quibus? Sine dubio à sancta matre Ecclesia, quæ est do-

Mos hæreticorum.

Hilarius ad Constantium.

Iean. 10.
2. Cor. 4.

mus Dei, columna & firmamentum ueritatis : à suis traditionibus, State igitur fratres & tenete traditiones : & à sanctis patribus antiquissimis, Interroga patrem tuum, & dicet tibi : maiores tuos & annuntiabunt tibi. Nec est ignotum, quòd ab ore sacerdotis debemus exquirere scientiam & legem. Hos ergo consulamus. Ab hisque petamus de Dei uerbo, Quid est? Vbi est? Ipsi autem nobis ostendunt, quoad primum, quòd uerbum Dei non est solum scriptum in scripturis externis, sed etiam est mentale scriptum in cordibus, consuetudinarium, situm in traditionibus, aut huiusmodi : & quoad secundum, quòd apud scripturas externas uel internas, apud traditiones Ecclesiæ, aut apud sanctorum doctorum conformes sententias, debemus illud quærere, atque inuenire.

Ostenditur quòd licet apud nos Christianos Catholicos latius pateat diuinum uerbum & diuinum ius, quàm apud aduersarios, nullibi tamen reperitur diuinum uerbum aut diuinum ius, quo teneantur omnes fideles Christiani communicare sub utraque specie.

CAP. X.



Secundum ea, quæ dicta sunt, & secundum ueritatem, nobis Christianis Catholicis latius quàm aduersariis nostris Neochristianis pater, & uerbum diuinum, & ius diuinum : ut ex iam dictis facillimè omnibus constare poterit, qui uidere uoluerint. Accipimus enim nos uerbum Dei in tota sua amplitudine & extensione, atq; secundum omnes suas species, aut genera : illudq; in multis locis quærimus, inuentum intelligimus, accipimus, commendamus, credimus, confitemur, & iuxta nostram fragilitatem obseruamus. Aduersarij autem nostri non sic, sed unam solam speciem uerbi Dei accipiunt, hoc est, uerbum scriptum in scripturis externis : atq; illam speciem uerbi Dei ita scripti mutilant, detruncant, contrahuntque nimis : quia nec uerbum Dei scriptum accipiunt, nisi expressum, paruifacientes & relinquentes omnia, quæ in uerbo Dei scripto continentur implicite, & omnia, quæ

Gg ij

De Cœna, & Calice Domini

ex illo deducuntur in bona consequentia. Quo fit etiam, ut uerbum Dei nec accipiant, nec recognoscant, nisi in externa scriptura sacra sit scriptum expressum: nec illud alibi quærant, nec illud in alio loco admittant oblatum, aut allegatum. Nobis ergo patet latius, quàm illis. Verùm & si apud nos latius pateat, quia & in omnibus suis speciebus, & in omnibus suis gradibus, & in multis locis: nullibi tamen apud nos reperitur aliquod Dei uerbum aut ius, quo omnes Christi fideles teneantur communicare in utraque specie sanctissimi sacramenti Eucharistiæ. Non enim in scriptura Dei externa, non in scriptura Dei interna, non in traditionibus Ecclesiæ, non in consuetudinibus, non in conformi sanctorum patrum sententia, non in determinationibus conciliorum: ut ex dicendis erit notum, postquàm obiectionibus aduersariorum fuerit responsum.

Signum euidentissimum huius ueritatis Catholicæ est, quòd quàm primùm in Ecclesia Latina apud Bohemos ortum habuit illa hæresis, quæ asserit, necessariò sub utraque specie, scilicet panis & uini, esse communicandum, ita quòd qui sub una specie tantùm communicat, etiam si laicus sit, peccet: statim sancta mater Ecclesia, quam primùm potuit, illi errori occurrit, illumque damnauit: non esse laicis necessariò de necessitate salutis comunicandum sub utraque specie declarauit, & ne aliquis deinceps absq; Ecclesiæ auctoritate communionem sub utraque specie acciperet, præcepit. Verba decreti sunt.

Decretum Concilij Constantiensis.

*Concilium
Constant.
Sess. 13.*

In nomine sanctæ & indiuiduæ Trinitatis, Patris & Filij & Spiritus sancti, Amen. Cum in nonnullis inundi partibus quidam temerariè asserere præsumant, populum Christianum debere sacramentum Eucharistiæ sub utraque panis & uini specie suscipere, & non solum sub specie panis, sed etiam sub specie uini, populum laicum passim communicent, etiam post cœnam uel aliàs non ieiuni, & communicandum esse pertinaciter asserant, contra laudabilem Ecclesiæ consuetudinem rationabiliter approbatam, quam

tanquam sacrilegam damnabiliter reprobare conantur: hinc est, quòd hoc præsens concilium sacrum generale Constantiense, in Spiritu sancto legitime congregatum, aduersus hunc errorem, salutem fidelium prouideri satagens, maturam plurium doctorum tam diuini quàm humani iuris deliberatione præhabita, declarat, decernit & diffinit, quòd licet Christus post cœnam instituerit, & suis discipulis administrauerit sub utraque specie panis & uini hoc uenerabile sacramentum, tamen hoc non obstante, sacrorum canonum auctoritas laudabilis & approbata consuetudo Ecclesiæ seruauit, & seruat, quòd huiusmodi sacramentum non debet confici post cœnam, neque à fidelibus recipi non ieiunis, nisi in casu infirmitatis aut alterius necessitatis, à iure uel Ecclesia concessio, uel admissio. Et sicut hæc consuetudo ad euitandum aliqua pericula & scandala rationabiliter introducta, quòd licet in primitiua Ecclesia huiusmodi sacramentum reciperetur à fidelibus sub utraque specie, postea conficientibus sub utraque, & à laicis tantummodò sub specie panis suscipiatur; cum firmissimè credendum sit, & nullatenus dubitandum, integrum Christi corpus & sanguinem, tam sub specie panis, quàm sub specie uini, ueraciter contineri. Vnde cum huiusmodi consuetudo ab Ecclesia & sanctis patribus rationabiliter introducta, & diutissimè obseruata sit, habenda est pro lege, quam nõ licet reprobare, aut sine Ecclesiæ auctoritate pro libito mutare. Quapropter dicere, quòd hanc consuetudinem aut legem obseruare, sit sacrilegum aut illicitum, censi debet erroneum: & pertinaciter asserentes oppositum præmissorum, tanquam hæretici arcendi sunt & grauiter puniendi per diœcesanos locorum seu officiales eorum, aut inquisitores hæreticæ prauitatis in regnis seu prouinciis, in quibus contra hoc decretum aliquid fuerit forsitan attentatum, aut præsumptum, iuxta Canonicas & legitimas sanctiones, in fauorem Catholicæ fidei contra hæreticos & eorum fautores, salubriter adinuentas.

Ecce uerba decreti sancti & uniuersalis concilij Constantiensis, in quibus satis declaratur, hanc consuetudinem communicandi fideles Christianos non celebrantes, sub al-

De Cæna, & Calice Domini

tera tantum specie, esse ab Ecclesia & sanctis patribus rationabiliter introductam, & diutissime obseruatam, atque pro lege habendam. Signum manifestum, quod non sit aliud diuinum uerbum aut ius, de opposito faciendo ex necessitate salutis: nanque si esset, illud cognosceret profecto sancta mater Ecclesia prioribus sæculis, illud cognoscerent sancti patres, illudque inueniret & cognosceret concilium Constantiense uniuersale; in quo absque dubio, multi patres conuenerunt, & sanctissimi, & doctissimi. Eandem ueritatem habemus secundo determinatam in concilio Basileensi; in quo patres præhabita omni diligentia, & diuinarum scripturarum consideratione, ita dixerunt, ut sequitur.

Decretum concilij Basileensis, super modo communionis.

Concilium
Basileen.
sess. 30.

Sacro sancta generalis synodus Basileensis, in Spiritu sancto legitime congregata, uniuersalem Ecclesiam representans, ad perpetuam rei memoriam. Vt lucidius uideatur pro declaratione ueritatis, quid circa perceptionem sacrae Eucharistiæ tenendum sit, & agendum pro utilitate & salute populi Christiani, post diligentem perscrutationem diuinarum scripturarum sacrorumque canonum, & doctrinarum à sanctis patribus & doctoribus traditarum, in hac sancta synodo longis temporibus habitam, consideratisque omnibus, quæ pro declaratione huius rei considerata fuerunt, decernit & declarat eadem sancta synodus, quod fideles laici siue clerici communicantes, & non conficientes, non astringuntur ex præcepto Domini ad suscipiendum sub utraque specie, panis scilicet & uini, sacrum Eucharistiæ sacramentum. Sed Ecclesia, quæ regitur spiritu ueritatis, secum manente in æternum, & cum qua Christus manet usque ad consummationem sæculi, sicut ait diuina scriptura, ordinare habet, quomodo ipsis non conficientibus ministretur, prout pro reuerentia ipsius sacramenti & salute fidelium uiderit expedire. Siue autem sub una specie, siue sub duplici quis communicet, secundum ordinationem seu obseruantiam Ecclesiæ, proficit dignè communicantibus ad salutem. Nec ullatenus ambiendum est, quod non sub spe-

cie panis caro tantum, nec sub specie uini sanguis tantum : sed sub qualibet specie est integrè totus Christus. Laudabilis quoque consuetudo communicandi laicum populum sub una specie, ab Ecclesia & sanctis patribus rationabiliter introducta, & hæcenus diutissimè obseruata, & à doctõ-ribus diuinæ legis, sacrarum scripturarum, atque canonum, multam peritiam habentibus, iam à longæuo tempore com- mendata, pro lege habenda est; nec alicui licitum est eam reprobare, aut sine auctoritate Ecclesiæ ipsam immutare. Datum Basileæ in nostra solenni & publica sessione, deci- mo Calendas Ianuarij, anno à natiuitate Domini, millesi- mo, quadringentesimo trigesimo septimo.

Ecce & illi patres post diligentem perscrutationem diui- narum scripturarum, sacrorumque Canonum, & doctrina- rum à sanctis patribus & doctõribus traditarum, longis temporibus adhibitam, & consideratis omnibus, quæ pro declaratione huius ueritatis consideranda fuerunt, decre- uerunt, & declarauerunt, quòd fideles laici siue clerici com- municantes & non conficientes, non astringuntur ex præ- cepto Domini ad suscipiendum sub utraque specie, panis uidelicet & uini, sacrum Eucharistiæ sacramentum.

Concilium Colonienſe.

Colonienſe concilium prouinciale, etiam de hac re ita *part. 7.
cap. 15.* definiuit, Vbi sunt, quibus contra Ecclesiæ consuetudinem persuasum est, oportere laicos participare corpus & sangui- nem Domini sub utraque specie: ibi docebit parochus hos, qui grauatam habent conscientiam, corpus & sanguinem Domini altera tantum specie perfectè consistere, adeò ut laicus, qui sub specie panis communicat, non tantum cor- pus, sed & sanguinem Domini non minus recipiat, quam qui capit sub utraque specie & panis & uini. Ecclesiam quo- que laicis unam tantum speciem dare, quo pro reuerentia ipsius sacramenti & salute fidelium, Ecclesia, cui dispensa- rio sacramentorum Dei commissa est, sic uiderit expedire. Nam cum nullatenus ambigendum sit, sub specie panis non tantum carnem, nec sub specie uini sanguinem tantum, sed

De Cæna, & Calice Domini

sub qualibet specie Christum contineri : cur se laicus iudicio Ecclesiæ, quam Dominus audiri uoluit, non submittet? Quæ non temere, sed multis rationibus permota, decreuit salubrius esse, ut non tantum populus, sed & sacerdotes non sacrificantes, Christum sub una tantum specie, quam sub duabus perciperent. Quid enim panis uinique species aliud sunt post consecrationem; quam species sacramentales, & accidentia sine subiecto? Ut non habeat laicus cur queratur, sibi alteram subtrahi speciem, ubi totum, quod sub utraque specie continetur, integrè accipiat. Hæc ibi in actis illius concilij.

Diuus THOMAS.

Sanctus Thomas mouet quæstionem, Vtrum liceat sumere corpus Christi sine sanguine? id est, An liceat sumere corpus Christi sub sola specie panis? Respondet autem secundum partem affirmatiuam quæstionis huiusmodi, & asserit quod sic. Adducit primum in probationem, multarum Ecclesiarum usum, in quibus populo communicanti datur corpus Christi sumendum, non autem sanguis, hoc est, non sanguis sub specie uini. Latius autem respondendo dicit. Dicendum, quod circa usum huius sacramenti duo possunt considerari; unum ex parte ipsius sacramenti, aliud ex parte sumentium. Ex parte quidem ipsius sacramenti conuenit, quod utrumque sumatur, scilicet & corpus & sanguis: quia in utroque consistit perfectio sacramenti. Et ideo quia ad sacerdotem pertinet hoc sacramentum consecrare & perficere: nullo modo debet corpus Christi sumere sine sanguine. Ex parte autem sumentium requiritur summa reuerentia, & cautela, ne aliquid accadat, quod uergat ad iniuriam tanti mysterij. Quod præcipuè posset accidere in sanguinis sumptione: qui quidem si incautè sumeretur, de facili posset effundi. Et quia creuit multitudo populi Christiani, in qua continentur senes & iuuenes & paruuli, quorum quidam non sunt tantæ discretionis, ut cautelam debitam circa usum huius sacramenti adhibeant; ideo prouidè in quibusdam ecclesiis obseruatur, ut populo sanguis

sanguis sumendus non detur, sed solum à sacerdote sumatur. Hæc ille.

Ita ergo tam concilia, quàm doctores sancti & catholici seorsum scribentes, probant hanc consuetudinem communicandi populum, uidelicet laicos, atque clericos non celebrantes, in altera specie tantum: & asserunt eam esse laudabilem, prouidam, multarum Ecclesiarum, & diutissimè obseruatam in Ecclesia Christiana. Tanquam pro certo habeant, nullum prorsus esse diuinum uerbum, diuinum ius, aut diuinum præceptum, seu mandatum, de opposito faciendo: namque contra diuinum uerbum, ius, præceptum, aut mandatum, nulla potest esse laudabilis consuetudo.

Ostenditur eadem ueritas ex antiquitate huius consuetudinis, ex ritibus, atq; ex statutis, quæ de hac re extant. C A P. XI.



Antiquitas huius consuetudinis, uidelicet comunicandi fideles non celebrantes in altera tantum specie; tanta est, & à tot retro sæculis, ut ea probet atque demonstret satis hanc ueritatem, de qua agimus. Fuit enim à temporibus sanctorum, cōfessorum, martyrum, immo & Apostolorum, immo & ipsius Saluatoris nostri, post resurrectionem, & ante in cælos ascensionem: ut infra palam ostenditur, ubi agitur de antiqua consuetudine etiam comunicandi laicos in ambabus speciebus. Probat ergo satis intentum, hæc antiquitas huius consuetudinis: tum ex multis aliis, quæ nunc omittimus, inferius tractanda & ostendenda: uidelicet ex eo quòd & Saluator noster per se, & Apostoli eius, alios comunicauerunt aliquando in sola panis specie: tum, quia antiquitas huius consuetudinis nunquam habuit doctorem aliquem sanctum aut catholicum, qui eam damnaret, aut contra eam ageret. Haberet autem profectò, si contra ius diuinum fuisset: quia nihil abundantius aut oculatius faciebant patres, quàm quòd diuina iura commendarent, & contra transgressores clamarent. Fuisset autem hæc consuetudo contra ius diuinum; si ius diuinum, præciperet eius oppositum.

De Cœna, & Calicē Domini

Ergo ius diuinum non præcipit oppositum huius antiquitatis, aut huius antiquæ consuetudinis.

Habemus huius antiquitatis multos testes antiquissimos, & notissimos, in quorum libris uidemus, eam consuetudinem olim fuisse, ut fideles Christiani, etiam laici, in manus acciperent Eucharistiam, & domum portarent: utque sanctissimi Romani Pontifices, sacram Eucharistiam mitterent aliis Episcopis. Et hoc quidem non in utraque specie, panis & uini, propter fluxibilitatem specierum uini, & facilem conuersionem in acetum: sed in sola specie panis, ut etiam ex multis constat. Audiamus ergo patres, de hac re differentes.

IRENEVS.

*Euseb. re-
fert Eccle-
siast. hist.
lib. 9.
cap. 26.*

*Anicetum,
Pium,
Higinum,
Telephorum,
Xistum.*

Irenæus nomine fratrum per Galliam, quibus præerat, scripsit, Victoremque summum Pontificem admonuit, ne cunctas Ecclesias Dei antiquæ consuetudinis traditionem retinentes, uidelicet de obseruando ieiunio: aut celebrando die Paschæ, alienaret: quin potius cum eis seruaret pacem, ut sui fecerant prædecessores. Adduxit in exemplum multos summos Pontifices, uidelicet, Anicetum, Pium, Higinum, Telephorum, & Xistum, qui ante Soterem fuerunt, pacem cum seruantibus suam consuetudinem retinuerunt, & Eucharistiam fratribus illarum parœciarum, qui suo more seruabant, miserunt. Ecce Eucharistia sacra mittebatur, & constat quod non nisi in specie panis.

DIONYSIVS Alexandrinus.

*Euseb. re-
fert Eccle-
siast. hist.
lib. 6.
cap. 44.*

Dionysius Alexandrinus, Fabio cuidam, schismati sese quodammodo submittenti, inter alia, hæc scripsit, Vnum autem hoc tibi exemplum, quod apud nos contigit, exponam, Scrapion quidam erat apud nos fidelis senex, qui diu quidem inculpate uixerat, in persecutione uero ceciderat. Hic sæpenumero recipi petierat, uerum nemo illi attenderat, sacrificauerat enim. In morbo autem constitutus, totum triduum mutus & sensuum facultate destitutus

mansit. Post ubi quarto die nonnihil conualuisset, nepoti ex filia ad se uocato dixit, Quousque ò fili, detinetis me? Obsecro properate, & me uelociter absoluite. Voca ad me aliquem ex presbyteris. Quibus dictis, iterum obmutuit. Cucurrit puer ad presbyterum, Erat adtem nox. Presbyter ægrotabat, ideoque ire cum puero non poterat. Quoniam uerò mandaueram, morituros, si petant, & maxime si etiani antea suppliciter petierunt, admitti debere, ut spe bonæ fulti migrent, parum Eucharistiæ puero dedit, iussitque, ut id infunderet, & in os senis instillaret. Puer redit, adferens Eucharistiam. Cum autem è uicino esset, antequam ingrederetur, rursus Serapion, Venis, inquit, fili? Presbyter quidem uenire non potest, tu uerò confestim fac cito quod ille præcepit, meque dimitte. Infudit puer, ac simul ori senis instillauit. Qui cum parum gustasset, mox spiritum reddidit. Ecce in sola specie panis Eucharistia in illa fuit, quæ madefacta, ori senis instillata est.

CYPRIANVS.

Cyprianus in sermone de Lapsis, refert de muliere quandam, quæ in arca sacram Eucharistiæ reposuerat, & quia indignis manibus eam tractauerat, quando arcam aperire tentauit, igne inde surgente deterrita est, ne attingere auderet. Ecce & mulier illa, in domum suam portauit sacram Eucharistiæ. Non dubium, quin ex more, nec dubium, quin in sola panis specie.

TERTULLIANVS.

Tertullianus in de Corona militis fatetur, quod Eucharistiæ sacramentum, & in tempore uictus, & omnibus mandatum à Domino etiam antelucanis cœtibus, nec de aliorum manu, quam præsidentium accipiebant fideles sui temporis. Alibi autem explicans, quod à sacerdote accipientes, in suas portabant domos, dicit ad uxorem, Non sciet maritus quid secreto, ante omnem cibum gustes.

lib. 2.
ad uxore.

De excessu
fratru su.
cap 7.

Ambrosius de Satyro fratre suo, commendans eius erga Deum pietatem & deuotionem, refert quòd constitutus in naufragio non mortem metuens, sed ne uacuis mysterij è uita exiret, ab his, quos initiatos esse cognouerat, diuinum illud fidelium sacramentum dari poposcerit, ut fidei suæ tali sacramento consequeretur auxilium, quodque datum sibi sacramentum ligari fecerit in orario, & orarium in collo inuoluerit, atque ita se in mare deiecerit, non requirens de nauis compage resolutam tabulam, cui supernatans iuaretur, quoniam fidei solius arma quæsierat: unde tandem primus seruatus est, & in portum terrenæ stationis euectus. Ecce illi, qui initiati erant in naui, secum hoc diuinum sacramentum portabant: à quibus beatus ille Satyrus petiit, & accepit, & in orario ligari fecit, & orarium in collo inuoluit, postea communicaturus. Constat autem illud diuinum sacramentum non haberi tunc in nauui, nec à beato Satyro accipi, nisi in altera tantum panis specie, quæ in orario ligari potuit.

Ecce de consuetudine illa: de qua ij. suprâ nominati patres tradunt, & nullus eam reprehendit: quod profectò facerent, si fideles tenerentur communicare sub utraque specie, & non esset eis licitum in iure diuino communicare sub altera tantum.

Spectant eodem, idque satis probant sanctiones patrum, de custodia sacrosanctæ Eucharistiæ in loco tutissimo & mundissimo, pro fratribus infirmis communicandis. Constat enim de illis, & constat quòd non erant de custodienda sacra Eucharistia in ambabus speciebus, sed in una specie panis.

CLEMENS Martyr.

De consecr.
dist. 2.
c. Tribus
gradibus.

Clemens Martyr, Petri Apostoli discipulus, & in cathedra Apostolica successor, narrat multa, quæ se à beato Petro accepisse asserit: inter ea dicit se ab eo accepisse hoc,

quòd tribus gradibus commissa sunt sacramenta diuinorum secretorum, Presbytero, Diacono, & Ministro: qui cum timore & tremore reliquias corporis Domini debent custodire fragmentorum, ne qua putredo in sacrario inueniatur, &c. Ecce à temporibus Apostolorum est sacrarium, in quo reconditur & seruatur corpus Domini: quod insuper tanta cum uigilantia & munditia curari debet, ne in eo aliqua inueniatur putredo.

Concilium Vuormat.

Concilium Vuormatien. fanciuit, quòd Presbyter Eucharistiam semper habere debeat paratam; ut si quis infirmatus fuerit, statim eum communicet, ne sine communione moriatur: cum sacrosancta Eucharistia, morientibus saluberrimum & tutissimum sit uiaticum.

*De consecr.
dist. 2.*

Concilium Arelat.

Concilium Arelatense, grauius animaduertit in eos, qui negligentes sunt, in sacre Eucharistie custodia.

Concilium Lateran.

Concilium Lateranense, cui quatuor Patriarche interfuerunt, & ingens Episcoporum multitudo ex toto terrarum orbe sub Innocentio tertio celebratum, constituit ut sacra Eucharistia cum chrismate sub fidei custodia clauibus & seris adhibitis conseruetur, ne temeraria ad ea manus extendi possit.

Honorius III.

Honorius tertius præcepit, ut sacra Eucharistia in loco aliquo ad hoc destinato & mundo honorifice reponatur, ac per fideles & pios custodiatur.

De Cœna, & Calice Domini

Concilium Tridentinum.

Can. 7.

Concilium Tridentinum ita etiam definiuit, & decreuit, quod consuetudo asseruandi, in sacrario sacram Eucharistiam, adeò antiqua est, ut eam sæculum etiam Nicæni concilij agnouerit: & Canonem aduersus contradicentes adiecit, dicens, Si quis dixerit non licere sacram Eucharistiam in sacrario referuari, sed statim post consecrationem astantibus necessariò distribuendam, aut non licere ut illa ad infirmos honorificè deferatur, Anathema sit.

Ecce uidemus multas admodum sanctæ Ecclesiæ, sanctorum conciliorum, & sanctorum patrum sanctiones, in quibus statuitur de custodia sacræ Eucharistiæ pro communicandis infirmis fidelibus, etiam à tempore antiquissimo: & certo certius nouimus, hoc de sacræ Eucharistiæ in sola specie panis fuisse semper intellectum, & usque ad nostra hæc tempora obseruatum. Species enim uini nullo modo poterant custodiri, propter earum faciliorem cōuersionem in acetum, immo & propter necessariò eminens periculum effusionis, uel distillationis earum, si ad infirmos deportarentur.

Multa possunt uideri de hac re, in de consecratione. dist. 2. cap. Qui bene: cap. 20. Et de custodia Eucharistiæ. cap. statuimus. In Clement. Ad nostrum. de hæreticis. Clement. unica. de reliquiis & uenera. sanctorum. De celebrat. Missarum. cap. Sanc. Et apud Augustinum, De uisitacione infirmorum. lib. 2. cap. 4. Vbi aut de custodia, aut de ueneratione est sermo.

August.
lib. 3.
Chrysost.
Homil. 17.
Theophyl.
Beda.

Supradictis patribus addimus; Augustinum in de consensu Euangelistarum, Chrysostomum super Matthæum, Theophylactum super Lucam, & Bedam super Lucam: qui omnes asserunt Saluatorem nostrum communicasse duos illos discipulos; et constat quod in sola specie panis.

Catalogus doctorum, catholicorum sanctorumque, tam recentiorum quàm antiquorum, sacrorumque conciliorum, in quibus reperitur communio laicorum aut clericorum non celebrantium, sub altera tantum specie:

non ut reprobata, nec ut diuino iuri contraria, sed ut laudabilis, bona, iusta, sancta, & diutissime obseruata, cum fidelibus infirmis, & pariter cum fidelibus in sanitate constitutis: inter quos patres ponitur & Tertullianus, in testem antiquitatis.

Alexander de Ales.

Sanctus Thomas.

Sanctus Bonauentura.

Ioannes Gerson.

Gabriel Biel.

Facultas Theologiæ uniuerſitatis Parisien.

Facultas Theologiæ uniuerſitatis Louanien.

Ruardus Tapper.

Alfonſus à Caſtro.

Stanislaus Hoſius.

Concilium Conſtantiæ.

Concilium Baſileen.

Concilium Colonien.

Ireneus Martyr.

Dionysius Alexandrinus.

Eusebius Caſarien.

Cyprianus Martyr.

Tertullianus.

Ambrosius.

Clemens Martyr.

Concilium Vuormatien.

Concilium Arelaten.

Concilium Lateranen.

Honorius tertius.

Concilium Tridentinum.

Auguſtinus.

Chryſoſtomus.

Theophylactus.

Beda.

Reperimus ergo hanc communionem & eius antiquitatem apud multos, ueteres antiquos & neotericos: sed profecto apud nullum reperimus huius communionis repræſentationem, nec ullum reperimus, qui eam damnet, tanquam

iuri diuino contrariam. Ratio huius rei est manifesta, quia uidelicet ius diuinum nec omnibus fidelibus communione sub utraque specie præcipit, nec fidelibus non celebrantibus communionem sub altera tantum specie prohibet.

Quoad clericos celebrantes.
Gelasius.
De consecr.
dist. 2.
c. Comperimus.

Sit ergo conclusio omnium præcedentium in hoc articulo primo, seu ad illum, uerissima & constantissima, quod licet omnes fideles Christi cum ad annos discretionis peruenierint, teneantur ad sumptionem sacræ Eucharistiæ, & licet omnes sacerdotes celebrantes teneantur sub utraque specie sumere: modus tamen, quo uel laici, uel clerici non confidentes tenentur communicare; non est præfixus diuino iure: sed potest esse uel unus, uel alter: sub utraque specie, aut sub altera tantum. Vt modus huiusmodi sit commissus, aut relictus sanctæ matri Ecclesiæ: sitque in sua potestate & gubernatione situm, hunc uel illum statuere, pro ut iudicauerit expedire. Ominino sicut dixit Augustinus ad Ianuarium de hoc diuino sacramento ante alium cibum, uel post alium cibum, sustinendo.

August.
epist. 118.
tom. 2.

Math. 26.
Marc. 14.
Lucæ 22.
Lucæ 24.
August.
lib. 3.
Chrysostom.
Homil. 17.
Theophyl.
Beda.

1. Cor. 10.
c. 11.
Act. 2.

Inferius
lib. 3.

Atque profecto nisi aut increduli, aut pertinaces esse uouerimus in contrarium, de utroque modo habemus exemplum; primum à Salvatore nostro proprio, deinde ab eius Apostolis. Etenim idem Saluator, qui in cœna nouissima communicauit Apostolos in ambabus speciebus: post resurrectionem apud Emaus communicauit duos alios discipulos suos, in sola specie panis. Vt reuera, constanter intellexerunt, & interpretati sunt, Augustinus in de consensu Euangelistarum, Chrysostomus super Matthæum, Theophylactus super Lucam; Beda item super Lucam, et alij patres penè infiniti. Apostolici etiani utrumque modum seruauerunt. ut de communione sub utraque specie, constat ex epistolis ad Corinthios; & de communione sub specie panis tantum, constat ex actibus Apostolorum. Erant autem perseverantes in doctrina Apostolorum, & communicatione, & fractione panis, & orationibus, &c. . .

De his autem, inferius dicuntur multa: ubi ostenditur ambas has consuetudines fuisse olim seruatas in Ecclesia Dei, ut sic uel sic ab antiquissimis temporibus, laicorum aut clericorum non celebrantium haberetur communio non

Probationes primæ conclusionis, ad Artic. 2.

CAP. XII.



Rima conclusio responsiva ad secundum articulum probatur ex multis, præsertim ex nonnullis præstantioribus. Primum ex auctoritate, sanctitate, ac sapientia sanctæ matris Ecclesiæ, quæ ipsas rationes probavit.

Probatio 1.

Est enim Ecclesia Dei uivæ, columna & firmamentum veritatis: estque regina, sponsa, unica, dilecta, tota formosa; & super hæc, firmissimas promissiones habet sponsi sui Salvatoris nostri, quod portæ inferi non prævalerunt adversus eam. nec in fide, nec in moribus, nec in cognitione veri, nec in cognitione boni aut mali. Vnde ipsa errare non potest. Alioquin iam porta inferi adversus eam prævalere possent. non possunt autem. Ex quo igitur sancta mater Ecclesia illas rationes probavit, constat eo ipso, eas rationes esse probandas. Secundò, constat idem ex modo, quo Ecclesia probavit illas rationes. Quia profectò in concilio uniuersali Constantien. in quo multi uiri doctissimi conuenerunt, & magna discussione ac deliberatione præhabita, ita determinauerunt, ut illas rationes probarent, & populo non nisi communicationem seu communionem sub altera specie concedebant. Fuit igitur illud iudicium commune, cui si quis præponat suum iudicium particulare, genus quoddam est ariolandi. Melior est enim obedientia, quam uictimæ: & auscultare, magis quam offerre adipem arietum: quoniam quasi peccatum ariolandi est, repugnare: & quasi scelus idololatriæ, nolle acquiescere. Est autem uox domini quidem uel in sacra scriptura, uel in sacris uniuersalibus conciliis, uel in generalibus traditionibus antiquissimis. Et quantum nobis omnibus sit parendum iudicio communi multorum patrum, notauit diuus Bernardus ex illo eodem uerbo: Sed abundantius id notauit diuus Augustinus in de ciuitate Dei, auctoritatem septuaginta præponens cunctis aliis interpretibus. Tertiò probatur eadem conclusio & ueritas ex ipsismet rationibus, quas non potest non probare statim omnis intellectus

1. Timo. 2.

Matth. 26.

Probatio 2.

1. Reg. 15.

Probatio 3.

Ratio 1.
quare san-
cta Ecclē-
sia interdi-
xit non ce-
lebrantibus
cōmuni-
cāre sub utraq;
specie.

Gabriel re-
fert has ra-
tiones super
Canonum
Missæ.
liti. 84.

De consecr.
dist. 2.
c. Si per ne-
cessitatem.
August.

De consecr.
dist. 2.
c. Sed pres-
byter. &
c. Qui be-
ne.

Christianus, mundus, pius, sanus. Illæ nanque rationes fuerunt istæ sequentes, Prima enim ratio, cur sancta Ecclesia catholica hunc introduxit ritum communicandi laicos ac sacerdotes non celebrantes sub altera tantum specie, est, Ne euitetur periculum distillationis & effusionis sanguinis Christi, qui non nisi cum magna cautela & prouidentia est tractandus propter fluxibilitatem specierum uini, sub quibus continetur; quæ de facili possunt effundi. Præsertim in tanta multitudine communicantium; cum ad comuni- candum persæpe conueniunt homines tremuli, barbati, infirmi, paruuli; qui non possunt sanguinem sumere satis prouide, quin de facili peccata & pericula graua sequantur. Quantum autem peccatum, & quàm graue sit stillatio uel effusio sanguinis Christi, satis declarat penitentiæ sacerdoti iniungenda, per cuius negligentiam gutta sangui- nis cadit in terram uel pallam altaris. Iuxta decretum Pii Papæ, qui, ut refert Augustinus ad Generosum, fuit decimus Papa post beatum Petrum, & sedit in cathedra eius cir- ca annum centesimum quinquagesimum tertium. Nec so- lum propter periculum effusionis, sed etiam propter peri- culum conseruationis speciei uini, aut portationis de loco ad locum pro infirmis. Periculum enim fuisset in conser- uatione specierum uini pro infirmis, pro quibus semper pa- rata haberi debet sacrosancta Eucharistia, ut sacra iura præ- cipiunt. Periculum quidem in conseruando ne uerterentur in acetum, & ita desinerent esse sacramentum. Ne conge- larentur in hyeme. Ne bibiones & muscæ generarentur in æstate, aut aliæ, species corrumpere, quantumcunq; uas obstrueretur. Et ita aut redderentur ad sumendum abo- minabiles; aut si species uini corrumpere, daretur in- firmo occasio idololatræ, & sumendi pro sacramēto, quod non esset sacramentum. Periculum deferendi quandoque etiam in equis ad loca remotiora, ubi cadere posset sacer- dos, siue eques, siue pedes. Etiam propter uasa, in qui- bus oportebat fieri tanti uini consecrationem, quò suffice- ret pro decem aut uiginti millibus personarum, & propter negocium, quod esset in re huiusmodi. Rursus quia esset hoc sumptuosum nimis & laboriosum præsertim in his re-

gionibus, in quibus uix inuenitur uinum pro celebratione, de longinquo, & pretio caro deportatum. Secunda causa seu ratio cessationis ab huiusmodi ritu fuit, atque est, ut tollerentur errores, qui ex communione sub utraque specie orti fuerunt, & oriri poterunt. Credere enim poterat communis populus ex tali communione, Christum non esse totum uerum & perfectum hominem sub una specie, nec tantum esse sub una specie quantum sub duabus, sicut multi hæreticorum de facto astruxerunt. Nestorius enim sub specie panis tantum corpus Christi esse, dogmatizabat sine sanguine: et sub speciebus uini, sanguinem tantum sine corpore: pro eo quod in Parasceue corpus fuit separatum à sanguine. Quæ sua argumentatio nihil ualet, cum talis sit Christus in sacramento, qualis est in sua naturali consistencia. Ob quod si Apostolus aliquis in Parasceue consecrasset; sub speciebus panis, fuisset corpus sine anima & sanguine, uidelicet post expirationem in cruce. Nunc autem, quia Christus resurgens ex mortuis, iam non moritur; si consecratur, utrobique est uiuus; ergo sanguis utrobique, & corpus. Ad tollendum etiam illum errorem, quem tenuit Pelagius, quod communio sub utraque specie sit laicis de necessitate salutis: secundum quod, quidam deducere nisi sunt ex illis uerbis Domini, Nisi manducaueritis carnem Filij hominis, & biberitis eius sanguinem, non habebitis uitam in uobis. Vnde Pelagius sub utraq; specie communicabat etiam paruulos. Ac multi præterea ultra Pelagianos errantes, occasione dictorum uerborum, communicabant etiam in utraque specie iam iam mortuos, ut refert Beda in quadam homilia super Matthæum. Tertia est, Quia ex illo errore dicente, quod communio sub utraque specie, est de necessitate salutis, sequuntur alij errores non minus periculosi, & uitandi, damnandi, atque extirpandi, ut recitant doctores catholici: Vnus quod tanta esset dignitas laicorum circa sumptionem corporis Christi, sicut sacerdotum. Aliud, quod perierunt omnes & pereunt aliter sentientes, facientes, aut docentes; omnesque generaliter tã clerici quàm doctores & prælati, qui non posse tenus opposuerunt se tali consuetudini, uerbis, scriptis, aut senten-

Ratio 2.
eiusdē rei

¶ 3. Mai

¶ 2. uobis

¶ 1. 2

Ioan. 6.

Ratio 3.

De Cœna, & Calice Domini

tiis; & quod sacram scripturam omnes illi peruerterunt. Aliud, quòd sancta Ecclesia Romana non ritè sentit de sacramentis, nec in hoc esset imitanda. Aliud, quòd concilia generalia, & specialiter Constantiense & Basileense errauerunt in fide & bonis moribus. Aliique plures errores ac seditiones grauissimæ, ex illo errore, facillimè possunt suboriri. Istæ sunt rationes potissimæ, quibus adducta fuit sancta Ecclesia Catholica, ut illam communionem sub utraque specie laicis & clericis non celebrantibus interdiceret: de quibus, ex ipsismet uisis & consideratis, constat statim, quòd fuerunt bonæ, iustæ, sanctæ, sufficientes, & piissimæ. Atque eas ut tales, recollegit, & commendauit Gabriel super Canonem Missæ: apud quem facillè uideri possunt, cum multis alijs, quæ ibi adducit in commendationem huius communionis laicorum ac etiam clericorum non celebrantium, sub altera tantum specie. Vltimò probatur eadem conclusio, ex communi consensu omnium doctorum catholicorum, & sanctorum uirorum, qui de hac re tractauerunt, & ipsas rationes seu causas probarunt: præsertim Sanctus Thomas, Sanctus Bonauentura, Alexander de Ales, Ioannes Gerson, Gabriel Biel.

lect. 84.

Proba. 4.

S. Tho. part. 3. quæst. 7.

ALFONSVS Castrensis.

Causas huiusmodi prohibitionis expressit etiam Alfonsus à Castro, in suo opere aduersus hæreses, dicens, Causæ quidem ad id tollendum plurimæ subsunt. Prima, numerosa fidelium multitudo in dies crescens, propter quam communicandam periculum erat effusionis sanguinis, quod in præcedente tempore propter populi paucitatem non adeò timendum erat. Altera huic proxima, delatio uini ad loca distantiora pro communicandis infirmis. quo casu, timendum ualde erat; ne inopinato deferentis lapsu, sanguis effunderetur. Nam ob aliam similem causam, cum olim communicatio sub utraque laicis daretur, sanguinem Domini à Diacono fuisse fustum, in uita sancti Donati Episcopi & Martyris legitur: ubi hæc uerba habentur, Cumque die quadam Missam celebrasset populo, & de corpore Christi

lib. 6. heresi. 12. contra Eu. charistia.

uenerabiliter recrearetur, Diaconus sanguinem sacrum populo tradens, cecidit, & sanctum calicem comminuit. Hæc ibi. Deinde ne uinum pro infirmis conseruatum, uertatur in acetum, quod plurimum contingere solet. Quarta ratio est, quod apud plerasque gentium nationes magna est uini raritas, ob quam difficillimum esset, & aliquando impossibile, ut sub uini specie totus populus communicaret: quoniam uinum deesset, quod tantæ multitudini sufficeret. Et quod præ his omnibus magis curandum erat, ne scilicet homines, hac occasione, in eum ducerentur errorem, ut crederent sub utraque Eucharistiæ specie non æquè totum Christum contineri: sicut de quibusdam, nempe Nestorianis, dicitur in hunc errorem lapsos fuisse. Quo fieret, ut cum laboranti in extremis, species uini propter quasdā urgentes causas subtraheretur, suspicaretur se non integrè communicatum. Causæ ergo suppētunt, æquè non contemnendæ. Nec auctoritas defuit. Hæc ille.

CAIETANVS.

Caietanus mouit quæstionem, Vtrū expediat Ecclesiæ Christi, quod, populus communicet sub utraque specie? & determinat hanc quæstionem secundum partem negatiuam, docens quod non expediat. Causam uerò huius determinationis assignat unā, tanquam sufficientem, ad prohibitionem populi in ambabus speciebus. Ea causa est, ut declarat, uitatio irreuerentiæ huius diuini sacramenti. Existimat enim, quod popularis communio sub utraque specie habeat annexam irreuerentiam huius sacramenti: quæ irreuerentia est sacrilegij peccatum, cum sit irreuerentia rei sacratissimæ. Probat quod huiusmodi popularis communio habet annexam irreuerentiam huius sacramenti, dicens, Nam in populis tanta est diuersitas communicantium, ut impossibile sit (humano more de impossibili loquendo) fieri communionem tot populorum, sub utraq; specie, absq; effusione sanguinis sub specie uini. Vnde statim te populi communionem sub utraque specie, ponit ipse Caietanus eam effusionem sanguinis non inter casus inopina-

par. 3.
quæst. 8a.
art. 12.

tos aut rarò contingentes, sed inter casus necessario quodam modo euenientes : & sic asserit hoc sacrilegium imputari populo & rectoribus Ecclesiæ, nisi illi tanto malo subueniant, illudque prauideant, & uitent. Itaque secundum ipsum doctorem, causa, quare interdicta est populo communio sub utraque specie, est uitatio irreuerentiæ sacramenti, & uitatio sacrilegij, quæ in ea est.

Quocunque autem modo procedamus, siue considerando hanc causam, quam explicat Caietanus, siue eas, quas explicat Alfonso à Castro, siue quas primum posuimus ex Gabriele, inter quas etiam hæc causa à Caietano posita continetur : semper uerum est, sanctam matrem Ecclesiam bonis, iustis, & sanctis causis, ac rationibus adductam eò fuisse, ut populis communionem sub utraque specie prohiberet. Præsertim, quia id non fecit, tanquam ipsa communio in ambabus speciebus sit per se mala, aut aliquo diuino iure prohibita (absit) sed solum ut errores extirparet, ut ueram fidem in animabus fidelium conseruaret integrâ, ut peccatum irreuerentiæ ac sacrilegij uitaret, ut saluti filiorum suorum prouideret. Constat autem harum causarum bonitas, sanctitas, iustitia.

Probatur eadem ueritas in terminis fortioribus. CAP. XIII.



SI communio omnium fidelium esset diuino iure præcepta in utraque specie, posset esse dubium apud doctores Christianos, an ex prædictis causis debuit aut potuit sancta Ecclesia, huiusmodi communionem interdicere populis? Et forte etiam tunc non deessent doctores Catholici, qui dicerent, posse Ecclesiam non diuinum præceptum mutando, sed diuinum præceptum in eo casu interpretando, statuere ex prædictis causis, ut populus non in utraque specie, sed in altera tantum communicaret. Esset enim illud præceptum, si esset, non naturale, seu non morale legis naturalis, & sic non de iusto naturali: sed esset quidem posituum diuinum, seu legis diuinæ positum, & sic quodammodo de iusto politico. Est autem lo-

eus Epiicia, græcè dicta, circa iustum politicum. Quidem positium præceptum erat olim de panibus propositionis, sicut scriptum est, Accipies quoque similes, & coques ex ea duodecim panes, qui singuli habebant duas decimas: quorum senos altrinsecus super mensam purissimam coram Domino statues, & pones super eos thus lucidissimum, ut sit panis in monumentum oblationis Domino. Per singula sabbata mutabuntur coram Domino suscepti à filiis Israël fœdere sempiterno: eruntque Aaron & filiorum eius, ut comedant eos in loco sancto: quia sanctum sanctorum est de sacrificiis Domini iure perpetuo. Ecce præceptum Domini, quo non licebat aliis ab Aaron & filiis suis comedere panes illos: neque eis, nisi in loco sancto. Hoc tamen non obstante, esurienti Dauid dedit Achimelech sacerdos non laicos panes manducandos, sed panem sanctum, qui sublatus fuerat à facie Domini, ut poneretur calidus. Non tamen legitur sacerdos ille unquam punitus, aut eius rei gratia reprehensus.

Similiter præceptum erat de observando die sabbati, & non faciendo in eo opus aliquod servile: sacerdotes tamen in templo aliqua faciebant die sabbati, de his, quæ erant ad ipsum templum eiusque præparationem necessaria. Quæ Saluator noster refert, ut legimus apud Matthæum, non tanquam mala aut peccata: sed tanquam facta quædam, iustis de causis à peccato libera. Qua etiam ratione discipulos suos ostendit innocentes in eo, quod esurientes cœperunt uellere spicas, & manducare, in sabbato: aduersus Phariseos, qui eos in eo facto accusabant, quasi non liceret eis id facere in sabbatis. Ecce uidemus Epiiciam, olim habuisse locum, etiam circa mandata Domini. Ex qua etiam fortassis Apostoli aliquando baptizarunt in nomine Christi, ut legitur in Actibus Apostolorum: quibus tamen dixerat Dominus, Euntes, docete omnes gentes, baptizantes eos in nomine Patris, & Filij, & Spiritus sancti. Licet iam dicatur eos baptizari in nomine Trinitatis, qui baptizantur in nomine Christi, ut Ambrosius in lib. de Spiritu sancto, & Nicolaus Papa cum Ambrosio. De qua re multa uideri possunt apud Magistrum

Epiicia, hæ
bit locum.
Ethi. 5.
Leuit. 24.

De panibus
propositio-
nis.

1. Reg. 21.

Leuit. 24.
Num. 28.

Matth. 12.

Act. 8.
10.

Matth. 28.

Ambros.
cap. 3.
Nicolaus.
De consecr.
dist. 4.

De Cœna, & Calice Domini

A quodā.
Magi. sent.
lib. 4.
dist. 3.

sententiarum; ubi dicit, Sed quod est illud uerbum, quo accedente ad elementum, fit sacramentum? &c.

Mat. 16.

Ioan. 21.

Admiserunt ergo olim illa mandata Dei positiua, Episcopiam, græcè dictam: quia talia erant ex natura rei, quæ possent illam uirtutem, eius actionem, seu directionem, aut interpretationem admittere. Sic posset uideri doctoribus, ut tantundem tribuerent sanctæ Ecclesiæ Christianæ, in qua est omnis potestas Ecclesiastica, quæ necessaria est ad bonam gubernationem animarum in salutem æternam. Quemadmodum Saluator noster dixit Petro, Super hanc petram ædificabo Ecclesiam meam, & portæ inferi non præualebunt aduersus eam. Et tibi dabo clauēs regni cœlorum, &c. Pasce oues meas, &c. Ex quo enim Ecclesia habet plenissimam potestatem Ecclesiasticam atque spiritalem diuinitus sibi datam, quanta necessaria est ad bonam gubernationem & ædificationem animarum: & ex quo nouit omnia diuina sacramenta esse propter animarum salutem instituta, præceptaque de illis esse diuina positiua, & cærenonialia nouæ legis sanctissima; non uideretur abs re, si quis dixisset, posse sanctam Ecclesiam etiam eo casu posito, non contraueniendo Saluatori nostro, nec aliquid mutando circa sacramenta ipsa, sed Episcopizando, in modo dispensandi aliquid statuere, prout sibi uidebitur, aut uideretur, ad salutem animarum necessarium: secundum mutationes temporum, locorum, personarum. Ad hoc enim uidentur facere multa; qualitas seu natura præcepti, quia est illud quidem positiuum; potestas spiritalis Ecclesiæ, quia est potestas diuina, seu diuinitus data, & est plenissima quoad regimen animarum: atque Episcopia ipsa, non parua uirtus, nec superflua, nec diminuta. Maxime, quia non animæ creatæ sunt, propter susceptionem sacramentorum: sed sacramenta instituta sunt, propter salutem animarum.

Inter omnia diuina sacramenta nostra noui testamenti, sacramentum Baptismi uidetur profectò apprimè & maxime necessarium: quia absque dubio est sacramentum regenerationis & renouationis, atque ianua omnium sacramentorum, primaque tabula post naufragium. Vnde præceptum

ptum de illo suscipiendo, uidetur magis urgere, magisque obseruandum, quàm alia præcepta de aliis sacramētis percipiendis. Quum autem olim esset quæstio de baptizatis inter hæreticos seu ab hæreticis, An essent rebaptizandi? dicebat Augustinus secundum ueritatem, quòd non. Vergentibus uerò atque contendentibus Donatistis è contrà, quòd sic: instabat Augustinus aduersus eos fortissimè, ex multis. Videns autem Augustinus ipse, obiectiones aduersariorum, & quas producebant, & quas producere aut formare poterant, constanter asseruit, nullam esse tantam iacturam ex omisione alicuius rei externæ, quæ non posset compenſari fide Catholica, pace Christiana, ac dilectione Dei & proximi. Sermo erat de baptismo. Non timuit tamen Augustinus ita asserere, docens, quòd & si baptizati ab hæreticis, essent iterum baptizandi, totum nihilominus damnum ex omisione proueniens compenſaretur, si secundus ille baptismus omitteretur propter seruandam unitatem spiritus in uinculo pacis. Tanquam fides Catholica, pax Christiana, charitasque Dei & fratrum, satis essent ad refarciendum, compenſandum uel damnum illud, & iacturam. Mihi ergo nullum est dubium quin firmissimè credere debeamus omnes, Augustinam simili modo dicturum esse, si de hac nostra quæstione interrogatus fuisset. Ut reuera, & si communio in utraque specie omnibus fidelibus esset præcepta diuinitus, sicut baptismus cunctis hominibus est præceptus, aut quidem, ex contractu Dei necessarius; dum ex rationabilibus causis sancta Ecclesia aliquam speciem omitteret, fides catholica, pax Christiana, & charitas compenſaret. Vnde potuit Augustinus ita audere, aut ita dicere? Dicendum uidetur, quòd ex natura seu qualitate præceptorum huiusmodi, quia sunt positia, licet diuina, & ex fine sacramentorum, quia propter animarum salutem sunt instituta,

Auguſt.

21. 34.

Ostenditur eadem ueritas seu conclusio ex terminis facilioribus,
in quibus est casus noster. CAP. XVIII.



Sioga

Os autem in casu faciliori sumus, & in aliis terminis non ita difficilimis. Quippe quia & uerè & constanter dicimus, communionem sub utraque specie; non esse cunctis Christianis diuino iure præceptam, sed bene quidem esse cunctis Christianis diuino iure licitam: Ut iam non de re præcepta, sed de re aliàs licita sit sermo noster. Prohibitionibus autem rerum aliàs licitarum; plenus est totus mundus: quia quoties opus est ex aliqua honesta causa sufficiente, toties honestè fit; siue lege Ecclesiastica, siue etiam lege ciuili quoad ea, quæ sunt sui iuris. Ut possint principes suis legibus prohibere, non solum quæ in diuino iure positiuo aut naturali sunt prohibita: sed etiam quæ in quouis illorum iurum sunt licita: modò id fiat iustis de causis, & prout satis declaratum est per doctores.

Licita est igitur huiusmodi communio etiam quoad laicos non præcepta, stando in iure diuino: quia de illa nulum est diuinum præceptum negatiuum, nec aliquod affirmatiuum. Quòd non sit præcepta, iam ut arbitror, monstrauimus satis ad præcedentem articulum contra aduersarios: Quòd uerò sit licita, libenter concedimus. Rursus quòd iustis atque rationabilibus de causis, possit sancta Christi Ecclesia prohibere ne fiat hoc, quod aliàs licebat, etiam non potest uerti in dubium: quia hoc pertinet ad plenitudinem potestatis, quam habet, & de qua non licet nobis dubitare. Sic sancta Ecclesia olim iustis de causis præcepit fratribus, qui erant Antiochiæ, & Syriæ, & Ciliciæ ex gentibus, ut abstinerent se ab immolatis simulacrorum, & sanguine, & suffocato: quæ iam aliàs, eo tempore licebant.

Art. 15.

Sed nunc de causis agimus in particulari, quibus sancta Ecclesia adducta fuit, ut hanc communionem laicis, uel etiam clericis non celebrantibus interdiceret, aut prohiberet: & de his causis in particulari dicimus, quòd fuerunt

bonæ, iustæ, sanctæ, rationabiles. Causas iam proposuimus, atque explicauimus satis: Earum autem causarum, bonitas, iustitia, sanctitas, rationabilitasque, per se patent: quia causæ illæ fuerunt in summa obseruantia reuerentiæ debitæ huic diuino sacramento. Vitatio sacrilegij, extirpatio errorum, salus animarum. Habent uerò hæc, suam bonitatem, iustitiam, sanctitatem, rationabilitatem, atque pietatem manifestam: ut superfluum uideatur, uelle probare de ipsis causis, quod habeant has proprietates, aut prærogatiuas. Vnde ad probandum satis hanc nostram conclusionem primam huius articuli secundi, sufficit ipsarum causarum propositio, atque explicatio: ut statim quiuis uel mediocriter sapiens, cognoscat in illis bonitatem, iustitiam, sanctitatem, rationabilitatem.

Nunquid & sufficientiam? Etiam profectò. Etenim nulla causa uidetur magis sufficiens in huiusmodi prohibitionibus rerum aliàs licitarum, quàm ea, quæ sancta est, iusta, bona, rationabilis: & quæ insuper reuerentiam debitam diuino sacramento respicit, sacrilegij uitationem, errorum extirpationem, animarum salutem.

Probatur secunda conclusio, qua secundo articulo respondetur. CAP. XV.



Secunda conclusio secundi articuli est, Illæ tamen rationes non sic sunt retinendæ aut credendæ, ut nulla ratione, nullaque ex causâ, calicis usus cuiquam de prædictis laicis, uel non celebrantibus clericis sit permittendus.

Probatur autem hæc conclusio eodem modo, & non minus manifestè: licet alia uia, & aliis mediis. Sicut enim certum est ex primo articulo, communionem laicorum sub utraque specie non esse aliquo iure diuino præceptam; sic certum est, eam non esse aliquo iure diuino prohibitam. Næque sicut quod fieri præcipitur, habet aliquod præceptum affirmatiuum: sic quod fieri prohibetur, habet aliquod præceptum negatiuum. Non est autem aliquod præceptum diuinum negatiuum, de communione, de com-

Probatio.

municando; seu de non communicando laicos uel clericos non celebrantes in ambabus speciebus, uidelicet panis & uini. Ostenditur hæc ueritas eodem modo, quo est superius ostensum, non esse aliquod præceptum diuinum affirmatiuum, de communicando laicos uel clericos non celebrantes in utraque specie. Primum, quia sancta Ecclesia catholica, aliquando communicauit & præcepit communicari laicos in duabus speciebus, in odium erroris Manichæorum; atque Nestorij; quæ, si tale fuisset aliquod præceptum diuinum negatiuum, nec illud ignoraret, nec contra illud cognitum faceret. Non enim consuevit facere quicquam contra ips diuinum, quin potius semper omnia diuina iura commendaui, in quocunque euentu. Secundò, quia concilia uniuersalia non interdixerunt laicis & clericis non celebrantibus, communionem sub utraque specie, tanquam aliquo iure diuino prohibitam: sed id fecerunt ob alias causas seu rationes, quas paulò ante memorauimus, iustas, sanctas, bonas, & sufficientes. Tertiò, quia Ecclesia Corinthiorum olim, & nonnullæ aliæ Ecclesiæ particulares postea, seruauerunt illam consuetudinem communicandi in duabus speciebus: & Apostolus Paulus sciebat consuetudinem illam Corinthiorum, non tamen prohibebat. signum euidentissimum, quòd illa non erat contra aliquod ius diuinum. Quartò, quia doctores antiqui & sancti loquuntur de illa communione, tanquam de re licita, sancta, iusta, & bona: ut diuus Cyprianus, Chrysostomus, Ambrosius, & Augustinus, sicut constabit ex dicendis. Vnde certè manifestum est, quòd non putauerunt illam esse prohibitam aliquo iure diuino. Quintò de illa non est ali quod præceptum diuinum negatiuum, quia nullum tale præceptum reperitur in diuina scriptura, aut in aliqua antiqua consuetudine tanquam per traditionem, aut in aliqua determinatione alicuius concilij uniuersalis, aut in aliquo alio illorum locorum, in quibus nos solemus diuina præcepta querere, uel inuenire. Constat ista ueritas discurrendo per singula loca eiusmodi. Firmum igitur esse debet apud omnes Christianos Catholicos, eam communionem non esse aliquo præcepto diuino negatiuo prohibitam, seu

aliàs interdictam. Ex istis autem fundamentis iam sequitur, eam communionem in iure diuino esse licitam. Quandoquidem quod in iure diuino non est prohibitum, profectò in iure diuino est licitum. Deinde uerò sequitur ulterius non minus euidenter, quòd ea communio ex aliquibus rationibus uel causis potest alicui uel permitti, uel concedi. Nihil enim est licitum aliàs, quod non possit ex aliquibus rationibus uel causis concedi alicui: quia hæc est conditio, naturaq; omnium licitorum. Nec aliquid est, quod non possit ex aliquibus iustis ac rationabilibus causis alicui concedi, nisi odium Dei, furtum, adulterium, uel generaliter aliquod eorum, quæ ex natura rei habent inuolutam malitiam, de quibus dixit Aristoteles in suis Ethicis, & multa dicunt doctores Scholastici in suis sententiis. Ista autem communio non habet sic inuolutam malitiam, quia aliàs fuisset iure diuino prohibita, mediata uel immediate, directe uel reductiue: ergo illa potest concedi alicui, rationabilibus, iustisque de causis. De re habente aliquam deordinationem, ut expressè de pluralitate beneficiorum, concedit Sanctus Thomas, quòd potest sic ex quibusdam rationibus honestari, ut licite concedatur: multo igitur magis hoc ipsum dicere debemus de ista communione, quæ nullam talem habet deordinationem aut deformitatem. Ita & de matrimonio docent doctores communiter, quòd cum aliàs habeat coniunctio illa carnalis nescio quid deformitatis, excusatur tamen per bona matrimonij. Si enim attendimus, non admittunt doctores quòd illa pluralitas beneficiorum aut etiam carnalis coniunctio, sint ex suo genere ita indifferentia, sicut leuare festucam: sed alio modo illa considerant, & nihilominus illa & rationabilibus causis saluant, atque concedunt. Quanto magis in ista communione? Ista namque nullum habet inconueniens ex se, nec aliquam de se habet deformitatem aut deordinationem: sed omnia iucontentientia sunt, illi extrinseca, & quæ possunt ab extrinseco accidere, uel nò accidere. Eodè spectat, quòd doctores agentes de ista communione, non agunt de illa, tanquam de re illicita, sed solum tanquam de re non expediente. Vnde Caietanus ita mouit

Quod sit
licitum in iure
diuino.

S. Tho.
quolib. 9.
quest. 7.

Lib. 4. sent.
dist.

De Cæna, & Calice Domini

*Caictanus.
par. 3.
quæst. 80.
art. 12.*

quæstionem, An expediat Ecclesiæ Christi, quòd populus communicet sub utraque specie? & cum putasset aut iudicasset quòd communio populi sub utraque specie habet periculum connexum irreuerentiæ in spargendo sanguinem Christi, quòd esset grauissimum & maximum sacrilegium, ita posuit conclusionem, Expedit igitur Christianis populis communicare sub speciebus panis tantùm, & ad euitandum sacrilegij periculum, & ad meritum, tam obedientiæ prælatis sedis Apostolicæ communionem hanc habetibus parendo, quàm reuerentiæ, magnificando plus sacramentum hoc, quàm affectum proprium ad utranque speciem. Quod autem ex natura sua non est illicitum, sed ex quibusdam aliis accidentibus est non expediens: sublati illis ex quibus non expedit, iam licet. Licebit igitur sine dubio ista communio ex aliquibus rationibus, quæ euenire possunt: ita simul providendo, ut non sit periculum necessarium, probabile, aut frequenter, seu ut in pluribus aut ut in plurimum contingens: modo etiam alia tollantur inconuenientia. De hac re autem, abundantius & specialius statim ad articulum sequentem. Interim quatuor ego hic considero, quæ mihi hanc ueritatem demonstrant. Primum, quòd communio laicorum sub utraque specie, de se in iure diuino, & secundum sibi intrinseca, est licita: quia ut sic, nullam includit malitiam, aut deformitatem, aut prohibitionem. Secundum, quòd illa communio est magis consentanea per modum assimilationis, institutioni sacramenti, integritati sacramenti, & integritati sensibilis refectionis: ut etiam notat, & concedit Caictanus. Tertium, quòd illa communio fuit in nonnullis ecclesiis olim obseruata, tempore Apostolorum, Martyrum, & aliorum sanctorum, ut palam est omnibus, & constabit inferius ex dicendis. Quartum, quòd ex iustis causis Leo Papa concessit illam generaliter, ut est notum. Ex istis enim iam sequitur euidenter, quòd & modò ita potest fieri: si uidelicet causa talis suppetat, iusta, rationabilisque. Confirmatur hoc manifestè, quia concilium Basileense antequàm declinaret, concessit huius modi communionem sub certis regulis, conditionibus, doctrinis, aut decretis, creden-

*Caictanus.
ubi supra.*

dis & obseruandis. Ergo illæ rationes non sic sunt retinendæ, ut nulla ratione, nullaque ex causa, calicis usus cuiquam de prædictis, laicis uel clericis non celebrantibus sit permittendus, aut concedendus: quin potius uideatur & est dicendum; posse dominici Calicis usum concedi, si causa adsit iusta, honesta, rationabilis, modo exposito, & seruatis seruandis.

An nunc subest talis causa, iusta, honesta, rationabilisque, concedendi calicem Domini aliquibus laicis? De hac quæstione, paulò post. Nunc enim de eo solo agimus, & ad hoc atq; in hoc nitimur, ut ostendamus sanctam matrem Ecclesiam olim ex iustis causis huiusmodi communionem iustè laicis atque clericis non celebrantibus interdixisse, & eandem sanctam matrem Ecclesiam modò ex iustis causis huiusmodi communionem iustè laicis atque clericis non celebrantibus concedere posse. Ea duo genera hominum mihi summè displicerent. Primum, si qui dixissent sanctam matrem Ecclesiam, etiam supposita iusta causa, non posse hanc communionem ullis laicis concedere. Secundum, si qui dixissent non posse nunc aut ex nunc aliquam talem iustam causam subesse, qua adducta sancta mater Ecclesia ualeat hanc communionem laicis aliquibus iustè concedere, aut rationabiliter, & sanctè. Potest enim sine dubio talis causa subesse iusta: quia eam esse nec repugnat, nec aliquam contradictionem implicat. Atque ea causa posita, non potest esse dubium, quin sancta mater Ecclesia id concedere possit. Habet namq; totā potestatem plenissimā pascendi, gubernandi, dirigendiq; omnes Christi oues in cælum: sicut Dominus dixit Petro, Tibi da bo clauēs regni cælorum. Et iterum, Pásce ouēs meas.

Ponuntur iterum conclusiones respondentes ad tertium articulum, & probantur.

CAP. XVI.



Rticulus tertius duas sortitus est conclusiones, quarum prior est, Si honestis & Christianæ charitati consentaneis rationibus cōcedendus alicui uel nationi uel regno calicis usus uideatur, ille non absolutè, sed sub

De Cœna, & Calice Domini

aliquibus conditionibus concedendus est, propter rerum, & temporum difficultates. Posterior est, Conditiones sub quibus eo casu ita alicui nationi uel regno usus calicis concedendus sit, uidentur debere esse illæ, quæ in concilio Basileensi antequàm declinaret, sunt expressæ, cum nonnullis aliis, quæ inferius explicantur.

Conclusio prior probatur, Primùm, ut secundum morem priorum patrum procedamus, qui ad eandem rem ante nos, sapienter, piè, ac prudenter processerunt. Etenim in concilio Basileensi cum patres istam communionem ex iustis causis concedere Boëmis uoluissent, eam non absolute, sed sub quibusdam conditionibus præstiterunt, quas paulò post ad sequentem conclusionem explicabo. Secundò, quia cum ista communio non simpliciter & absolute, sed propter rationabiles causas fuisset populis prohibita, ad extirpandos errores, uitandaque pericula: conueniens est, ut modò etiam non simpliciter & absolute, sed sub quibusdam conditionibus concedatur, quibus & errores, & pericula prædicta probabiliter euitentur, prout humana potest uel facere, uel cogitare conditio. Aliàs, profectò non uideretur tutum, nec placet. Nec nos meliores, sumus aut prudentiores quàm patres præcedentes, qui istam communionem populis non nisi sub quibusdam conditionibus concedebant in prædicto Basileensi concilio, quibus & erroribus & periculis subuenire curabant. Posterior conclusio probatur, tum quia illæ conditiones in se uidentur bonæ iuxta materiam: tum quia illæ iam à patribus fuerunt probatæ, uiris catholicis, & doctissimis. Sunt autem illæ conditiones, quæ sequuntur, Prima, quòd crederent communionem sub utraque specie, non esse præceptam. Secunda, quòd crederent & docerent laicos non peccare, qui sub una specie communicant. Tertia, quòd crederent & docerent, non plus sumi sub duabus speciebus, quàm sub una: Quarta, quòd sub una specie sumatur totus Christus, id est, tam corpus eius, quàm sanguis. Quinta, quòd aduersarij in Ecclesiis suis laico petenti alteram speciem, non denegent. Sexta, quòd cura adhibeatur per uirumque potestatem, ne sacramento calicis irre-

uerentia exhibeatur. Igitur in concilio Basileensi iam olim tractatum fuit; An adiectis conditionibus, populo utraque species permitti possit? & propositis illis sex conditionibus, satis probabile uidebatur, quod sub utraque specie communicarent Boëmi.

Illæ sex conditiones per modum articulorum, doctrinarum, aut dogmatum benè instituunt homines contra errores, Nestorij, Manichæi, ac Pelagij: & ut uidetur, etiam contra omnes alios, qui circa istam sacram materiam euenire possunt. Non tamen aliquid agunt, aut tradunt de periculis uitandis, effusionis sanguinis sub specie uini, stillationis, conseruationis pro infirmis, portationis ad infirmos: quibus tamen prouidere, non minus uidetur necessarium fore, propter sacrilegium uitandum. Addere igitur illis sex conditionibus alias, quæ concernerent pericula uitanda, seu potius periculorum euitationem. Eæ autem sunt, Prima, ut sanguis Domini non reſeruetur sub speciebus uini, pro infirmis uel aliis communicandis. Secunda, ut sanguis Domini non portetur extra Ecclesiam ad infirmos.

Tertia, ut sacerdos non communicet de Calice Domini populum in magna multitudine simul, propterea quod in magno numero personarum, probabile sit periculum effusionis, distillationis, uel irreuerentiæ. Istæ duæ conditiones primæ, id est 1. & 2. uidentur ualde rationabiles, & conformes antiquis iuribus olim obseruatis: etiam eo tempore, quo populus de Calice Domini communicabat: & tertia non minus est rationalis & iusta, ut constat omnibus. Positis autem istis conditionibus, iam periculum effusionis sanguinis Domini, uel sacrilegium inde sequutum, non erit casus probabilis, eueniens ut plurimum, aut frequenter: sed utiq; erit de raro contingentibus, & non opinatis. Sic uerò cum casus fuerit ita mutatus, ut iam sit raro contingens, & inter casus inopinatos computandus: non uidetur, quare illa dicta communio non possit concedi laicis, urgentibus aliis rationibus: & ipsis eam petentibus, propter specialem deuotionem. Placet igitur, ut dicamus huiusmodi communionem posse licitè concedi, seruatis illis sex conditionibus, & seruatis istis tribus: quibus suffi-

*De consacr.
dist. 2.
c. Peruenit.
c. Presby.*

Vbi supra.

Ruardus
Tapper.
art. 15.

cienter contra errores, atque contra pericula præcauetur. Caietanus, ut iam diximus paulò ante, mouit quæstionem, An expediat Ecclesiæ Christi, quòd populus communiceet sub utraque specie. Respondendo autem notat nonnulla notabilia, inter alia est, quòd communicatio popularis sub utraque specie, est cum periculo irreuerentiæ in spargendo sanguinem Christi, & habet annexam irreuerentiam sacramenti. Alterum est, quòd huiusmodi irreuerentia, est sacrilegij peccatum. Primum probat ut inquit, per experientiam & rationem: quia in populis tanta est diuersitas communicantium, ut impossibile sit (humano more de impossibili loquendo) fieri communionem tot populorum sub utraque specie, absque effusione sanguinis sub specie vini. Secundum probat, & supponit quasi per se notum, quoniam est irreuerentia rei sacratissima. Ex istis concludit, quòd expedit Christianis populis communicare sub specie panis tantum, & ad uitandum sacrilegij periculum, & ad meritum obedientiæ: licet communicatio populi sub specie utraque, sit magis consentanea per modum assimilationis institutioni sacramenti, & integritati sacramenti, & integritati sensibilis refectionis. Ruardus Tapper in explicatione articulorum facultatis theologicæ uniuersitatis Louaniensis, simili modo quæsiuit, quid magis expediat Ecclesiæ? An quòd populus sub utraque specie communiceet? An sub altera tantum? quid uè sit melius? Et, An eis, qui sub utraque specie communicare consueuerunt, hoc sit permittendum, maximè si hac permissione conciliari possit pax & tranquillitas Ecclesiæ? Deinde dicit, Hunc enim articulum iam multis annis urgent Germani, ut eis permittatur atque concedatur, sicut Boëmi tempore concilij Basileen. Respondendo autem sentit cum Caietano, & ait, Primum, quòd habito respectu ad sacramentum eiusque perfectionem, magis conueniret sub utraque specie fieri communionem, quàm sub altera tantum. Hoc enim magis consonum est eius institutioni & integritati, & refectioni corporali, immo & exemplo Christi & patrum primitiæ Ecclesiæ, qui extra Iudæam sub utraque specie sacram Eucharistiam dispensabant in Ecclesia etiam Romana, ut su-

præ diximus. Nam in canone missæ simul complectendo
 assistentes dicimus, Ut quotquot ex hac participatione, fi-
 lij tui corpus & sanguinem sumpserimus, &c. & expressior
 est mortis domini representatio. Secundum, quod alia ra-
 men consideratione, reuerentiæ uidelicet, quæ huic sacra-
 mento debetur, utque in eius usu omnem uitemus irreue-
 rentiam, minus conuenit atque etiam malum est, nulloque
 modo Ecclesiæ expediens, quod populus Christianus sub
 utraque specie communicet. Nam hæc communio popu-
 laris sub utraque specie, periculum sacrilegij habet anne-
 xum in spargendo sanguine Christi. Hæc ille. Et paulò
 post, Omnibus igitur, inquit, consideratis, Christiano po-
 pulo magis expedit communicare sub specie panis tantum.
 Et postea, Ex quibus, inquit, patet, quod non expedit
 concedere uel permittere Boëmis & Germanis, ac his, qui
 iam multis annis ita communicauerunt, ut sub utraque spe-
 cie communicent: non solum ob periculum sacrilegij &
 irreuerentiæ erga istud sacramentum, uerum etiam pro-
 pter hæreticam radicem, ex qua primum apud eos utriusque
 speciei communicatio est nata, quam eorum doctores &
 pastores palam docuerunt & docent ex Christi præcepto &
 institutione esse necessariam. Et ideo quia ex hoc errore
 ortum habet hæc communio, nec causæ cessant, ob quas
 ab ea per totam Ecclesiam recessum est, nullo modo est con-
 cedenda, nec expressè petmittenda, si utiliter prohiberi
 possit, ne fomentum & fauor pestilenti & hæretico errori
 præstetur. Hæc ille. Paucis interpositis, dicit iterum, An
 autem adiectis conditionibus, populo utraque species per-
 mitti possit, tractatum fuit in concilio Basileensi in gra-
 tiam Boëmorum, & propositis sex articulis, satis tolera-
 bile uidebatur, quod sub utraque specie communicarent.
 Hæc ille. Qui auctor cum ibi explicasset illos sex articu-
 los, eos uidelicet, quos supra memorauimus, adiecit sta-
 tim, Quibus admissis, An ob communem pacem & tran-
 quillitatem, & schismaticorum ad Ecclesiam catholicam
 reductionem, hæc permissio eis fieri possit, potissimum ad
 prudentiam pertinet. Ponderandum namque est periculum
 iniuriæ sacramento inferendæ, & malæ, quæ ex hac per-

missione uerissimiliter sequentur. E diuerso autem expectandum est & lucrum animarum, & Ecclesiæ tranquillitas: quid horum, alteri secundum ueram æstimationem præponderet. Quâdiu enim permanent in opinione necessitatis sumendi utranque speciem contra Ecclesiæ consuetudinem & conciliorum definitiones, grauiter peccarent, immo ad iudicium & animarum damnationem sacramentum susciperent, nec sacerdos eis sacramentum istud sic ministrare posset, dicente domino, Nolite sanctum dare canibus; &c. Ita procedit semper illa auctor, ut magis uideatur uel asserere uel innuere, quod nec sic sub illis conditionibus expediat laicis communionem utriusque speciei concedere.

Verum nos, omnibus his uisis, omnibusque consideratis, magis accipimus sententiam patrum, qui in concilio illo Basileensi fuerunt, antequam declinarent; ut secundum illam credamus firmiter, quod sub illis sex conditionibus, quæ errorem tollunt, & sub aliis, quæ cõtra irreuerentiam sacratissimi sacramenti atque contra sacrilegium & pericula prouident, potest huiusmodi communio laicis, concedi, nec solum permitti. Maximè attentis istis, quæ modò in isto sacro concilio generali Tridentino proponuntur, Ut catholici in sancta Ecclesia conferuentur; ut qui exierunt, reducantur, pax & tranquillitas fidelium, & schismaticorum ad Ecclesiam catholicam reductio. Præsertim quia cum Imperator & nonnulli Reges ac principes id petant, nullum potest ex tali concessione uenire scandalum: nisi fortè ex opposito magis scandalum oriatur, si huiusmodi communio non concedatur. Itaque igitur, ego (saluo meliori iudicio) in ea sum sententia, qua firmiter credam, eam communionem sub prædictis conditionibus aut regulis posse concedi laicis.

Moueor ad istam sententiam, ex illis rationibus, quas paulò ante iam posui, quando secundam conclusionem secundi articuli probaui. Illa enim communio laicorum sub utraque specie, quidem secundum intrinseca sibi, stando in diuino iure & secundum illud iudicando, est licita: atque nec per se ullo modo, nec ab intrinseco habet ullam

malitiam. Sed si quæ sint, unde illa fuerit prohibenda, ea sunt illi communioni accidentalia, & ab extrinseco. Non est autem dubium, quin contra accidentia extrinseca possit sufficienter prouideri in materia præsentis; nec potest dubitari, quin illis omnibus sufficienter prouideatur, modo prædicto, cum illis omnibus conditionibus. Deinde, quia illa communio, ut iam dixi, fuit olim seruata in nonnullis Ecclesiis temporibus Apostolorum, Martyrum, & aliorum uirorum sanctorum: ut constat de ecclesia Corinthiorum illis primis diebus, ex Apostolo: ut constat de ecclesia Dionysij Areopagitæ, ex ipso Dionysio in de Ecclesiastica Hierarchia: ut constat de ecclesia Hierosolymitana tempore Cyrilli Episcopi illius, ex ipso Cyrillo. Tertiò, quia illa communio est magis consentanea per modum assimilationis, institutioni sacramenti, integritati sacramenti, & integritati sensibilis refectionis: accedit enim magis ad institutionem, quia ea fuit & est in utraque specie: accedit etiam magis ad sacramenti integritatem, quia sacramentum Eucharistiæ in utraque specie integratur quodam modo speciali: accedit quoque magis ad integritatem refectionis, quia illam expressius repræsentant duæ species, quàm altera tantùm. Quartò, quia Leo Papa, uir quidem sanctissimus & doctissimus, istam communionem ob certas causas seu rationes iustas, concessit aut præcepit generaliter omnibus: ita uolens ut omnes sub utraque specie communicarent, uel saltem communionem huiusmodi non relinquerent. Quintò, quia uniuersale concilium Basileense cum illis prædictis regulis, illam concedebat Boëmis. Ergo sancta Ecclesia, quæ modò est, potest non secus idem ex rationabilibus & iustis causis concedere. Habet enim eandem potestatem, habetque eandem prouidentiam, & gubernationem, auctoritatem, atque idè imperium. Et ut constat ex eodem concilio Constantiensi, ipsum non interdixit huiusmodi communionem laicis utcunque, sed eam non esse illis necessariam ad salutem, declarauit, & ne quis deinceps illam sine licentia Ecclesiæ acciperet, præcepit. Nota sunt hæc ex uerbis illius concilij suprapositis.

1. Cl. 10.
 & 11.
 Dionysius.
 cap. 3.

De Cœna, & Calice Domini

Ostenditur sanctam matrem Ecclesiam modò iustam & rationabilem causam habere concedendi quibusdam laicis hanc communionem in utraque specie, sicut olim habuit dum eam laicis concessit.

CAP. XVII.



IOAN. 21.

N sancta Ecclesia habet modò iustas & rationabiles causas cōcedendi, sicut olim habuit? Alia est quæstio. Hic nunc requiritur iudicium. Ad sanctissimum dominum nostrum Pium III. Papam pertinet iudicare de his, qui modò est Christi Vicarius generalis cum plenitudine potestatis, & Petri Apost. successor, cui in Petro primùm & principaliter & quantum ad totam sollicitudinem, dixit Saluator, Pasce oues meas. Quia uerò, ipso agente, hic patres congregati sumus, & quia nobis ad proposita respondentibus, etiam de hac re licet dicere nostras sententias, dicam ex corde, quid sentio. Audiui in hoc sacro senatu coram illustrissimis dominis Legatis & reuerendissimis patribus, illustres legatos sacræ Maiestatis, Christianissimi ac inuictiss. Imperatoris Ferdinandi semper Augusti, proposuisse per sua scripta, nonnulla, quæ istam materiam concernebant, idque nomine Cæsareo; affectuosè petentes communionem sub utraque specie concedi populis Christianis, Vngariæ, Boëmiæ, & nonnullarum partium Germaniæ. Addentesque his, hoc sibi uideri necessarium, tum, ut populi, qui hætenus in illis partibus sunt Christiani Catholici, in ea catholica religione conferuentur; tum, ut de reditu aliorum, qui aliàs à nobis Satanica suggestionem descuerunt, aliquando possimus aliquam concipere spem bonam. Asserentes insuper, quòd nisi hoc concedatur illis, qui apud eas partes Catholicam fidem atque sanctæ Ecclesiæ Romanæ obedientiam retinent, & obseruant, quasi certum esse, illos breui perditum iri, & Catholicam fidem relinquere: nec eos posse Imperatorem aliàs in Christiano officio catholico continere. Audiui oratores Christianissimi Regis Gallo- rum, postea in hoc eodem sacro conuentu supplicantes

nomine Regis sui, ut ea petitio Oratorum Imperatoris, admitteretur; declarantes simul se non habere in mandato suo specialiter, ut hoc nomine Regis sui postularent: habere tamen clausulam generalem de procurandis bonis, quæ ad bonum statum Ecclesiæ & salutem animarum pertinerent. Virtute cuius declatauerunt, se hoc petere, tanquam rem importantissimam, & saluti animarum uel maximè, uel ualde necessariam, his temporibus: Non quasi dicerent illam communionem esse præceptam, sed tanquam sentirent, eam esse à multis multum desideratam. Audiui & hîc etiam Oratorem excellentis Ducis Bauariæ in sua oratione publica, nomine ipsius domini Ducis, idem asserentem, idemque petentem, quod oratores Cæsareæ Maiestatis. Vnde ij omnes in eam sententiam conueniunt, qua existiment necessarium ad Christianos homines in Catholica religione Christiana continendos, concedi laicis illarum partium, communionem sub utraque specie, Imperator inuictissimus, Christianissimus Rex Gallorum, & excellens Princeps supra dictus, Dux Bauariæ. Ob quod insuper, illi omnes petunt hoc fieri, propter Ecclesiæ sanctæ bonum, & animarum salutem. His autem omnibus auditis, consideratis, & bene attentis, atque mecum sæpe discussis, primùm & ante omnia firmiter credo eos tot, tantos, talesque principes, in corde suo ita iudicare, atque ex corde ita nobis proponere per suos legatos, hanc communionem esse concedendam, ut homines Christiani in Catholica religione contineantur. Secundo, ego credo eos in hac re esse fide dignos: tum propter qualitates suarum personarum, quibus sunt omni acceptione digni, & omni exceptione maiores, tum propter experientiam eius rei, quam habent à multis diebus, de his, quæ apud eos in suis uassallis, subditis, aut populis uicinis sciunt frequenter fieri. Tertiò & ultimò, istam necessitatem continendi Christianos homines in fide Catholica & pace Christiana, ego (saluo meliori iudicio, & sub correctione huius sacre synodi) iudico in conscientia mea, esse causam sufficientem ut hominibus catholicis illarum partium concedatur communio sub utraq; specie, cum illis

De Cœna, & Calice Domini

conditionibus, considerationibus, ac regulis prædictis. Nec possum in conscientia mea iudicare hoc non necessarium, ex quo illi principes rerum omnium & maximè huius rei experti, hoc iudicant necessarium: nec possum istam necessitatem non iudicare esse causam sufficientem. Est enim profectò ipsa talis necessitas, causa sufficiens. Quid enim de rebus ex suo genere licitis non debemus facere, uel saltem non possumus facere, ut Christianos homines in fide de Catholica & pace Christiana cõtineamus? Est ista causa sufficiens, ut statim constat per se omnibus considerantibus: sed constabit magis sua sufficientia, si ea cum aliis causis comparetur, propter quas sancta Ecclesia uel uniuersaliter, uel particulariter huius modi communionem aliquando concessit laicis. Semper enim in causa fuit, ut sancta Ecclesia suos filios uel à malo auocaret, uel in bono conseruaret, aut confirmaret. Ex quo igitur est potestas in Ecclesia ad hoc aliquando concedendum, est pietas in causa, est necessitas in personis ut contineantur in bono; non dubito quin hoc possit fieri iustè, licitè, atque sanctè: nec dubito ullo modo de sufficientia huius causæ, quæ assignatur.

*Caietanus
ubi supra.*

Quid dicendum ad sententiam domini Cardinalis Caietani, qui putauit, & in suis scriptis iudicauit expedire Christianis populis, communicare sub specie panis tantum? Respondeo duobus modis. Primum dico, ipsum locutum esse de hac re simpliciter, & non in casu necessitatis: ut uidere est in tota illa sua quæstione, in qua non interponit ullam necessitatem. Secundò & melius dico, quòd ipse loquitur in alio casu, & non in nostro. Loquitur enim ipse, ut constat, in casu, quo communio laicorum habet necessariò annexam uel connexam effusionem sanguinis, & per consequens grauissimum sacrilegium, & irreuerentiam sacramenti: unde ipsum sacrilegium ponit non inter casus inopinatos, aut rarò contingentes, sed inter necessarios euentus morales. Nos autem non loquimur in eo casu, sed loquimur in alio differentissimo, uidelicet quando illa sanguinis effusio non potest computari inter casus moraliter necessariò uenientes: sed debet computari inter casus inopinatos,

opinatos, ac rarò contingentes. Quia non loquimur de communione laicorum absolutè, ut communicent omnes ubi, quando, aut quomodo uoluerint, & in quocunque numero: quia ut sic, fortassis moraliter loquendo, necessariò ueniet sanguinis effusio aliqua, propter multitudinem populorum simul communicantium, aut simul communicare uolentium. Loquimur autem de comunione laicorum conditionaliter, aut secundum quid, id est, sub certis conditionibus, regulis & decretis, quibus illa effusio ex toto tollitur, uel saltem profectò à genere in genus secundum regulas morales mutatur. Quomodo mutatur?

Quia in illa communione absolutè considerata uenit illa effusio quasi necessariò moraliter, & est de futuris necessariis, seu de frequenter euenientibus, aut in plurimum: in ista uerò communione considerata secundum quid, aut non ueniet illa effusio, aut erit de casibus inopinatis, uel rarò contingentibus, propter regulas appositas, quæ optimè prouident, cauent, & uitant. Translit ergo illa effusio à genere in genus, secundum regulas & considerationes bonas morales. Et sic, nihil determinamus contra Cæietanum, sed fortè sentimus, aut sentiremus cum illo, si esset sermo de communione laicorum absolutè. Ita etiam credimus quòd ipse determinaret nobiscum, si olim locutus esset de communione laicorum conditionalè, aut secundum quid, & cum prædictis modificationibus, uel aliis etiam opportunis. Aliud enim genus, aut alia species est futurorum necessariorum, frequenter, seu ut in plurimum uenientium: & aliud genus, aut alia species est futurorum inopinatorum, seu nunquam, seu rarò contingentium.

Explicatur magis eadem sententia precedens, latiusq; ostenditur, triaq; adducuntur notabilia. CAP. XVIII.



Ideo his temporibus, & hoc in loco, sanctissimos doctissimosque patres, in eo solo esse differentes circa huiusmodi communionem concedendam uel non concedendam laicis prædictis, quòd quidam dicunt eam com-

De Cœna, & Calice Domini

munionem non expedire, quidam uerò ècontra existimant & ita aiunt eam expedire, ex causa prædicta & conditionibus appositis. Tanquam omnes in eo conueniant, quòd omnes fatentur hanc communionem laicis aliàs quantum est de se, esse licitam in iure diuino; sed eam nunc non expedire propter adducta inconuenientia, quæ iam memorauimus. Vt non sit quæstio inter patres de hoc, tanquam de re non expediente & aliàs etiam illicita: sed tanquam de re aliàs licita, ut dictum est, An sit expediens, aut non. hoc est, an expediat huiusmodi communionem concedere, uel non expediat. Et in hoc uersatur totum præsens negotium, quantum pertinet ad petitionem illustrissimorum Oratorum sanctæ Cæsareæ Maiestatis, & aliorum nominatorum.

Placet in primis quòd omnes patres in eo conueniunt, ut omnes dicant communionem hanc aliàs licitam esse, ui delicet stando in solo iure diuino, & considerando illam secundum se in tali iure. Non tamen miror quòd quidam eam expedire negant: quidam autem eam expedire affirmant. Non miror, inquam, in eo quòd uideo hanc differentiam modò esse inter patres sanctissimos & doctissimos uiuentes: quia uideo eandem iam fuisse inter patres sanctissimos & doctissimos hac uita functos. Sic enim fuerunt differentes patres sanctissimi & doctissimi, qui fuerunt ante nos. Caietanus namque & post ipsum Ruardus Tapper, ut constat ex allegatis dictis eorum, putauerunt hanc communionem non expedire: patres uerò qui fuerunt in concilio Basileensi antequàm declinaret, iudicauerunt hanc communionem expedire, sub illis certis conditionibus aut decretis. Et fœlicis recordationis Paulus tertius, illud idem concessit ad instantiam Caroli Quinti fœlicissimæ ac gloriosissimæ memoriæ. Hinc ergo rectè nō miror in eo quòd uideo patres & doctores uiuos in ea re differentes esse, in qua re scio patres & doctores iam demortuos, differentes fuisse. Non igitur inficias eo aliquam earum sententiarum, aut defensores illarum: habet unaquæque auctores, quos sequatur, habetque fundamenta sua non contemnenda.

Sed quæso, nos in quam sententiam præcedentium de-

Caietanus.
Ruardus.

Concilium
Basileë. an
tequam de-
clinaret.

clinamus? Ut uerum fateamur, omnibus consideratis, magis placet sententia patrum, qui sententiam concilij Basileensis sequuntur, quam tenuit de hac re, antequam concilium ipsum declinasset, tentando quoad alia, quæ tentare nec debuit, nec potuit: Et quam tenuit scilicet recordationis Paulus tertius, eam communionem concedens. Nihilominus priusquam meam explicatius proferam sententiam, nonnulla adnotare libet, pro abundantiori declaratione.

Primum notabile est, quod licitum non expediens, non eodem modo, sed potius uariis & differentissimis modis accipitur. à doctoribus nostris, & Catholicis & sanctis: estque sermo eorum audiondus & intelligendus & ualde notandus, ut ueram intelligentiam habeamus eius uerbi Apostoli, Omnia mihi licent, sed non omnia expediunt.

*Notab. 1.
licitum non
expediens,
uariis mo-
di accipi-
tur.*

Apostolus ad Corinthios, non uno loco, sed duobus dicit, Omnia mihi licent, sed non omnia expediunt. quibus locis, de licitis non expedientibus agit. Circa quod uerbum (cum tamen aliàs sit manifestum omnibus, quæ sunt licita, & quæ sunt non licita: quæ sunt expedientia, & quæ sunt non expedientia) non ita omnibus manifestè liquet, quæ sunt licita non expedientia, aut quod, seu quid est licitum non expediens.

*1. Corin. 6.
& 10.*

Quidam enim uidentur sic existimare, ut licita non expedientia, eo casu, quo non expediunt, etiam non liceant: quãuis aliàs extra illum casum licerent, & licita essent ex iure extra illum casum. Verbi gratia, quemadmodum si quæ licita sunt in iure, in aliquo casu particulari afferrent scandalum, & præstarent alicui impedimentum salutis, aut essent paruulis causa ruinæ: Tunc enim manifestum est, quod quæ aliàs licebant extra illum casum, iam non licent in illo casu: & quæ erant licita, sunt non expedientia: atque per consequens, sunt in illo eodem casu illicita. Hunc sensum uidentur innuere S. Ambrosius in suis cõmen. super Apostolum ad Corinth. S. Thomas in suis, & Opusculo 2. r. Nicolaus Lyra. in suis commentariis, & Adrianus in lib. 4. sententiarum. Quasi omne, quod licet & non expedit, eo casu quo non expedit, etiam non liceat: & si aliàs liceret, aut esset licitum. Possunt uideri omnes illi doctores.

*Ambrosius,
S. Tho.
Nicol. Lyr.
Adrianus.*

De Cœna, & Calice Domini

August.
lib. 1.
Tomo 6.
cap. 15.

Ibidem
cap. 16.

Ibid.
cap. 17.

Augustinus in de adulterinis coniugiis ad Polentium, ait, Omne, quod non licet, non expedit: nec tamen omne, quod non expedit, etiam non licet. Sunt quippe licita, quæ non expediunt, sicut Apostolo teste didicimus. Idem Augustinus infra statim, continuando sermonem, inquit, Sed inter id, quod illicitum est, & ideò non expedit, atque id, quod licitum est, nec tamen expedit, quid intersit, aliqua uniuersali regula definire difficile est. Citius enim quis dixerit, Omne, quod fieri non expedit, peccatū est. Omne autem peccatum, illicitum est. Omne ergo, quod non expedit, illicitum est. Et ubi erunt illa, quæ licita esse, sed non expedire, Apostolus dicit? si omne, quod non expedit, licitum non est? Quapropter quia, uerum dixisse Apostolum, dubitare non possumus; & aliqua peccata esse licita dicere nō audemus; restat ut dicamus, fieri aliquid, quod non expediat; & tamen si licitum est, non esse peccatum, quāuis quoniam non expedit, non sit utique faciendum. Quod si absurdum uideretur, ut aliquid fiat, quod non expedit, & dicatur non peccasse, qui fecerit; intelligendum est hoc ex consuetudine sermonis absurdum, quæ ita latè patet, ut etiam iumenta, quāuis sint rationis expertia, tamen plerunque dicāmus debere uapulare cum peccant. Peccare autem propriè non est nisi eius, qui utitur rationali uoluntatis arbitrio, quod in omnibus mortalibus animantibus non nisi homini est diuinitus attributum. Sed aliud est cum propriè loquimur, aliud cum uerba ex aliis rebus trāsferendo uel abutendo mutuumur. Hæc ille. Sequitur statim, Vt igitur si possumus enitāmur inter id, quod licet & non expedit, & id, quod non licet atque ideò non expedit, aliquo certo sine distinguere: ea mihi uidentur licere, & non expedire, quæ per iustitiam quidem, quæ coram Deo est, permittuntur; sed propter offensionem hominum, ne ob hoc impediantur à salute, uitanda sunt. Ea uerò non licere, & ideò nec expedire, quæ sic ipsa iustitia uetantur, ut facienda non sint: etiam si ab eis, quibus in notitiam fuerint perlata, laudentur. Quod si ita est, ideò non nisi illicita prohibentur à Domino, ut ea, quæ licita sunt, & non expediunt, non legis uinculo, sed libera discre-

tionis (uel aliàs, dilectionis) beneficentia caueantur. Hæc ille. Quæ, quo modo intelligantur, tum ex seipſis, tum ex antecedentibus & ſubſequentibus, conſtat ſatis.

¶ *Irenæus* ille Chriſti glorioſus Martyr, ſic alio modo putat intelligendum hunc locum, ſeu uerbum Apoſtoli, ut omnia dicerentur dicta licita, propter libertatem uoluntatis, qua poſſumus omnia uelle atque facere, uel non uelle nec facere: non autem omnia dicantur expedientia propter legem prohibentem, quæ nonnulla prohibet.

¶ Itaque igitur notum eſt omnibus, quæ ſunt licita, quæ ſunt non licita ſeu illicita: quæ ſunt expedientia, & quæ non ſunt expedientia. Quandoquidem licita ſunt, quæ nulla lege prohibentur: illicita ſunt, quæ aliqua lege ſunt prohibita. expediens eſt ſeu dicitur & eſt, quod ſine impedimento poteſt fieri: & non expediens, quod præſtat impedimentum ad conſecutionem finis intenti. Et rurfus, expediens poteſt habere multas acceptiones aut ſignificationes, ſicut uerbum, expedio, expedis: atque ſicut uerbum, expedire, in tertia perſona ſingularis uel pluralis numeri: quo modo accipiendo, expediens eſt, utile ſeu bonum ac neceſſarium. Sic autem intelligendo, non expediens, eſt per oppoſitum.

¶ *Notab. 2.* Secundum notabile eſt, De Germanis, Boëmis, aut Ungaris, ſeu aliis etiam, uariis modis poſſumus agere uel loqui: quia poſſumus habere ſermonem aut de Germanis populis, aut de Germanis hominibus: & iterum de Germanis hominibus dupliciter, quia de Chriſtianis catholicis pa-
cem; gratiam atque communionem Apoſtolicæ ſedis habentibus, atque de aliis, qui aut hæretici aut ſchiſmatici aut ſimul hæretici & ſchiſmatici ſunt. Hæc quæ de Germanis populis aut hominibus dicimus, de Boëmis, Ungariſque dicta intelligimus: ut eadem omnino uel ſimilis fiat diſtinctio in iſtis, quæ in illis. Refertque multum ita diſtinguere, ut per ſe ſatis conſtat omnibus, & conſtabit magis ex dicendis: ex quibus notum erit, aliud fore formandum iudiciũ de Catholicis, aliud de hæreticis aut ſchiſmaticis, & aliud de populis, qui utroſque continent, aut utroſque cõtinere poſſunt, catholicos & hæreticos aut ſchiſmaticos.

Notab. 3.

Tertium notabile est, Imperator per suos oratores non petit communionem sub utraque specie concedi Germanis, Boënis, aut Vngaris hæreticis aut schismaticis, nec populis Germaniæ, Boëmiæ, aut Vngariæ continentibus aut continere potentibus hæreticos uel schismaticos: sed tantum petit concedi hoc Christianis catholicis, habentibus gratiam & communionem sedis Apostolicæ. Est nota hæc sua sacræ Cæsareæ Maiestatis petitio, tum ex libello oblato, tum ex declaratione & proclamatione Oratoris sui pro regno Vngariæ, Reuerendiss. domini Episcopi Quinqueecclesiensis, coram sacrosancta synodo.

Pro sententiæ explicatione, tres ponuntur conclusiones, atque ex his prima, & secunda probantur. CAP. XIX.



Is prænotatis, & aliis, quæ pariter prænotari potuerunt, omiſſis, ecce iam ponimus conclusiones, quibus explicatius nostram proferimus sententiam, salua correctione sacrosanctæ synodi, & cuiuslibet melius sentientis, quàm ego sentio.

Conclus. 1.

Prima conclusio est, Non expedit neque licet, ut communicatio sub utraque specie concedatur hominibus hæreticis aut schismaticis Germaniæ, Boëmiæ, aut Vngariæ, aut cuiusuis alterius nationis: ipsis in hæresi aut schismate actualiter existentibus, uel remanentibus.

Conclus. 2.

Secunda conclusio est, Non expedit nec licet, ut communicatio sub utraq; specie concedatur populis Germaniæ, Boëmiæ, aut Vngariæ, sub nominibus communibus & collectiuis, populi, uel populorum.

Conclus. 3.

Tertia conclusio est, Licet quidem, & Ecclesiæ Dei expedire uidetur, ut sanctiss. dominus noster Pius Papa I. uniuersalis Ecclesiæ Dei pastor, & rector concedat hominibus Christianis Catholicis, Apostolicæ sedis gratiam & communionem habentibus, communionem sub utraque specie, in partibus Boëmiæ, ac Vngariæ; & ubi eadem ratio, uel similis, uel æqualis, uel maior reperta fuerit; expedire, inquam, uidetur secundum conditionem, ne dicant

iniuriam præsentis temporis, & statum rerum præsentium :
atque oppositis conditionibus supra explicatis.

Prima conclusio est manifesta cunctis fidelibus Christianis, ex sancto Christi Euangelio, in quo prohibemur & sanctum canibus dare, & margaritas ante porcos spargere.

Ait enim Saluator noster, Nolite dare sanctum canibus, Matth. 7.
neque mittatis margaritas uestras ante porcos : ne fortè conculcent eas pedibus suis, & conuersi dirumpant uos.

In hoc autem uerbo intelligimus, Saluatorem nostrum regulare beneque instituere affectum hominis ad proximum respectu boni conferendi : quia malis hominibus in peccato obstinatis, non sunt sacramenta ministranda, uel secreta fidei reuelanda infidelibus obstinatis : quia ex prædictis sequitur contemptus sacramentorum Ecclesiæ, ut derisio fidei catholicæ, & occisio ministrorum.

Apostolus Paulus etiam dicit ad Titum, Hæreticum hominem post unam & secundam correptionem deuita : sciens quia subuersus est, qui eiusmodi est, & derelinquit, cum sit proprio iudicio condemnatus.

Ad Titum 3.

Et Ioannes Apostolus inquit, Siquis uenit ad uos & hanc doctrinam non affert, nolite recipere eum in domum, nec Aue ei dixeritis. Qui enim dicit illi, Aue, communicat operibus eius malignis. Ecce prædixi uobis, ut in die Domini non confundamini. Manifestumque est ex epistola Apostoli prima ad Corinthios, Quantam qualemque bonam dispositionem requirat ipse in suscepturis hoc diuinum sacramentum, fidei, spei, charitatis, poenitentiae, obedientiae. Probet autem seipsum homo, & sic de pane illo edat, & de calice bibat. Debet autem fides esse una atque integra in omnibus : quia, Unus Dominus, una fides, unum baptisma, unus Deus & Pater omnium.

2. Ioan. 1.

1. Cor. 11.

Ephes. 4.

Secunda conclusio simili modo est nota omnibus Christianis catholicis. Ostenditur namque hæc conclusio ex conditione præsentis status populorum Germaniæ, Ungariæ, Boëmiae : quo constat nobis omnibus, esse in illis partibus multos aut nonnullos populos, in quibus uel omnes de populo, uel multi, uel aliqui seu quidam aut nonnulli, sunt hæretici aut schismatici. Vnde iuxta fundamenta probationes, aut demonstrationes conclusionis præcedentis, sit

manifesta hæc præsens conclusio secunda: nec ipsa aliis fundamentis indiget, quibus sua ueritas ostendatur. Non debemus nec licitè possumus sanctum dare canibus, aut margaritas spargere ante porcos.

Multiplicibus probanda rationibus, tertia conclusio assumitur, ac primum duæ ex eis explicantur. C. A. P. XX.



Tertia conclusio quemadmodum & multis aliis patribus probatur, ita & mihi, ex multis fundamentis.

Primum enim mihi ostenditur ex natura rei, idest, ex institutione, efficacia, ualore atque significatione huius diuini sacramenti per Christi gratiam: ex quibus maximè certum est communionem in utraque specie, quantum est de se, bonam esse; sacram, & utilem, ad bona spiritalia atque animarum profectum. Non dicimus, necessariam, propter ea, quæ superius iam monstrauius: sed dicimus bonam, sacram, utilem. Vnde per consequens ea, quantum est de se, est expediens Christianæ Ecclesiæ. Patet hæc consequentia, ex definitione aut descriptione rei conuenientis seu expedientis. Ex hoc autem sic deducimus ad propositum præsentis conclusionis tertiæ. Quia quod de se est bonum, iustum, sacram, utile, atque expediens, non potest alicui esse non expediens aut in expediens, seu non licitum, nisi ex aliquo accidente extrinseco: quo sublato, illud idem tale manet, quale erat antea, uel ex sua natura, uel ex sua institutione; bonum, iustum, sanctum, sacram, utile, licitum, expediens. Ergo cum per supradictas condiciones explicatas & apponendas tollantur omnia inconuenientia, unde communio laicorum sub utraque specie est in expediens: fit inuitabiliter consequens, ut appositis illis conditionibus, ea communio sit expediens. Quòd si fortè dixerit aliquis eas condiciones non tollere omnia impedimenta, respondemus duobus modis, Vno, quòd immo tollunt, ut constat omnibus intuentibus, qui considerare uoluerint omnia inconuenientia, quæ uel antiquiores uel recentiores adduxerunt.

adduxerunt. Altero, quod si fortè illæ conditiones non sufficienter tollunt inconuenientia extrinseca, possunt quidem apponi aliæ, & aliæ: tot etiam, ut nullum prorsus inconueniens eiusmodi sit, quod non sufficienter tollatur per aliquam conditionem appositam seu apponendam.

Secundò ostenditur mihi eadē conclusio tertia, ex fine, quem intendit sancta mater Ecclesia in omnibus, præsertim uerò in usu potestatis Ecclesiasticæ sibi à Christo Salvatore nostro traditæ, ad statuendâs uel abrogandas leges & dirigendas animas sanguine Christi redemptas, in salutem. Illa enim finis est absque dubio, ædificatio ipsius Ecclesiæ, salus animarum, & perductio earum in uitam æternam. Ex isto fine notissimo deducendo, sequitur euidenter in hac materia morali, quod expedit Ecclesiæ Christianæ ut huiusmodi communicatio concedatur prædictis hominibus Christianis catholicis. Quomodo sic sequitur? Quia in uniuersum, si quis intendit aliquem finem, ex uoluntate, deuotione, aut obligatione; ei expedit, ut accipiat medium sibi oblatum tanquam bonum, utile, expediens, aut necessarium, ad finem ipsum intentum consequendum. Hæc est tota moralis philosophia, & hæc est omnis scientia, omnisque ars. Cum igitur sancta mater Ecclesia intendat salutem animarum illorum fidelium prædictorum, quemadmodum & omnium aliorum, & illi proponatur à fide dignis communicatio illorum laicorum sub utraque specie, tanquam medium conuenientissimum & moraliter necessarium ad hoc, ut ipsi contineantur in officio Christiano, in fide catholica, & pace Christiana: uidetur manifestè, quod expediat sanctæ matri Ecclesiæ iuxta suum finem hunc, quē intendit, ut huiusmodi medium accipiat, & prædictam concedat communionem. Qui sunt ij, qui sanctæ matri Ecclesiæ proponunt hanc communionem tãquam medium bonum, utile, & quodam modo necessarium, ad continendos illos homines in officio Christiano, sinè quo saluari non possunt? Inuictissimus Imperator semper Augustus, Christianissimus Rex Gallorum, & excellentissimus Dux Bavarix: qui omnes per suos Oratores hoc postulant fieri, tanquam rem maximè utilem, & maximè necessariam.

Ingenue fateor, hæc ratio, in hac materia morali mihi uidetur quasi demonstratio, procedendo à fine intento, ad medium probatum necessarium. Probatur autem mihi hoc medium necessarium ad salutem illorum multorum hominum, testimoniis prædictorum principum, prædictorumque suorum oratorum: & quia salutem illarum animarum summè desidero, & hoc medium testificatione tantorumque principum necessarium iudico ad eam salutem, ideo probatur mihi tertia hæc conclusio. Si qui patres sunt, quibus hæc præclara testimonia non satis probant illam communionem esse medium necessarium ad prædictum finem, respondeant ut uoluerint, & suis conscientiis satisfaciant. Nos enim ita respondemus, quia testimonia tantorum principum, absque dubio credimus uera esse.

Mouet igitur me Imperatoris petitio, quia profecto mihi fidem facit sua assertio: asserit enim, & petit. Asserit hanc communionem esse medium necessarium, uel quasi necessarium & utilissimum ad continendos illos homines in officio Christiano, & per consequens ad salutem suarum animarum: tuncque petit, eam concedi. Ut facile possimus uidere quis est, qui petit, quid petit, pro quibus petit: sicut olim bene distinxit Augustinus. Petit enim Imperator semper Augustus, Ferdinandus Primus, Catholicus & ut ita dicam, Catholicissimus, brachium nostrum Christianum contra Turcas, & omnes alios earum partium infideles, atque propugnaculum nostrum, murus & antemurale contra alios nostros aduersarios hæreticos; petit autem pro fidelibus Christianis, qui degunt in illis regionibus, non pro hæreticis, nec pro schismaticis ipsis in sua hæresi aut in suo schismate permanentibus. Petitque ille pro illis, quid? non rem malam ex suo genere, aut indifferentem, aut inutilem: sed rem ex suo genere, natura, uel institutione bonam, utilem, sacram, & sacratissimam. nempe communionem sub utraque specie, quam iudicat medium necessarium ut ipsi homines ab aduersariis non decipiantur, & in officio Christiano contineantur. Videtur itaque sua petitio admittenda: & ut iam dixi, quia mihi fidem facit eorum assertio, mouet me eorum petitio, quamobrem

libenter tum in sententia eorum patrum discedo, qui eam concedendam dicunt. Modò ipsa intelligatur, sicut eam paulò ante proposuimus à suis oratoribus explicatam.

Audio dici, Imperatorem non hoc petere ex sua sententia sed potius ab aliis quibusdam impulsu & quasi ab eisdem deceptum, qui uolunt hac uia calicem Domini obtinere, & deinde secretè Lutheri dogmati inhzere. Absit à me tale iudiciù, absit & talis suspicio. Nullo enim modo nostram puto uerā Ecclesiam Christianā ita à Deo Opt. Max. esse destitutam, ut talem habeat Imperatorem, qui in huiusmodi rebus religionis grauissimis, aut possit decipi, aut uelit eam decipere. Non potest profectò ea deceptio habere locum apud talem, tantumque Imperatorem, tantæ fidei, tantæ prudentiæ, tantæ rerum omnium experientiæ: apud Principem undequaque circumspectum, longeuæ ætatis, & continuè iam inde à pueritiâ seu adolescentiâ in dignis hominum decipientium; sed potius in quasi quadam continua defectione hominum deceptorum, qui ab aliis delusi, à uera fide catholica in dies deficiunt, & ad hæresim declinant.

Quòd si aliquis ita somnare ogganireq; audet de Ferdinādo Imperatore uiuo, quid dicet de gloriosissimo Carolo Quinto, iam hac uita functo? Ipse nāque eandem (ut existimo) habens mentem, quam & Ferdinandus frater eius habet, à scelicis recordationis Paulo Papa tertio, pro eisdem hominibus, eandem communionem petiit, eandemque obtinuit: quāuis ea tunc, iniuria temporum & nostris peccatis impediētibz, parum boni fructus attulerit. An & Carolus Quintus tūc fuit deceptus? An non potius prudenter egit? Immo prudenter egit, & nequaquam ab aliquo deceptus fuit: quanquam res ex sententia non cesserit, optatumque finem non sortita sit ob alias causas. Neque enim uir sapiens statim iudicat aliquod medium sufficiens infallibiter ad consecutionem finis, quoties rectè iudicat idem medium necessarium ad consequendum eundem finem. Multa enim sunt necessaria ad aliquid, quæ singula nō sunt sufficientia ad illud. Vnde alia doctrina est de re necessa-

De Cœna, & Calice Domini

ria, alia regula & alia traditio: alia uerò est de re sufficiente. Ita est in proposito, quia non proponitur hoc medium tanquam præcisè sufficiens; sed proponitur tanquam medium quodam modo moraliter necessarium, & multum conducens secundum prudentem existimationem.

Accedit his Christianissimus Rex Gallorum, accedit & excellentissimus princeps Dux Bauariæ, qui omnes id per suos Oratores petunt. Nunquid omnes sunt decepti? nunquid omnes decipere uolunt? Absit tanta iniuria principū.

Ipsi sunt Reges & principes terræ in suis ditionibus, asserunt se non posse continere fideles homines suarum ditionum in officio Christiano, nisi hoc eis concedatur: iudicet totus mundus si sunt fide digni.

Itaque quia scio sanctam matrem Ecclesiam hunc finem intendere, salutem spiritalem omnium hominum, & maxime fidelium: & quia uideo à fide dignis prædictis, proponi hanc communionem tanquam medium necessarium fidelium Christianorum earum partium, ne deficient à fide, & religione, & salute: iudico expedire Ecclesiæ iuxta suum finem intētum, ut huiusmodi cōmunionem concedat.

Hic mihi respondet quidam reuerendissimus, doctissimus, & mihi colendissimus pater, partim concedendo, partim negando uel alio modo demonstrationem declinando. Concedit enim id, quod est apud omnes notissimum, ei, qui intendit aliquem finem expedire ut accipiat mediū probatum necessarium ad illum finem. Declinat autem, eo quòd, id non debet fieri, ubi ille finis & illud medium essent in præiudiciū alicuius maioris boni: quia non debemus amittere uel negligere maius bonum, propter minus bonum. Admittimus hanc suam declinationem, quia est bona & rationabilis. Dicimus tamen eam prorsus nihil facere in proposito, nec ullum habere locum in præsentia. quandoquidem ex concessione huiusmodi communionis, & salute illorum fidelium seu conseruatione eorum in religione Christiana, nulla sequitur maior iactura in Ecclesia Christiana, quàm sit iactura illarum animarum si ab Ecclesia discesserint. Nec hic potest habere locum ea imaginatio, qua fugitur ad scandalum. Nullum enim in hac repo-

test esse scandalum datum, aut pusillorum: ut infra paulò
pòst demonstratur satis.

*Rationes, tertia, quarta, & quinta, quibus eadem conclusio inni-
titur, in aciem deducuntur.* CAP. XXI.



Teretiò probatur eadem conclusio, ex eodem
fundamento. Quia hoc medium non solùm
proponitur tanquam quodam modo neces-
sarium ad continendum eos fideles in officio
Christiano; sed etiam proponitur tanquam
multum conducens, ut uenire facilius possint
ad nos, qui recesserunt à nobis. Quæ res quantum sit ne-
cessaria, ut uidelicet optemus & curemus reditum eorum,
qui abierunt in regionem longinquam, & ouem perditam
quæramus, quæramus insuper & perditam drachmam, etiã
cum aliquali bona domus euerfione, nullus est qui non ui-
deat. At quidem proponitur nobis hoc medium, tan-
quam conducens, tanquam utile, tanquam quodam mo-
do necessarium.

Duo ergo hic iudico, testimoniis quibusdam ductus,
quæ à magnis audiui uiris, fide dignissimis. Alterũ, quòd
multi à nobis defecerunt ea una occasione, ut communio-
nem in utraque specie à nobis sibi negatam, sibi retinerent,
quam per aliquot annos obseruarant. Alterum, quòd multi
qui à nobis recesserunt, ad nos redire cupiunt, sed detinen-
tur, ne sibi suus reditus leuitati adscribatur, si sic stanti-
bus rebus redierint: unde hac una mutatione facta, & hac
sacra communione concessa, absque dubio redibunt.

Primum horum mihi probat satis testimonium Stanisla-
Hosij Episcopi Varmiensis, sanctæ Romanæ Ecclesiæ Car-
dinalis, & ad hoc sacrum uniuersale Tridentinum conci-
lium Legati, uiri quidem doctissimi, omnibus bonis me-
ritis præditi, & mihi colendissimi. Is enim, me præfente
& audiente narrauit, fuisse in Episcopatu suo quandam ci-
uitatem, quæ hac sola occasione, quæ ab obedientia & no-
stra uera religione declinauit, quòd ipse ei non concessisset
communione huiusmodi, prout ipsa ante annos ferme

De Cœna, & Calice Domini

triginta, temporibus aliorum prælatorum solita erat in utraque specie communicare. Petiit ciuitas illa prædicta ab ipso, non obtinuit, recessit. Hæc cum audissem, quæ sibi ab illo, quid sibi nunc uidebatur de eadem re: ipse mihi respondit, id quod tunc. Ego iterum declarauit me non querere de hoc, sed quid sibi modò uidebatur de hac concessione aut petitione quoad calicis usum; & ut existimo, intelligebam de illa ciuitate. Ipse ingenuè dixit, quòd si hoc prodesset ad reditum ipsius ciuitatis, ipse idem hoc petiisset à sanctiss. domino nostro Romano Pont. Quod autem in ea ciuitate contigit, non abs re cogitari iudicarique potest, in aliis ciuitatibus nonnullis, ultra hos montes Tridentinos existentibus, contigisse. Huic ergo tantæ iacturæ nostræ, omnibus bonis modis subueniendum est.

Secundum mihi probat etiam ad sufficientiam, testimonium reuerendiss. domini Andreæ Duditij Sbardellati, Episcopi Tininiensis, D. Prælatorum, totiusque Vngariæ Cleri oratoris, qui suam proferens de hac re sententiam, inter alia, quibus ostendit fore nunc illis hominibus usum calicis concedendum, ita dixit, Hoc ipsum à uobis, uestri filij, catholici homines, uehementissimè expetunt, idq; non tam sua, quàm fratrum suorum gratia: qui hanc ob causam, aut recesserunt iam, aut propè est, ut à fide recedant. Infirmos confirmare hac re uolunt, transfugas inescare, & ad se allicere, & in rectam, à qua aberrauerunt, uiam reuocare cupiunt. Ne putetis paucos esse, patres amplissimi, ex illis, qui ad aduersarios nostros transierunt: qui, si utriusque speciei communicatione, ut in integrum sit, iterum ad nos cupidissimè redituri sint. Multos iam defectionis pœnitet, sed, ut est imbecillitas humanæ naturæ, inconstantia notam pertimescunt. Redire ad nos cupiunt illi quidem, sed uerecundia prohibentur. Quòd si hoc eis concedatur, si hoc habeant, quod ueluti prætextum quendam sui ad nos reditus possint obtendere, iam nulla fuerit causa, quominus ueluti postliminio ad nos reuertantur. Atque istius quidem generis hominum, & multi, & magni, atque nobilissimi uiri sunt, qui ne leues fuisse uideantur, misère potius mortem obeunt, quàm ut ad nos cum

dedecore, quod sibi fingunt, reuerti uelint. Ne miremini, patres, hæ sunt huius mundi illecebræ, huius modi sunt Satanæ fallaciæ, ita ille hominum oculis tenebras offundit. Hunc istis, patres, obicem, hoc impedimentum adimite: pernicioso isto pudore ad Ecclesiæ gremium reuertendi obstructam illis uiam, hac concessione patefacite. Hoc nobis affirmantibus credite. Nam nemo nostrum ita impius est, ut hoc loco, uobis audientibus, falsi quicquam comminisci uelit. Sunt etiam aliqui, & ego imprimis, qui non amicos tantum, sed necessarios, atque adeò consanguineos, hac opinione & pernicioso hoc pudore infatuatos habemus, quorum salutem sitientes, cum ad pristinam eos fidem reuocare, quantum in nobis est, contendimus, planè intelligimus, nihil aliud illis, quàm istum pudorem obflare, quominus ad nos reuerti uelint. Hæc ille.

Confirmari non parum potest hæc ratio, ut pro lucrandis huiusmodi animabus hoc medium accipiamus, ex eo, quòd nos prælati Ecclesiarum: maximè autè summus Pontifex, Christi Vicarius generalis, uniuersalis totiusque Ecclesiæ Christianæ, Christi Saluatoris nostri personam agimus: & non solum illius Euangelici patris, qui filium prodigum à regione longinqua ad se reuersum, misericorditer paterneque suscepit, amplexus est, & primam stolam restituit: quin etiam & Euangelici pastoris illius, qui ut ouem perditam recuperaret, nonagintanouem in deserto reliquit, ad eam uenit, illam quæsiuit, inuentamque accepit, non percussit, non maledictis, conuictisque persecutus est, sed in propriis humeris posuit, & ad alias reduxit. Nondum enim illa uenerat, nondum uenire disposuerat, neque de reditu cogitauerat: & pastor ille, illam omnino præuenit, ut eam errantem quæreret, ut quæsitam inueniret, atque ut inuentam cum gaudio & cum labore asportaret. Huius pastoris nos personam gerimus. Videamus, an nos similia pro animarum salute perditarum, facere, seruatis seruandis, debeamus. Sed, quæso, mulier illa eiusdem sancti Euangelij in eodem capite, quid non fecit, aut quid facere omisit, ut drachmam perditam inueniret? euerit enim domum. Et nos nanque, personam huius gerimus.

Lucæ 15.

Ibid.

Ibid.

De Cæna, & Calice Domini

quandoquidem Saluator noster per hæc omnia, seipsum representabat, cuius nos uices gerimus, pro quo & legatione fungimur, Deo exhortante per nos.

Quia igitur hæc communio proponitur atque asseritur à uiris credendis, medium necessarium, tum ut Catholici in fide Catholica & religione Christiana conseruetur, tum ut qui à fide Catholica & religione Christiana defecerunt, ad illam redeant: uidetur mihi profectò tertia conclusio concedenda, uidetur asserenda, uideturque credenda & admittenda.

Si enim aliquando media aliqua sunt accipienda pro finibus consequendis: absque dubio ea media maximè accipienda uidentur, quæ ex sua natura uel diuina institutione in diuino iure stando, sunt bona, licita, iusta, sancta, sacra, utiliaque, & ad tales fines seu ad talem finem à fide diuino asseruntur necessaria, atque multum conducentia.

Obiectio.

Dixerit fortassis quispiam, huius modi communionem non esse medium necessarium ex natura rei, seu aliqua necessitate absoluta, pro conseruatione aut reductione illorum hominum prædictarum partium; sed solùm ex fragilitate, culpa, aut uoluntate eorum: quasi ideò non sit concedenda, uel accipienda pro medio.

Responsio.

Respondemus, neque hoc prohibet; quia neque hoc medium proponitur tanquam ullo modo necessarium naturaliter, sed tanquam aliquo modo necessarium moraliter, tanquam multum conducent, & quodammodo politicum, atque secundum prudentiam rerum agendarum ad finem intentum! Omnis infirmitas animæ, est uoluntaria, & quodammodo à uoluntate infirmi dependens: quia nulla est infirmitas animæ nisi peccatum, uel per peccatum. Peccatum autem, ut frequentissimè dixit Augustinus, & recepit tota schola Christiana in libris sententiarum, adeò est

est uoluntarium, quod si non est uoluntarium, non est peccatum. Vnde similiter quod anima in sanitate spiritali cōseruetur, quod ab ipsa deficiat, & quod ad ipsam redeat, à sua uoluntate quodammodo pendet in adultis: sicut hanc ueritatem iam latissimè demonstrauius ex diuinis scripturis & sanctis doctoribus, in nostra Quadripertita iustitia. Quamuis tamen alio modo differentissimo à nobis pendeat nostra sanitas animarum, & alio longè distantissimo infirmitas earum. Quia ut sanitate conseruemur, atque ut ad sanitatem redeamus, pendet principaliter à gratia; quod autem peccamus, non à gratia, sed à nostra pendet uoluntate. At uerò his uerissimis existentibus, & nullo modo obstantibus, pro animabus in sanitate conseruandis, atque pro animabus ad sanitatem reducendis, & pro animabus ab infirmitate sua uoluntaria liberandis, remediis, mediisq; utimur opportunis, congruentibus, conuenientibus, & in suo genere necessariis. Exemplis harum rerum, plena est scriptura sacra. Nihil ergo ualet obiectio. Manifestè notat Augustinus, attendendam esse infirmitatē hominum, in legibus humanis abrogandis, uel retinendis.

Quartò ostenditur eadem tertia conclusio, ex statu seu ratione status, in quo sunt illi fideles catholici, de quibus agimus, & pro quibus hæc sacra communio petitur. Nempe quia sunt ut plurimum uel frequenter in locis, in quibus sunt, qui perperam & iniquè agentes contra statutum & sine licentia sanctæ matris Ecclesiæ in utraque specie communicant, & ab illis sollicitantur, & quodammodo grauiter tentantur ad id faciendum. Sollicitantur, inquam, uel libris, uel etiam uerbis, aut facto ipso; dum uident, aut alio modo certo sciunt, uicinos suos in utraque specie cōmunicare. Hanc ob causam iam non potest esse dubium, quin ipsi sint quodammodo in periculo; & saltem sunt propinquiore tentationi, atque sic etiam quasi in conflictu. Videtur ergo expedire sanctæ matri Ecclesiæ, ut hos suos filios abundantioribus gratiis & fauoribus prosequatur, quibus eos ab ipsis tentationibus liberet, aut eos in illis specialiter iuuet, & in suo bono statu fidei atque religionis corroboret. Sic enim facit Saluator noster, sanctæ matris

Augustinus
in de lib. ar
bitrio & y
De perfe-
ctione iusti-
tie.
Magister
sent.
lib. 2.
dist. 32.
& dist. 41.
& August.
iterum in lib.
De uera re-
lig. c. 14. et
in Retract.
lib. 1.
cap. 13.
Part. 1.
lib. 2. &
par. 2.
lib. 1.

August.
epist. 119.
tom. 2.

De Cæna, & Calice Domini

1. Cor. 13. Ecclesiæ sponſus, qui optimus maximus, maximè tentatos, maximè iuuat. Ita dicit Apostolus, Fidelis Deus, qui non patitur uos tantari supra id, quod potestis; sed facit cum tentatione prouentum, ut possitis sustinere. Expedire igitur uidetur Ecclesiæ, ut cum tentatis suis filiis id faciat exterius, quod bene nouit sp̄sum suum cum eisdem tentatis facere interius. Non dubitauit Scotus asserere Deū ob suam misericordiam præstare abundantiorē deuotionem eis Christianis, qui inter infideles habitant; ut sic specialius consolati, religionem retineant, fidem & alia ad religionem pertinentia.

Rom 14. Apostolus dicit, infirmum autem in fide assumite. Circa hoc uerbum, quidam nostri intelligunt infirmum in fide, esse de nouo conuersum & de lege catholica minus sufficienter instructum. Casus eo tēpore sic erat, ut exponit Theophilaſtus, Plerique Iudæorum, qui Christo accesserant, post fidē adhuc, in ciborum obseruatione hærebant, à suilla carne abstinentes, nondum ausi prorsus à lege deficere. Deinde ut ne facilè caperentur, ut qui à sola porcina abstinere, ab omnibus carnibus simpliciter sibi temperabant, solisque oleribus uestiebantur. Alij rursus perfectiores uisi sibi, nihil obseruantes, obseruantibus conuiciabatur. Terruit igitur eos Paul. ne quomodo importunè & minus decorè increpantes, perfectiores ipsi imperfectiores, à Christi fide decutiant. Sic Theophilaſtus proponit casum, & sic introducit Apostolum dicentem, Infirmum autem in fide suscipite. Ecce infirmum in fide appellat Apostolus, non solum illum, qui retenta fide integra, in aliquo alio peccat ex ignorantia, aut fragilitate, aut malitia: sed etiam illum, qui minus doctus, in aliquo articulo dissentit: qualis erat ille infirmus, putans aliquo modo seruanda esse legalia, uel in toto, uel in parte. Eundem autem infirmum talem, non dicit Apostolus statim abiiciendum, conuiciandum, uel aspernandum: sed potius assumendum, atque suscipiendum, & quodam modo sustinendum, donec plenius doceatur. Infirmum autem in fide, inquit, assumite, seu suscipite. Verum est quod dubius in fide, infidelis est; sed hoc non est ad propositum.

Docet planè Apostolus, quanta cum prudentia debemus curare infirmos omnes, exemplo Saluatoris nostri edocti, de quo legimus, Arundinem quassatam non confringet, & lignum fumigans non exstinguet. Quo etiam exemplo instructus idem Apostolus dicebat, Factus sum omnia omnibus, ut omnes Christo lucrifaciam. Quis infirmatur, & ego non infirmor? Quis scandalizatur, & ego non uror?

Et nos ergo fratres nostros curare debemus, infirmosq; in fide assumere seu suscipere: ut sanos conseruemus, & ut infirmos ad sanitatem reducamus. Sumus etenim & nos, ut pastores spiritales animarum, ita & medici spiritales earum. Curare igitur eas debemus, tum ex charitate, tum ex officio. Quomodo autem? Ad modum, quo medici corporales curant corpora. Ipsi uerò quo modo curant? Non curando hominem in communi, & secundum speciem, quia si sic, cum omnes homines sint eiusdem speciei, & ut sic, unus homo, quantum ad speciem, singulos homines curarent eodem modo; sed curant, curando hominem in particulari, & secundum indiuiduum; considerando ipsum particulare subiectum, particulariaque accidentia, & naturalia, & accidentalia, à quibus abstrahit homo communis, seu in communi. Tunc, particularibus infirmitatibus applicant particulares medicinas, iuxta subiecti infirmitatem & dispositionem: ut prius intendant subiecti conseruationem, & deinde eiusdem subiecti sanationem. Ita & nos facere debemus, spiritales medici animarum: ut eas spiritualiter curemus, considerando suas affectiones, actiones, passionis, amores, odia, & similia. Sic eis poterimus prudenter atque sapienter applicare medicinas, tam conseruatiuas seu præseruatiuas, quam etiam curatiuas seu expulsiuas malorum. Superest uidere affectiones prædictorum hominum, quas habent uel habere possunt: ut sic cognoscamus, & curare ualeamus suas infirmitates. Quod non nouit medicina, non curat.

Curant etiam medici non rarò, concedendo infirmis, quod desiderant.

Quinrò ostenditur eadem conclusio ex nostra plusquam centenaria experientia. Videmur enim, experientia tot

De Cœna, & Calice Domini

1. Cor. 10. Ecclesiæ sponſus, qui optimus maximus, maximè tentatos, maximè iuuat. Ita dicit Apostolus, Fidelis Deus, qui non patietur uos tantari supra id, quod potestis; sed facit cum tentatione prouentum, ut possitis sustinere. Expedit igitur uidetur Ecclesiæ, ut cum tentatis suis filiis id faciat exterius, quod bene nouit sp̄sum suum cum eisdem tentatis facere interius. Non dubitauit Scorus asserere Deū ob suam misericordiam præstare abundantiorē deuotionem eis Christianis, qui inter infideles habitant; ut sic specialius consolati, religionem retineant, fidem & alia ad religionem pertinentia.

Rom 14. *Nicolas.* Apostolus dicit, infirmum autem in fide assumite. Circa hoc uerbum, quidam nostri intelligunt infirmum in fide, esse de nouo conuersum & de lege catholica minus sufficienter instructum. Casus eo tēpore sic erat, ut exponit Theophilactus, Plerique Iudæorum, qui Christo accesserant, post fidē adhuc, in ciborum obseruatione hærebant, à suilla carne abstinētes, nondum ausi prorsus à lege deficere. Deinde ut ne facilè caperentur, ut qui à sola porcina abstinērent, ab omnibus carnibus simpliciter sibi temperabant, solisque oleribus uescebantur. Alij rursus perfectiores uisi sibi, nihil obseruantes, obseruantibus conuiciabātur. Terruit igitur eos Paul. ne quomodo importunè & minus decorè increpantes, perfectiores ipsi imperfectiores, à Christi fide decutiant. Sic Theophilactus proponit casum, & sic introducit Apostolum dicentem, Infirmum autem in fide suscipite. Ecce infirmum in fide appellat Apostolus, non solum illum, qui retenta fide integra, in aliquo alio peccat ex ignorantia, aut fragilitate, aut malitia: sed etiam illum, qui minus doctus, in aliquo articulo dissentit: qualis erat ille infirmus, putans aliquo modo seruanda esse legalia, uel in toto, uel in parte. Eundem autem infirmum talem, non dicit Apostolus statim abiiciendum, conuiciandum, uel aspernandum: sed potius assumendum, atque suscipiendum, & quodam modo sustinendum, donec plenius doceatur. Infirmum autem in fide, inquit, assumite, seu suscipite. Verum est quod dubius in fide, infidelis est; sed hoc non est ad propositum.

Docet planè Apostolus, quanta cum prudentia debemus curare infirmos omnes, exemplo Saluatoris nostri edocti, de quo legimus, Arundinem quassatam non confringet, & lignum fumigans non extinguet. Quo etiam exemplo instructus idem Apostolus dicebat, Factus sum omnia omnibus, ut omnes Christo lucrifaciam. Quis infirmatur, & ego non infirmor? Quis scandalizatur, & ego non uror?

Et nos ergo fratres nostros curare debemus, infirmosq; in fide assumere seu suscipere: ut sanos conseruemus, & ut infirmos ad sanitatem reducamus. Sumus etenim & nos, ut pastores spiritales animarum, ita & medici spiritales earum. Curare igitur eas debemus, tum ex charitate, tum ex officio. Quomodo autem? Ad modum, quo medici corporales curant corpora. Ipsi uerò quo modo curant? Non curando hominem in communi, & secundum speciem, quia si sic, cum omnes homines sint eiusdem speciei, & ut sic, unus homo, quantum ad speciem, singulos homines curarent eodem modo; sed curant, curando hominem in particulari, & secundum indiuiduum; considerando ipsum particulare subiectum, particulariaque accidentia, & naturalia, & accidentalia, à quibus abstrahit homo communis, seu in communi. Tunc, particularibus infirmitatibus applicant particulares medicinas, iuxta subiecti infirmitatem & dispositionem: ut prius intendant subiecti conseruationem, & deinde eiusdem subiecti sanationem. Ita & nos facere debemus, spiritales medici animarum: ut eas spiritualiter curemus, considerando suas affectiones, actiones, passionem, amores, odia, & similia. Sic eis poterimus prudenter atque sapienter applicare medicinas, tam conseruatiuas seu præseruatiuas, quam etiam curatiuas seu expulsiuas malorum. Superest uidere affectiones prædictorum hominum, quas habent uel habere possunt: ut sic cognoscamus, & curare ualeamus suas infirmitates. Quod non nouit medicina, non curat.

Curant etiam medici non rarò, concedendo infirmis, quod desiderant.

Quinrò ostenditur eadem conclusio ex nostra: pluquam centenaria experientia. Videmur enim, experientia tot

De Cœna, & Calice Domini

præteritorum annorum, compertum iam satis habere, nihil hâc prohibitionem quoad Boëmos profecisse, nisi quod multi illorum facti sunt schismatici: ab unitate spiritus in uinculo pacis recesserunt, & in suo schismate perierunt: quia huiusmodi communionis prohibitionem non receperunt, & ab obedientia sanctæ Romanæ Ecclesiæ se subtraxerunt. Expedire igitur uidetur sanctæ matri Ecclesiæ, ut iam nunc quasi medicinas mutando, prohibitionem amoueant, concessionem uerò adhibeat: saltem ut utrumque modum curandi experiatur, & utroque utatur, altero post alterum.

Confirmatur ex usu & consuetudine sanctæ matris Ecclesiæ, quæ semper nouit & usa est, omnibus subuenire, præsertim in illis, quæ ad salutem & bonum statum animarum pertinent: maximè quoad multitudinem, cuius absque dubio habenda est ratio. Multi autem sunt ij, de quibus loquimur. Deinde, quia ex hac concessione cum conditionibus explicatis, uel etiam cum aliis explicandis, quæ placuerint, nullum potest esse malum aut periculum, ut constat omnibus intuentibus: ex prohibitionem autem iam cunctis pater, quid hætenus acciderit Boëmis: & timendum est, ne deterius sibi contingat, eadē prohibitionem durante.

Affertur sexta ratio ad eandem conclusionem. CAP. XXII.



Extò ostenditur eadem conclusio ex dictis atque sententiis nonnullorum patrum, qui hîc sunt illarum partium. Etenim Reuerendissimi domini, Archiepiscopus Pragensis Boëmiz, Episcopus Quinqueecclesiensis, Vngariæ, Episcopus Tininiensis Vngariæ etiam, hoc postulant. Non dubium, quin ideo, quia hoc iudicant bonum, utile, & quodam modo necessarium. Sunt enim uiri sanctissimi, doctissimi, & prudentissimi: quos omnes nouimus tales, quotquot hîc sumus. Sunt etiã hac in re maximè audiendi, quia sunt Episcopi illarum partium, sunt pastores illarum animarum, & habent experientiam earum rerum.

Reuerendus pater F. Frâc. Cordubensis, ordin. Minorû, Hispanus, à secretis confelsionibus sereniss. Reginæ Boëmiz, idem sentit omnino, fore uidelicet huiusmodi communionem prædictis hominibus concedendam. Is enim, ut ait, in Germania nunc temporis residens, & tanquam Germanicarum rerum oculatus testis, de nonnullis nonnulla scripsit opuscula, quæ sanctiss. Domino nostro Pio Papæ I. dicauit, id est, de Residentia prælatorum. De legibus abrogandis. Quomodo pro diuersitate temporum expediat sacratissimam Eucharistiam administrari. De hæreticis recipiendis. In libello autem de Abrogandis legibus, ita procedit, primum, ostendit legem omnem iustam, sicut & omnem potestatem, à Deo esse. Secundò, ostendit solam legem naturalem esse inuariabilem suapte natura. Tertiò, ostendit propter multitudinis bonum, legem esse abrogandam. Quartò, ostendit satius esse eam legem abrogari, quæ non seruatur. Quintò ostendit, quòd propter hominum ingenia, leges expedit uariare.

Cap. 1.

cap. 2.

cap. 3.

cap. 4.

cap. 5.

In hoc autem quinto loco, ita dicit Pater ille, ualde doctus, ualde religiosus, & ualde notus, Cum lex suapte natura, non propter particulare bonum, sed propter commune, uniuersaliter statuatur: contra legis naturam erit, si quod statutum est propter bonum commune, oppugnet ipsummet bonum commune. Sed aliquando accidit, quòd lex aut consuetudo, quæ uni regioni conuenit, alteri magis nocet: & quæ præterito tempore bono Reipublicæ consulebat, iam nunc propter ingenia hominum, in bonum eiusdem reipublicæ non conducatur, cum minimè homines in eodem statu permaneant. Nisi ergo lex illa abrogetur, & consuetudo, quæ malè pululare iam incipit, succidatur, oppugnabitur ipsum bonum commune, quod maximum est inconueniens. Vnde quando multitudo populi est prona & inclinata ad aliquod opus, quod solummodò malum est, quia humana lege prohibitum, tunc ratione multitudinis habita; debet abrogari lex illa, cum expediat bono communi. Hac uerò lege abrogata, multitudo, quæ in opus uetitum antea nitebatur, sanctè & religiosè poterit erga illud opus se gerere; uerbi gratia: populi Germanici

De Cœna, & Calice Domini

sunt proni & affecti ad communionem, sub utraque specie, quæ quidem de se mala non est, nisi quia propter aliquas causas iustas, laicis est in Ecclesia Latina prohibita. Expediit ergo, ut ratio multitudinis habeatur, & cum Germanicis populis dispensetur, ut sub utraque specie possint sacramentum suscipere. Vt uerò lex hæc abrogetur, iustior causa esse non potest, quàm quæ nunc est, uidelicet, propter tantæ multitudinis bonum, cui si communicandi sub utraque specie Ecclesia copiâ fecerit, & sanctè sacramentum suscipiet, & Ecclesiæ copulabitur. Hæc ille.

Ecce reuerendus ille pater, uir quidem religiosus, & ualde doctus, Hispanus utique, sed in Germania nunc temporis residens, atque rerum Germanicarum oculus testis, sic dicit expressè, Expediit ergo, ut ratio multitudinis habeatur, & cum Germanicis populis dispensetur, ut sub utraque specie possint sacramentum suscipere. Ad hoc autem faciendum, causam allegans, explicans, atque probans, dicit. Vt uerò lex hæc abrogetur, iustior causa esse non potest, quàm quæ nunc est; uidelicet propter tantæ multitudinis bonum, cui si communicandi sub utraque specie Ecclesia copiam fecerit, & sanctè sacramentum suscipiet, & Ecclesiæ copulabitur.

*Idem auct.
ibid.
cap. 6.*

*August.
cap. 6.
somo 1.*

Idem auctor in eodem libello asserit & probat quòd, quanuis leges humanæ sint iustæ, & antiqua consuetudine roboratæ, non tamen ex hoc sunt perpetuandæ: quia legem humanam esse perpetuam & irrevocabilem, est contra bonum & æquum. Adducit Augustinum in de Libero arbitrio; ex quo deducit, quòd pro diuersis temporibus & diuersis regionibus, leges contrariæ possunt esse iustæ: & per consequens, rationes contrariæ, propter quas legislator & nariat, & condit illas leges, possunt esse proculdubio iustæ. Agebat enim Augustinus de lege æterna, quæ impressa nobis est, & qua iustum est, ut omnia sint ordinatissima: atque de lege humana seu temporali, quæ quanuis iusta sit, commutari tamen per tempora iustè potest. Inferitque idem auctor, dicens, Simili modo, eadem fidè catholica in sua puritate manente, prohibitio communicandi sub utraque specie, potest, suadente ratione, pro tempore uariari, nec

Ibid.

quia prohibitio iusta fuit, ideò abrogatio huius prohibitionis erit iniusta: sicut nec rationes, quibus communio sub utraque specie laicis concedi potest, erunt iniustæ, quia rationes quibus prohibita est, fuerunt iustissimæ: utrunque enim exigit, & postulat bonum commune: quia hic modus communicandi non est de se malus, neque lege diuina prohibitus: immo pro diuersis regionibus & temporibus, laudabiliter & religiosè catholici, sub utraque specie communicarunt. Idem auctor in eodem opere probat, quòd ad conditorem legis, abrogatio legis expectat. Eo in loco adduxit Augustinum ita docentem, Vt quæ non sunt contra fidem, neque contra bonos mores, & habent aliquid ad exhortationem uitæ melioris, ubicunque institui uidemus, uel instituta cognoscimus, non solum non improbemus, sed etiam laudando & imitando sectemur: si aliquorum infirmitas non ita impedit, ut amplius detrimentum sit. Si enim eo modo impediat, ut maiora studiorum lucra spectanda sint, quàm calumniatorum detrimenta metuenda, sine dubitatione faciendum est: maximè illud, quòd de scripturis etiam defendi potest, sicut de hymnis & psalmis cantandis, &c. Ex hoc autem uerbo Augustini ita deducit idem auctor, Cum ergo prohibitio communicationis sub utraque specie uniuerso populo Germanico, magnum afferat detrimentum, neque maiora lucra, immo potius detrimenta maiora sperantes (hac enim de causa multi ab unitate Ecclesiæ separantur) non dubium quin expediat Germaniæ populis, calicis usum concedere, maximè, cum per interdictionem illam, fides non astruatur, nec per hanc concessionem ipsa periclitetur. Stat enim etiam uera fide catholica, uterque modus communicandi.

August.
epist. 119.
tom. 2.

Idem auctor in libello in quo agit, Quomodo pro diuersitate temporum, expediat sacratissimam Eucharistiā administrari, docet primum laicos communicare sub utraque specie, non esse contra fidem catholicam, & omnibus exploratum esse satis, communionem sub utraque specie Ecclesiam nunquam damnassee, sicut neque illam, quæ sub una sit tantum specie. Deinde ostendit quibus aut quādo iustè denegari concediue potest communio sub utraque

Idem auct.
cap. 1.

De Cæna, & Calice Domini

Ibidem
cap. 2.

specie : & in hoc loco sic dicit ad propositum . Ideò si accedentes cum debita reuerentia ad calicis sumptionem , habeant fidem rectam iuxta communem sensum Ecclesiæ , tantum abest ut sacræ scripturæ aut religioni Christianæ repugnet , eis sub utraque specie tradere sacramentum , ut etiam diuinæ scripturæ & ipsi religioni Christianæ sit consonum . Quapropter expediret ut Ecclesia salutis fidelium consulens , eos , qui circa religionem uariant , ad suam unitatem , tanquam pia mater adduceret , & infirmos charitatis uisceribus obfirmaret , & sic ecclesiis Germaniæ concederet , ut laicis petentibus aut sub una specie aut sub duabus sacramentum corporis & sanguinis Christi , liberè à sacerdotibus posset administrari : dummodo communicaturi credant indubitanter , totum contentum in hoc sacramento , utroque modo à fidelibus sumi , eandemque gratiam consequi eos , qui hoc aut illo modo communicant ; & denique utroque modo illud adimpleri præceptum . Amen amen dico uobis , nisi manducaueritis carnem , &c.

Ibid.
cap. 3.

Euseb.
lib. 5.
cap. 4.

Idem auctor in eodem libello asserit & probat , quòd pietati Ecclesiæ congruit , ut à fidelium comunione non separaret eos , qui sub utraque specie communicant : nisi & ipsi in aliquo errent contra fidem . Adducit Eusebium in Ecclesiastica historia , Ireneum , cum cæteris , quibus præerat , Galliarum Episcopis , & Augustinum . In eodem loco ita inquit , Eodem ergo modo cum antiqui patres , communicantes sub utraque specie , à comunione fidelium non separauerint , aut talem consuetudinem uicio dederint , immo potius approbaucrunt , non expediet Ecclesiæ ob solam hanc causam , Germaniæ populos à comunione fidelium separare . Infra , Sic ergo expediet Ecclesiæ , ut quæ poterit diligentia fiat , ne uarius comunicandi modus , charitatis pacem abruptat , sicut nec olim ueram concordiam abruptit .

Ibid.

Ibid.
cap. 4.

Idem auctor in eodem libello asserens & ostendens , quòd expedit Ecclesiæ , quibusdam propter inobedientiæ periculum , calicis usum concedere , inquit , Quàm facile primo homini fuerit , Deo in omnibus obedire , neminem præterit : cum in statu illo innocentie , in quo ignorantia
non ,

non excæcabat, nec inordinata concupiscentia urgebat, operosum non esset ei, complere mandata diuina. Accessit ad hoc, quod & ipse Deus faciliorem obedientiam reddidit; quando enim Adæ esum fructus unius ligni prohibuit, ei, ut de omnibus ederet, misericorditer est largitus. Post peccatum tamen Adæ, quàm difficile sit obedire, illum latet, qui neque Deum nouit in cœlis, neque hominem superiorem in terris. Impedimento enim nobis est, non solum ignorantia, sed etiam concupiscentia. Ideò legum abrogatione fieri, multoties expedit, etiam si leges non sint iniustæ, propter solam populi inobedientiam: nritur enim semper in uetitum populus. Ad rem ergo deueniendo, cū populi Germanici propter suam infirmitatem, ea concupiscant, quæ sunt ab Ecclesia prohibita, uidelicet, communionem sub utraque specie, neque possint ad unitatem catholicæ Ecclesiæ reduci, nisi illis hoc liberè concedatur, expedit sine dubio statutum hoc, de non communicando sub utraque specie abrogari, idque illis piè concedere, quod neque est contra fidem, neque contra bonos mores: ut in omnibus aliis subditi obediant Ecclesiæ, maxime cum summus Pontifex, non urgente necessitate, dignitate prouectis, utriusque speciei, usum non semel concesserit, multisque ob suam deuotionem ipsemet utranque speciem porrexerit. Hæc ille.

Sciens, uolens, & gaudens refero hîc, hæc multa loca eiusdem prædicti auctoris, in quibus eandem frequenter habet explicatam & repetitam sententiam, de huiusmodi communionem concedenda sub prædictis cōditionibus, quibus & errores omnes, & pericula omnia, auferantur. Gaudens, inquam, multis de causis: his præsertim, tum, quia scienter loquitur ipse auctor, tum quia Hispanus est, & sine suspitione agit, in Germania existens, rerum Germanicarum oculatus testis, atque de re huiusmodi experimetum habens. tum quia ego auribus meis audiui uirum hunc grauissimum & doctissimum referri in oppositam sententiam, non absque illius grauissima iniuria: à qua ut ipsum liberarem, ipsum hîc in tam plurimis locis retuli.

De Cœna, & Calice Domini

Afferuntur rationes septima & octava ad eandem conclusionem
tertiam.

CAP. XXIII.



Eptimò probatur eadem tertia conclusio; ex statu huius sacrae rei, de qua agimus, quæ est communio sub utraque specie, quò ad laicos uel etiam clericos non celebrantes. Status enim eius rei talis est. Primum, quòd huiusmodi communio, quantum est de se, ex institutione Christi, est bona, iusta, sancta, & utilis, ut ex dictis & confessione omnium fidelium constat satis. Secundo, quòd ab initio nascentis Ecclesiæ, & deinceps multis annis & in multis Ecclesiis particularibus fuit moribus obseruata: ut ex Apostolo Paulo ad Corinthios, ex Dionysio Areopagita in de Ecclesiastica Hierarchia, ex Cypriano Martyre, ex Leone I. ex Clemente Alexandrino in suis Stromatibus, ex historia Tripartita, & ex aliis probatissimis etiam auctoribus satis manifestè apparet omnibus legentibus. Tertiò, quòd hæc res sic sancta, & sic multis sæculis apud multas Ecclesias particulares obseruata, non solum nunquam & nusquam fuit damnata, sed etiam nunquam & nusquam fuit aliqua lege scripta prohibita uel interdicta simpliciter & absolute: quia neque ante concilium Constantien. nec in illo, nec post illud. Quod nunquam & nusquam fuit damnata, sic notum est, ut nulla egeat probatione. Quod autem nunquam & nusquam fuit prohibita seu interdicta simpliciter & absolute, lege aliqua scripta, etiam est notum apud omnes fideles Christianos, ex eo quòd nullibi reperitur talis lex scripta, nec doctores catholici de ea faciunt aliquam mentionem, tanquam eam uidissent, aut de ea audissent, ante concilium Constantien. Quod uerò illud idem concilium non prohibuit consuetudinem communicandi in utraque specie, ubi illa esset ex antiquo seruata, satis est manifestum. Nam ut constat ex actis ipsius, hoc solum fecit, quòd consuetudinem communicandi laicos aut etiam clericos non celebrantes in altera tantum specie, laudauit, atque probauit, & damnantes

1. Cor. 1.
& 12.
Dionysius,
cap. 3
Cyprianus
Leo 1.
Serm. 3.
De quadra
gesima.
Clemens.
lib. 1.
Tripartita
lib. 9.
cap. 3.

Concilium
Constantian.
Sess. 13.

eam damnauit, simul decernens, quod, cum huiusmodi consuetudo ab Ecclesia & sanctis patribus rationabiliter introducta, & diutissime obseruata sit, habenda est pro lege, quam non licet reprobare, aut sine Ecclesie auctoritate prohibito mutare. Ecce totum fecit, consuetudinem communicandi populum in altera specie confirmando; & nihil fecit, consuetudinem communicandi populum in utraque specie dampnando. Neque illud concilium sic statuit absolute illam consuetudinem communicandi populum in altera tantum specie, quasi eam ostendisset aut predicasset indispensablem: sed sic, ut nulli liceret eam reprobare, aut sine Ecclesie auctoritate prohibito mutare. Vnde quisquis eam consuetudinem nullo modo reprobat, sed quidem eam auctoritate Ecclesie mutat, nullo modo agit contra concilium, sed potius agit secundum concilium illud: quod bene significauit, posse neminem auctoritate Ecclesie mutare hanc consuetudinem.

Ecce quis, seu qualis est status nunc, huius rei, de qua agimus, sacratissime quidem quantum est de se, hoc est, ex sua institutione, continentia, & sanctitate.

Videtur ergo expedire Ecclesie Dei, ut hanc rem sacram in tali statu existentem concedat suis filiis catholicis Christianis; tum ut eos in religione fortiores seu alacriores conseruet; tum ut eos in numero augeat, alios, qui defecerunt, ad conuersionem prouocando.

Si aliquis dixerit, lucrum non est certum. Respondemus, si certum esset lucrum, iam nullum esset de hac communione concedenda dubium. Secundò dicimus, Et si non est certum, quòd erit lucrum intentum in hac concessione: saltem certum est, quòd nullum potest sequi ex ista concessione damnum. Videtur ergo expedire Ecclesie, ut id experiatur, ex quo nullum potest sequi damnum, & magnum possumus sperare fructum, magnumq; lucrum, & magnum gaudium. Remedium hoc est benignissimum, quia potest prodesse, & non potest obesse. Videtur ergo admittendum. Ingenue fateor, non uideo quomodo hac sacra communio possit non expedire; aut possit esse non expediens, apposis illis omnibus prædictis conditionibus, cum

De Cœna, & Calice Domini

aliis opportunis, quæ uidebuntur, quibus omnes tolerantur errores, omniaque auferantur pericula, & omnia inconuenientia.

Hæc omnia dixerim sub correctione huius sacrosanctæ synodi, nullam aliam Reuerendissimorum patrum sententiam damnando, nullam accusando, nullique in aliquo detrahendo.

Octauo mihi probatur eadem conclusio tertia, ex eo quod profectò expedire uidetur Ecclesiæ Dei, ut ipsa & ter, & quater experiatur, immo experiatur sæpe, & sæpius pro salute animarum, id quod semel & bis iam eadem Ecclesia pro salute animarum experta est, absque ulla iactura sua, absque ullo detrimento, absque ullo damno. Sic enim magis assimilabitur Christo dicenti, Remittendum esse, non solum usque septies, sed septuagiessepties. Hinc est, quod cum patres in concilio Basileen. antequam declinassent, hanc communionem sub prædictis conditionibus iam concesserint ad petitionem Boëmorum, & postea scelicis recordationis Paulus Papa tertius, hoc ipsum fecerit ad petitionem Caroli Quinti: & cum hoc semper his uicibus factum sit absque ullo præiudicio sanctæ matris Ecclesiæ: uidetur absque dubio, quod & nunc sanctæ matri Ecclesiæ expediat, ut hoc concedat ad petitionem Ferdinandi Imperatoris, & aliorum principum nominatorum. Eadem est petitio, eadem est causa finalis pro qua petitur, & petentes non sunt minoris auctoritatis, dignitatis, aut acceptionis. Aut ostendat aliquis quod damnum euēnit ex illis duabus concessionibus primis, seu quod damnum euenire potest ex hac concessione tertia. Nos enim scimus quod ex illis nullum damnum euēnit, & quod ex hac nullum damnum euenire potest, moraliter loquendo.

Confirmatur hæc ratio, ex eo quod, duodecim horæ sunt in die, & sæpe Deus in una mouet alio modo quam in alia: unde homines à Deo moti, quod bonum una hora non faciunt, in alia faciunt: at qui in una cadunt, in alia resurgunt: in una Deo uocanti non obediunt, in alia obediunt. Quid scimus, si in hac tertia concessione, tempus erit completum, conseruationis bonorum, & reuerſionis

malorum? Concessimus quidem iam bis, ut dictum est, sed utique non debemus imponere terminum diuinæ misericordiæ: ne nobis dicatur, quod olim Iudæis dixit Iudith, *Iudith 8.* Posuistis uos tempus miserationis Domini, & in arbitrium uestrum diem constituistis ei.

Ergo quod sancta mater Ecclesia hoc iam bis concessit absque ullo præiudicio, mihi est unum de præcipuis fundamentis ad hoc, ut ei expediat, quod & nunc tertio id ipsum concedat. Non est abbreviata manus Domini. Sentiant homines ubique & semper, sanctæ matris Ecclesiæ elementiam. In his & similibus dico, in quibus nec est, nec potest esse ullum præiudicium.

Probaturs conclusio prima ad quartum artic. CAP. XXIII.



Rima conclusio quarti articuli est, Quātum ad sacratissimam rem contentam, idest, Christum Saluatorem nostrum, non minus aliquid sumit, qui sub una tantum specie hoc sacramentum accipit, quā qui sub utraq;.

Conclusio hæc prima probatur primum, ex illa quasi prima animi Christiani conceptione, qua omnes fideles Christiani catholici firmissimè credimus & nullo modo dubitamus, nunc totum Christum Saluatorem nostrum, corpus eius, sanguinem, animam, atq; diuinitatem, integrè esse, realiter atque præsentialiter sub qualibet specie huius sanctissimi sacramenti Eucharistiæ, immo etiam & sub qualibet particula cuiuslibet speciei illarum, etiam sub minima sensibili particula. Ex hac enim ueritate notissima omnibus Christianis, sequitur necessariò ista nostra prima conclusio, ut constat omnibus. Distinguimus nos quidem sic, quia sub specie panis ex ui uerborum Christi, quibus fit cōsecratio, Hoc est corpus meum. est ibi per se corpus Saluatoris nostri, de quo expresse est sermo: cætera uerò, quæ in illis uerbis nō explicantur, sed corpori Christi realiter coniunguntur ut sanguis, anima, diuinitas, sunt ibi per cōcomitantiam. Rursusque distinguimus simili modo, quia sub specie uini ex ui uerborum Christi, quibus fit consecra-

Gabriel.
lib. 53.

tiō, Hic est calix sanguinis mei &c. est ibi per se sanguis Saluatoris nostri, de quo expressè est sermo: cætera uerò, quæ illis uerbis non explicantur, sed sanguini Christi realiter coniunguntur, ut corpus, anima, diuinitas, sunt ibi per concomitantia similiter. Hac tamē una differentia salua, quod sub specie panis aut uini, alia concomitantia est ibi diuinitatis, alia uerò aliorum: quia concomitantia diuinitatis dicitur remota, cum non pertineat diuinitas ad unā naturam cum corpore aut sanguine: ut doctores bene notant, præsertim Gabriel super Canonem. Verum, quod ibi sint corpus & sanguis Christi, constat ex ipsis uerbis Saluatoris nostri, quæ sine dubio illud efficiunt modo quodam mirabili, quod significant. Quod uerò alia sint ibi per realem quandam concomitantiam, eo constat, quo apud omnes est certum, ea, quæ realiter coniunguntur, non nisi secundum rationem separari. Omnia igitur sunt ibi, quæ in Christo realiter sunt coniuncta, aut hypostaticè unita. Verissimè ex toto corde ita credimus, atque ex toto corde ita ore confitemur; corpus Christi, quod sumptum est de sanctissima & semper Virgine Maria, quod passum est, & sepulcrum, quodque resurrexit & ad cælum ascendit, ac sedet ad dexteram Dei Patris, in quo filius Dei uenturus est iudicare uiuos & mortuos, sub specie panis uerè & realiter contineri. Hanc ueritatem primum probant uerba ipsa Christi dicentis, Hoc est corpus meum, quod pro uobis tradetur, quod pro uobis datur. Quod uerbum Saluatoris nostri nullo modo intelligitur figuratè, sed propriè, ac uerè propriè: quemadmodum uerba sacramenti antecedentia, tum subsequētia, satis indicant; iuxta modum intelligendi sacram scripturam, in libro 83. quæst. positum & ab omnibus receptum. Ita, intellexerunt semper omnes sancti doctores, etiam antiquissimi, & Latini, & Græci. Eusebius Emisēnus, dicens inter alia, Recdat ergo omne infidelitatis ambiguum, quoniam quidem, qui auctor est muneris, ipse etiam reus est ueritatis. Nam inuisibilis, sacerdos, uisibiles creaturas in substantiam corporis & sanguinis sui uerbo suo secreta potestate conuertit, ita dicens, Accipite & comedite.

Matth. 26.
Marc. 14.
Luce 24.

August.
quæst. 69.
tom.
Eusebius
Emisē.

Hoc est corpus meum : Idem Leo Papa in synodo Romana. Hilarius in de Trinitate. Hieronymus in Sermonibus dominicis quintæ post Epiphaniam, dicit, Singuli autem totum accipiunt Christum dominum, & singulis portionibus totus est, nec per singulos minuitur, sed se in singulis præbet. Et ad Heluidium, Dominus Iesus ipse conuiuia & conuiuium : ipse comedens, & qui comeditur, Ambrosius in libro de sacramentis, ait, Panis est in altari usitatus ante uerba sacramentorum, ubi accessit consecratio, de pane fit caro Christi. Infra. Quod erat panis ante consecrationem, iam corpus Christi est post consecrationem : Quia sermo Christi creaturam mutat, & sic ex pane fit corpus Christi : & uinum cum aqua in calice mistum fit sanguis, consecratione uerbi celestis. Christus testificatur, quod corpus suum & sanguinem accipimus. De cuius fide & testificatione dubitare non debemus. Hæc ille dicit, & multa alia ualde notanda. Augustinus etiam de hac ueritate, multa præbet testimonia. In libro sententiarum Prosperi. Nos autem in specie panis & uini, quam uidemus, res inuisibiles, id est, carnem & sanguinem honoramus. Nec similiter comprehendimus has duas species, quemadmodum ante consecrationem apprehendebamus : cum fideliter fateamur ante consecrationem esse panem & uinum, quod natura formauit ; post consecrationem uero carnem Christi & sanguinem, quod benedictio consecrauit. In eodem lib. Caro eius (id est, Christi, de quo erat sermo) est quam forma panis operam in sacramento accipimus. Et sanguis eius, quem sub uini specie & sapore potamus. Idem in de Trinitate. Idem in epistola ad Irenæum ; Idem super psalmos, Accesserunt ad Iesum Iudæi ut crucifigerent, nos accedamus ut corpus eius & sanguinem accipiamus. Alibi ad Iudæos, Iam & securi bibite sanguinem, quem fudistis. Alibi, Ipsum sanguinem, quem per insubiam fuderunt, per gratiam biberunt. Alibi, De carne Maior, carnem accepit, & ipsam carnem ad manducandum ad salutem dedit. Idem Gregorius in homilia Paschæ. Basilus ; O miraculum, o Dei nimia beneuolentia, quæ suum sedet ad dexteram patris, sacrificij tempore

Leo, 42.
Hilarius
lib. 8.
Hierony.

Ambro.

August.

cap.
psal. 33.
psal. 28.
psal. 75.

Gregorius.
Basilus.

De Cœna, & Calice Domini

Hugo.
lib. 2.
par. 8.
per apost.
capitula.

manibus hominum continetur. Hugo in de sacramentis, Quod uidemus, species panis est & uini: quod autem sub specie illa credimus, uerum corpus Christi est & uerus sanguis Iesus Christi, quod pendit in cruce, & fluxit de latere. Nec per panem & uinum corpus & sanguinem tantum significari credimus, sed sub specie panis & uini uerum corpus & uerum sanguinem consecrari: & speciem quidem uisibilem, sacramentum esse ueri corporis & ueri sanguinis: corpus autem & sanguinem, sacramentum esse gratiæ spiritualis. Et quemadmodum species illie cernitur, cuius res uel substantia ibi esse non creditur: sic res ibi ueraciter & substantialiter præsens creditur, cuius species non cernitur. Videtur enim species panis & uini, & substantia panis & uini non creditur: creditur autem substantia corporis & sanguinis Christi, & species non uidetur. Idem Innocentius in De officio Missæ, Cum sacerdos illa Christi uerba pronuntiat, Hoc est corpus meum; Hic est calix meus; panis & uinum in corpus & sanguinem conuertuntur, illa uerbi uirtute, qua uerbum caro factum est, & habitauit in nobis: qua dixit, & facta sunt: mandauit, & creata sunt uniuersa. Ego igitur, qui uitam æternam habere desidero, carnem Christi ueraciter comedo, & sanguinem eius ueraciter bibo: illamque carnem, quam traxit de Virgine, & sanguinem, quem effudit in cruce. Idem probat confessio Berengarii facta in Concilio generali, Nicolao Papa præfidente: & habetur in capitulo, Ego. Talis enim fuit sua confessio, Consentio sanctæ Romanæ Ecclesiæ & Apostolicæ Sedi, & ore & corde profiteor, panem & uinum, quæ in altari ponuntur, post consecrationem non solum sacramentum, sed etiam uerum corpus & sanguinem Domini nostri Iesus Christi esse. Hanc ueritatem uniuersalis Ecclesia iam determinauit, cuius post Euangelium, nulla maior est auctoritas: etenim in Concilio uniuersali sub Innocentio tertio celebrato, ita habetur, Vna uerò est fidelium uniuersalis Ecclesia, extra quam nullus omnino saluatur: in qua idem ipse sacerdos est & sacrificium, Iesus Christus: cuius corpus & sanguis in sacramento altaris sub speciebus, panis & uini ueraciter continetur. Hanc eandem ueritatem

Innocentius.
1^o 1.

De consecr.
dist. 2.
Confessio
Berengarii.

Concilium
uniuersale.

De sancta
Trinit. &
fide catho.
6. Summorum.

tem Guilielmus Parisien. in tractatu solemnī, quem de sacramentis edidit, in parte de sacramento Eucharistiæ, c. sine partitione. & iuxta principium, persuadet ex tribus officiis, quæ Christus pro nobis suscepit: scilicet, presbyteri, aduocati, & medici. Albertus etiam ad istam ueritatem dicit in libro de Sacra, Quid necesse est tantum facere apparatus panis & uino, nisi significarent corpus & sanguinem Christi? Quid ad hoc ordinarentur sacerdotes, consecrantur altaria, templa, ac cætera, quæ ad ritum & altaris cultum pertinent, si nihil in his fieret, nisi quod panis benediceretur, qui corpus Christi tantum significaret? Adhuc autem adoratio & ueneratio, quæ fit à populo, exhiberetur creaturæ: sicque in omni missa idololatria committeretur, quia cultus debitus creatori, puræ exhiberetur creaturæ. Quod nepharium est dicere. Ad istam eandem ueritatem est manifestè Magister sententiarum, & post ipsum atque cum ipso tota schola Christiana simul, nullo excepto: quam ueritatem & ipse Magister probat, & auctoritatibus sanctorum Patrum, & testimoniis diuinarum scripturarum. Adducit enim uerbum Christi, Accipite, Hoc est corpus meum. & iuxta hoc dicit ex Ambrosio, si tantum ualuit sermo Helix, ut ignem de cælo deponeret: non ualebit tantum sermo Christi, ut substantias mutet? Refert iterum Ambrosium, & frequenter Augustinum: secundum quod Ambrosius in De sacramentis expressè dixit, Panem istum, quem sumimus in mysterio, illum intelligo utique, qui manu sancti Spiritus formatus est in utero Virginis, & igne passionis decoctus in ara Crucis. Probat etiam cur Saluator nobis dat semetipsum sub speciebus alienis. Sed hæc ex illo sufficiant. Eodem modo docent Alexander de Ales in suis partibus, Sanctus Thomas in scriptis & in partibus, par. 3. quæst. 76. artic. 1. 2. & 3. Scotus lib. 4. dist. 10. quæst. 1. Ockam in suo tractatu de Sacramento, Durandus, Gabriel Biel ibi & super Canonem, lect. 39. Sanctus Bonauentura, omnesque alij patres sine exceptione. Sic determinatum est etiam in concilio Constantien. Et sic docet diuus Dionysius Arcopagita. ait enim in de Ecclesiastica Hierarchia, loquens de uenerabili Eucharistiæ sacramento.

Guilielmus
Parisien.

Albertus.
par. 2.

Magister
sent.
lib. 4.
dist. 12.
et dist. 11.

Ambrosius
libro, de his
qui mysteriis
iniciantur.
cap. 9.
tom. 4.

De consecr.
dist. 2.
c. Omnia
quæ.

Alexand.
S. Tho.
Scotus;
Ockam;
Durandus,
Gabriel,
S. Bonauent.

Dionysius
cap. 3.

De Cæna, & Calice Domini

At uerò Pontifex cùm diuina munera laude profecutus fuerit, sacrosancta & augustissima mysteria conficit; & quæ antè laudauerat, uenerandis operta & abdita signis in conspectu agit; diuinæque maneræ reuerenter ostendens, ad sacram illorum communionem & ipse conuertitur, & reliquos ut communicent hortatur. Et post multa, Describit enim Pontifex in his fermè sensibilibus muneribus in conspectu dans Christum IESUM nostram spiritalem ut in imaginibus uitam, & diuinitatis occultè perfectam & in confusa nostræ mortalitatis assumptione clementissimè proprietatem ex nobis accepisse, atq; ad diuisibile nostrum sine mutatione sui ex unitate naturali processisse. Per hanc beatificam clementiam ad participationem sui suorumque bonorum inuitare genus humanum. Si tamen ipsius clementiæ inseramur, ipsam quantum fas est imitando: sicq; ueraciter consortes Dei diuinorumque participes efficiamur. Hac Dionysius. Concedant omnes catholici tractatores, Latini, Græci, Scholasticæ theologiæ, ac positiuæ, in eo quod in qualibet specie sanctissimi sacramenti Eucharistiæ, & in qualibet particula cuiuslibet speciei est totus Christus. Ergo quantum ad rem contentam, Christum Saluatorem nostrum, nemo minus suscipit sub altera tantum specie, quàm sub utraque. Eodem modo probant idem doctores sancti, quòd substantia panis & uini non manet cum corpore & sanguine Domini, sed panis & uinum in corpus & sanguinem Christi substantialiter cōuertuntur ac transubstantiantur: de qua ueritate modò non plura dicimus, eo quòd iam de ea dixerimus latè in libro præcedenti, in quo etiam continentiam huius diuini sacramenti ostendimus. Dixi in conclusionem, Nunc, ut magis declarareni ueritatem. existentia enim sacramentalis Christi in sacramento, præsupponit existentiam realem: ob quod si aliquis Apostolus in triduo mortis consecraret, non esset in sacramento Christus, quia re uera tunc Christus erat mortuus: esset tamen tunc corpus Christi sub specie panis, & esset sanguis Christi tunc sub specie uini: sed separatim, sicut erant extra sacramentum. Vnde tunc non haberet locum illa prædicta concomitantia sanguinis cum corpore, aut corporis

S. Tho.
par. 3.
quest. 81.
art. 4.

eum sanguine; quia corpus & sanguis non se habebant coniunctim in re, sed seiunctim. Nunc autem aliud est, quia corpus Christi modò est corpus uiuum, dispositum per sanguinem, & informatum per animam: similiter sanguis Christi modò non est separatus à corpore, sed est intra uenas inclusus. Ideò nunc habet locum illa concomitantia, de qua loquuntur doctores, & bene dicunt, exactè, atque sapientissimè. De ordine etiam ipsius concomitantia, id est, qui seruatur inter ea, quæ ibi sunt per cõcomitantiam, dixit Franciscus de Maronis, & post ipsum Gabriel Biel super canonem Missæ, latè satis: ibi de hoc quilibet plenè uidere potest. Tali enim modo corpus & sanguis & anima sunt in sacramento quantum ad hoc, quali sunt in sua propria consistentia siue existentia naturali. Quæ ut interim melius percipiantur, ita dicimus, Quatuor pertinentia ad perfectam corporis Christi cõsistentiam, sunt in sacramento uenerabili, sub qualibet specie: corpus Christi gloriosum, preciosus eius sanguis, benedicta eius anima, & diuinitas excellentissima. Sed hæc ita ordinantur quantum ad esse ibi per se ex ui consecrationis, atque ex ui concomitantia. Sub specie panis, est corpus ex ui consecrationis. cætera uerò tria, per concomitantiam. Est autem illa concomitantia non confusè, sed ordinatè; uerbi gratia, sanguis est ibi ex concomitantia immediata, quia pertinet immediatè ad dispositionem corporis, ut sit susceptiuum animæ; quia uidelicet anima non uiuificat corpus sine sanguine, immo oportet ut mediet sanguis, ut corpus sit dispositum ad informari. Secundò est ibi anima ex concomitantia mediata, quia præsupponit sanguinem in corpore, sine quo ipsa corpus non uiuificat. Tertiò est ibi Deitas ex concomitantia remota: quia quâuis immediatè sit unita corpori, & etiam mansit unita corpori in triduo mortis, anima scilicet & sanguine separatis: tamen in incarnatione facta est unio ad totum hominem primò, & ex consequenti ad partes humanitatis. Et ideò quasi remota & ultima cõcomitantia, dicitur diuinitas esse sub isto mirabili sacramento. Est tamen ibi per concomitantiam. Ita docet ille doctor Franciscus de Maronis prædictus. Est etiam ibi di-

Gabriel
lect. 41.
litera T.

De Cœna, & Calice Domini

Gabriel
lect. 53.
littera G.

uinitas ex concomitantia remota, quia non pertinet per se aut naturaliter ad unam naturam humanam cum corpore: & licet non sic pertineat ad unam naturam cum corpore, quia tamen corpori unita est ypostaticè, quod nunquam relinquit, ideo & ipsum concomitatur etiam in sacramento. In calice autem sub specie uini quâuis omnia illa quatuor uerè sint ac realiter, alio tamen ordine. Est enim primò ibi totus sanguis Christi assumptus & unitus corpori, per se & ui consecrationis. Secundò, est ibi corpus Christi ex concomitantia immediata; quia corpus Christi immediatè respicit in se sanguinem. Sanguis enim cum sit materia liquida, propriis terminis non continetur, sed terminis alienis: hi autem sunt partes corporis Christi, inter quas concluditur. Tertiò est ibi anima Christi ex concomitantia propinqua. Cum enim hîc sit sanguis & corpus, nec corpus sit exangue ac mortuum, necesse est & animam hîc contineri: & quia ipsa ad eandem naturam pertinet cum corpore, dicitur hîc esse concomitantia propinqua, quâuis non immediata; quia immediatum sanguinis receptaculum est corpus, per quod est ibi anima. Quartò, est ibi benedicta Deitas concomitantia remota; quia quâuis ipsa pertineat ad eandem personam cum anima & corpore, cui inest sanguis, non tamen pertinet ad eandem naturam cum prædictis. Ordo autem iste, hîc signatus, non est ordo temporis, quia non prius est ibi sanguis, quàm corpus, aut anima, aut diuinitas: sed est ordo naturæ, & præsuppositionis; qua, posterius non esset sub sacramento sine priore.

Gabriel
ubi supra.
lect. 42.
littera Q.

NON tamen uidetur prætereundum silentio, quòd licet sub hostia consecrata, sit concomitanter ipsa diuinitas & Dei filius: non tamen ibi sic concomitanter est Pater aut Spiritus sanctus. Sunt quidem in sacramento Pater & Spiritus sanctus, tum propter immensitatem diuinæ naturæ; qua ratione sunt ubique: tum propter identitatem essentiae, qua non possunt separari à filio. tum propter circumcessionem, qua filius est in patre, ac pater in filio, & similiter de Spiritu sancto, propter relationes originis, & identitatem essentiae. Non tamen sic sunt in sacramento per concomitantiam, sicut essentia & filius. Nam essentia & filius

sunt ibi per concomitantiam, quia uniti ypostaticè corpori assumpto; sed nec Pater, nec Spiritus sanctus assumpsit humanam naturam, & ita nec partes eius. Non enim pater factus homo, nec Spiritus sanctus incarnatus est: ut late probat Magister sententiarum, in uariis locis.

Magister
sem.
lib. 1.
dist. 16.
lib. 3.
dist. 1.

¶ Vnde autem debeat concedi simpliciter quod ibi sint Pater & Spiritus sanctus per concomitantiam, licet non sit cū uerbum? Respondet Gabriel, Videtur mihi, salua semper saniori sententia, quod uis est in nomine, quia de re constat. Constat quidem, quod ibi est Pater & Spiritus sanctus duplici ratione. Primò, quia sunt Deus, & per consequens ubique. Secundò, quia sunt consubstantialies uerbo: ergo sunt, ubi uerbum. Ita quod si per impossibile, non essent ubique; nihilominus essent in sacramento, in quo est uerbum, propter consubstantialitatem uerbi. Constat etiam quod ibi est uerbum per assumptionem corporis, quo modo non est ibi Pater, & Spiritus sanctus.

Gabriel
ubi supra.
lect. 42.
litera B.

Dixi etiam statim in principio probationis istius conclusionis primæ responsiue ad istum quartum articulum, totum Christum Saluatorem nostrum, corpus eius, sanguinè, animam, & diuinitatem esse in hoc sacramento, tum sub qualibet specierum, panis ac uini, tum etiam sub qualibet particula cuiuslibet speciei illarum, quauis ea particula sit minima sensibilis. Vnde placet notare insuper hoc loco, saltem ad maiorem declarationem, quæ olim theologi nostri animaduertunt. Etenim quod sub qualibet huius sacramenti particula totus est Christus, & totum eius corpus, &c. semper fuit notum apud patres, intelligendo de particulis sacramenti post fractionem eius. Sic enim dixit Hieronymus in quodam sermone post Epiphaniam, & habetur in De consecratione: & notum fuit semper apud omnes fideles Christianos, antiquos & nostræ ætatis. Suntq; multæ rationes ad hoc, de quibus non licet dubitare. Vtrum autem sub qualibet parte sacramenti indiuisi sit totus Christus, totum eius corpus, ac totus eius sanguis? non fuit semper ita clarum apud omnes. S. Thomas, & S. Bonauentura in suis scriptis recitant opiniones, & clarius recitat Alexander de Ales in suis partibus. Quadam

Hierony.
est sermo de
minica 5.
dist. 1.
c. Singuli.

lib. 4.
dist. 10.

part. 4.
quæst. 40.
art. 5.
Alexand.
de Alas.

enim opinio dixit quòd Christus totus est sub tota hostia, non tamen sub qualibet parte hostiæ indiuisa est totus: sed hostia diuisa, Christus totus remanet sub qualibet parte. Ponebat illa opinio exemplum de speculo, quia sicut fracto speculo multiplicantur imagines in partibus speculi, sic post fractionem sacramenti, quot sunt partes, toties est ibi Christus. Constat autem quòd ante fractionem speculi, non erat ibi nisi una imago. Ista autem opinio ab omnibus gra- uiter impugnatur, & ab omnibus conformiter relinquitur: Quia omnia, est alia sententia uera & communis omnium doctorum, asserens quòd corpus Christi est totum in tota hostia, & totum in qualibet parte hostiæ, in qua fuit prius substantia panis; siue hostia sit integra, siue diuisa. Nec per diuisionem aliquid mutatur, circa existentiam corpo- ris Christi. Non enim per fractionem nunc incipit esse, ubi prius non fuit: nec desinit esse, ubi fuit: quandiu species manent in eadem dispositione, in qua sub eis conseruata fuisset substantia panis, si facta non fuisset conuersio. Vnde sicut per diuinam potentiam miraculosè totū corpus Chri- sti sub tam parua hostia concluditur: ita per eādem poten- tiam & miraculosè, etiam in singulis partibus totum con- tinetur. Et hoc est de intentione domini Innocentij tertij, sic dicentis. Reor, salua fide maiestatis, quòd ubi est pa- nis consecratus, totum in singulis partibus continetur, &c. De his Gabriel latè super canonem Missæ. Similiter & san- ctus Thomas in suis partibus, ubi quærit, Vtrum sit totus Christus sub qualibet parte specierum panis & uini? Ibi enim ita ingenuè fatetur, Et ideò manifestum est, quòd totus Christus est sub qualibet parte specierum panis, etiam hostia integra manente, &c. Nunquid ideò corpus Christi est infinities aut pluries in eadem hostia consecrata integra? absit. Sicut enim nulla substantia alicuius rei est pluries sub dimensionibus propriis, quandiu sua quantitas manet indiuisa actu: sic neque corpus Christi sub dimensionibus panis: & per consequens, neque infinities. Facta autem diuisione, toties Christus est in illo diuino sacramento, in quot partes diuiditur sacramentum. Optimè dicit Augu- stinus in quodam sermone, Singuli accipiunt Christum Do-

Gabriel
l. 80.
l. 10.
P. Q.
S. Tho.
par. 3.
quæst. 76.
art. 3.

S. Tho.
ibid.
ad 1. arg.
Gabriel
ubi supra.
August.

minum, & in singulis portionibus totus est: nec per singulas minuitur, sed integrum se præbet singulis. Ad exemplum autem adductum de speculo, asserit S. Thomas & uerè, quòd quidè non est omnino simile. Ea ratione, quia multiplicatio huiusmodi imaginum accidit in speculo fracto, propter diuersas reflexiones ad diuersas partes speculi: hìc autem non est nisi una consecratio, propter quam corpus Christi est in toto sacramento. Hæc ille. In hoc enim sacramento substantia corporis Christi est ex ui sacramenti, seu ex ui sacramentalis consecrationis: quantitas autem dimensiuæ ex ui realis concomitantiz. Ideò corpus Christi est in hoc sacramento per modum substantiz, idest, per modum, quo substantia est sub dimensionibus: non autem per modum dimensionum, id est, non per modum illum, quo quantitas dimensiuæ alicuius corporis, est sub quantitate dimensiuæ loci. Manifestum est autem, quòd natura substantiz tota est sub qualibet parte dimensionu, sub quibus continetur: sicut sub qualibet parte aëris est tota natura aëris, & sub qualibet parte panis est tota natura panis. Et hoc indifferenter siue sint dimensiones actu diuisæ, sicut cum aër diuiditur, uel panis secatur, uel etiam sint actu indiuisæ, diuisibiles uerò potentia. Itaque corpus Christi non est in hoc sacramento secundum proprium modum quantitatis dimensiuæ, sed magis secundum modum substantiz: sic etiam quòd dimensiones propriæ corporis Christi comparantur ad locum illum in sacramento, mediante substantia ipsa corporis, non autem mediantibus seipsis. Ex hac una ratione intellecta, facillimum est intelligere, quomodo totus Christus est in tota hostia consecrata, & totus in qualibet eius parte.

S. Tho.
par. 3.
quest. 76.
art. 3.

S. Tho.
ibid.

S. Tho.
ibid.
art. 15.

Omissa probatione secunda conclusionis ad quartum articulum ;
quod ea sit admodum manifesta, probantur tertia & quarta.

CAP. LXXV.



Secunda conclusio huius quatri articuli per se constat, nec indiget probatione ulla: cum enim species sacramentales panis, & species sacramentales uini, sint res realiter distinctæ, constituentes pluralitatem quandam, licet ordine quodam: non est dubium quin minus de illis ac de illa sua pluralitate sumat, qui communicat in una tantum, quam qui communicat in duabus. Nec illæ res sunt tantum distinctæ realiter, quantum ad numerum; illæ res, inquam, id est, illæ species, accidentia, & signa; sed ut etiam constat, sunt distinctæ specificè: unde magis confirmatur ipsa ueritas & conclusio secunda, absque ulla dubitatione. Ex qualibet enim multitudine minus accipit, qui accipit unum, quam qui accipit duo. Sunt autem illa sacra accidentia multa, & distincta: alia panis, alia uini, alia solidi, alia liquidi aut fluidi: alia non nisi manducabilia, alia non nisi potabilia: quantum est de se, atque ex natura rei.

Conclusionem tertiam probant satis ipsa uerba in quibus ipsa ponitur, & quibus declaratur. Ad opus enim operantis pertinent eius fides, spes, charitas, obedientia, deuotio, feruor, & inflammatio, quibus communicans aut communicaturus accedit ad istud sacramentum mirabile. Ista autem pro ut sunt actus quidam boni in habente; sunt quædam merita, & certissima habent sua præmia; gratiæ etiã aut gloriæ, si fiant in gratia. Non de condigno strictè, ut declarat optimè Apostolus ad Romanos dicens, Existimo enim quod non sunt condignæ pafsiones huius temporis, ad futuram gloriam quæ reuelabitur in nobis. Sed modo alio, quem idem Apostolus alibi declarat, dicens ad Corinthios, Id enim, quod in præsentem est momentaneum & leue tribulationis nostræ, supra modum in sublimitate æternæ gloriæ pondus operatur in nobis. Eo etiam modo, quo

Roma 8.

2. Corin. 4.

quo dicit Apost. Bonum certamen certavi, cursum consummaui, fidem seruavi. In reliquo reposita est mihi corona iustitiæ, quam reddet mihi Dominus in illa die, iustus iudex. Non est autem dubium, quin ista opera possint esse maiora uel minora, intensiora uel remissiora, feruentiora uel tepidiora in communicante in una specie, quam in duabus; aut etiam è contra, in communicante in duabus, quam in communicante in una. Meritum namq; hominis ex opere operantis, & si particulariter etiam respiciat alia; particulariter etiam respicit conatum eius, qui operatur, in credendo, sperando, amando, obediendo, pœnitendo, aut aliquid aliud faciendo interius, uel exterius. Et aliquando aliquis cum æquali gratia, maiori, uel minori, conatur æqualiter, magis, uel minus: quia conatus noster in nostris actionibus liberis uel ad illas, pendet à nostra uoluntate. Vnde fit, quòd aliquando aliquis homo ad aliquod opus conatur, uerbi gratia, ut quinque; qui potuit, ad idem opus, & in eodem tempore conari ut decem. Ergo pro gratia, quæ datur secundum opus operantis, non potest dari certa regula pro illis, qui uel sub una uel sub duabus speciebus communicant. Pendet enim hoc quodammodo à suo eorum merito, affectionibus, actionibus, uel passionibus, & à suo conatu: quæ supra modum possunt esse uaria, maiora uel minora, ut constat ex dictis.

Conclusio quarta potest etiam probari & faciliter & sufficienter, quia illa quæstio, An minus gratiæ recipiat ex operato, qui in altera tantum specie communicat, quam qui in duabus? pro nulla parte sua, affirmatiua uel negatiua uidelicet, est per se nota: nec pro aliqua est demonstrabilis demonstratione clara, uincente intellectum sua claritate: nec pro aliqua est de fide Christiana, ut cûctis est manifestum. Quin potius illa quæstio, stando in rigore theologico, ad utranque partem suam, affirmatiuam uel negatiuam, habet rationes probabiles & ualde apparentes iuxta qualitatem materiæ: & simul habet doctores theologos, atque catholicos, qui de illa uariè opinantur. Ergo illa quæstio, est quoddam problema theologicum. Ad particularia autem descendendo probatur ipsa ueritas, seu cõ-

De Cæna, & Calice Domini

Opinio 1.
ad partem
affirma.

Alexand.
de Ales.
par. 4.
quest. 53.
Nicolaus.
Ioan. 6.

Fundamē-
ta opi n. 1.

clusio, ex doctoribus, qui uariè opinantur, & rationibus eorum. Partem nanque affirmatiuam, id est, quòd plus gratiæ accipiat communicans sub utraque specie, quàm sub altera tantùm, & per consequens quòd minus qui sub altera, quàm qui sub duabus, tenent Alexander de Ales in suis partibus, & Nicolaus Lyranus super Ioannem: atque fortassis alij, de quibus modò non recordor, nisi quantum paulò post (domino donante) explicabo. secundum quod ad istam sententiam profectò magis uidentur esse nonnulli, qui communiter solent adduci in oppositum. Fundamenta huius opinionis sunt, Primum, quia alius effectus uidetur esse cibi, & alius potus: prout communiter sitim potus, famem uerò cibus sedat. Vnde quia hoc sanctissimum sacramentum ex illis duabus speciebus diuersarum rerum, panis uidelicet & uini, integratur & quodammodo perficitur; uidetur quòd Saluator noster sub qualibet specie latens, alium effectum & alium spiritalem operatur per aliam & aliam speciem. Secundum, quia utraque species est uerè sacramentum, distinctam habens materiam & distinctam formam: & sub qualibet est totus Christus uerè ac realiter, non minus potens, nec minus nos diligens sub specie uini quàm sub specie panis, uel è contra. Operabitur ergo in altera, sicut in altera: quia nec minus utilis nobis est in alia, quàm in alia. Tertium, quia species uini post consecrationem uerè est sacramentum, secundum propriam definitionem sacramenti, ut constat intuentibus ipsam rem, & scientibus ipsam definitionem. Ergo secundum regulam comunem omnium sacramentorum nouæ legis, sicut habet distinctam significationem, debet habere distinctum effectum: quia sacramenta efficiunt quod representant, aut significant. Quartum, quia si sacerdos consecrans nihil per usum calicis acciperet, superfluous & inutilis uideretur sibi ille usus: quod tamen nullo modo uidetur dicendum, neque credendum. Quintum, quia si aliquis Apostolus in triduo post domini expirationem in cruce, & ante eius resurrectionem, in pane & uino consecrasset, tunc re uera sub specie panis esset solum corpus cū diuinitate, & sub specie uini esset solus sanguis sine corpo-

re, sicut erat effusus, cum diuinitate tamen, suo modo. Constat quòd tunc sub nentra specie esset totus Christus, sed corpus eius esset sub specie panis, & sanguis eius seu cruor esset sub specie uini: constat etiam quòd quælibet illarum specierum esset uerum sacramentum, & quælibet haberet suum effectum ratione rei contentæ, quia non esset maior ratio de una, quàm de alia. Ergo simili modo & nunc, quando totus Christus est sub qualibet: quia existentia totius Christi non debet tollere sacramenti efficaciam, sed ponere, uel augere, uel saltem non minuere. Ista sunt potissima fundamenta, quæ solent fieri ad partem affirmatiuam quæstionis, secundum quòd illam tenent Alexander de Ales, Nicolaus Lyranus, & alij, de quibus postea. Partem autem negatiuam tenet Gabriel Biel super canonem Missæ, atque Ruardus Tapper in explicatione articulorum facultatis theologiæ uniuersitatis Louaniensis. Dicit enim Gabriel, Cum uerò in processu temporis charitas refriguit & tepuit in fidelibus, potuit Ecclesia rationabiliter subtrahere laicis calicem sanguinis Christi; maximè cum nullum profectum per hoc auferat Ecclesia à fidelibus: quoniam uirtus & efficacia huius sacramenti non dependet à speciebus illis uisibilibus, nec una, nec ambabus: sed à rebus contentis sub speciebus. Quæ ita sunt sub qualibet specie seorsum, sicut sub ambabus; nec plus sub ambabus, quàm sub una. Efficacia & profectus proueniens ex sumptione sacramenti sub una specie, tantus est, sicut ex sumptione sub utraque. Sacerdos uerò, qui offert in persona totius Ecclesiæ, pro se, & clericis, & laicis, & māducat atq; bibit, ut sic representatio perfecta refectionis expresse significetur futura: pro cuius adeptione sacrificatur in uia. Et si quando deficeret personalis deuotio in sacerdote celebrante; nunquam tamè deficit deuotio sponsæ Ecclesiæ, in cuius persona agit officiū. Caueri etiam possunt à sacerdote celebrante faciliter, ceteri defectus supra notati. Hæc ille. Ruardus Tapper cum uidisset illa fundamenta alterius opinionis, quali istam opintonem Gabrielis magis probet, iuxta illam determinando dicit, His tamen non obstantibus, cum idem sit effectus cibi spiritualis & potus carnis & sanguinis do-

Opinio 2.
ad partem
negatiuā.
Gabriel
lect. 84.
Ruardus
art. 15.
Ibid.
litera S.

Ruardus
ubi supra.

De Cœna, & Calice Domini

mini in sacramento (utrunque enim sustentat, reparat, aug-
get, & delectat : nam potus hic est, ut medici loquuntur,
cibalis) necessarium est, quòd eadem sit gratia, quæ sub
utraq; specie confertur : sicut idem est, quod esurimus &
sitimus, ut diximus superius, & clarissimè testatur beatus
Augustinus, Panis iste uisibilis, inquit, stomachum confir-
mat, uentrein confirmat. Est alius panis, qui cor confir-
mat, quia panis est cordis; & spirituale uinum est, quod
latificat cor hominis. Ergo sic accipe de pane, quomodo
accipis de uino. Intus esuri, intus siti. Beati, qui esuriunt
& sitiunt iusticiam, quia ipsi saturabuntur. Panis ille ius-
titia est, uinum illud iusticia est, ueritas est, ueritas Chri-
stus est. Ego sum, inquit, panis uiuus, qui de cœlo de-
scendit, & ego sum uitis, uos sermenta, & panis cor ho-
minis confirmat. Iusticia itaque fames & sitis est, quam
sedat hoc sacramentum, confirmando & tribuendo uirtu-
tem iustè operandi : immo eiusdem iustitiæ maiorem esu-
riem excitando, sicut sapientia dicit, Qui edunt me, ad-
huc esurient : & qui bibunt me, adhuc sitient. Meus, in-
quit Saluator, cibus est, ut faciam uoluntatem eius, qui
misit me. Vtraque igitur specie confertur robur iustè ope-
randi, & accenditur uoluntas & amor iustitiæ, qui non fa-
tiatur, nisi absoluta nostra peregrinatione, cuius figura
præcessit in Helia Propheta, de quo dicitur, quòd com-
edit & bibit & ambulauit in fortitudine cibi illius quadra-
ginta diebus, & quadraginta noctibus, usque ad montem
Dei Oreb. Et ideò si solus sanguis sumeretur, ut aliquan-
do olim factum est per sacræ Eucharistiæ infusionem, ea-
dem gratia conferretur, quæ nunc confertur solùm corpus
suscipienti. Nec alia acquiritur gratia, quando post cor-
pus sumptum sacerdos bibit sanguinem Domini simul cum
corpore calici immisso, immo nec maior acquiritur gratia,
nisi maiori sumeretur deuotione, sicut in die natiuitatis
Christi, uel quando sacerdos ex causa bis celebrat, non ma-
iorem percipit gratiam ex secunda uel tertia corporis & san-
guinis communionem, nec ex quotidiana uel frequenti com-
munionem. Hæc ille. Fundamenta uerò sua potissima, &
fortè sola, quibus ipse probat non minus gratiæ ex operato

Augustinus
circa illud,
Panis cor
hominis cõ-
firmat.
Psal. 103.

Eccl. 24.

1. Reg. 10.

Fundamen-
ta opus. 2.
ad pariem
negatiuâ.

fufcipere communicantem fub altera fpecie, quàm fufcipiat communicans fub utraque funt, Primum, ex illa regula omnibus facramentis communi, & communiter à patribus tradita, quòd fecundum præparationem & deuotionem fufcipientis, maiorem uel minorem operentur effectum: Nam & baptifmus, inquit, minorem confert gratiam minus difpofito, ficut nullam indifpofito. Secundum, ex eo quòd mirabile hoc facramentum Euchariftiæ habet effe permanens, quia non confiftit in ufu ficut alia facramenta, fed in confecratione materiæ. Tertium, ex eo quòd facramentum iftud diuinum Euchariftiæ, magis quàm eius perceptio & confecratio, falutem operatur: unde non folùm agit dum fufcipitur, fed etiam dum manet in eo, qui communicauit: quia non folùm facramenti fufceptio, fed facramentum fumptum & durans feu permanens operatur, agit, uel efficit fuo modo. Ex iftis igitur fundamentis uidetur ifte doctòr catholicus probare hanc fuam fententiam, ac fi dicat, Hoc facramentum, feu Chriftus in ipfo agit toto tempore, quo eft in homine communicato fub fola fpecie panis, & toto illo tempore durat illa actio, qua nobis Saluator noster in nobis exiftens sacramentaliter, fuam præftat gratiam: ut conftat ex fecundo & tertio fundamentis. Ergo non minorem gratiam fufcipit homo communicans fub fola fpecie panis, quàm ille, qui illam & fimul fpeciem uini fufcipit. Conftat confequentia, quia illa actio, qua Chriftus ibi nobis fuam gratiam communicat, durat toto tempore, quo ibi eft fpecies panis fiue facramentum corporis: & quando aduenit calix, Chriftus eft in ipfa eadem actione ratione primæ communionis: & rurfus manet in illa, poft quàm ibi definit effe facramentum sanguinis: quia ut uidetur, magis durat in nobis fpecies panis folidi, quàm fpecies uini liquidi aut fluidi. Secundò probat, quia iam communicatus in fpecie panis, & accipiens de nouo fpeciem uini, uel habet maiorem deuotionem ac difpofitionem quàm antea, uel non habet? Si non, nihil accipiet cum calice ex opere operato, ut conftat ex primo fundamento: quia fecundum difpofitionem uel deuotionem fufcipientis, operatur facramentum. Si fic, etiã


De Cæna, & Calice Domini

in tali casu maiorem gratiam reciperet propter sacramentum iam susceptum & ad huc in ipso manens, etiam si non reciperet calicem. Quandoquidem durante specie panis in homine communicato, durat in eo sacramentum: durante in eo sacramento, durat in eo Christus: durante in eo Christo, durat in eo actio Christi, quam gratiam præstat ex opere operato: durante autem illa actione, ipsa habet aut producit maiorem effectum, quotiens subiectum uel passum fit magis dispositum. Ita probat ille doctor Ruardus suam sententiam; & quauis non in ista forma; nihilominus tamen in ista sententia & doctrina, ut si quis eius scripta adeat, erit facilius manifestum. Istam sententiam uidetur tenere sanctus Thomas in suis partibus, ubi postquam probauit quod liceat corpus Christi sumere sine sanguine, id est, sub sola specie panis: dixit tandem, Potest autem à populo corpus sine sanguine sumi. Nec exinde sequitur aliquod detrimentum: quia sacerdos in persona omnium sanguinem offert, & sumit; & sub utraque specie totus Christus continetur, ut supra habitum est. Hæc ille. In eadem sententia est Caietanus commentator sancti Thomæ, eius interpres, & bonus asseda. Talem enim mouet quæstionem in eo loco, An utilius sit sumere Eucharistiam sub utraque specie, quam sub specie panis tantum? Respondendo autem, cum prius formasset nonnullas rationes, nonnullasq; confirmationes ad partem affirmatiuam: postea tamen dedit responsum ad quæstionem iuxta partem negatiuam, & id probauit ex sancto Thoma in uerbis statim allegatis. Ipse auctor ibidem uolens declarare, quid in Eucharistiæ sacramento est causa gratiæ, & quomodo causat: dicit tria per ordinem, Primum est, non est uirtus aliqua in sacramento aut diuina assistentia, sed est res contenta in Eucharistia. Secundum est, quod huiusmodi res contenta causans, non est minus res concomitanter contenta, quam res contenta ex ui conuersionis. Tertium est, quod res contenta in hoc sacramento causat absque aliquo sensibili instrumento. Probat hoc tertium, tripliciter; primo quia ubi est præsens agens sufficiens per seipsum, non est opus instrumento, nec consuevit adhiberi instrumen-

s. Tho.
par. 3.
quæst. 80.
art. 12.
ibi ad tertium arg.

part. ead.
quæst.
art.
Caietanus
in eod. loco.

tum. Secundò, quia sicut se habet alimentum corporale ad corpus, ut alat corporaliter sine mediis instrumentis, sic se habet Christus, alimentum spiritale ad animam, ut alat spiritualiter sine mediis instrumentis ullis. Tertiò, quia secundum doctrinam sanctæ matris Ecclesiæ, accipimus in compræhensibilem ac ineffabilem coniunctionem Christi, & specierum sacramentaliū sub ratione continentis & contenti ueraciter præsentis, & signi & signati, & huiusmodi: & non secundum rationem agentis & instrumenti. Ex istis infert statim, quòd in calice & hostia non sunt diuersæ uirtutes collatiuæ spiritualis gratiæ; sed una tantum est res utrobique conferens, scilicet Christus ipse secundum seipsum, & non per uirtutes medias, nec per media instrumenta. Quibus addit etiam secundum illationem, quòd quæcunque argumenta ad probandam diuersitatem fructuum spiritualium in sumptione utriusque speciei, formantur ex diuersitate uirtutum sacramentalium, uel sacramentalium instrumentorum, uel modorum conferendi, & aliorum huiusmodi, ex falso procedunt principio, nihilque ualent, utpote absque fundamento erecta. Declarando autem nihilominus, & non negando, quomodo hoc sacramentum sit causa gratiæ, dicit, Quo fit, ut considerando sacramentum Eucharistiæ infra latitudinem causæ (prout est collatiuum spiritualis gratiæ, nutritiuum animæ, & medicina eiusdem) nulla sit differentia inter species ipsas inter se, & similiter nulla sit differentia inter utranque simul & alteram tantum: quoniam, ut ex dictis patet, una & eadem omnino absque omni uirtute media, absque omni sensibili instrumento medio, est utrobique, & in altera tantum cuiuscunque spiritualis doni causa, scilicet Christus ipse personaliter præsens secundum deitatem & humanitatem. Ex istis & aliis multis interpositis iterum ita infert, Consequens est ut nulla maior utilitas spiritualis fructus proueniat in sumente sacramentum sub utraque specie, quam proueniat in sumente sacramentum sub altera tantum specie. Et hoc intellige, cæteris paribus. Ita quòd, ut exemplariter dicatur, Si sunt hic duo æqualiter dispositi ad communionem, & unus communicat sub specie panis



De Cœna, & Calice Domini

tantum, alter uerò sub utraque specie; non plus prodest quoad gratiam & spirituales fructus sacramentum Eucharistiæ communicanti sub utraque specie, quam communicanti sub specie panis tantum. Et ratio est dicta; quia non interuenit maior collatio, quanuis interueniat maior significatio. Hac ille. Infra ad idem dicit iterum, Ad tertium dicitur, quòd cæteris paribus, non est utilius spiritualiter comedere & bibere sacramentum, quam comedere tantum: quia comedere & bibere spiritualiter Christum, sunt unum & idem inter se, & non differunt à comedere & bibere spiritualiter Eucharistiam, nisi sola relatione ad sacramentum. Constat enim quòd utilitas graduatur secundum interiorem spiritus fructum, & non secundum relationem ad sacramentum: quoniam relatio huiusmodi non facit melius, sed solam habitudinem ad sensibile signum, in quo Christus continetur, apponit. Et probat deinde, quòd comedere & bibere spiritualiter, idem sint ex uerbis domini, Ioan. 6. Quid de sacerdote communicante sub utraque? Respondet idem auctor ibi ad quartum argumentum, dupliciter, siquidem potest inueniri dispositus post sumptum sacramentum sub specie panis. Vel sine augmento spirituali, uel cum augmento spirituali. Et si quidem inuenitur dispositus cum augmento spirituali, ita ut dignior sit suscipiendo sub secunda specie, quam fuerit suscipiendo primam, recipit proculdubio sumendo calicem, spirituales fructus sacramenti, qui gratia maior est intensiue aut extensiue: & sic dispositis nullus unquam dubitauit utilius esse communicare sub utraque specie, quam sub altera tantum. Si uerò inuenitur sine spirituali augmento dispositus, nihil spiritualis fructus ex sumptione calicis percipit: quoniam idem est utroque agens, & idem patiens æqualiter utrobique dispositum: & perinde, quòd ad interiorem fructum se habet, ac si post sumptam hostiam unam, aliam sumeret: ut contingit fumentibus reliquias sacramenti. Vnde infructuositas ista non est ex parte rei contentæ sub specie uini; sed est ex æquali dispositione communicantis, & identitate numerali rei contentæ sub utraque specie, per ipsam immediatè conferentis fructum sacramenti.

sacramenti. Hæc enim simul concurrentia efficiunt, quod non magis fructuosa est cōmunio sub utraque specie, quàm sub prima tantum. Et si his adiunxeris, quod populus cōmuniter non est tantæ perfectionis, ut ad hæc incrementa se præparet: uidebis consequenter, quod non est utiliſ populo communicare sub utraque specie, quàm communicare sub altera tantum. In cuius signum non apparent meliores homines in partibus ubi communicant sub utraque specie, hominibus alibi seu ibi communicantibus sub altera tantum specie. Hæc ille. Ibi respondendo ad secundum argumentum, assignat differentiam inter hoc sacramentum & alia, quoad gratiæ collationem: quoniam in aliis sacramentis Christus mediante uirtute sacramentali confert effectum, hîc autem immediatè per seipsum, fructum confert sacramenti.

Ecce constat quàm uariæ sunt opiniones doctorum theologorum circa illam quæstionem, & quæ sunt fundamenta illarum potissima. Vt illa quæstio uerè possit dici problema, propter auctores & rationes probabiles, quas habet ad utranque partem: & uerè dicatur theologicum, propter materiam in qua est. Quæ sententia seu opinio istarum est magis probabilis? Alia est quæstio, & de qua modò nihil agimus, neque quicquam agere intendimus. Quibusdam enim uideri potest, quod illa, quæ tenet partem affirmatiuam: quibusdam uerò quod illa, quæ tenet partem negatiuam. Vnum tamen hîc summopere animaduertendum uidetur, ne quis propter defendendam, tuendam, probandam, declarandam, aut sustentandam aliquam harum opinionum, neget regulas theologicas, aliàs ab omnibus concessas: quia illud non esset opinionem ipsam suam probare, sed communem theologiam destruere. Regula autè theologia communis est, Omnia sacramenta nouæ legis id efficiere quodam modo saltem instrumentaliter, uel tanquam causa sine qua non, quod repræsentant, aut significant. Nāque bene dicit Magister sententiarum, & cum ipso tota schola Christiana simul, Sacramentum enim propriè dicitur, quod ita signum est gratiæ Dei, & inuisibilis gratiæ forma, ut ipsius imaginem gerat, & causa existat. Sicut

Regula 1.
sacramen-
tum quid
sit.

Magister
sent.

lib. 4.
dist. 1.

De Cœna, & Calice Domini

August.

S. Thomas,
Durandus,
lib. 4.

Regula. 2.
Per sacra-
mentum
Deus dat
gratiam.

Hugo 4 S.
Victor.

Part. 1.
Cap. 1.

etiam Augustinus bene dixerat in libro de corpore Christi, Sacramentum est, per quod sub tegumento rerum uisibilibus, diuina uirtus secretius operatur. Vnde non abs re, Sacramentum secundum sanctum Thomam & Durandum, dicitur à sacrando actiue; sicut medicamentum, à medicando: & ornamentum, ab ornando. Et sicut medicamentum est illud, quo alicui mediemur: & ornamentum est, quo aliquis ornatur: sic sacramentum est aliquid, quo aliquis sacrat. Sermo hic maxime atque præsertim est, de sacramentis nouæ legis: quæ habent longè aliam efficaciam; supra sacramenta ueteris legis: & uerus est sine dubio, à quocunque dicatur, atque ueritas eius esset, etiam si nemo hoc diceret. Regula etiam theologica communis est, aut saltem esse debet iuxta istam primam, ut dicamus omnes, Deum Optimum Maximum dare gratiam gratum facientem omnibus suscipientibus sacramentum quodcumque nouæ legis, & non ponentibus obicem sacramento nec effectui sacramenti: tanquam Deus Optimus hoc faciat non solum cum sacramento, uel in sacramento, sed etiam per sacramentum. Ista regula theologica etiam communis est, & nascitur ex illa prima paulò ante posita: quia hoc est quidem, sacramenta nouæ legis esse quodam modo causam gratiæ; quia Deus non solum cum illis aut in illis, quin etiam & per illa causat gratiam. Vnde Apostolus non solum dixit, saluos nos fecit in uel cum lauacro regenerationis & renouationis, sed grauius dixit, saluos nos fecit per lauacrum regenerationis & renouationis. Est autem hoc uerbum magis graue & magis abundans, quia illa dictio aut nota, Per, ponit quandam causalitatem in suo casuali. Hugo à sancto Victore in suo tractatu de sacramentis, naturalis legis dixit nos recipere gratiam in sacramentis, rebus quidem ex natura rei, nobis inferioribus, ad nostram humilitatem, seu humiliationem. Sed uerbum illud intelligendum est, uel de solis sacramentis legis naturæ: uel secundum communem patrum intelligentiam; uel prout ipse idem auctor satis declarat alibi, agens de sacramentis. Idem namque in libro de sacramentis ita definit sacramentum, Sacramentum est corporale uel materiale elementum,

foris sensibiliter propositum, ex similitudine representans, ex institutione significans, ex sanctificatione continens aliquam inuisibilem & spiritualement gratiam. Augustinus iuxta istam theologiam harum duarum regularum dicit super Ioannem, quod aqua baptismalis corpus tangit, & cor abluit: atque contra Faustum inquit, Hæc omnia, scilicet sacramentalia, fiunt, & transeunt: uirtus tamen scilicet Dei, quæ per ista operatur, iugiter manet. Sanctus Thomas etiam mirabili quodam modo, sicut solet facere in rebus theologicis, probat sacramenta nouæ legis esse quidem non solum signum uel signa, quin etiam & causa gratiæ, uidelicet instrumentaliter. Scotus insuper licet contenderit sacramenta respectu gratiæ, potius esse causam sine qua non, quam instrumentalem; ita tamen definiuit sacramentum, ut diceret, Sacramentum propriissimè acceptum, est signum sensibile, gratiam uel Dei effectum gratuitum ex institutione diuina efficaciter significans, ordinatum ad salutem hominis uiatoris. Simili modo tradunt Durandus à Sancto Portiano, Petrus Paludanus, Gabriel Biel, & omnes alij doctores theologi: qui Gabriel præcipuè nititur ostendere modo quodam speciali, iuxta Petrum Aliacensem, sacramenta nouæ legis, esse causam gratiæ. Alia regula est theologica non minus certa, nec minus obseruanda, quod sacramenta non attingunt directè aut immediatè illam actionem, qua Deus Optimus producit gratiam gratum facientem in anima hominis suscipientis sacramentum. Namque gratia huiusmodi non educitur, nec est educibilis de potentia materiæ, sed solum est producibilis per creationem: ad creationem uerò non potest attingere directè & immediatè aliqua creatura, ut constat omnibus theologis, etiam minimis. Alia regula est, quod sacramenta nouæ legis ritè suscipientibus cōferunt suo modo quandam gratiam ex opere operato, eo uidelicet quod sunt causa gratiæ: supra illam gratiam, quam ipsi recipientes recipiunt ex opere operantis, id est, ex sua fide, spe, charitate, obedientia, pœnitentia, deuotione, aut aliis huiusmodi. Hæc prærogatiua sequitur ex aliis, quia alias, quomodo essent, aut quomodo uerè dicerentur causa gratiæ? Alia regula est,

Augustin.

Lib 19.

S. Thomas.
part 3.
quest. 62.
artic. 1.

Scotus.

Gabriel.
lib. 4.
dist. 1.
quest. 1.
art. 1.
notab. 3.

Regula. 3.

Gratia gratum faciens non est educibilis de potentia materiæ, sed est creabilis.

Regula. 4.
Sacramenta nouæ legis suo modo conferunt gratiam ex opere operato.

De Cœna, & Calice Domini

Regula. 5.
Species ui-
ni post con-
secrationē,
sūt propriē
sacramen-
tum, sicut
species pa-
nis post con-
secrationē.
quodd sanctissimā Eucharistia in specie uini, siue species uini post consecrationem, ita est uerum & proprium sacramentum, sicut post consecrationem est uerum & proprium sacramentum, species panis. Neq; ista regula est ullo modo dubitabilis; quia & hoc sacramentū habet propriam materiam, propriam formā, & proprium Dei uerbum. Quam obrē licet istæ duæ species specie differentes, integrent unū sacramentum sanctissimū Eucharistiæ, & sint unum sacramentum, ordine quodam, perfectione, ac representatione, & continentia: quantum tamen ad seipsas attinet, non magis nec minus altera est sacramentum seorsum, quàm altera: nec maior ratio est de una, quàm de alia. Utrobq; enim est totus Christus, & neutra species perfectè aut expressè repræsentat totum Christum: sed species panis expressè repræsentat corpus, species autem uini expressè repræsentat sanguinem. Constat ista ueritas ex ipsis formis consecrationis, & constat ex ipsis speciebus. Alia regula est, quodd post consecrationē, tandiu est totus Christus sub specie panis aut sub specie uini, ubi hoc sanctum sacramentum est; quādiu esset ibi substantia panis aut substantia uini, si ibi essent. Siue istæ sacræ species sint in sacrario, siue in ore sumentis, siue in gutture, siue in pectore, siue in stomacho. Alia regula est, quodd hoc diuinum sacramentum, siue Christus per illud, non solū operatur suum effectum gratiæ, nutrimenti aut confirmationis, seu confortationis animæ, eo puncto, quo lingua tangitur uel ore sumitur, aut deglutitur: quin etiam ex toto tempore, quo istud sacramentum sumptum durat in sumente, seu in eo, qui sumpsit. Quēadmodum alimenti corporalis, aut corporalis medicinæ; quæ non solū operatur dū sumitur, sed & postea quādiu ibi est applicata. Ea sunt regulæ theologicae cōmunes & ueræ, quæ in præsentia circa hoc negocium occurrerunt considerandæ. Est & alia quædā regula naturalis, quæ & hic obseruanda uidetur: nec simplex, sed duplex. Constanter enim dicimus, quodd actus actiuorum sunt in patiente disposito: & similiter asserimus, quodd si uirtusaliqua actiua applicatur alicui passo, & in illo inuenit tantum effectum productum, quantum ipsa aliàs habe-

Regula. 6.
Quādiu sit
corpus Chri-
sti in hoc
sacramen-
to.

Regula. 7.
Quādiu
operatur
Christus
in hoc sa-
cramento.

Regula. 8.

bat producere, nihil pro tunc in eo producit: sed tantum id facit, quod effectum ipsum iam productum conseruat, quandiu ipsa ibi est.

Ex istis regulis, quidem non parum obseruandis, atque ex aliis, quæ occurrerint similibus, possumus aliquo modo inuestigare quæ illarum opinionum prædictarum sit magis recipienda: sed huius rei iudicium potius lectori relinquimus, quàm quòd nos hic aliquid definiamus. Ad alia enim magis properamus, quàm ad iudicandum inter opiniones probabiles doctorum catholicorum: quia præsertim cum qualibet illarum stat firmiter fides catholica, & pax Christiana.

Conclusiones ad eundem quartum articulum reliqua, scilicet quinta & sexta probantur, & quid de laicorum communione sub utraque specie Lutherus literis prodiderit, eiusdem uerbis demonstratur.

CAP. XXVI.



Vinta conclusio eiusdem articuli quarti potest etiam probari multis uis, quarum quælibet satis probat. Maximè autem probatur primùm ex primo articulo, & conclusione responsua ad illum. Cum enim nullum sit diuinum præceptum de communione laicorum sub utraque specie, non potest esse dubium, quin sancta mater Ecclesia auctoritate regendi & gubernandi filios suos, quam habet à sponso suo, Christo Saluatore nostro, potuit laicis communionem sub utraque specie ex iustis, & rationabilibus causis interdicere, illisque communionem sub altera tantum specie præstare. Nullam namq; in hoc iniuriam eis facit, quia aliàs in eam communionem interdictam, nullum ius diuinum habent. Præsertim quia sancta Ecclesia illam communionem ita interdicens, nullum conimodum temporale intendit; famæ, honoris, aut fortunæ: sed solum intendit honorem Dei & salutem animarum sibi subditarum, per extirpationem errorum & uitiationem pecculorum, ut satis constat ex iam dictis. Secundò probatur, quia sancta Ecclesia communicans sub altera tantum

De Cœna, & Calice Domini

- Luc. 24.* specie panis, exemplum habet Saluatoris nostri communi-
cantis duos discipulos suos apud Emaus, atque Ecclesiæ pri-
Actu. 2. mitiæ, quæ erat Hierosolymis tempore Apostolorum, sub
altera tantum specie communicans, ut de istis omnibus in-
ferius latè dicetur, quando ad obiectiones aduersariorum
respondebitur. Manifestum est autem quòd illis diuinis
exemplis potest se se conformare Ecclesia Dei, quæ modò
est: præsertim cum non habeat præceptum de opposito fa-
ciendo, quin potius & de hoc obseruando habeat non præ-
Actu. 2. ceptum, sed exemplum, dicente scriptura sancta, Erant au-
tem perseuerantes in doctrina Apostolorum, & communi-
catione, & fractione panis. nulla facta mentione de uino
aut de specie uini, cum tamen Euangelista ibi narret histo-
riam. Deinde probatur, quia ubi nullum est præceptum
diuinum de re aliqua sic uel sic facienda, Ecclesia Dei per
suos prælatos, maximè per Petri successorem, liberam ha-
bet ministracionem, perfectum usum clauium, ac plenam
gubernationem, sicut Petro dixit Dominus, Pasce oues
Ioan. 21. meas. & sicut eidem aliàs dixerat, Tibi dabo clauēs regni
Matth. 16. cœlorum, &c.

Sextam conclusionem probat secunda cōclusio istiusmet
articuli, cum suis probationibus iam adductis. Nanque
Saluator noster per distinctas actiones, distincta uerba, di-
stinctas formas, & in distinctis materiis instituit sanctissi-
mum sacramentum Eucharistiæ. Quamobrem sine dubio
ibi sunt plura instituta, saltem materialiter; sacramentum
speciei panis, & sacramentum speciei uini: licet ista duo
habeant ordinem quendam, & perficiant, seu integrent
unum sacramentum. Duo igitur sunt instituta, sic acci-
piendo institutionem: Et isto modo intelligendo, minus
suscipit qui sub altera tantum specie communicat, quam
qui sub utraque: nec totam sumit Christi institutionem,
cum Christus instituerit sacramentum Eucharistiæ non in
una sola specie, sed in duabus: & ipse in altera tantum
communicans non sumit illas duas, sed præcisè unam.
Igitur non tantam institutionem sumit, intelligendo insti-
tutionem isto modo. Non potest esse dubia ista conclusio.

Septimam conclusionem huius articuli quarti, probat

etiam conclusio articuli primi. Quia enim nullum est præceptum diuinum de communione omnium & singulorum Christi fidelium sub utraque specie, ut probatum est, & demonstrabitur respondendo ad obiectiones aduersariorum: constat quòd iuxta præceptum non minus sumit qui communicat sub altera, quàm qui sub utraque. Quomodo constat? Quia præceptum non est de utraque. Nihil in isto loco abundantius desiderari potest, quo ista ueritas Christiana probetur magis, uel latius, uel manifestius. Dum enim laicus alteram speciem sumit, totum præceptum de communicando implet: quod non faceret, si præceptum de communicando sub duabus haberet.

Quomodo intellexit Lutherus illud uerbum, Institutionem. quando dixit aut docuit, non tantum sumere hominem communicantem sub una specie sanctissimi Eucharistiæ sacramenti, quantum sub utraque, eo quòd non totam Christi institutionemumat? An per illud uerbum, institutionem Christi. intellexit actionem Christi, qua ipsum sacramentum instituit, seu ipsum sacramentum institutum in ambabus suis partibus? An per illud uerbum, intellexit præceptum Christi de isto mirabili sacramento sumendo? Aliquibus uideri potest ex quibusdam uerbis Lutheri in De captiuitate Babylonica, quòd intellexit illud uerbum de præcepto Christi: quasi sit institutio Christi præceptiua quoad omnes fideles, ut istud sacramentum in utraque specie accipiant. Mihi autem, ut ingenuè fatear, magis uidetur ex aliis uerbis Lutheri in suis articulis, qui habentur apud Rossensem Episcopum, quòd per illud uerbum intellexit ipsam Christi actionem, qua sacramentum in utraque specie instituit; uel potius & proprius intellexit per illud uerbum, ipsum sacramentum à Christo institutum in duabus speciebus. Quasi arguat sic, quòd licet totus Christus contineatur & sumatur sub altera specie, nos tamen fideles omnes debeamus utranque speciem sumere, quia Christus utranque instituit, quia utraque est à Christo instituta. Verba Lutheri sunt, Consultum uidetur, quòd Ecclesia in communi concilio statueret laicos sub utraque specie communicandos; nec Boëni sub utraque communi-

Artic. 16.
in principiis.

De Cœna, & Calice Domini

cantes sunt hæretici & schismatici. Infrà, Hunc articulum reuocauit lib. de Captiuitate Babylonica, & iterum his scriptis reuoco, & dico Boëmos, & Græcos in hac parte, nec hæreticos, nec schismaticos, sed Christianos & Euangelicissimos esse, quos & his uerbis oro, & obtestor in domino, ut in ea sententia firmiter permaneant, quum pro se habeant expressum textum Euangelij, longæuum, & apud Græcos in hunc diem seruatum catholicum usum Ecclesiæ Dei. Infrà, Nec moueantur tyranni illius Romani & Antichristi uastatoris & impiis decretis, quibus alteram partem sacramenti per uim abstulit iis, quibus Christus ipse donauit. Infrà, Consultum itaque mihi uidetur nunc, ut non modò per concilium, sed per quancunque diœcesim, quilibet Episcopus, etiam inuito Papa, Christum secutus in Euangelio, rursus utranque speciem laicis dare. Infrà, Consultum igitur uolo, ut quilibet laicus, si speciem alteram impetrare non potest, ut tyrannidis huius impeditus, corde saltem toto optet, & gemat ad Deum, quòd nostris peccatis merentibus; digni facti sumus, quibus impij aduersarij ueritatis, alteram partem sacramenti auferrent, & nòs nostro sacramento spoliarent. Infrà, Nam hoc ego dico, Si quis sciens omittat desiderare saltem, alteram etiã partem sacramenti, licet neutra necessaria sit, cum fides sola hic sufficiat, impium eum esse, & Christum ab eo negari. Infrà, Nec cauillis illorum moueatur, qui garriunt, sub pane omnia accipi. Christus enim sciebat sub pane omnia accipi, nihilominus tamen uinũ instituit. Infrà, Quo iure seruus, Domini sui mutat ordinationes. Hæc ille. Ecce probat Lutherus, immò non probat, sed probare nritur, quòd laicus debeat & teneatur communicare sub utraque specie, Primùm, propter uerbum Christi, Bibite ex hoc omnes. Secundò, propter factum Christi, quia ipse alios sub utraque communicauit. Tertiò, propter consuetudinem Ecclesiæ antiquam, in qua etiam laici in utraque specie communicabant. Quartò, quia Christus utranq; speciem instituit. Vnde si aduertimus, ipse probat præceptũ communionis, per institutionem sacramenti: præceptum, inquam, communionis in utraq; specie, per institutionem sacramenti

sacramenti in utraque specie. Quasi ita deducat argumētum, Christus instituit hoc sacramentum integrum in utraque specie: ergo omnes debemus hoc sacramentum integrum sumere in utraque specie. Hic igitur uidetur fuisse sensus illius & sua intelligentia, ut satis, quantum arbitror, constat ex dictis; utque abundantius constabit inferius, quando omnes præcipuas, tum Lutheri, tum aliorum, objectiones posuerimus, atque soluerimus in quem locum etiam referuamus modò; harum Lutheri objectionum immediate præcedentium solutiones.

Probatur astruiturque conclusio unica, ad quintum articulum. CAP. XXVII.



D quintum articulum responsum est per sequentem cōclusionem, Non est necessarium ex diuino iure aliquo, paruulis antequam ad annos discretionis peruenerint, augustissimum hoc porrigere Eucharistia sacramentum.

Conclusio hac unica responsua ad quintum articulum, & si ex seipsa satis manifesta sit, potest nihilominus ex multis probari euidenter, quantum præsens materia patitur euidentiam. Ostenditur autem primùm, ex nobilitate, natura, atque efficacia sacramenti baptismatis, quam habet ex Christi institutione; quia est sacramentum regenerationis & renouationis, incorporationis Christi, & liberationis à peccato: Ita enim declarauit Saluator noster apud Ioannem: & ita declarant Apostoli eius, Petrus & Paulus, Quotquot enim in Christo baptizati estis, Christum induistis. Consepulti enim sumus cum Christo in morte, per baptismum. An ignoratis fratres, quia quicumque baptizati sumus in Christo IESU, in morte ipsius baptizati sumus? Consepulti enim sumus cum illo per baptismum in mortem: ut quomodo Christus surrexit à mortuis per gloriam Patris, ita & nos in nouitate uitæ ambulemus. Si enim complantati facti sumus similitudini mortis eius: simul & resurrectionis erimus: hoc scientes, quia

Ioan. 3.
Ad Tim. 3.

Rom. 6.

uerus homo. noster simul crucifixus est, ut destruat^r corpus peccati, ut ultra non seruiamus peccato. Nobilitas igitur & efficacia sacramenti baptismatis, quia sufficienter Christo incorporat, à peccato liberat, & ad regnum introducit: probat manifestè non esse necessarium sacramentum Eucharistiæ paruulis baptizatis, ante annos discretionis. Aliàs, non sufficeret illis baptismus, nec illos sufficienter Christo incorporaret, nec illos sufficienter à peccato liberaret, nec illos sufficienter ad regnum introduceret: & per consequens, nec lauacrum regenerationis & renouationis esset. Absit autem talis sacramenti baptismatis iniuria. Secundò, probatur eadem ueritas ex natura huius sanctissimi sacramenti Eucharistiæ, quam habet ex Christi institutione. Diuinorum enim sacramentorum nouæ legis necessitatem theologi nostri distinguunt per naturas ipsorum sacramentorum, secundum institutiones eorum. Nanque & si commune sit omnibus huiusmodi sacramentis, quòd gratiam quodammodo conferant, cuius quodammodo sunt causa, ut dictum est: quædam tamen eorum sunt immediatè atque directè instituta contra peccatum, ut sacramentum baptismi, & sacramentum poenitentiae: quædam autem eorum sunt immediatè atque directè instituta in augmentum gratiæ, uel etiam ad alios particulares effectus, ut sacramentum Eucharistiæ, & alia. Sacramenta primi generis, dicunt theologi nostri absolutè necessaria ad salutem, ut nullus saluetur aut iustificetur, nisi illa recipiat in re, uel in uoto: secundum quod omnis Adæ filius tenetur ad sacramentum baptismi, & omnis, qui post baptismum moraliter deliquit, tenetur ad sacramentum poenitentiae. Sacramenta uerò secundi generis dicunt theologi nostri necessaria sic ad salutem, ut non contemnantur: nec eis maiorem necessitatem tribuunt ex eorum institutione, nisi forte aliàs de illis suscipiendis sit præceptum aliquod. Cum igitur sacramentum Eucharistiæ non sit immediatè institutum contra peccatum, nec paruuli sint capaces alicuius præcepti de illo recipiendo: uideretur quòd non teneantur illud recipere, præsertim cum nec possint illud cõtemnere. S. Tho. bene notat differentiam inter baptismum & Eu-

Durandus
à S. Por-
tiano.
lib. 4. c. 11.
dist. 9.
quæst. 2.
c. dist. 7.
quæst.

charistiam, quantum ad necessitatem salutis part. 3. q. 73. art. 3. Qui licet prius dixerit, Eucharistiæ sumptionem non esse de necessitate salutis secundum se, sed ex statuto Ecclesiæ, lib. 4. distinc. 9. postea tamen dixit, quod homo tenetur hoc sacramentum sumere, non solum ex statuto Ecclesiæ, sed ex mandato Domini. part. 3. q. 80. artic. 11. Tertio probatur ex incapacitate ipsorum paruulorum erga istud sacramentum suscipiendum. Etenim hoc sacramentum non potest ministrari paruulis, ipsis se habentibus merè passiuè; quomodo ministratur illis baptisimus, ipsis tantum suscipientibus, & prorsus nihil facientibus. Sed ministratur paruulis, ipsis aliquid agentibus; uidelicet sumētib; uorantibus, deglutientibus, manducantibus, uel bibentibus. Aliqua igitur actio eorum requiritur, in sumptione huius sacramenti: sicut requiritur in adultis, ut constat. Ergo si necessarium est sibi hoc sacramentum, præcepta est sibi aliqua actio, quæ non potest in illis suppleri per alium, & sine qua ipsi nullo modo possunt hoc sacramentum recipere. Quid igitur? Profectò cum nulla actio sit illis præcepta pro eo tempore, quia pro illo tempore non sunt capaces alicuius præcepti de aliqua actione faciēda, uel non faciēda: sit consequens, ut nec ad sacramenti sumptionem teneantur. Ex ista inuictissima ratione sit euidenter satis manifestum, quod & si illud uerbum Domini apud Ioannem, Nisi manducaueritis carnem filij hominis & biberitis eius sanguinem, &c. Comprenderet etiam paruulos, & intelligatur de sacramento Eucharistiæ: pueri ipsi sunt tamen liberi ab obligatione sumendi realiter, quousque ad annos discretionis peruenerint. Et dicuntur interim suscipere illud sacramentum in uoto, seu intentione Ecclesiæ, uel saltē in habitu perfectissimo charitatis: ut bene notauit S. Thomas, in suis partibus. Ad idem potest facere, fortassis iuxta præcedentia: quia cum istud sacramentum non sit necessarium paruulis ad salutem secundum suum effectum, cum iam paruuli sint iusti per baptismum, corpori Christi mystico incorporati, filij Dei adoptiui, & hæredes regni: non uidetur quomodo potest illis esse necessarium alio modo, nisi fortè secundum ali-

Ioan. 6.

*S. Tho.
par. 3.
quæst. 73.
art. 3.*

Ioh. 6.

part. 3.
quæst. 80.
art. 9.

d. 110

quod præceptum. Præceptum autem tale, quoad paruulos, ubi est? Rursus si alicubi fuerit, illud utique affirmatiuum erit. Habebit ergo locum & tempus determinatum: quia licet præcepta affirmatiua obligent semper, non tamen obligant ad semper, uel pro semper. Rationabiliter ergo in paruulis illud præceptum affirmatiuum expectasset tempus discretionis illorum, & illos ante illud non obligasset. Confirmatur specialiter ex illis, quæ hoc sacramentum habet sibi peculiaria. Est spiritalis animæ medicina, estque animæ spiritalis cibus, secundum id, quod continet. Ego sum panis uiuus, qui de cœlo descendi. Et panis, quem ego dabo, caro mea est pro mundi uita. Videnius autem quod pueri seu paruuli baptizati, cum iam iusti sint & sani, cumque prorsus nihil perdiderint de recepta gratia, nec quoad intensionem, nec quoad feruorem: prorsus non indigent medicina, nec cibo tali. Optimè S. Thomas æquauit inter sese, perpetuos amentes, perpetuos furiosos, ac paruulos baptizatos, quantum ad obligationem seu debitum recipiendi hoc sacramentum: omnesque illos solutos esse uoluit ab hoc debito, propter easdem, uel similes rationes. Optimè iudicans, idem esse aut debere fore iudicium de paruulis, propter eorum ætatem & ætatis incapacitatem: quod de adultis amentibus, propter eorum infirmitatem. Non potest recipi hoc sacramentum sine actione aliqua suscipientis, ut cõstat & de se, & ex dictis: ob quod si Deus à paruulis requirit istius sacramenti susceptionem, requirit consequenter ab illis aliquam actionem. Quam rogo? Certè non merè naturalem. nusquam enim reperitur nec est, quod Deus requirat à nobis sub præcepto actionem aliquam merè naturalem: sed bene quidè actiones morales à nobis requirit, uel etiam naturales prout subsunt aut subiacent iudicio rationis ac imperio uoluntatis, id est, uel morales, uel naturales in eo quod natæ sunt quodammodo esse morales. Ita semper intellexerunt legē Dei, quotquot fuerunt ante nos, uel modò sunt doctores Christiani, catholici, & sancti, Vt lex Dei de agendis aut uitædis præceptiua, intelligatur dari homini, ut homo est: uidelicet ut capax est ad intelligendum & recipiendum le-

gem diuinam, æternam, uel ab æterna deriuatam, ac secundum illam actiones potest exercere: & secundum quod non solum naturaliter, sed etiam moraliter excedit bruta animantia. Paruuli autem nec tales sunt, nec talem actionem moralem habere possunt: nec adhuc bonum honestum, aut malum turpe cognoscunt: sed bonum uel malum secundum sensum, delectabile uel tristabile. Pulchrè diuus Ambrosius in De uocatione gentium, distiuguit uoluntatem in homine, secundum tres status: ut illa primùm quidem sit naturalis, secundò animalis, tertio spiritalis. Naturalis quidem est in paruulis, & quæ magis in ipsis dicitur appetitus quidam; aut concupiscentia, quàm uoluntas. Igitur nullum præceptum habent paruuli de aliqua actione exercenda; simul etiam per idem nec de isto altissimo & augustissimo sacramento suscipiendo. Quid multis rationibus uel auctoritatibus opus est? ueniamus ad exempla. Non legimus in sacra scriptura hoc sacramentum dari unquam paruulis, cum tamen legamus frequenter illud præstari adultis. Ita Saluator noster in cœua non paruulos, sed adultos Apostolos communicauit; & apud Emaus non paruulos, sed adultos discipulos: Ita primitiua Ecclesia Hierosolymitana non paruulos, sed adultos communicabat, qui erant perseverantes in doctrina Apostolorum, & communicatione, & fractione panis, & orationibus: in quibus nec esse, nec perseverare poterant paruuli. Sic etiam primitiua Ecclesia Corinthiorum non communicabat nisi eos, quibus dicebat Apost. Probet autem se ipsum homo, & sic de pane illo edat, & de calice bibat. & constat, quod paruuli non possunt probare seipsos. Dixerit aliquis, Paruuli non indigent nec indigebant probatione. Respondemus, Verum est, sed ita quoque non indigent communionem ista sanctissima, de qua loquimur. Secundò, siue indigerent, siue non indigerent, si paruuli eo tempore apud illas Ecclesias communicarent, aliquod esset uerbum, quo ipsa res significaretur: non est autem tale uerbum in scriptura. Deinde, quia sicut Apost. docuit adultos de modo, quo deberent communicare propter periculum conscientiarum eorum; similiter doceret de puerulis

Ambrosius.
lib. 1.
c. 1. uel 2.

Matth. 26.
Marc. 14.
Luce 22.
Luce 24.

Act. 2.

1. Cor. 11.

De Cœna, & Calice Domini

propter periculum irreuerentiæ sacramenti: paruuli nanq; sicut non uoluntariè seu liberè accipiunt, ita non uoluntariè seu liberè, sed naturaliter euomunt.

Paruuli adhuc non regunt seipsos, sed reguntur: nec seipsos ducunt, sed ducuntur: Igitur incapaces sunt, qui ad actum istum altissimum manducationis corporis Christi obligentur.

Opponitur ex quibusdam Doctoribus sanctis, ex eisdemque auctoribus solutio affertur. CAP. XXVIII.

Dionysius.
cap. 7.
par. 3.



Iuus Dionysius in de Ecclesiastica Hierarchia significat expressè, quòd pueri quoq; , qui nec dum poterant intelligere diuina, sacri baptismatis, altissimorumque communionis sacrosanctæ signorum participes fiebant. Hinc fortassis moti Græci, eo addu-

cti sunt, ut paruulos suos sanctissimo Eucharistiæ sacramento communicarent: sed Dionysium perperam intelligentes, qui non de communione Eucharistiæ, sed de communione baptismi & sacrorum illorum signorum illius, loquebatur. Sed bene notauit sanctus Thomas illorum Græcorum errorem uenire ex falsa intelligētia uerborum Dionysij. Nos etiam securius atque constantius cum sancto Thoma sentiemus, si uerba Dionysij in alio capite eiusdem libri perpendamus. Fatetur enim idem auctor insignis, & Christi gloriosus Martyr, quòd hoc uocabulum, communio, siue societas, & synaxis, siue collectio, quod aliis quoque uenerandis, diuinisque mysteriis commune est, præ cæteris præcipuè ac peculiariter applicetur huic sacramento Eucharistiæ, ut singulariter communio, siue societas & synaxis, siue collectio dicatur. Vnde apud illum, illud uocabulum, Communio, erat etiam commune aliis uenerandis, diuinisque mysteriis, in quibus communicabat populus Dei: ut baptismo, & cæteris. Malè igitur Græci ex uerbis Dionysij perperam intellectis, occasionem sui erroris acceperunt, ut paruulos baptizatos communicarent, iam sanos, iamque iustos, sed tantæ rei accipiendæ in ca-

S. Tho.
par. 3.
quest. 80.
art. 9.
ad 1. arg.
In cod. lib.
De Ecclesi.
Hierarchia
cap. 3.
par. 1.

paces. Malè illi errauerunt, sed bene illos de eo errore sanctus Thomas notauit, qui bene atque plenè Dionysium legit, ipsumque lectum satis bene intellexit. Et quidem secundum intellectum sancti Thomæ intelligendus est Dionysius, quicquid de Dionysio alij dicant: extant uerba Dionysij, eiusque declaratio super uocabulo, Communio. *August.*
 Augustinus in de peccatorum meritis & remissione, contra Pelagianos, sicut & alibi, fatetur quòd ea Domini sententia, Nisi manducaueritis carnem filii hominis, & biberitis eius sanguinem, non habebitis uitam in uobis. etiam *Ioan. 6.*
 ad paruulos pertinet, ut ibidem contra eosdem Pelagianos declarat, & probat. Ex illa determinatione Augustini quidam putauerunt, quòd Augustinus de sacramento Eucharistiæ paruulos baptizatos sacramentaliter communicauit, uel saltem communicandos iudicauit. Verùm neque Augustinus tale quid fecit, nec dixit, nec iudicauit: sed eam sententiam eamque rem in ea requisitam, completam esse in paruulis testatus est, qui iam per baptismum fideles facti sunt atque iusti, & Christi corpori mystico salubriter incorporati: ut regnum cœlorum habeant, & uitam æternam. Tanquam in eo loco, prout illud uerbum Domini, ad paruulos pertinet, per manducare carnem Christi & bibere eius sanguinem, intelligat Augustinus, incorporari Christi corpori mystico: sicut & aliàs frequenter intelligit, ut constabit abundantius ex dicendis ad primam obiectionem aduersariorum. Duo intendebat Augustinus contra Pelagianos agens, in multis locis: primum, quòd baptismus erat paruulis necessarius ad salutem, siue ad ingressum regni cœlorum: secundum, quòd baptismus erat ipsis paruulis sufficiens. Ad primum dictum, illud Domini uerbum afferebat, Nisi quis renatus fuerit ex aqua & Spiritu sancto, non potest uidere regnum Dei, non potest introire in regnum Dei. Ad secundum autem dictum dicebat Augustinus de paruulis baptizatis, quòd originalis in eis ægritudo sanatur in eius gratia, qui saluos facit per lauacrum regenerationis. Et quia Saluator noster non uenit uocare iustos, sed peccatores, fatetur Augustinus, quòd paruuli rectè fideles uocantur, quoniam fidem per uerba gestantium

*lib. 1.
cap. 20.
tom. 7.*

Ioan. 3.

*ubi supra.
cap. 19.*

De Cæna, & Calice Domini

quodam modo profitentur : & quod prius etiam pœnitentes habentur , cum per eorundem uerba gestantium , diabolo & huic sæculo renuntiate monstrantur . Et addit statim , Totum hoc in spe fit , ut sacramenti & diuinæ gratiæ , quam
ubi supra. Dominus donauit Ecclesiæ . *cap. 20.* Infra pro eadem sufficientia baptismi , de paruulo baptizato ait , Veruntamen si per cel-
o. 10. pto baptismate , de hac uita emigrauerit , soluto reatu , cui originaliter erat obnoxius , perficietur in illo lumine ueritatis , quod incommutabiliter manens in æternum , iustificatos præsentia Creatoris illuminat . Peccata enim sola separant inter homines & Deum : quæ soluuntur Christi gratia , per quem mediatorum reconciliamur cum iustificat impium . Hæc ille . Pelagianus uicli illo uerbo domini , Nisi quis natus fuerit denud , non uidebit regnum Dei . Nisi quis renatus fuerit ex aqua & Spiritu sancto , non intrabit in regnum cœlorum . quidem paruulos non baptizatos , à regno cœlorum faciebant alienos : & in hoc benedicebant , atque cum Augustino , Et tota Ecclesia Christiana docebant conformiter . Errabant nihilominus aliunde , eo uidelicet quod conabantur paruulis non baptizatis innocentia meritis , salutem ac uitam æternam tribuere . Contra istum nouum & inauditum Pelagianorum errorem egit Augustinus multis mediis . Primum , quia noua quadam & mirabili præsumptione illi ita dicerent , quasi salus ac æterna uita possit esse præter Christi hereditatem , præter regnum cœlorum . Secundò ita manifestè ostendit baptismi necessitatem pro uita æterna obtinenda , quia de sacramento mensæ suæ , dixit dominus communi sententia etiam paruulos comprehendente , Nisi manducaueritis carnem meam ; & biberitis sanguinem meum , non habebitis uitam in uobis . Nāque ita subsument Augustinus , Sed ad hoc sacramentum nemo ritè nisi baptizatus accedit ; Ergo non solum ad regnum cœlorum obtinendum , sed etiam ad uitam æternam consequendam , necessarius est paruulis baptismus . Agebat ibi Augustinus contra Pelagianos , & nihil aliud intendebat nisi probare contra illos baptismi necessitatem quoad paruulos , pro regno cœlorum habendo , & uita æterna obtinenda : quod & fecit ualidissimè , ut constat omnibus .

De

De sufficientia autem baptismi quoad ipsos paruulos pro ipsis bonis æternis adipiscendis, non sic tunc sermo erat: sed nihilominus ut nullus unquam ex istis uerbis suis posset scrupulus remanere, Augustinus & in eo loco, in eodem libro, in eodem capite, & alibi frequenter declarauit, & probauit baptismi sufficientiam quoad paruulos huiusmodi. Fatetur Augustinus quòd illa Domini sententia, Nisi manducaueritis carnem filij hominis & biberitis eius sanguinem, non habebitis uitam in uobis. etiam pertinet ad paruulos: sed pariter fatetur quòd in paruulis baptizatis impletur, & quod ipsi carnem Christi manducant atque sanguinem eius bibunt in baptismo, dum corpori Christi mystico incorporantur. Sicuti ipse in quadam homilia dicit manifestè, Hoc est enim manducare illam escam & illum bibere potum, in Christo manere, & Christum manentem in se habere. Ita etiam intelligit Augustinus illum locum, scribens ad Bonifacium. & ita sanctus Thomas sequitur Augustinum, in suis partibus. De sufficientia baptismi generaliter quoad omnes, ait Augustinus contra duas epistolas Pelagianorum, ad Bonifacium, Dicimus enim baptismum dare omnium indulgentiam peccatorum, & auferre crimina, non radere, nec ut omnium peccatorum radices in mala carne teneantur, quasi rasorum in capite capillorum, unde crescant iterum refecanda peccata. De sufficientia autem baptismi specialiter quoad paruulos, loquitur Augustinus ubi supra in de peccatorum meritis & remissione, ubi fatetur, quòd si percepto baptisinate, de hac uita emigrauerint, soluto reatu, cui originaliter erant obnoxij, perficiuntur in illo lumine ueritatis, quod incommutabiliter manens in æternum, iustificatos præsentia creatoris illuminat. Et addit quòd iam sunt de numero & parte fidelium, de quibus dicitur, Qui credit in Filium, habet uitam æternam. Idem docet in de Libero arbitrio, atque in de Baptismo paruulorum. Idem docet insuper idem auctor in epistola ad Bonifacium. Fere infinita possunt esse ad hoc Augustini testimonia, sed hæc, ut arbitror, sufficiunt, non pauca, neque obscura. Infra latius ex Augustino. Satis manifestè dicit Augustinus Bonifacio, contra Pe-

Homil.

S. Tho.
par. 3.
quest. 80.
art. 9.
Augustinus
lib. 1.
cap. 13.
tom. 7.

cap. 20.

Ibid.
lib. 3.
cap.
De consecr.
dist. 4.
Canon 6.
cap. 7.
Epist. 23.
De consecr.
dist. 4.
Can. 31.

De Cœna, & Calice Domini

part. 3.
quest. 73.
art. 3.
q. 80.
art. 9.

lagianos, Nec illud cogitetis, paruulos uitam habere non posse, qui sunt expertes corporis & sanguinis Christi. Sequitur sanctus Thomas.

Pelagius, ut de illo fertur, paruulis statim post baptismum, corpus & sanguinem sub utraque specie ministravit: quod si speciem panis deglutire non poterant, dixit ipsam cum speciebus uini esse permiscendam, ut ita funderetur in ora puerorum. Et si fortassis quispiam eiecisset, dicebat id esse comburendum; innitens illi in Exodo, Si quid residuum fuerit, comburetis. Ita refert de illo Gabriel Biel super Canonem. Sed de Pelagio non curamus, quia manifestus fuit hæreticus, etiam olim in multis damnatus. Sic etiam, ut refert Beda in quadam homilia super Matthæum, quidam in administratione huius sanctissimi sacramenti errauerunt, ut illud sub utraque specie defunctis ministrarent. Quid aliud potuerunt facere? Errauerunt grauisissime, non sunt audiendi. Nec opus est, ut in confutatione talium errorum, sic ineptorum, tempus perdamus preciosum.

Gabriel
lect. 84.
littera Q.

De efficacia huius diuini sacramenti, etiam quoad paruulos, si eis applicetur. CAP. XXIX.



Ad idem, gratia ueritatis indaganda, quod si paruulis hoc sacramentum porrigatur, in illis suum habebit effectum augendi gratiam. Id non asserendo, sed proponendo potius diximus. Potest autem ostendi quoquo modo, Primum, ex efficacia, uirtute, aut causalitate instrumentali, quam habent sacramenta nouæ legis. Circa gratiam ex opere operato: quia ipsa magis ostenditur in paruulis, in quibus nullum potest esse meritum circa gratiam, ex opere operantis. Debemus igitur illam efficaciam siue causalitatem saluare in sacramentis, quantum possibile fuerit, propter saluandam eorum dignitatem, & Christi institutionem, atque potestatem, excellentiamque. Secundò, quia paruulus non baptizatus sed baptizandus, non uidetur magis dispositus ad effectum baptismi, qui est gratia prima, cum ipse paruulus sit in pec-

cato, iniustus, impius, ac filius perditionis: quàm paruulus baptizatus non communicatus, sed communicandus ad effectum sacramenti Eucharistiæ, qui est augmentum gratiæ, cum iste paruulus sit iam iustus, sanctus, ac filius regni? Ergo, sicut ille paruulus, si baptizetur, recipit gratiam primam; sic iste paruulus, si communicetur, recipit augmentum gratiæ: Confirmatur, quia non uidetur magis potens sacramentum baptismi ad conferendum primam gratiam, quàm sit sacramentum Eucharistiæ ad conferendum gratiæ augmentum. Probatur ista confirmatio, ex maiori dignitate huius sacramenti Eucharistiæ: de quo non potest dubitari, quin sit sacramentum magis dignum, cum contineat uerè ac realiter totum Saluatorem nostrum, omnium sacramentorum institutorem, uerum Deum, & uerum hominem; habentem utranque potestatem conferendi gratiam; & auctoritatis; secundum naturam suam diuinam; & excellentiæ; secundum naturam suam humanam. Tertio, ostenditur idem ex aliis sacramentis non magis dignis; nec magis necessariis: uerbi gratia, ex sacramento confirmationis: Etenim hoc sacramentum confirmationis nec in se est magis dignum, nec paruulis est magis necessarium, quàm sacramentum Eucharistiæ, ut est notissimum: ministratur tamen paruulis, & non inutiliter, sed utiliter. Igitur eodem modo, nisi fortè secundum maiorem rationem, dicendum est, quòd sacramentum Eucharistiæ, si paruulis baptizatis ministratur, illis prodest. De hoc tamen modò non est opus abundantius disputare, aut quouis modo alio agere. Sufficiunt hæc pauca. præsertim, quia hoc non dicimus, ut quidquam noui asseramus: sed tantum ut ualorem, uirtutem, atque efficaciam huius diuini sacramenti ostendamus, atque commendemus, etiam in hac re, quemadmodum & in aliis.

non est opus abundantius disputare, aut quouis modo alio agere. Sufficiunt hæc pauca. præsertim, quia hoc non dicimus, ut quidquam noui asseramus: sed tantum ut ualorem, uirtutem, atque efficaciam huius diuini sacramenti ostendamus, atque commendemus, etiam in hac re, quemadmodum & in aliis.



Ex lib.
no 14
170

De Coena, & Calice Domini

Respondetur dicto diui Dionysii, solis uerbis S. Thomae. C. XXX.

S. Tho.
part. 2.
quest. 80.
art. 9.
ad 3. arg.



AD propositum redeamus, Putant quidā Dionysium. Atropagitam communicasse paruulos. non inficias imus, sed ea de re sanctum Thomam proponimus audiendum, qui ubi mouet quaestionem, Vtrum non habentes usum rationis, debeant suscipere hoc sacramentum? dicit ad propositum, de paruulis, Dicendum, quòd eadem ratio est de pueris recenter natis, & de amentibus, qui nunquam habuerunt usum rationis, unde talibus non sunt sacra mysteria danda. Quauis quidam Græci contrarium faciant, propter hoc quòd Dionysius 2. Coelest. Hierar. dicit, baptizatis esse sacram communio- nem dandam: non intelligentes quòd Dionysius ibi loquitur de baptismo adultorum. Nec ramen per hoc aliquod detrimentum uitæ patiuntur, propter hoc quod Dominus dicit Ioan. 6. Nisi manducaueritis carnem filij hominis, & biberitis eius sanguinem, non habebitis uitam in uobis, quia sicut, Augustinus scribit Bonifacio, Tunc unusquisque fidelium, corporis & sanguinis Domini particeps fit, scilicet spiritualiter, quando in baptismo membrum corporis Christi efficitur. Sed quando iam pueri incipiunt aliqualem usum rationis habere, ut possint deuotionem concipere huius sacramenti, tunc potest eis hoc sacramentum conferri. Hæc ille.

Ostenditur sententia Augustini in dictis suis manifestis ad Bonifacium, & agitur de sufficientia sacramenti baptismi, & ex illa demonstratur non necessitas huius diuini sacramenti quo ad paruulos.

CAP. XXXI.

August.
ad Boni-
facium.



AUGUSTINUS etiam significans expressè non esse paruulis necessariam ad salutem realè sumptionem huius diuini sacramenti, scribens Bonifacio contra Pelagianos, ait, Nec illud cogitatis, paruulos uitam habere non posse,

qui sunt expertes corporis & sanguinis Christi. Idem Augustinus dicit in epistola ad Bonifacium, Nulli est aliquatenus ambigendum, tunc unumquemque fidelium corporis sanguinisque Domini participem fieri, quando in baptismo membrum corporis Christi efficitur; nec alienari ab illius panis calicisque consortio, etiam si antequam panem illum comedat & calicem bibat, de hoc sæculo, in unitate corporis Christi constitutus, abscedat. Sic Augustinus, semper & ubique docuit, realem sumptionem huius diuini sacramenti Eucharistiae non esse de necessitate salutis quoad paruulos baptizatos. Docuit, inquam, etiam in uerbis disertissimis, ut constat ex præcedentibus. Vnde si Augustinus aliquando communicauit paruulos, aut si hoc suo tempore fiebat ab aliis: hoc tamen certum est, Augustinum eius sententiae fuisse, qua crederet, & ex qua doceret, Hoc sacramentum in re susceptum, non esse necessarium ad salutem paruulis baptizatis.

Idem Aug.

S. Tho.

par. 3.

quest. 73.

art. 3.

ad 1. arg.

Referuntur, & soluantur fundamenta patrum, qui ex aduerso arbitrantur non expedire Ecclesiae Dei, ut communio sub utraque specie prædictis hominibus concedatur. CAP. XXXII.



Atis, ut arbitror, hæcenus & explicauimus & monstrauius sententiam nostram, quæ etiam multi patres huius sacri concilij, & sanctissimi & doctissimi habent; tum ex illis, qui ante nos, tum ex illis, qui post nos suas protulerunt sententias. Quia uerò non secus sunt multi patres, qui ex aduerso arbitrantur non expedire Ecclesiae Dei, ut communio sub utraque specie concedatur prædictis hominibus, & pro hac assertionem nonnullas afferunt ratiocinationes, tanquam fundamenta quædam suæ sententiæ, quibus oportet nos satisfacere, ut plenius abundantiusque hac de re agamus: placet & hinc eorum argumenta præcipua, quibus ipsi nostram sententiam labefactare, suam autem statuere conantur, referre, mox uerò soluere.

De Cœna, & Calice Domini

Fundamentum primum aliorum patrum.

PRIMUM igitur eorum fundamentum est, quia non expedit ut sancta Ecclesia communionem sub utraque specie cōcedat hominibus hæreticis : qui prorsus indispositi sunt ; ad diuina sacramenta dignè percipienda .

Fundam. 2. aliorum.

Secundum fundamentum eorum est, quia sancta mater Ecclesia non consuevit sic morem gerere hæreticis, ut eis concederet, quod uolebant : sed potius è contra id solita est seruare, ut in oppositum ueniret ; determinaret, declararet, præciperet, obseruaret .

Fundam. 3. aliorum.

Tertium fundamentum eorum est, quia ipsi homines pro quibus hoc petitur, non comparent in hoc sacro concilio per se, nec suos procuratores mittunt, qui hoc petant suo nomine, & pro eis spondeant condiciones seruatum iri . Sic enim factum fuit in concilio Basileensi .

Fundam. 4. aliorum.

Quartum fundamentum eorum est, quia Germani, Boëmi, Vngari, aut alij etiam, qui hoc petunt, uidentur procedere, tum ex hæresi, credentes se teneri ad communionem utriusque speciei : tum ex inobedientia, quia si essent obediētes sanctæ matri Ecclesiæ, suas ordinationes obseruarent, ipsisque contenti essent .

Fundam. 5. aliorum.

Quintum fundamentum eorum est, quia hoc paretet scandalum in Ecclesia Dei, si hæc communio concederetur illis hominibus, qui se ab obedientia sanctæ matris Eccle-

sic subtraxerunt, ea non concessa aliis Christianis, qui nunquam ab huiusmodi obedientia declinauerunt. Vnde quo hoc scandalum uitetur, hæc communio illis neuiquam concedenda uidetur.

Fundam. 6. aliorum.

Sextum fundamentum eorum est, quia, Gabriel Biel super canonem Missæ, ita inquit, Assignant autem doctores, Alexander de Ales, par. 4. q. 53. S. Thomas, Bonauentura, & post eos Cancel. Parisien. Gerson in tract. suo, quem de hac materia in concilio Cōstantiensi scripsit, Causas quàm plurimas, cur sancta Ecclesia catholica hunc ritum introduxit, & laudabiliter continuat, & continuabit, &c. Ergo uidetur quòd non expediat, ut sancta mater Ecclesia hanc communionem sub utraque specie concedat, ne cogatur, aut uideatur, relinquere laudabilem modum cōmunicandi sub altera specie tantum.

Fundam. 7. aliorum.

Septimum fundamentum eorum est, quia si hoc concedatur illis hominibus, ipsi statim petent alia sibi concedi. Ideo autem uidetur hoc ipsis negandum, ne ueniant ad alias petitiones, & suis importunis petitionibus sanctæ Ecclesiæ molesti sint. Iam enim nunc uidentur petere coniugium clericorum.

Hæc sunt uel omnia, uel potissima fundamenta eorum sanctissimorum, doctissimorumq; patrum, qui dicunt non expedire hanc communionem concedi illis, pro quibus petitur. Quibus hic addere possumus, quasi in octauo loco, omnia fundamenta relata à doctoribus, per quæ sancta mater Ecclesia adducta eò fuit, ut modum communicandi in altera tantum specie probaret, & obseruaret. Quasi sic dicamus,

Fundam. 8. aliorum.

Octauum fundamentum eorum est, ex omnibus ratio-

De Cœna, & Calice Domini

nibus, & causis suprà memoratis, quibus sancta mater Ecclesia iussè adducta fuit, ut obseruaret modum communicandi in altera tantùm specie, quoad laicos, uel etiam clericos non communicantes. Videlicet, propter damnandas & procul abiiciendas hæreses, propter periculum effusionis, & propter alia iam dicta.

Nos autem, quibus hæc sententia non placet, eorum fundamenta non admittimus: non solum quia non probant, quin etiam, quia in proposito pro quo adducuntur, nullo modo quadrant, ut pote quia nihil probabilitatis adferât. Vnde quidem iam cogimur eis respondere singillatim, ne aliqua res, quæ piorum mentibus negotium facessere possit, relinquatur. prouinciam autem hanc & libenter & ordine suscipimus.

Responsio ad argum. primum.

Ad primum igitur fundamentum aliorum patrum ita respondemus. Frequenter audiui hoc ipsum formari argumentum à quibusdam in proposito. Ingenue autem fateor, quoties ita deduci audiui, toties admiratus sum: ut pote quòd & mihi notum erat, & omnibus, qui aduertunt, seu aduertebant, nec expedire nec licere communionem sub utraque specie concedi hæreticis, nec hoc ab aliquo uel aliquibus postulari. Quis enim sic demens esset, ut hoc peteret, aut, ut hoc petatum diceret expedire? Indigni namque sunt hæretici, quibus communicatio sub altera tantùm specie præstetur, nedum sub utraque. Argumentum ergo hoc primum, nihil facit ad propositum: ideoque omittitur, tanquam impertinentissimum. Satis constat ex capite præcedenti, quòd non agimus de hæreticis, sed de catholicis, qui catholici sunt, uel catholici fient in illis partibus. Ex quo autem aliquis de hæretico fit catholicus, iam mox catholicus est, non hæreticus. Queniamodum, dum quis ex impio fit iustus, iam mox est iustus, & non est impius. Innouatio enim quædam semper est in huiusmodi transitu, & similibus; quæ semper est mutatio à uetustate in nouitatem. Vt fiat quodam modo nouus homo, idem, qui fuit uetus,

uctus, non mutando naturam, sed relinquendo uetèra, & acquirendo noua. Quæ noua? Qui ex hæretico fit catholicus, saltem acquirit fidem. Qui autem ex impio fit iustus, acquirit gratiam gratum facientem, & alia, quæ comitantur. Ergo nihil ualet hoc fundamentum primum aliorum patrum: quia non est sermo de hac sacra communione utriusque speciei concedenda hæreticis.

Responsio ad argum. 2. aliorum.

Ad secundum dicimus multipliciter, quemadmodum multa sunt ea, de quibus agimus.

Primum enim respondemus, nos hîc primum & principaliter agere de hominibus catholicis, ut in unitate ueræ fidei nostræ & in uinculo pacis conferuentur; hoc speciali gratia huius communionis sibi concessa, & hac, quam ex aliqua parte fortè optabunt, magis consolati, & subleuati. Sicut diuus Cyprianus hominibus sui temporis, etiam catholicem Domini concedebat laicis, ut eos quodam speciali modo animaret ad martyrium pro Christo sustinendum. Sic autem procedendo quoad catholicos in Christiano officio continendos, nemo non uidet quàm nihil ualeat argumentum, quantum sit non solidum, nec ad propositum.

De quibus agamus primum.

De catholicis conferuandis.

Secundò dicimus, quòd nos etiam quasi secundariò agimus de reductione eorum, qui à nobis, à uera fide catholica, & à pace Christiana defecerunt, eosque reducere in caulam Domini intendimus & conamur: quod ut fiat, uel saltem aliquando aliqua bona spes de eo nobis præstetur, hanc sacram communionem catholicis hominibus concedam iudicamus.

De quibus agamus secundariò. De aduersariis reducendis.

Obiiciunt nobis alij patres, dicentes, Quia sancta mater Ecclesia non consueuit sic morem gerere hæreticis, ut eis concederet, quod uolebant: sed potius e contra id solita est seruare, ut in oppositum ueniret, determinaret, declararet, præciperet, obseruaret.

Respondemus, Sancta Mater Ecclesia quidem nunquam consueuit sic morem gerere hæreticis, ut eis concederet, quod uolebant, &c. utique in casu hæresis. Quin potius

in casu hæresis semper determinauit, docuitque oppositum: ut etiam uidemus sanctam matrem Ecclesiam fecisse in concilio Constantiensi aduersus hæresim, quæ dicebat teneri omnes Christi fideles præcepto Dei ad communionem in utraque specie.

Quo ad mores uerò, non minus certum est, sanctam matrem Ecclesiam semper in corde habuisse, idque opere semper præstasse, habere rationem multitudinis. Vt cum multitudine nunquam frangeret unitatem Spiritus in uinculo pacis, super his rebus prohibendis, cum quibus poterat stare unitas ueræ fidei Christianæ. Aliud namque semper iudicauit fore habendum iudicium de particularibus hominibus; aliud de tota multitudine. Hinc est, quod tam multa sunt abrogata præcepta, & tam multa sunt abolita iura. Quomodo? Per dissuetudinem, seu consuetudinem multitudinis in contrarium. Manifestè etiam docent historiæ, differenter se habuisse sanctam matrem Ecclesiam olim quoad pœnas, cum multitudine, & cum particularibus personis, quæ causam dederunt, quoties contigit, multitudinem cecidisse in hæresim.

Nouimus etiam sanctam matrem Ecclesiam acrius statuisse oppositum quoad mores, uerbigratia, Consueuerat olim sancta Ecclesia in fermentato conficere, sicut re uera licebat stando in iure diuino: ex quo autem surrexerunt hæretici, dicentes, non nisi in fermentato licere sacerdotibus ex præcepto Dei consecrare, præcepit sancta Ecclesia ut nullus nisi in azimo conficeret. Hoc autem ideò fecit, ut contra eam hæresim ageret, non solum in doctrina, oppositum determinando; sed etiam in moribus, oppositum obseruando.

Simili modo se habuit sancta mater Ecclesia in proposito. Nanque cum primum in Boëmia ea hæresis habuit ortum, quæ dicit, debere omnes Christianos communicare in utraque specie: determinauit Ecclesia huiusmodi communionem non esse omnibus de necessitate salutis, & præcepit ne laicus quisquam, aut etiam clericus non celebrans, communionem in utraque specie acciperet, sine licentia.

Hæc autem prorsus nihil faciūt in oppositum nostræ ter-

tiæ conclusionis. Semper enim uera stat sententia, quæ dicit, habendam esse rationem multitudinis. Quam præ oculis habentes ipsi patres Constantiensis concilij, prohibuerunt, non simpliciter, ut nullus in utraque specie communicaret: sed ut nemo sine licentia Ecclesiæ, huiusmodi communionem acciperet. Tanquam locum relinquerent, huic rationi multitudinis habendæ, & huic gratiæ multitudinî concedendæ. Hanc etiam rationem multitudinis habentes, patres concilij Basileen. antequàm declinarent, concesserunt hanc communionem sub prædictis conditionibus. Hanc etiam in corde habens Paulus tertius fœlicis recordationis, eandem gratiâ concessit, ut memorauimus.

¶ Dicimus ergo, quod quoad fidei ueritatem & unitatē, non habet locum, ratio habenda multitudinis: quia immo tunc fortius, & acrius agendum est contra hæresim, dum in eam hæresim labuntur plures; Quoad mores autem, siue dubio, ratio multitudinis habet, & habere debet locum. quoad mores, inquam, in quibus sancta mater Ecclesia potest, sic, uel sic ordinare. Præsertim postquam per multos annos in rigore perseuerauit, & non profecit. *hi sibi*

¶ Quod si his auditis, adhuc quispiam magnificiens hoc fundamentum secundum, instet, deducendo ex illo ad oppositum nostræ huius sententiæ, nos ei dicimus, Ostende ubi, aut quando sancta mater Ecclesia non habuit rationem multitudinis in casu simili, hoc est, in casu, in quo res facta esset, in quo tanta multitudo deperiisset, & in quo sancta mater Ecclesia tanto tempore, reditum tantæ multitudinis expectasset, eiusque expectatio prorsus nihil profecisset. Si autem non datur casus similis, in quo sancta Ecclesia non habuit rationem multitudinis; iam, ut est notum omnibus, nihil ualet argumentum hoc, & ruit istud fundamentum; quia loquitur, extra casum nostrum, extraque chorū (ut prouerbio fertur) saltat.

*Habenda
est ratio
multitudi-
nis.*

Responsio ad argum. 3. aliorum.

Ad tertium fundamentum dicimus, Hoc tertium fundamentum magis facit pro nostra sententiâ, quàm pro op-

ab initio
est
etiam
etiam
etiam

posita; quia magis declarat casum in quo sumus, & magis
iustificat nostram determinationem. Nullum enim est re-
gnum; nulla ciuitas, nullus populus, immo nec ulli sunt
particulares homines, qui hoc petant: ob quod certè non
est mirum, quòd non ueniant per se, quod nec procurato-
res mittant. Nec fit hic aliqua contractio, qua ipsi dicant,
Si nobis hoc conceditis, erimus in uestra obedientia, & fi-
de: si autem non, minimè erimus. Quæ contractatio, ui-
deretur fortassis habere nescio quid inhonesti, turpitudi-
nis, aut inuoluntarij, aut exactionis, aut malæ originis,
seu obliuina uoluntatis, ex parte sic petentium: & conces-
sio non esset sic libera, absoluta, uel gratiosa ex parte con-
cedentium. Qualem tamen contractionem non renue-
runt patres concilij Basileensis, propter bonum & salu-
tem animarum.

Hinc etiam est, quòd tempore concilij Constantiensis
missi sunt Oratores, quia erant uidelicet, qui peterent;
qui mitterent, & ad quos mitterent. Nunc autem ita res
se habet, sed omnes tacent, nullus petit. Vnde quidem non
est idem casus, nec similis.

Quomodo igitur hoc petit Imperator & petunt alij prin-
cipes, pro illis hominibus? Ego ita intelligo & accipio ca-
sum nostrum; quasi Imperator & alij principes sint potius
consulentes, quàm petentes: ut petant consulendo, uel con-
sulant petendo. Vident quæ quotidie fiunt, & experiuntur
iacturam sanctæ matris Ecclesiæ in perditione tot animarū,
dolent de re huiusmodi, cupiunt huic tanto malo prouideri
zelo domus Domini, iudicant hoc medium necessarium,
atque utile, proponunt illud, consulunt, & petūt. Petunt
autem, non ab aliis submissi, sed sicut petunt; qui consu-
lunt. Suntque partes ad consulendum, & sunt partes ad
petendum. Christiani sunt, Christiani nihil à se alienum
putant. Curant ergo negotium sanctæ matris Ecclesiæ, cu-
rant negotium saluandarum animarum: & tandem faciunt
quod omnes debemus facere quærendo salutem proximo-
rum, quos uidemus in periculo esse deficiendi, aut iam
defecisse. Quia debemus bona mente studere, ut hi ad
fidem pacemque reducantur, atque ut in fide & pace conser-
uentur.

uentur, maximopere elaborare. Hæc est una nostra ex multis aliis, obligatio Christiana. Sic enim habemus, Diliges Dominum Deum tuum ex toto corde tuo, &c. Et proximum tuum, sicut teipsum. Erue eos, qui ducuntur ad mortem. Vnicuique mandauit Deus de proximo suo.

Matth. 22.
Prouer. 24.
Eccl. 17.

Nihil ergo ualet hoc fundamentum tertium, tum quia deficit à ratione & officio charitatis, quasi non debeamus salutem proximorum procurare, nisi quando & ubi ipsi petunt: tum quia deficit à similitudine exēpli, quod allegat.

Responsio ad argum. 4. aliorum.

Ad quartum fundamentum dicimus, Primùm quidem, ut iam dictum est ad fundamentum præcedens. Nemo est, qui specialiter hoc sibi petat; quia nec regnum aliquod, nec ciuitas, nec aliquis populus, nec aliqui particulares homines; sed principes Christiani prædicti, quia proximi sani sunt, hoc petunt pro Christianis laborantibus, periclitantibus, infirmis ut sanentur & sustententur, aut mortuis ut reuiuiscant.

Deinde respondemus, quòd & si aliqui hoc sibi peterent, adhuc posset hæc petitio habere ortum non ex hæresi, sed ex affectione quadam, consuetudine, uel deuotione erga utranque speciem huius diuini sacramenti. Aut etiam ex eo, quòd petentes putarent maiorem gratiam ex opere operato conferri in communione utriusque speciei, quàm in communione alterius tantum: quæ cogitatio, hætenus non est damnata, ut constat ex responsionibus ad articulum quartum. Malè igitur supponit hoc quartum fundamentum, ideoque non potest habere uim ullam, uirtutem, aut efficaciam: unde & meritò relinquitur, quantum pertinet ad hanc partem. Si autem hoc aliqui sibi peterent, & hæc eorū petitio haberet ortum in illis ex sua inobediētia: adhuc nobis esset uidendum, An expediret nobis & Ecclesiæ Dei, dare operam, ut per hoc medium sacrum, eos reduceremus de inobediētia ad obedientiam, & de malo statu ad bonum? Visum est autem patribus concilij Basileen. antequàm declinarent, quòd sic.

De Cœna, & Calice Domini

Tandem hoc certum est, quòd & si ea petitio in aliquibus ex aliquo malo habuisset originem; omnia tamen mala eiusmodi tolluntur per conditiones appositae huic concessioni, ut ex dictis est manifestum. Omnes enim quotquot sic communicandi sunt, deberent confiteri fidem nostram integram, tam quoad sacramentum, quàm quoad alia, & omnes habent præstare suam obedientiam. Vnde iam tunc sunt credentes, simul & obedientes.

Dicunt hîc aliqui, Sic petens potest nos decipere, confitendo fidem Christianam in ore, & continendo hæresim Lutheranam uel Calvinianam in corde. Respondemus, Qui sic faceret, seipsum deciperet, non Deum, qui omnia intuetur. Rursus dicimus, Eodem modo potest nunc ipse talis petens nos decipere, & per eam deceptionem à nobis obtinere communionem in altera specie, quam ei nos nullo modo concederemus, si eum Lutheranum aut Calvinianum cognosceremus.

Sic minimè ualet hoc fundamentum quartum, sed potius ruit modis omnibus.

Responsio ad argum. 5. aliorum.

Gabriel
lect. 84.
lucra O.

Ad quintum fundamentum dicimus, Nullo modo potest in hac concessione esse aliquod scandalum datum, aut pusillorum, saltem quantum ego modò uideo, aut rebus ut nunc, moraliter loquendo, uidere possum. Nemo enim rationabiliter scandalizari potest de eo, quod sancta mater Ecclesia in concilio uniuersali (ubi sunt tot, tanti, talesque sanctæ Romanæ Ecclesiæ Cardinales, & sanctissimi domini nostri Legati, totque tanti & tales patres, Patriarchæ, Archiepiscopi, Episcopi, Abbatesque ex toto Orbe Christiano) rem hanc sacratissimam iudicat concedendam, & concedit illis hominibus, pro salute animarum eorum, & pro bono statu Ecclesiæ conseruando, atque augendo. In sacro enim uniuersali concilio est sanctitas, est scientia, est pietas, est prudentia, est auctoritas, est feruor charitatis, est zelus domus Dei, & est sollicitudo omnium Ecclesiarum: unde ex suis determinatio-

nibus, nullus locus patet scandalo, quo scandalum suboriri ualeat. Ergo nullo modo admittimus, sed omnibus modis refellimus hoc quintum argumentum, quod desumitur proponiturque ex scandalo.

Si autem aliquis non pusillus, nec scandalo dato, sed recepto ut Phariseus quidam, scandalizatus fuerit; non est culpa patrum concilij, sed ipsorum, qui ad modum Pharisæorum, absque ratione scandalizantur. Talibus sacrum concilium potest dicere, quod Saluator noster dixit, *Antus, 20.*
oculus tuus nequam est, quia ego bonus sum?

Nec eadem est causa uel ratio, ut si hæc communio conceditur prædictis illis hominibus, statim concedatur aut concedi debeat omnibus fratribus Christianis per totum Orbem. Etenim non omnes sunt sic in periculo, nec omnes sunt sic infirmi, nec omnes sunt in eodem statu, nec omnes indigent eadem medicina, seu eodem modo curandi. Sic pia, & prudens mater carnis non eodem modo blanditur filiis suis sanis, & infirmis: nec eis eodem modo eadem præstat cibaria, aliaque opportuna. Sic sanctissimus ille pater Euangelicus, multa fecit filio suo iuniori, prodigo, & qui luxuriosè uiixerat, quæ non fecerat filio suo seniori, qui fuerat semper secum, & nunquam à domo eius recesserat. Sic etiam sanctissima mater Ecclesia, piissima & prudentissima, filios suos sustentat, suscipit, & tractat: suscipiendo infirmos, consolando pusillanimes, iuuando fragiles, & patientem sese præbendo ad omnes. Quamobrem non potest esse mirum, si non æqualiter distribuatur omnibus, aut non æqualiter communicent omnes; quia uidelicet non æqualiter ualent omnes, non æqualiter periclitantur, non æqualiter laborant, non æqualiter indigent. Distribuit autem unicuique, prout cuique opus est. *Luce 19.*

Si autem aliquis instaret, & daret mihi quòd ex hac concessione quoad illos prædictos homines, inuitabiliter eueniret, ut sancta mater Ecclesia necessàriò ad fugiendum scandalum deberet eandem cõunionem concedere omnibus: Nosei, non casuni admittendo, sed ad maiorem abundantiam respondendo, dicimus, Eo casu posito, potius

De Cæna, & Calice Domini

eam communionem omnibus concedendam, ut liceret omnibus sub una uel sub duabus communicare, sicut olim apud multas Ecclesias licebat: quàm quod illam, illis infirmis hominibus, periclitantibus, aut laborantibus dene-gandam. Vellemque potius apud Saluatorem nostrum piis-simum & misericordissimum rationem reddere de rigore misericordiæ, quàm de rigore iustitiæ. Ita sancti doctores dicunt fore nobis optandum: & diuina scriptura dicit, Noli esse iustus multum.

Responsio ad argum. 6. aliorum.

Ad sextum eorum fundamentum dicimus, Ita quidem Gabriel dixit, & uerba illa sunt sua; ut est uidere apud ipsum, super Canonem Missæ. Intentio autem sua non erat asserere, nunquam fore expediens, quòd sancta Mater Ecclesia ex aliquibus causis, & sub certis conditionibus, suos filios laicos uel etiam clericos non celebrantes communi-caret in anibabus speciebus. Quin potius intentio sua erat, ostendere hanc consuetudinem communicandi laicos uel clericos non celebrantes in altera tantùm specie, esse bonam, iustam, licitam, & laudabilem, atque communio-nem in utraque non esse à Christo indispensabiliter præcep-tam generaliter omnibus fidelibus. Nâque in eo loco ita mouet quæstionem, Vtrùm populus fidelis participaturus Eucharistiâ, teneatur eam sumere sub utraque specie? Idemque auctor ibi respondendo ait, Est ergo circa hoc, hæc propositio, Communicatio Eucharistiæ sub utraque specie, à Christo non est præcepta generaliter omnibus fi-delibus indispensabiliter. Ecce de quo agebat. Et quidem secundum hanc mentem suam, posuit uerba illa, ex quibus sumitur hoc sextum fundamentum. Non est igitur ad propositum.

Verba etiam ipsa huius doctoris catholici, ualde docti, & ualde pij, quantumcunque in se considerentur, nihil faciunt contra hanc nostram sententiam. Nihil enim dicunt, nisi quòd sancta Ecclesia catholica plurimis de causis hunc ritum introduxit, & laudabiliter continuat, & continuabit.

bit. Omnia autem hæc sunt uerissima, quia ritus iste communicandi laicos & clericos non celebrantes, est licitus in iure diuino, Ecclesia ex iustis causis illum accepit, laudabiliter continuat, & laudabiliter continuabit semper: tum, quia ipsum semper probabit, & nunquam damnabit: adhæc, quia in communionem infirmorum extra Ecclesiam illum semper obseruabit: & nunquam deerunt in Ecclesia Dei, qui in altera tantum specie communicare uelint, saltem aliquando.

Nec nostra sententia est, ut Ecclesia præcipiat illis hominibus aut aliis, communionem in utraque specie; sed ut eis concedat, posse eis communionem sub utraque specie præstari, si ipsi uoluerint: Cum hac autem licentia stat, ut multi in altera tantum specie cōmunicare uelint. Sic enim licebat olim hominibus apud multas particulares Ecclesias, communicare uno, uel altero modo.

Responsio ad argum. 7. aliorum.

Ad septimum eorum fundamentum dicimus, Nec hoc quicquam ualet. non enim debemus, nec possumus omnia, æqua lance mensurare. Si alia petierint, sanctæ matris Ecclesiæ erit, alias petitiones uidere, eas examinare, eisque respondere. Interim non licet nobis diuinare. Et ut etiam non minus certum est, non pertinet ad uiros prudentes & constantes, noua monstra fingere, quæ timeant: nec ob timorem fictorum à se monstrorum, ab illis abstinere, quæ grauissima sunt, & aliàs licent, atque expediunt. Nolite cogitare de crastino. Sufficit dici malitia sua. Omnia tempus habent. Tractus futuri temporis, non spectat ad iudicem. Iacta cogitatum tuum in Domino, & ipse te enutriet. Prudentiæ est præuidere, & prouidere. Vtique uerum est, & negari non potest: sed profectò etiam cum prudentia, & non sine prudentia, est præuidendum, atq; prouidendum. Non uult autem prudentia, ut propter petitiones non expedientes futuras, negemus petitiones expedientes præsentis.

De coniugio Clericorum, quod allegatur in argumento; nemo est, qui non uideat, quàm dissimilis est ratioci-

*Matth. 6.
Ecl. 3.
Psalm. 54.*

De Cœna, & Calice Domini

natio, & quàm indigna quæ admittatur. Aliud est clericorum coniugium, & aliud est laicorum in utraque specie communio. Hæc enim de se est licita, sancta, iusta, bona, & unit homines Deo. Coniugiū autem & si sit uenerabile, thorūque habeat immaculatum; quasi quantum coniuges inuicem iungit, tantum eos à Deo diuidit, & tribulationem carnis habet. Ita enim de hoc ait Paulus, Si autem acceperis uxorem, non peccasti. Et si nupserit uirgo, non peccauit: tribulationem tamen carnis habebunt huiusmodi. *Ibid.* Infra, Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, & diuisus est. Latissima igitur patet differentia horum duorum. Et patet rursus ex eo, quod coniugium uel cælibatus clericorum, pertinet ad paucos, quia ad solos ministros ordinatos in sacris: communio autem pertinet ad totam multitudinem Christianorum adulterorum. Potest namque clericorum non continentium numerus facile suppleri per alios, hoc est, per continentes, & multa suppetunt remedia, quibus clericos continentes habeamus. Cælibatus etiam de se multò præstantior est coniugio, ut palàm est omnibus, qui diuinas scripturas, & sanctos doctores intuentur. Communio autem in altera specie non ita præstantior est communione in utraque. Ex quibus profectò omnibus, certum est non esse simile de coniugio clericorum, & de communione huiusmodi laicorum. Ideoque, ubi, & quando petitus fuerit sacerdotum coniugium, facile erit & in pròptu respondere: quia non est admittenda eiusmodi petitio: ut pote quòd sit de minori bono, relicto maiori: & quandam continet inhonestatem; carnem sapit, & aures pias offendit.

Responsio ad argum. 8. aliorum.

Ad octauum fundamentum eorum etiam sic respondemus. Hoc est melius argumentum, quod poterat fieri à patribus ad eorum propositum; quia procedit ex illis, quæ iam antiqui patres considerarunt, & magni fecerunt. Ve-

rùm nec hoc fundamentum modò ullas habet uires in op-
positam sententiam , pro qua adducitur , ea uidelicet de
causa , quia nos non dicimus communionem hanc in utra-
que specie fore concedendam simpliciter & absolutè , sed
sub certis conditionibus & decretis . Conditiones autem
illæ & decreta , tollunt omnia inconuenientia : ponunt fi-
dem integram , requirunt obedientiam completeram , ui-
tantque omnia pericula . Constant hæc , ex illis . maximè
quia sancta mater Ecclesia potest etiam addere alias con-
ditiones , quas uoluerit , quæ nullum relinquunt locum scrupulis , aut timoribus .

Libri secundi de Cæna & Calice Domini , finis.



REVEREND. GASPARIS
CASALII LVSITANI,

EPISCOPI LEIRIENSIS,

De Cœna, & Calice Domini quo ad laicos,
aut clericos non celebrantes,

LIBER TERTIVS.

*Præsentis libri materia declaratur, proponunturque omnia, uel
saltem potiora argumenta, quibus aduersarij, communionem
sub utraque specie, diuino iure omnibus fidelibus Christianis
deberi, falsò ostendere nituntur.*

CAPVT PRIMVM.



ABSOLVTIVS nobis, Domino do-
nante, hoc opus de Cœna, & Cali-
ce Domini quoad laicos uel etiam
clericos non celebrantes, hoc unum
superest necessarium, etiam iuxta
superius promissa, ut uidelicet ob-
iectiones aduersariorum afferamus,
illisque respondeamus; quibus ipsi
iudocis populis conantur suadere,
debitam esse cunctis Christi fidelibus ex diuino iure, com-
munionem sacræ Eucharistiæ in utraque specie. Hoc enim

in hoc opere adhuc desideratur, & non parum facit ad totius operis abolutionem. Vnde & hoc intendimus in presentia, tanquam tota materia libri presentis sit, obiectio- num cunctarum aduersariorum relatio, & ad eas catholica iuxta diuinas scripturas, sanctos doctores, atque manifestas rationes responsio. Idque eo ordine efficiemus, ut in hoc primo capite, omnia uel fortiora aduersariorum obiecta proponamus seorsum, & deinde illis, in capitibus sequentibus respondeamus singillatim, iuxta ordinem relationis.

Loca igitur fortiora potioraque ad oppositum, ea sunt: Primus, Nisi manducaueritis carnem filij hominis & biberitis eius sanguinem, non habebitis uitam in uobis. Secundus, Et accipiens calicem gratias egit, & dedit illis, dicens, Bibite ex hoc omnes. Tertius, Quoniam unus panis, & unum corpus multi sumus; omnes quidem de uno pane, & de uno calice participamus. Non potestis calicem domini bibere, & calicem dæmoniorum. Quartus, Similiter & calicem, postquam cœnauit, dicens, Hic calix nouum testamentum est in meo sanguine: hoc facite, quotiescunque bibetis, in meam commemorationem. Quotiescunque enim manducabitis panem hunc, & calicem bibetis, mortem domini annuntiabitis, donec ueniat. Probet autem seipsum homo, & sic de pane illo edat, & de calice bibat. Ista sunt loca potissima diuinarum scripturarum, quia prima duo explicant institutionem huius sacri sacramenti sub utraque specie, & uidentur usum calicis præcipere: alia uerò duo eandem institutionem referunt; & ostendunt eam consuetudinem fuisse apud Ecclesiam Corinthiorum, temporibus Apostoli Pauli, ut etiam laici in utraque specie communicarent. Quasi ex istis habeatur domini institutio, domini præceptum, atque Ecclesiæ primitiæ intelligentia, obseruantia, & consuetudo; Apostolo Paulo sciente, & iuxta illam bene seruandam, docente: Accedit his, ipsa domini institutio, qui hoc diuinum sacramentum instituit, non solum in specie panis, quin etiam & in specie uini: ut ex istis duobus constaret unum integrum sacramentum, expressius repræsentans Christi mortem in

Ioan. 6.

Math. 26.

1. Cor. 10.

1. Cor. 11.

De Cœna, & Calice Domini

cruce, & nostram futuram refectiōem in cœlo. Quam ob rem uidetur quòd debeat etiam dari integrum, ne fraudetur populus medietate, uel parte aliqua illius: nec uideantur sacerdotes quasi sint domini, sumere sacramētum totum, & integrum; laici uerò, quasi sint serui aut famuli, sumere dimidium aut truncatū. Et quòd laici uideantur habere ius in illis omnibus, quæ dominus dixit Apostolis & in Cœna, & aliàs, uidetur ostendi ex illo uerbo domini, Quod autem uobis dico, omnibus dico; Vigilate. Ad quod insuper & illud pertinere potest, Vos autem genus electum, regale sacerdotium, gens sancta, populus acquisitionis, ut uirtutes annuntietis eius, qui de tenebris uos uocauit in admirabile lumen suum.

Marci 13.
1. Part. 2.

LYTHERVS.

art. 16.

Ita proponunt aduersarij. Lutherus enim prius dixit, Consultum uidetur, quòd Ecclesia in communi consilio statueret laicos sub utraque specie communicandos, nec Boëmi sub utraque specie communicantes, sunt hæretici & schismatici. Posterius autem dixit, Hunc articulum reuocaui libro de captiuitate Babylonica, & iterum his scriptis reuoco, & dico Boëmos & Græcos in hac parte, nec hæreticos nec schismaticos, sed Christianos & Euangelicissimos esse, quos & his uerbis oro, & obtestor in domino, ut in ea sententia firmiter pernāneant, quum pro se habeant expressum textum Euangelij, longæuum & apud Græcos in hunc diem seruatum catholicum usum Ecclesiæ Dei. Hæc ille. Ibi non allegat textum illum, sed ut alij explicant, ipse est secundum suam sententiam, Bibite ex hoc omnes. Nec alio modo saluat laicos & rudes non communicantes sub utraque specie, nisi fortè eos excuset ignorantia, simplex fides, & uiolenta priuatio, qua priuantur altera specie. Vnde & postea addit, Nam hoc ego dico, Si quis sciens omittat desiderare saltem, alteram etiam partem sacramenti, licet neutra necessaria sit, cum fides sola hic sufficiat, impiū eum esse, & Christū ab eo negari. In toto autem ipso articulo iis tantū probat dictū suū, qui-

bus textum Euangelij allegat, consuetudinem antiquam, institutionem integri sacramenti à Deo, & quòd obedire oporteat Deo, magis quàm hominibus. Vultque, ut quilibet laicus, si speciem alteram impetrare non potest, ut impeditus, corde saltem toto optet, & gemat ad Deum, quòd nostris (ut inquit) peccatis merentibus, digni facti sumus, quibus impij aduersarij ueritatis, alteram partem sacramenti auferrent, & nos nostro sacramento spoliarent. Obiicitque nobis, quòd cùm Ecclesia Romana sacerdotibus imperet utranque speciem sumere, causatam unum sacramentum esse utranque speciem, id quod & ipse fateatur uerum. iterum pro libidine causatur, mendacio sibi ipsi contrario, integrum sacramentum, unam speciem esse, & sic aliud sacramentum laicis, & aliud sacerdotibus partitur. Hæc ille. Fatetur quòd Christus sciebat omnia sub pane accipi, nihilominus tamen uinum instituit: & inde arguit, Cur sacerdotes non etiam omnia sub pane accipiunt? Obiicit iterum, quòd cùm Paulus dicat, Nonne unus panis & unum corpus multi sumus, omnes, qui de uno pane & de uno calice participamus? Papa laicos ab uno corpore excludere conatur, dum non omnes de uno calice uult participare, resistens tum Christo, tum Paulo, & uniuersæ Ecclesiæ Dei. Hæc ille, in eodem articulo.

BUCERVS.

Bucerus etiam scribens aduersus Bartholomæum Latomum de communionem sub utraque specie, ita dicit, Ad communionem integri sacramenti urget, & in ea detinet nos meritò præceptum Christi, Accipite, manducate. Hoc est corpus meum. &, Accipite, bibite ex eo omnes. &, Facite hoc in meam commemorationem: Hoc, quod ego nunc facio, & facere uos iubeo. Ecclesia uerò Christi ne angelum quidem de cælo audit, qui diuersum à mandato spõs sui præcipiat, tantum abest ut ipsa per se aliud quid usurpet aut statuatur. Lege quæso, & expende quæ sanctus martyr Cyprianus de hoc præcepto, Facite hoc, disserit, epistola. 3. lib. 2. Cumque hoc sacramentum dominus insti-

De Cœna, & Calice Domini

tuerit tâdiu celebrandum, dum redeat gloriosus ad iudicium, is profectò ritus, quem in eo obseruandum tradidit, nulla potuit humana nec negligentia, nec contraria constitutione abrogari. Hæc ille. Dicit quòd theologi causas huius mutationis memorant, periculum effusionis, & ut sacerdotum asseratur dignitas: & addit frequentiore communionem, dominicis & festis diebus: atq; quòd sacerdotalis dignitatis asserendæ amplior cura tenebat patres: nec tamen ipsi patres institutū mutauerunt domini: nec illis uisa est dignitas sacerdotalis asserenda, hac sacramenti dimidiatione: ut qui contrarium disertè docuerint, in his scilicet mysteriis nihil prorsus inter sacerdotem & plebem intèrèssè. Et allegat Chrysostomum dicentem, Nunc non sic, uerum omnibus unum corpus proponitur & unum poculum. Ex istis autem ita concludit, Cum ergo luce meridiana clarius pateat, quid in sacra cœna dominus instituerit, & nobis faciendum præceperit, & cum nullis omnino uel patribus, uel conciliis ulla de causa liceat circa sacramenta, aut alias res quicquam statuere contra id, quod dominus ipse & Apostoli apertè definierunt, quod & concilia & pontifices ipsi fatentur, certò sequitur & istam sacramenti mutationem non posse tribui Ecclesiæ Christi, nec eos, qui uel inuexerunt illam, aut defenderunt, repræsentasse Ecclesiam Christi. Addit non posse admitti sine grandi sacrilegio, quòd quidam sumpta tantummodò corporis sacri portione, à calice sacrati cruoris abstineant. & allegat Papam Gelasium. Addit iterum quòd Christus dominus, unus est indubitatus doctor ueritatis, quòd illum audiuit uniuersa Ecclesia sua, sicut in cæteris, sic etiam in hoc instituto, quâdiu illi ueri Episcopi præfuerunt, & hodie audit eum, & integrum sacramentum administrat omnis Ecclesia cum Indica, tum Græca. clamatque, quòd ista manifesta deprauatio sacramenti, sub altera tantum specie, eo tempore in Occidentalibus Ecclesiis obrepfit, quo dominos habere cœperunt, qui Antichristo non Christo seruiebant, ut D. Bernardus questus est. Dicit quòd constet ab Orientalibus Ecclesiis nunquam fuisse receptam, in Occidentalibus autem ante quadringentos annos nondum

Chrysost.
homil. 18.
ad Corin.

De consecr.
dist. 2.
Cæperimus.

Bernardus
serm. 33.
in Can.

dum ubique obtinuisse: & quod licet multis sæculis hæc mutilatio obtinuerit, quia tamen constat usum huius cæremoniæ secus esse institutum à Christo, aliter traditum ab Apostolis, qui à domino acceperant; concluditur hanc Christi institutionis deprauationem, minimè tribuendam esse Ecclesiæ sponsæ Christi. Quod nos dicimus, contineri tantum sub altera specie sacramenti, quantum sub utraq;e, ipse Bucerus dicit esse commentum, & irreligiøsæ argumentationi merito esse tribuendum: sed docet seorsum corpus, & seorsum sanguinem exhiberi reali exhibitione, absque tamen sectione in ipso Christo. Dicit incertam coniectationem esse, an dominus in ea fractione panis, duobus discipulis, sacramentum corporis sui dederit Emaunri: & quod si certa sit, non tamen inde probatur, dominum non dedisse his discipulis pariter & sacramentum corporis sui. Deinde dicit, quod si maximè constaret; Dominum in hac fractione panis exhibuisse sacramentum sui ipsius, & id Symbolo panis tantum, nec propterea licet seruis immutare institutum domini sui, in hac sacra cæna tam clarè & difertè ab eo traditum. Hæc Bucerus dicit, & nonnulla alia, inter quæ ista uidentur fortiora.

CALVINVS.

Ioannes Calvinus in Antidoto articulorum facultatis sacræ theologiæ, Parisiensis super materiis fidei nostræ controuersis, scribens contra articulum septimum, dicit, Mandatum est Christi, Bibite omnes. Qui etiam cum de pane simpliciter dixisset, Accipite, manducate, cum ad calicem uentum est, iubet nominatim, ut omnes bibant. Hoc se Apostolus Paulus tradidisse Corinthiis, sicut acceperat à domino, testatur. Ratio, quæ adduci solet de concomitantia, locum hic non habet. Neque enim quid nobis det Christus, intueri solùm conuenit: sed etiam qualiter, aut si maius, modus inspicendus est, quo dominus seipsum nobis uult communicare. Quemadmodum ergo sub pane dat nobis corpus, ita etiam sub calice sanguinem. Proinde nihil nobis aliud restat, nisi ut obediamus, eius

De Cœna, & Calice Domini

mandato. Hæc Calvinus. Addit sic, Hic ritus obseruatus fuit in Ecclesia ultra annos mille, sicut testantur omnium patrum scripta. Caro, inquit Tertullianus, corpore & sanguine Christi pascitur, ut anima de Deo saginetur. Et Theodoretus uerba Ambrosij refert ad Theodosium Imperatorem. Quomodo huiusmodi manibus sacrum domini corpus suscipies? qua audacia poculum preciosi sanguinis ori tuo adinouebis? Hieronymus, Sacerdotes, qui Eucharistiam faciunt, & sanguinem domini populo distribuunt. Item Chrysostomus, Non sicut in ueteri lege partem comedebat sacerdos, partem uero populus, sed ea, quæ sunt Eucharistiæ, communia sunt omnia inter sacerdotem & populum. Omnibus unum corpus proponitur, & calix unus. Sed de obseruatione non est controuersia, quam omnes talē fuisse fatentur. Quod autem sic fieri omino oportere censuerint, constat ex decreto Gelasij, qui arceri iubet à toto sacramento, qui calice abstinere, quoniam diuisio huius mysterij, inquit, grandi sacrilegio non careat. Cyprianus uero fortiter contendit, nullo modo admittendum esse hoc sacrilegium. Hæc ille.

CONFESSIO AUGUSTANA.

Confessio Augustana, & in eius Apologia Philippus Melancthon, proponit eadem fermè argumenta pro communione sub utraque specie, & contra communionem sub altera tantum. Ita enim ait, Datur apud nos laicis utraque pars sacramenti in cœna Domini, quia sacramentum institutum est non solum pro parte Ecclesiæ, scilicet presbyteris, sed etiam & reliquæ Ecclesiæ. Igitur & populus utitur sacramento, sicut Christus instituit. Et quidem Christus instituit Matthæi 26. Bibite ex hoc omnes. Vbi manifestè ait de poculo, ut omnes bibant. Et nequis cauillari possit, quod id tantum ad sacerdotes pertineat, Pauli ordinatio apud Corinthios testatur, totam Ecclesiam communiter usam utraque specie. Hic mos diu mansit etiam in Latinis Ecclesiis, nec constat quando, aut quo auctore mutatus sit. Cyprianus aliquot locis testatur populo sanguinem datum

*Tertullia.
Homi. 60.
ad populū,
De resurre.
carnu.
lib. 3.
Ecclesiast.
cap. 8.
Hierony.
in Sapien-
tiam.
Chrysost.
in 2. Cor. 1.
cap. 9.*

*De consecr.
dist. 2.
c. Cœperim.*

*Cyprian.
Epist. 2.
de Lapsu.*

Cyprian.

esse, ut ad Cornelium Papam scribens. Et beatus Hieronymus. Extat in decretis Canon Pontificis Gelasij. Item in historia Tripartita, in obiurgatione Theodosij Imperatoris, quem Ambrosius noluit ad communionem admittere sine pœnitentia, propterea quòd Thessalonicæ paucorum militum necem, qui per tumultum interfecti fuerant, nimis acerbè ultus erat, trucidaueratque septem millia ciuium. Hic Ambrosius inquit, Quomodo his manibus suscipies sanctum domini corpus, quia temeritate ore tuo poculum sanguinis preciosi percipies? &c. Constat igitur ueteris Ecclesiæ morem fuisse, dare populo utranque sacramenti partem, tantum consuetudo non ita uetus adimit populo alteram partem. Hæc ibi.

Epist. 1.
lib. 2.
Hierony.
in Zacha.
cap. 3.
c. Compe-
rimus.
ubi supra.

Philippus Melancthon. Melancthon in Apologia huius cōfessionis Augustanæ, ita quoque dicit, Non potest dubitari, quin pium sit & cōsentaneum institutioni Christi, & uerbis Pauli, uti utraque specie in cœna Domini. Christus enim instituit utrâque partem. & instituit non pro parte Ecclesiæ, sed pro tota: Nam non presbyteri solum, sed tota Ecclesia auctoritate Christi, non auctoritate humana, utitur sacramento, idque fateri aduersarios existimamus. Iam si Christus instituit pro tota Ecclesia, Cur altera species adimitur parti Ecclesiæ? Cur prohibetur usus alterius speciei? Cur mutatur ordinatio Christi? præsertim cum ipse uocet eam testamentum suum? Quòd si hominis testamentum rescindere non licet, multo minus Christi testamentum rescindere licebit: Et Paulus inquit se à Domino accepisse quod tradidit; tradiderat autem usum utriusque speciei, sicut clarè ostendit textus primæ Corinth. 11. Hoc facite, inquit, primum de corpore. Postea eadem uerba de poculo repetit: & deinde, Probet seipsam homo, & sic de pane edat, & de poculo bibat. Hæc sunt uerba disponentis. Quare constat pro tota Ecclesia sacramentum institutum esse. Et manet mos adhuc in Ecclesiis Græcis, & fuit quondam etiam in Latinis Ecclesiis, sicut Cyprianus & Hieronymus, & sy-

nodus Toletana testantur. Hic prudenti lectori expendendum relinquimus, quid censendum sit de diuina institutione. Hæc ille. Deinde respondet quibusdam nostris rationibus, dicit periculum effusionis & similia, non habere tantam vim, ut ordinationem Christi mutant: saluat Ecclesiam atque excusat, quæ hanc iniuriam pertulit, cum utraque pars ei contingere non posset: sed auctores, qui defendunt, rectè prohiberi usum integri sacramenti, quid; nunc non solum prohibent, sed etiam utentes integro sacramento excommunicant, & ui persequuntur, non excusat.

CONFESSIO VUITTENBERGENSIS

Confessio Vuittembergensis sic habet, Quod autem ad Eucharistiæ usum attinet, Primum etsi non negamus, quin totus Christus tam pane quam uino Eucharistiæ dispensetur, tamen docemus usum utriusque partis debere unius Ecclesiæ communem esse. Manifestum enim est, quod Christus ipse nihil periculis, quæ postea humana superstitione excogitata sunt, aut aliis commentis deteritus, tradiderit Ecclesiæ utranque partem utendam. Manifestum etiam est, quod uetus Ecclesiæ usa sit utraque multis annis, & testantur aliquot scriptores perspicue eos, qui solum panem accipiunt, non accipere plenum sacramentum sacramentaliter (sic enim loquuntur) & diuisionem unius eiusdemque mysterij sine gradui sacrilegio fieri non posse. Hæc ibi. Quibus ita additur, Quare sentimus usum utriusque partis esse uerè Catholicum & Apostolicum, nec licere ulli homini hanc Christi institutionem, & tam diuturnum ueteris ac ueræ Ecclesiæ ritum, pro sua libidine mutare, & laicis, ut uocant, alteram partem Eucharistiæ auferre, &c. Hæc sunt uel omnia, uel potissima & fortiora, quibus aduersarij nituntur ostendere, & suis persuadent, deberi etiam laicis communionem sub utraque specie sanctissimi sacramenti Eucharistiæ. Quibus omnibus, nos è contra asserentes, in sequentibus respondemus.

asseritur, communionem Eucharistie in utraque specie, non deberi
-omnibus fidelibus Christianis iure diuino, & respondetur primum
-obiectioni, ductæ ex illis uerbis Domini: Nisi manducaueri-
-tis, &c. Tresque sententie de germano illorum sensu refe-
-rentur. CAP. II.



Quis autem catholici diuinas scripturas per-
-spicientes, dicimus iuxta illas, & ex illis,
-non deberi laicis communionem sub utra-
-que specie, nec de hoc esse aliquod diuinum
-præceptum, sed potius istam admini-
-strationem liberè fuisse relicta in Ecclesia. Chri-
-sti, Apostolis & ministris eius, ut secundum quod sibi bene
-uideretur, possent laicos uel sub altera tantum specie, uel
-sub utraque communicare, ut supra iam dictum est. Nec
-dominus aliis quàm suis duodecim Apostolis, quos sacer-
-dotes in cœna ordinauit, legitur hoc sacramentum sub du-
-plici specie porrexisse. Quomodo autem deinceps, & quo
-ordine à fidelibus sumendum foret, eisq;e ministrandum,
-utrum sub una del sub duplici specie, Apostolis reliquit or-
-dinandum. Sic didus Augustinus in simili dicit de ieiunio,
-Neque quia dominus post cibos discipulis dedit, ideoq;
-præceptum aut cœnati fideles ad illud sacramentum percipien-
-dam debent conuenire. Et paulò post, Nam si ille hoc mo-
-diuisset, ut post cibos acciperetur, credo, quòd illum mo-
-rem nemo immutasset. Ideoque non præcepit quo deinceps
-ordine sumeretur, ut Apostolis per quos dispositurus
-erat Ecclesias, seruaret huic locum. Et quia ista est rei
-ueritas, ueraque doctrina Christiana, placet respondere
-obiectionibus aduersariorum: ut simul ostendamus in nul-
-lo obiecto suo continere aliquod præceptum diuinum, quo
-necessarium sit ad salutem uel nos laicos cõmunicare, uel
-ipsos communicari sub utraque specie, panis, uidelicet
-ac uini.

Ad primum igitur obiectum aduersariorum quod est ex
-illis uerbis Domini apud Ioannem, Nisi manducaueritis
-carnem filij hominis, & biberitis eius sanguinem, non ha-

1. 1.

1. 1.
1. 1.
1. 1.

Augustinus
De consecr.
dist. 2.
c. Liquida.

Epi. 1. 18.
ad Ianna-
rium.

Ad primũ
arg. aduer-
sarium.
Ioan. 6.

bebitis uitā in uobis, dicimus dupliciter, Primū, quōd ille locus Euāgelicus non de sumptione sacramentali, sed de spiritali intelligitur, ad literam: ut sermo sit de manducatione & bibitione spiritali, quæ non distinguuntur realiter, tanquam ibi loquatur Dominus de incorporatione nostra ad seipsum, per fidem uiuam in seipso explicitam, id est, per fidem, quæ per charitatem operatur, quæ posita in fundamento, neminem perire permittit, & de qua legimus, Omnis, qui credit quoniam IESVS est Christus, ex Deo natus est. Qui credit quoniam IESVS est filius Dei, habet filium Dei in se. Istum sensum spirituales sequitur Augustinus frequenter, quoties dicit ad paruulos etiam illud uerbum pertinere, & illos baptizatos illud implere, qui dum baptizantur, corpori mystico incorporantur Christi, & membra eius uiua efficiuntur: quasi quippe manducare carnem Christi, & bibere eius sanguinem, sic Christo uiuaciter incorporari spiritaliter. Specialiter ita sentit Augustinus in epist. ad Bonifacium, ubi exponens hanc legem in paruulis baptizatis adimpleri, dicit, Tunc unusquisque fidelium, corporis & sanguinis Domini particeps fit, quando in baptismo membrum Christi efficitur. Eodem modo explicat illud uerbum Domini Augustinus super Ioannem, ubi ait, Hunc cibum & potum, societatem uult intelligi corporis, & membrorum suorum, quod est Ecclesia. Ad istum sensum etiam agens de illo, quōd Saluator noster est panis uiuus, qui de cælo descendit, &, Qui manducat hunc panem uiuet in æternum. &, Quōd ipse sit panis uerus de cælo, dicit, Crede, & manducasti, dicturus absque dubio, ex eadem ratione, Crede, & bibisti. Et circa illud, Qui manducat meam carnem, & bibit meum sanguinem, in me manet, & ego in eo, dicit non tanquam per effectum, nec tanquam per causam, sed tanquam per identitatem, Hoc est enim manducare illam escam, & illum bibere potum, in Christo manere & Christum manentem in se habere. Eandem sententiam obseruat in De peccatorum meritis & remissione. in De baptismo paruulorum: atque, ut ita dicam, ubique, & semper si S. Thomas licet in quodam loco uideatur intelligere istum

1. Ioan. 5.

August.
Epist.
tom. 2.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

Eiusd. 1. 1. 1.

locum de manducatione sacramentali: tamen frequenter & clarius uidetur intelligere illum de manducatione spirituali; ut constat ex multis. Idem enim prorsus sentit cum Augustino, ubi agit de paruulis baptizatis, ostendens quod in illis completa sit illa lex, Nisi manducaueritis carnem filij hominis, & biberitis eius sanguinem, non habebitis in uobis: quia corporis & sanguinis Christi participes fiunt, quando per baptismum membra Christi efficiuntur. Idem alibi dicit, quod illud uerbum Domini, est intelligendum de spirituali manducatione, & non de sola sacramentali, ut Augustinus exponit super Ioannem. Idem etiam alibi, ubi fatetur unumquemque fidelium corporis sanguinisque Domini participem fieri, quando in baptismo membrum corporis Christi efficitur. Ibi dicit, quod pueri baptizati, ad sacramentum ordinantur Eucharistiæ, & quod illud aliquo modo habent in uoto; sed ibi etiam sequitur Augustinum ad Bonifacium, & alibi. Itaque frequenter S. Thomas sequitur Augustinum, in sententia horum uerborum, licet tamen declinet, aut magis declinare uideatur ad id, quo intelligat, illud uerbum de manducatione sacramentali in re uel in uoto debere intelligi: asserens aut docens ideo pueros baptizatos saluari absque sacramentali manducatione in re, quia illam habent aliquo modo in uoto. Durandus à S. Portiano fatetur quod illud uerbum Domini, intelligitur de carne Christi mystica, quæ est unitas membrorum Ecclesiæ, sine qua non est salus: additque quod si intelligatur de manducatione huius sacramenti, referendum est ad præceptum diuinum, quo tenemur non contemnere nec negligere tanta Dei dona, &c. Gabriel Biel super canonem, dicit quod in toto illo capite Dominus loquitur de manducatione, & bibitione spirituali, quæ non distinguuntur; quia qui manducat spiritualiter, bibit spiritualiter: & è conuerso: & non de carnali, nec de sacramentali. Sic intelligit Gabriel Biel ex illis uerbis Domini, quod sacramentalis communio non est simpliciter necessaria, sed spiritualis: de qua alibi loquitur non semel. Idem auctor alibi, inter alios modos manducandi Christum, distinguit tres; id est, manducare sacramentaliter tantum, mā-

S. Tho.
par. 3.
quæst. 80.
art. 11.
ibidem
artic. 9.

111118

111118

De Cœna, & Calice Domini

Lib. 4. sent.
dist. 9.
quæst. 1.
art. 1.

Ibid.
art. 2.
conclus. 1.

Caietanus
part. 3.
quæst. 80.
art. 12.

Bernard.
serm. 3.

ducare spiritualiter tantum, ac manducare spiritualiter & sacramentaliter simul. Ut manducare sacramentaliter tantum, sit manducare Christum in sacramento, ut manducant fideles peccatores in mortali: manducare spiritualiter tantum, sit Christo incorporari per fidem & charitatem, simpliciter: manducare spiritualiter sacramentaliter, sit manducare Christum spiritualiter includendo sacramentum in noto, siue referendo ad sacramentum. Postea dicit, quod manducatio spiritualis Eucharistiæ, est de necessitate salutis: & probatur tum ex alio, tum quia, ut ait, illud uerbum Domini; Nisi manducaueritis carnem filij hominis, &c. intelligitur de manducatione spirituali, & facit illam necessariam. Ad quod recitat, refertque Augustinum. I. Caietanus post Gabrielem eodem modo distinguit illos tres modos manducandi, & fatetur ingenuè quod in illo uerbo Domini allegato, iuxta sensum literæ, intelligitur modus manducandi spiritualiter: & illum fatetur ac probat multis modis, esse sensum literalem illius loci sacri. Alibi etiam reperit eandem sententiam, & dicit illam esse ueram: nisi quod addit, istum sensum non excludere alium quo intelligamus etiam ibi posse intelligi manducationem spirituales sacramentalem. Apud doctores antiquos etiam sic reperimus sæpe illud uerbum assumptum, ut potius de manducatione & bibitione spirituali, quam de alia, apud eos intelligatur acceptum. Diuus Bernardus in expositione psalmi, Qui habitat. dicit, Quid autem est manducare eius carnem, & bibere, nisi communicare passionibus eius, & eam conuersationem imitari, quam gessit in carne? Unde & hoc designat illibatam illud altaris sacramentum, ubi dominicū corpus accipimus: ut sicut uidetur illa panis forma in nos intrare, sic nouerimus per eam, quam in terris habuit conuersationem, ipsū intrare in nos, ad habitandum per fidem in cordibus nostris. Hæc ille. Multa alia reperiuntur apud doctores sanctos alios, apud eundem Augustinum, Hieronymum, ac Magistrum sententiarum, quæ patet post ponuntur abundantius. Nunc quæso, dicta sufficiant. Interim uidetur fatere non parum ad istam sententiam, quod dicit August. in De doctrina Christiana,

dans

dans regulas intelligendi sacram scripturam, Si præceptiua
 locutio est, aut flagitium aut facinus uetans, aut utilita-
 tem, aut beneficentiam iubens, non est figurata. Si autem
 flagitium aut facinus uidetur iubere, aut utilitatem, aut
 beneficentiam uetare, figurata est. Nisi manducaueritis,
 inquit, carnem Filij hominis, & sanguinem biberitis, non
 habebitis uitam in uobis. Facinus uel flagitium uidetur
 iubere. Figura est ergo, præcipiens passioni Domini esse
 communicandum, & suauiter atque utiliter recondendum
 in memoria, quod pro nobis caro eius crucifixa & uulne-
 rata est. Si autem intelligamus illa uerba domini de man-
 ducatione ac bibitione sacramentali, uel spiritali & sacra-
 mentali simul: non minus manifestum est, quod uel sic in-
 tellecta obligant omnes & singulos Christi fideles ad com-
 munionem Eucharistiæ sub utraque specie. Quandoqui-
 dem illa uerba Saluatoris nostri, non sunt formaliter de spe-
 cie panis, nec de specie uini, nec sunt formaliter de car-
 ne Christi, prout est sub specie panis, nec de sanguine
 Christi, prout est sub specie uini, non enim sic locutus est
 dominus: sed sermo est expressus & manifestus, de carne,
 & de sanguine, ita enim dicit, Nisi manducaueritis car-
 nem filij hominis, & biberitis eius sanguinem, &c. Siue
 igitur illud uerbum domini sit pactum, siue sit præceptum,
 illud uerissimè implet in forma uerborum, qui alteram spe-
 ciem Eucharistiæ sumit, nanque in qualibet illarum est to-
 tus Christus, totum eius corpus, & totus eius sanguis:
 quam ob rem, qui uel alteram speciem accipit, & carnem
 manducat, & sanguinem bibit. Ad uerba igitur domini
 respiciamus formalia, quæ tantum sunt formaliter de car-
 ne & de sanguine, non de speciebus panis aut uini, nec de
 carne & sanguine sub illis. Supponit ista ratio inuicissima,
 id, quod est uerissimum ac notissimum, & ostenditur ad
 quartum articulum, totum Christum uerè & realiter esse
 in qualibet specie per se seorsum, panis, aut uini: totum,
 inquam, diuinitatem & humanitatem, corpus, sanguinè,
 & omnia sibi coniuncta. Confirmatur autem primò ista
 ratio ex regula quadam intelligendi sacram scripturam, &
 accipiendi sensum literale ex illa. Verba enim domini siue

August.
lib. 3.
cap. 16.
tom. 3.

Responsio
alia.

Probatio.

Confirmatio
1.

De Cœna, & Calicè Domini

in uerbo siue in scripto, quæcunquē illa sint, dispositiua legis, ostensiua remedij, aut præceptiua mandati, sic intelligenda sunt quantum ad sensum literalem, sicut ipsa sonant: & sicut præ se ferunt suum sensum, ac illum ingerunt auribus, aut oculis, & intellectui: nisi talis sensus repugnet fidei, uel charitati: Nam si alicui horum repugnet, non ille sensus credendus est esse uerborum Christi, sed aliū querendus est, qui literæ aliquo modo conueniat, & nec fidei, nec charitati repugnet. Istam regulam ponit Augustinus in De doctrina Christiana, inter regulas obseruandas, ad uerè intelligendum sacram scripturam. Cum igitur ista uerba Christi, sint formaliter de carne & sanguine, non de pane nec de uino; atque rursus non de specie panis, nec de specie uini: de carne & sanguine debemus loqui in sensu literali, & non de aliis. Confirmatur secundo ista ratio, ex fide catholica sic, Non magis, nec magis purus, liquidus, fluibilis, aut potabilis est sanguis Christi sub specie uini, ex ui consecrationis, quàm sit idem sanguis sub speciebus panis, ex ui naturalis concomitantiz: quia utrobique est idem sanguis, & non prout est extra uenas, sed prout est intra uenas: cum utrobique sit propriè sanguis, qui & qualis est in Christo, non cruor, sed quodammodo uiuus, non ut à uenis extractus, sed ut in uenis consecratus. Ergo ille sanguis ut talis est, non est magis potabilis sub specie uini, quàm sit potabilis sub specie panis: sed sic potatur sanguis sub altera, sicut sub altera. Per consequens autem non magis impleo præceptum de bibendo sanguine, si accipio sanguinē sub specie uini, quàm si accipio sanguinem sub specie panis: quia eodem modo prorsus accipio sanguinem sub una, uel sub alia. Nec refert, quòd species uini sit magis potabilis, uel, ut sic dicam, magis bibibilis: quia Saluator noster nō loquitur hīc de potatione aut bibitione uini, uel speciei uini; sed loquitur ad literam, formaliter & expressè de potatione aut bibitione sanguinis. Sermo autem de sanguine, non potest trahi ad uinum, nec ad speciem uini, in sensu literali, nisi aliunde cogamur, aut necessitemur: & nos ex nulla parte sic necessitamur mutare uerbum Christi, ut præce-

ptum, quod ipse in uerbo manifesto ponit de sanguine proprio suo, absolutè & simpliciter, nos perperam intelligentes & peius facientes, dicamus intelligendum de sanguine sub specie uini. Si enim Christus istam notabilem restrictionem uoluisset, ipse utique hoc declarasset: quia refert multum, sic uel sic, uno uel alio modo loqui, ut notum est omnibus. Confirmatur tertio ex suauitate legis Dei, dicentis, Iugum enim meum suauis est, & onus meum leue. sicut etiam Ioannes dicit, Et mandata eius grauiam non sunt. magis enim graue est & magis difficile teneri homines ad manducandum carnem Christi, & bibendum eius sanguinem sub differentibus speciebus panis & uini, quam si teneantur ad manducandum & bibendum sub altera specie tantum: quia illud est quasi duo præcepta, & hoc est quasi unum. Non sunt igitur mutanda uerba Christi, cum præsertim ipsa mutatio ponat plura præcepta, & faciat legem Christi magis grauem & magis difficilem, multiplicando præcepta diuina, & sic faciendo legem magis extensam seu plura præcepta continentem. Nemo est autem, qui non uideat magis graue aut magis difficile esse teneri homines manducare carnem Christi & bibere eius sanguinem sub multis speciebus differentibus, quam sub una tantum. Confirmatur etiam prædicta probatio iam nunc quarto, ex modo existendi sanguinis Christi in sacramento: quia ibi reuera, sub quacunque specie sit, est sacramentaliter: non modo extenso aut quantitatio, sed inextenso & indiuisibili. Etenim & sub specie panis & sub specie uini est sacramentaliter, totus in tota specie, & totus in qualibet parte speciei: ideo nec magis bibitur, nec magis potest bibi ipse sanguis sub ista specie, quam sub illa. Completè igitur & perfectè implet præceptum Christi de bibendo eius sanguinem, qui alteram speciem sacramenti sumit: ibi enim quacunque illa sit, bibit sanguinem, sicut ipse sanguis in sacramento est bibibilis, aut potabilis. Nec de alia bibitione aut potatione sanguinis loquitur Dominus in ista littera sacra, nisi de illa, qua sanguis eius in sacramento potest bibi, quacunque illa sit: siue propria siue impropria; de qua constat secundum regulas fidei, quod non potest esse

alia, nisi sumptio sanguinis. Est enim ibi sanguis intra uenas, & sacramentaliter: ideò non potest bibi per modum fluidi, aut liquidi.

Ad illud uerbum Domini redeamus, de illoque loquamur saepe sapius; Caro mea uerè est cibus, & sanguis meus uerè est potus. Nisi manducaueritis carnem Filij hominis & biberitis eius sanguinem, non habebitis uitam in uobis. Ad hæc dicit diuus Hieronymus, Dupliciter intelligitur caro Christi & sanguis eius: uel illa, quæ crucifixa est & sepultra, & sanguis, qui militis lancea effusus est: uel illa spiritalis ac diuinà, de qua ipse ait, Caro mea uerè est cibus & sanguis meus uerè est potus. & Nisi manducaueritis carnem meam, & biberitis meum sanguinem, non habebitis uitam in uobis. Augustinus etiam in De uerbis Domini, Quid est Christum manducare? Non est hoc solum in sacramento corpus eius accipere: multi enim indignè accipiunt: sed in ipso manere, & habere ipsum in se mentem. Iterum, Vt quid paras uentrem & dentem? Crede, & manducaisti. Credere enim in eum, hoc est, comedere panem & uinum. Qui credit in eum, manducat eum. Idem auctor, Quomodo māducandus est Christus? Quo modo ipse dicit, Qui manducat carnem meam, & bibit sanguinem meum, in me manet, & ego in eo. Si in me manet & ego in eo, tunc bibit: qui uerò in me non manet, nec ego in illo: & si accipit sacramentum, acquirit magnum tormentum. Idem auctor in libro De remedio penitentiarum, Nulli ambigendum est, tunc quenquam corporis & sanguinis Domini participem fieri, quando Christi membrum efficitur: nec alienari ab illius panis calicisque consortio, etiam si antequàm panem illum edat, & calicem bibat, de hoc sæculo in unitate corporis Christi constitutus abscedat: quia illius sacramenti beneficio non priuatur, quando ille habere hoc, quod illud sacramentum significat, inuenitur. Hæc qui legunt, non possunt non uidere Hieronymum & Augustinum intelligere illud uerbum Domini de spiritali manducatione ac potatione. Vidit hæc Magister sententiarum & retulit, distinguens in hoc sacramento tria, atque deinde multa docens. Distinguit enim

*Ioan. 6.
Hierony.
Rom. 8. f.
Cōm. ad
1. ad. epist.
ad Eph. in
medio. to. 9.
Habetur.
De consecr.
dist. 2.*

*August.
De consecr.
dist. 2.
Quid.*

*Tract. 25.
Super Ioã.*

*Tract. 26.
Super Ioã.*

*De consecr.
dist. 2.
c. Q. 90.*

*Magister
sent.
dist. 8. et 9.
dist. 8.*

sacramentum ipsum, idest ipsam speciem sacramentalem, inuisibilis gratiæ uisibilem formam, quod est sacramentum propriè dictum, & tantum est sacramentum: distinguit unam rem huius sacramenti, uidelicet contentam & non significatam, quæ est caro Christi, quam de Virgine traxit, & sanguis, quem pro nobis fudit: atque distinguit aliam rem huius sacramenti, uidelicet significatam & non contentam, quæ est unitas Ecclesiæ in prædestinatis, uocatis, iustificatis, & glorificatis. Deinde ait, Et sicut duæ sunt res illius sacramenti, ita etiam duo modi manducandi. Vnus sacramentalis, scilicet quo boni & mali edunt; alter spiritualis, quo soli boni manducant. Postremò ibidè quoad manducationem spirituales, ponit multa ex Aug.

Ruardus Tapper, Catholicus ille uir, & bene doctus, uolens tractare illam domini sententiam, Nisi manducaueritis carnem Filij hominis & biberitis eius sanguinem, non habebitis uitam in uobis. & intendens explicare capitis sexti apud Ioannem germanum sensum, An uidelicet intelligatur de sacramentali manducatione & potu, carnis & sanguinis Domini? an spirituali tantum? duas ponit uarias sententias catholicorum doctorum, quasi extremas, seu oppositas: & super illas dicit suam quasi mediam, & illas ambas quodammodo per abstractionem, & quandam continentiam, amplectentem. Prima sententia est Ioannis Rossensis in prologo quinti libri aduersus Oecolampadiū, ubi docere ipse auctor catholicus contendit, caput sextum apud Ioannem, à sententia Saluatoris, Panis, quem ego dabo, caro mea est, quam dabo pro mundi uita. intelligendum, esse de sacramento corporis & sanguinis domini. Quasi ab eo loco totus sermo sit de pane, qui est caro Domini, & de eius sanguine: quæ uerò præcedunt, nullam carnis uel sanguinis faciant mentionem, sed panis, qui de cælo descendit, & quem Pater dedit. Istam sententiam conatur probare ipse auctor catholicus trifariam. Primò ex unanimi patrum consensu, qui sic interpretantur. Secundò ex necessitate corporalis usus sacramenti præter fidem. Tertiò ex ipsius Christi uerbis & scripturarum circumstantiis. Eandem intelligentiam tribus etiam rationi-

Ruardus
art. 1. §.
Ioan. 6.

Tres senten-
tia de pro-
prio sensu
illius uerbi
Domini,
Nisi man-
ducaueri-
tis, &c.

Sententia 1.
Rossensis.

De Cæna, & Calice Domini

Sententia 2.
Caietani.

bus confirmat, & latissimè prosequitur omnia. Secunda sententia est Caietani, qui in libello de communione sub utraque specie contra illum intellectum sexti capitis apud Ioannem, fortiter pugnat, & constanter pronunciare audent, quòd salua fide non potèst intelligi caput hoc, & sententia citata, de Sacramento Eucharistiæ. Refert enim errorem Boëmorum, & in oppositum ait. Nos autem dicimus hæc Christi uerba secundum germanum sensum, non esse intelligenda de usu Eucharistiæ, immo nec posse intelligi, salua Christiana fide, de cibo & potu sacramentali. Probat ipse auctor Catholicus istam suam sententiam, dicens, Et hoc faciliè manifestatur ex eo, quòd si intelligeretur de Eucharistia, tolleretur baptismi sufficientia ad salutem. Pari siquidem modo hæc necessitatem sonant edendi carnem, & bibendi sanguinem filij hominis, quo sonant alia illa Domini uerba necessitatem nascendi ex aqua & Spiritu. Et propterea manifestè sequitur, quòd si in istis uerbis indicitur necessitas sumendi Eucharistiam, non sufficit baptismus ad salutem, nec nisi simul Eucharistiam sumat, uitam habere possit. Cuius contrarium non solum in Symbolo fateamur, confitemur, confitentes unum baptismum in remissionem peccatorum; sed dominus in Euangelio dicit, Qui crediderit & baptizatus fuerit, saluus erit. Et Paulus Apostolus, Saluos nos fecit per lauacrum regenerationis. Hæc ille. Eandem sententiam tenet in commentariis super sanctum Thomam in suis partibus, ut ex superius dictis constat satis. Ita igitur probat sententiam hanc Domini, Nisi manducaueritis, &c. ad litteram esse intelligendam de manducatione spiritali, quæ consistit in actibus internis fidei & charitatis: abstrahendo tam à manducatione sacramentali, quàm à manducatione spiritali sacramenti in re uel in uoto: hoc est, intelligendam esse de manducatione, nullo sacramenti habito respectu, quomodo patres ueteris testamenti Christum spiritaliter manducabant, & animæ sanctæ nunc in cælis. Nititur Caietanus probare hoc, Primò ex textu Euangelij, secundò ex contextu eiusdem, tertio auctoritate sanctorum, & præcipuè Beati Augustini. Dicit multa Caietanus ad idem, sed di-

eta sufficiunt modò. Tertia sententia & quasi media inter
 istas, est Ruardi Tapper, de hac re grauissima ita dicentis, Sententia 3.
Ruardi.
 In hac magna & apparente sententiarum diuersitate circa
 magnum hoc mysterium sacræ Eucharistiæ, mihi uidetur
 conformius textui Euangelico, quòd ipsum intelligamus
 secundum propriam uerborum & sermonis Christi signifi-
 cationem. Loquitur enim in genere de manducanda car-
 ne, & bibendo sanguine Filij hominis. Generalem autem
 & absolutum Dei sermonem, non est nostrum restringere
 ad sacramentalem manducationem & potum, uel spiritua-
 lem tantum, cum utranquè suis uerbis Dominus comple-
 ctatur. Quod itaque dicit Cardinalis Caietanus Domi-
 num loqui de manducatione spiritali, abstrahendo tam à
 manducatione sacramentali, quàm à manducatione spiri-
 tuali sacramenti in re uel uoto: uerius mihi dicendum ui-
 detur quòd de manducatione spiritali loquitur, non ab-
 strahendo, quin potius complectendo, sicut genus com-
 plectitur specie, tam manducationem sacramentalem & spi-
 ritualem sacramenti in re uel in uoto, quàm merè spiritua-
 lem, nullo ad sacramentum respectu habito. Et secundum
 hanc intelligentiam, quam credo habuisse Cardinalem Cai-
 etanum, non oportet pro singulis his modis manducandi
 uniuersa, quæ hîc dominus dicit uerificari, sed sufficit
 quòd pro aliquo eorum: uniuersa uerò de esu & potu in ge-
 nere. Sancti, quos citat Episcopus Rossensis, interpretando
 accommodant uerba Saluatoris ad esum & potum sacra-
 mentalem, maximè quia in eorum ecclesiis mos obtinebat,
 quòd sub utraq; specie toti populo sacramentum ministrare-
 tur: & quia perfectissimus est is modus māducandi carnem
 & bibendi sanguinē substantialiter sub sacramento præsen-
 tem, & uerba Saluatoris in sacramentali manducatione,
 plenius & perfectius implentur, atque cum fructu maiore.
 Frequens est, quod in homiliis scripturas accomodent do-
 ctiores pro capto & ædificatione auditorum. Nam quod
 dicit dominus, Panis, quem ego dabo, caro mea est, quæ,
 inquam, dabo in cibum, illa est eadem mea caro, quam in
 cruce dabo pro mundi uita. Dat autem hanc carnem in ci-
 bum & refectionem edendam atque masticandam fide &

De Coena, & Calice Domini

1o^{an}. 6.

charitate. Attenta nāque meditatio carnis pro nobis passæ & mortuæ, cor hominis plurimum confirmat, magis tamen si realiter edatur in sacramento. Quod uerò dicit Caietanushæresim sequi, si intelligatur de sacramento, uerum dicit, si generalis esset intelligentia, comprehendens omnes Christianos etiam infantes, & intelligeretur de manducando & bibendo sub propriis speciebus. Sed hoc modo non intelligit Rossensis Episcopus. Hæc tamen uidetur realis inter has sententias esse differentia, quod secundum Rossensem sub his uerbis, Nisi manducaueritis carnem &c. diuinum traditur præceptum sub altera specie, ad minus panis uel uini sacramentum suscipiendi. Secundum Caietanum uerò ex uerbis illis hoc colligi non potest. Hæc Ruardus. Multæ ac uariæ sunt istæ doctōrum catholicorū, sententiæ, circa proprium sensum, germanum & literalem: illius uerbi Domini, Nisi manducaueritis carnem filij hominis & biberitis eius sanguinem, non habebitis uitam in uobis. Sed tamen profectò hoc in præsentia nobis sufficit, quod & si illi doctores & alij in ea intelligentia literaliter differentes sint, omnes tamen absque controuersia in has duas ueritates conformes ueniunt, nullo excepto: in alteram quod non tenentur laici ad communionem sub utraque specie, etiam si sint adulti. In alteram quod paruuli nullo modo tenentur ad communionem Eucharistiæ sub specie aliqua. Hoc est de quo agimus, & in hoc omnes sunt conformes: etiam illi, qui aliàs differentes sunt, & in multis uariant. Signum manifestum, quod ista ueritas est omnibus nota: ex quo doctores catholicos in aliis rebus differentes, trahit ad se, nec circa se eos differentes esse sinit.

Materia hæc grauißima, gratia maioris explicationis, ulterius uentilatur, ac pertractatur.

CAP. III.



Yprianus, & Innocentius in epistola ad concilium Mileuitanum, & beatus Augus in is in De peccatorum meritis & remissione, ista uerba Domini Saluatoris nostri, Nisi manducaueritis carnem Filij hominis, & biberitis

beritis eius sanguinem, non habebitis uitam in uobis. intelligunt ut etiam infantes complectantur, qui nec sacramentaliter manducare possunt sacramentum accipiendo; nec spiritaliter, credendo & amando? Respondemus multis modis, Primùm, quòd illa uerba Domini illi sancti doctores intelligunt referenda esse ad rem sacramentum Eucharistiæ significatam & non contentam, quæ est societas, siue unitas in corpore Christi siue Ecclesiæ, non propriè ad signa sacramentalia, quæ nondum tunc erant, sed postea fuerunt à Christo instituta: tãquam ibi per carnem Christi manducare, & sanguinem eius bibere, significetur corpori Christi mystico incorporari. Quem effectum confert etiam profectò sacramentum baptismi, immo & suo modo sacramenta omnia nouæ legis: sicut docet Dionysius Areopagita in De Ecclesiastica Hierarchia, dicens, Vnaquæque sacramentalis institutio id agit, ut nostras uitas in plura diuisas, in unicum illum statum, quo Deo iungimur, colligat; nobisque eius, quod uerè unum est, focietatem unitatemque; indiuiduam largiatur. Et Apostolus Paulus significans istum effectum quasi communem esse diuinorum sacramentorum, cum dixisset, Vnum corpus & unus panis multi sumus, omnes, qui de uno pane, & de uno calice participamus. simili modo dixit, Etenim in uno spiritu omnes nos in unum corpus baptizati sumus, sacramento baptismi tribuens, quod prius ascripserat sacramento Eucharistiæ. Etiam beatus Cyprianus ad Quirinum, uolens probare, quòd nemo ad regnum Dei accedat nisi baptizatus, duas tantùm citat scripturas, uidelicet, Nisi quis renatus fuerit, &c. &, Nisi manducaueritis carnem Filij hominis, &c. Satis insinuans hanc sententiam posteriorem non propriè ad signa, sed ad rem siue effectum sacramenti Eucharistiæ esse referendam; quem etiam confert sacramentum baptismi. Simili modo Innocentius Papa scribens ad concilium Mileuitanũ, dicit, Illud, quod eos uestra fraternitas asserit, prædicare paruulos æternæ uitæ præmiis etiam sine baptismatis gratia posse donari, perfatum est. Nisi enim manducauerint carnem Filij hominis, & biberint eius sanguinem, non habebunt uitam in

Dionysius.
cap. 3.
par. 1.

1. Cor. 10.

Cyprian.
lib. 3.
cap. 25.

Inler epist.
Augusti.
Epist. 106.

De Cœna, & Calice Domini

semetipsis. Qui autem hanc eis sine regeneratione defendunt, uidentur mihi ipsum baptismum uelle cassare, cum prædicant hos habere, quod in eis creditur, non nisi baptismate conferendum. Augustinus istam Innocentij sententiam ualde celebrat, nominatim ac frequenter citat, & illam uocat Apostolicum testimoniū: semper, aut sæpe tenens illud uerbum Domini ad omnes etiam paruulos pertinere, secundum quod paruuli baptizati, iam Christo incorporati sunt, & sic spiritaliter carnem eius manducant. Ut supra diximus, idem auctor sese clarissimè explicat, dicens, Nisi manducauerint homines carnem eius, hoc est, participes facti fuerint corporis eius, non habebunt uitam. Et concludit, Non igitur solum in regnum Dei non baptizati paruuli intrare non possunt, sed nec uitam æternam possunt habere præter Christi corpus, cui ut incorporentur, sacramento baptismatis imbuuntur. Hoc enim agitur cum paruuli baptizantur, ut incorporentur Ecclesiæ, id est, Christi corpori membrisque socientur. Denique ipse Saluator dicens, Qui manducat carnem meam, & bibit sanguinem meum, in me manet, & ego in eo ostendit quid sit, non sacramento tenus, sed re uera corpus Christi manducare, & eius sanguinem bibere. Hoc est enim in Christo manere, ut in illo maneat & Christus. Hunc itaque cibum & potum societatem uult intelligi corporis & membrorum suorum, quod sancta Ecclesia, cuius rei sacramentum, id est, unitatis corporis & sanguinis Christi alicubi quotidie, alicubi certis interuallis dierum in dominica mensa præparatur, & de mensa Dominica sumitur, quibusdam ad uitam, quibusdam ad exitum. Res uerò ipsa, cuius & sacramentum, est omni homini ad uitam, nulli ad exitum, quicunque eius particeps fuerit. Alibi, Nulli est aliquatenus ambigendum, tunc unumquemque fidelem corporis sanguinisque Domini participem fieri, quando in baptismate membrum corporis Christi efficitur: nec alienari ab illius panis calicisque consortio, etiam si antequam panem illum comedat, & calicem bibat, de hoc sæculo, in unitate corporis Christi constitutus, abscedat. Ita igitur constat iuxta illos doctores sanctos nominatos, quod illud uerbum Domini,

Ad art. 5.
Li. 3. de sa-
cramentis.
cap. 4.

De cœni. Dei
lib. 21.
cap. 25.
tom. 5.

Tract. 26.
super Ioh.

Enat Beda
1. Cor. 10.
circa illud,
calix bene-
dictionis.

de quo agimus, si uniuersaliter accipiat, prout etiam extendatur ad paruulos, nec de manducatione sacramentali, nec de spiritali, quæ fit per fidem & dilectionem actualē, sed de effectu solū huius manducationis, qui est Christo incorporari, atque in corporis eius societate manere, intelligitur. Nec manducationis solū, sed & sacri baptismi, hic est effectus: immo & quodammodo omnium sacramentorum, sicuti etiam dicit diuus Dionysius in De Ecclesiastica Hierarchia, quod hoc uocabulum, Communio, siue Societas, & synaxis, siue collectio, aliis quoque uenerandis, diuinisque mysteriis, commune est, licet augustissimo Eucharistiæ sacramento præcipuè ac peculiari-ter applicetur. Isto modo respondet Ruardus ad istam quæstionem, & simili modo sibi dicendum est ad Augustinum, quorū ipse sic loquitur, ut uideatur illud dictum Domini etiam de paruulis intelligere: quemadmodum cōtra duas epistolas Pelagianorum, contra Iulianum Pelagianum, atque in De peccatorum meritis & remissione, ex quo libro iam superius multa diximus. Ad Cyprianum etiam bene potuit ille doctor ita dicere, quoad illud eius dictum, quod allegauit ex illo loco ad Quirinum. Sed quid ad factum, quo certum est apud Cyprianum, illam puellulam à mensa dæmoniorum ad mensam Domini uenisse? Respondendum uidetur, quod eo tempore ita fiebat in illo loco, non quasi Cyprianus putaret illud esse in præcepto, ut paruuli communicarent; sed ex quadam alia occasione & dispensatione, ut infrà magis declaratur circa dicta, & facta diui Cypriani.

Potest isto modo oprime responderi ad illam quæstionem grauissimā paulò ante motam, in §. præcedente. Verū S. Thomas perpendens ista omnia, uidensque quod Augustinus intelligit frequenter illa uerba Domini etiam de paruulis, & quod sæpe illa uerba interpretatur in prædicto sensu spiritali, quantum ad effectum illius sacramenti qui est incorporari Christo, & quod nonnunquam illa uerba accipit tanquam de sacramento Eucharistiæ dicta, ut in De consensu Euangelistarum & aliàs, docet tria quoad hoc. Docet, inquam, uel expressè docendo, uel tacitè

Dionysius.
cap. 3.
part. 1.

lib. 2.
cap. 4.
lib. 1.
cap. 2.
lib. 1.
cap. 20.

S. Tho.

lib. 3.
cap. 1.
tom. 4.

par. 3.
quæst. 80.
art. 9.

Ibid.

Ibid.

omnibus istis doctrinis consentiendo, & secundum illas, suam doctrinam ordinando, ac explicando. Tanquam illud uerbum Domini extendatur ad paruulos quantum ad effectum sacramenti, qui est incorporatio illa prædicta ad corpus Christi mysticum: fatetur cum Augustino ad Bonifacium, quod illud uerbum impletur in paruulis per baptismum. Tanquam autem illud uerbum Domini extendatur ad paruulos quantum ad ipsum sacramentum; fatetur quod paruuli recipiunt sacramentum in uoto. Videns uero quod paruuli nihil habent in uoto, sicut neque intelligunt, neque uolunt, neque desiderant quicquam, propter eorum in capacitatem: fatetur quod illud uotum non est proprium illorum, sed alienum: id est, parentum, uel patrinorum, uel Ecclesiæ. saluans tamen quod paruuli nullo modo tenentur ad susceptionem sacramenti Eucharistiæ in re, quandiu sunt ante annos discretionis, & ante usum rationis constituti. Hoc non patitur Caietanus, ut ipse uidetur innuere in dictis suis paulò ante allegatis: quasi sit in præiudicium baptismi, si quis dicat non saluari paruulum baptizatum, nisi habeat sacramentum Eucharistiæ in uoto. Possumus autem sustinere dictum sancti Thomæ multis modis, absque ullo præiudicio, immo cum laude. Primum, quia baptismus non requirit illud uotum aut propositum recipiendi sacramentum Eucharistiæ, nisi tanquam dispositionem in baptizando: sicut requirit in illo poenitentiam malæ uitæ præteritæ, ac propositum bonæ uitæ futuræ, si est adultus. Vnde non requirit illud uotum, nisi sicut requirit propositum bene uiuendi, ac seruandi legem Dei in futurum. Non est autem hoc, in præiudicium sacramenti baptismatis: nec hoc unquam aliquis putauit. Secundò, quia sacramentum baptismi non tantum hoc propositum suscipiendi sacramentum Eucharistiæ in paruulis requirit, quantum hoc propositum paruulis præstat in habitu. Quandoquidem nullum morum in paruulis requirit, nisi tantum quod ipsum baptismum suscipiant: & tamen ipsos paruulos suo modo instrumentali regenerat, & illis gratiam, fidem, spem, charitatemque secundum habitum tribuit: ut habetur in De baptismo & eius effectû, atque in

6. Maior.
6. Vnico.

De summa Trinitate & fide Catholica in Clementinis. Charitas autem est habitus diligendi, & est principium seruandi legem, immo & est finis totius legis; sicut manifestè dixit Saluator noster apud Matthæum, & post ipsum Apostolus eius Paulus frequenter. In his duobus mandatis tota lex pendet, & Prophetæ. Qui diligit proximum, legem impleuit. Plenitudo ergo legis est dilectio. Finis autem præcepti, est charitas de corde puro. Ergo quod paruulus habeat uotum suscipiendi Eucharistiam sacratissimam secundum habitum perfectissimum, qui est charitas infusa, quam diffundit Deus in cordibus nostris per Spiritum sanctum, qui datus est nobis, non est in præiudicium baptismi, sed potius est in eius laudem. Non enim tale uotum aut propositum habituale requirit in paruulo baptizando, sed illud præstat paruulo baptizato. Quæ tanta uis aquæ, ut corpus tangat, & cor abluit? Abluit in uirtute Dei, in qua & ipsum cor suo modo instrumentali sanctificat & iustificat, & bonos habitus ei præstat.

Matth. 22.

Roma. 13.
1. Tim. 1.

Rom. 8.

Quid ergo nos in isto loco inter sic uarias doctorum catholicorum sententias dicere possumus? Placeret mihi in corde meo, ut sanctum istud concilium, nullum uerbum poneret aut in canonibus aut in doctrina, quo significaretur ipsum uel probare alteram istarum sententiarum, & reprobare aliam, uel magis acceptare alteram, quam alteram. Moueor ad istam sententiam nonnullis rationibus, Primum, quia utraque harum opinionum duarum habet suos & auctores & defensores graues, tum antiquos, tum recentiores, & quælibet habet suas rationes, fundamentaq; non contemnenda: ut hæc omnia constant satis ex dictis, & possunt constare abundantius in ipsis doctoribus. Secundò, quia ipsimet doctores, qui in aliquibus locis uidentur intelligere illa uerba Domini de mädicatione spiritali: ipsimet alibi uidentur inelligere illa uerba Domini de manducatione sacramentali, uel de spiritali in ordine ad sacramentalem. Augustinus enim, qui in plerisque locis uidetur intelligere illa uerba Domini de manducatione spiritali, ut in De doctrina Christiana, in de Peccatorum meritis & remissione, & alibi frequenter: idem in de Consensu Euan-

Augustinus
lib. 3.
cap. 16.
tom. 3.

De Cœna, & Calice Domini

lib. 3.
cap. 1.
tom. 4.

gelistarum uidetur intelligere illa uerba de manducatione sacramentali. nanque in De doctrina Christiana, dans regulas intelligendi sacram scripturam, ut iam dictum est, inquit, Si præceptiua locutio est, aut flagitium aut facinus uetans, aut utilitatem, aut beneficentiam iubens, non est figurata. Si autem flagitium aut facinus uidetur iubere, aut utilitatem aut beneficentiam uetare, figurata est. Nisi manducaueritis, inquit, carnem filij hominis, & sanguinem biberitis, non habebitis uitam in uobis: facinus uel flagitium uidetur iubere. Figura est ergo, præcipiens passioni Domini esse communicandum, & suauiter atque utiliter recondendum in memoria, quod pro nobis caro eius crucifixa & uulnerata sit. In de consensu autem Euangelistarum ait, agens de cœna Domini, Hinc igitur incipiamus secundum Matthæum, Cœnantibus autem eis, accepit Iesus panem & benedixit ac fregit, deditque discipulis suis & ait, Accipite & comedite, hoc est corpus meum.

Hæc & Marcus Lucasque commemorant. Infra, Ioannes autem de corpore & sanguine Domini hoc loco nihil dixit, sed planè alibi multò uberius hinc Dominum locutum esse testatur. Hæc ille. Constat autem Ioannem Euangelistam, nullibi fuisse locutum de isto mysterio, præterquam in illo sexto capite, de quo est sermo. Qui considerat ista uerba omnia Augustini, & propositum in quo loquebatur, uidet quàm grauis sit huius rei consideratio: præsertim quia explicans regulas intelligendi sacram scripturam, & exemplificans de figuratis locutionibus, ponit istam in de doctrina Christiana: & in de consensu Euangelistarum, ubi debebat loqui in proprio sensu; fatetur Ioannem locutum fuisse de corpore & sanguine Domini uberius quàm alij Euangelistæ, qui de illo in cœna solùm locuti sunt, id est, sub sacramento.

s. Tho.
par. 3.
quest. 65.
ars. 4.
ad 2. arg.

S. Thomas mouit quæstionem, Vtùm omnia sacramenta sint de necessitate salutis? Arguit secundo ad partem affirmatiuam ex isto uerbo Domini; & respondet, quod illud uerbum est intelligendum de spiritali manducatione, & non de sola sacramentali, ut Augustinus exponit. Idem quærit, Vtùm Eucharistia sit de necessitate salutis? arguit primum ad partem affirmatiuam ex eodem

par. 3.
quest. 73.
ars. 3.

uerbo Domini apud Ioannem, & respondet, Quòd sicut ad 2. arg.
 Augustinus dicit exponens illud uerbum Ioannis, Hunc cibum & potum, scilicet carnis suæ & sanguinis societatem uult intelligi corporis & mèbrorum suorum, quod est Ecclesia in prædestinatis, & uocatis, & iustificatis, & glorificatis sanctis, & fidelibus eius. Vnde sicut ipse dicit in epistola ad Bonifacium, Nulli est aliquatenus ambigendum, tunc unumquenque fidelium corporis sanguinisque Domini participem fieri, quando in baptismo membrum corporis Christi efficitur: nec alienari ab illius panis calicisque consortio, etiam si antequam panem illum comedit & calicem bibat, de hoc sæculo in unitate corporis Christi constitutus abscedat. Hæc ille. Quibus uidetur magis ad eam partem declinare, qua illa uerba de manducatione spiritali intelligat. Idem tamen auctor fatetur, tum ubi par. 3.
quæst. 73.
art. 3.
 supra statim, tum alibi, quòd istud sacramentum sit necessarium omnino ad salutem, saltem in uoto: & quòd pueri in uoto Ecclesiæ illud habent, sicut ex intentione Ecclesiæ ad illud ordinantur. Et probat quòd non licet omnino à communione cessare, ex eodem uerbo Domini, Nisi manducaueritis carnem filij hominis & biberitis eius sanguinem, non habebitis uitam in uobis. Quibus satis palam uidetur docere, hæc uerba Domini intelligenda esse de manducatione sacramentali, uel de spiritali in ordine ad sacramentalem. Tertiò ad hoc moueor, quia utraque sententia harum saluat omnia, quæ pertinent ad fidem catholicam & mores Christianos: præsertim uerò saluat utraque; has duas conclusiones, de quibus agimus: alteram, quòd nullum est ius diuinum, quo teneantur omnes Christi fideles ad communionem utriusque speciei: alteram, quòd nullum est ius diuinum, quo teneantur paruuli ante usum rationis, ad realem seu sacramentalem sumptionem Eucharistiæ, sub aliqua specie. Quum igitur utraque opinio saluet hæc specialiter, & generaliter saluet omnia pertinentia ad fidem & religionem Christianam; uidetur mihi quòd utraque debet manere salua, sub lite, iudice, & opinionibus ac disputationibus doctorum, ut modò est. Quartò ad id moueor, quia uideo nonnulla esse loca diuinarum

ibid.
quæst. 80.
art. 11.

De Cœna, & Calice Domini

scripturarum, quæ plures habent sensus literales, saltem
Abulensis. duos: ut bene notavit & probavit Abulensis super Mat-
Matt. 2. theum, circa illud, Tunc adimpletum est quod dictum est
Hier. 21. per Hieremiam prophetam, dicentem, Vox in Rama au-
dita est, ploratus & ululatus multus, Rachel plorans filios
suos, &c. Dicebant enim Iudæi olim auditam esse uocem
illam de sepulchro Rachelis, cum captius duceretur po-
pulus Hebræorum: & sic impletam esse illam Hieremiæ pro-
phetiam, illo tempore. Quo non obstante, immo & con-
cesso, illum fuisse sensum literalem; adhuc nobis dicendum
est alium sensum literalem eius loci esse de uoce audita in
morte Innocentum, & de nece eorum. Quia sic legimus,
Tunc adimpletū est, &c. Si tunc adimpleta est illa scrip-
tura; ergo ille erat literalis eius, quem in ipsa intendebat Spi-
ritus sanctus, & scriptor eius. Idem habetur in illo uerbo,
Exod. 12. Os non comminuetis ex eo, &c. Non potest esse dubium,
quin ad literam intelligeretur de agno paschali typico, seu
figuratiuo: sed simul non potest esse dubium, quin etiam
Isa. 19. ad literam intelligeretur de Salvatore nostro, Quia dicit
diuus Ioannes, Facta sunt enim hæc, ut scriptura implere-
tur, Os non cōminuetis ex eo. Ecce hæc facta sunt, ut illa
scriptura impleretur: igitur ille erat sensus literalis illius.
Sic autem sequitur manifestè, illam scripturā habuisse duos
sensus literales. Non disputo, An scriptura habeat aliquādo
plures sensus ex æquo? uel alius sit primarius, alius secūda-
rius, alius principalis, alius minus principalis: sed id tantum
probo, atq; demonstro, quòd sacra scriptura aliquando plu-
res sensus literales habet. Nec dicerem generaliter illū sen-
sum esse literale, quem intendit Spiritus sanctus utcumque:
sed illum, quem Spiritus sanctus intendit, cum aliqua ex-
pressionem uerborum. Alioquin si nullo modo exprimitur,
licet intendatur: erit quidē intentus, sed non erit literalis.
Quomodo potest dici sensus literalis, qui nullo modo ex-
primatur, aut innuatur in litera? Quod si in litera innui-
tur, & à Spiritu intēditur, proculdubio literalis est. Ergo
non ab eo longè sumus, quo credere aut cogitare possumus,
istā sacram literam, de qua agimus, habere istos duos sen-
sus, in quibus loquuntur patres, & ambo literales.

Afferatur

Affertur responsio ad secundam in ordine obiectionem. C. IIII.



D secundum obiectum aduersariorum, quod est ex illis uerbis domini, Accipite & manducate. Accipite, & bibite ex eo omnes. Hoc facite in meam commemorationem. Respondemus quod in istis uerbis diuinis, nullum prorsus est præceptum de communicando laicos sub utraque specie, uel sub specie uini. Primum, quia in istis uerbis diuinis nulla fit mentio de pane aut uino, nec de speciebus panis aut uini; sed tantum de corpore & sanguine, quorum utrumque perfectè sumitur, etiam si sub altera tantum specie sumatur. Non enim magis continetur sanguis sub specie uini, nec ibi est magis potabilis, quam sub specie panis: nec magis continetur corpus sub specie panis nec ibi est magis manducabilis, quam sub specie uini. Vtrobique enim est totus Christus, corpus, caro, ossa, & sanguis, diuinitas & humanitas: non modo aliquo extenso aut quantitativo, nec in modo alicuius densi aut fluidi, duri aut mollis: sed sacramentaliter, modo inextenso, & indiuisibili. Et quia ista responsio satis constat ex iam dictis, modò de illa non plus: faciunt enim pro illa & illam confirmant, omnia statim adducta: de sensu literalì accipiendo & obseruando, atque de non mutando nec adulterando uerbo Christi. Est autem mutare & adulterare, si quod ipse dicit de corpore & sanguine, nos dicamus de pane & uino, aut de speciebus panis aut uini: quæ species & si uerè sint sacramentum, non tamen sunt ullo modo corpus aut sanguis Saluatoris nostri. Continent enim corpus & sanguinem. Sed non sunt corpus & sanguis. Secundò probatur responsio, quia ista uerba Domini, solis Apostolis dicta sunt. Soli enim cum Christo erant ad mensam, Apostoli eius, ut constat ex sacris Euangelistis, qui de solis duodecim discipulis faciunt mentionem. Matheus dicit, Vespere autem facto, discumbat cum duodecim discipulis suis. Et edentibus illis, dixit, Amen dico uobis, &c. Marcus ait, Vespere autem facto,

Probatio 1.
respon.

Probat. 2.
respon.

Math. 26.

Marc. 14.

De Cœnâ, & Calice Domini

Lucæ 22.

uenit cum duodecim . Et discumbentibus eis & manducantibus, ait IESVS, Amen dico vobis, &c. Lucas inquit, Et cùm facta esset hora, discubuit, & duodecim Apostoli cum eo, & ait illis, Desiderio desideravi hoc Pascha manducare uobiscum, &c. Quia igitur soli Apostoli erant præsentes, ad solos Apostolos ista uerba debent intelligi dicta, quibus præsentibus per uerbum imperatiui, & in secunda persona loquebatur Christus: ad solos, inquam, Apostolos, & eos, qui in loco, uel sacerdotali ministerio Apostolis succederent. Iterum solis Apostolis hæc uerba dicta sunt & eorum successoribus in sacerdotio, non ad laicos, nec ad totum populum: quia non pertinent ad generales mores hominum, sed ad speciale ministerium consecrandi & sumendi corpus & sanguinem Christi uerum: sicut constat in illo uerbo, Hoc facite in meam commemorationem. Hoc quotiescunque feceritis, in mei memoriam facietis. Quod uerbum est absque dubio, collatiuum potestatis, offerendi & consecrandi corpus Christi uerum. Nam si nō, sequeretur quod nulla talis potestas sit in Ecclesia, cum nullibi aliàs ipsa potestas reperiatur nobis hominibus data. Non igitur intelliguntur illa uerba de omnibus ac singulis de populo Christiano, quia non pertinent ad communes mores, sed ad particulare ministerium, officium, ac dignitatem. Solis Apostolis rursus intelliguntur dicta illa uerba omnia, Accipite & manducate, Hoc facite in meam commemorationem. Accipite & bibite ex hoc omnes, quia ab eadem persona sunt dicta, in eodem loco, in eodem tempore, eodem modo loquendi, eisdem personis. Quid inde? Multum inde. nanque ex hoc sequitur euidenter, eisdem dici, Accipite & manducate, Accipite & bibite: quibus dicitur, Hoc facite in meam commemorationem. & eisdem dici, Hoc facite in meam commemorationem. quibus dicitur, Accipite & manducate, Accipite & bibite. Vnde si in illo uerbo, Accipite bibite. intelliguntur omnes fideles, etiam laici, eodem modo, eadem ratione, & eadem demonstratione probabitur intelligi omnes fideles etiam laicos, in illo uerbo, Hoc facite in meam commemorationem. Etenim eisdem loquebatur

Christus in utroque uerbo, eodem tempore continuato, eodem loco, in eodem actu, eadem serie uerborum, eodem modo loquendi, eademque seruata phrasi. Nunquid ergo, in illo uerbo, Hoc facite in meam commemoratiōnem: possunt intelligi omnes fideles, etiam laici? Absit. est enim uerbum collatiuū potestatis sacerdotalis, & ideo si in illo intelligerentur etiam omnes fideles laici, omnes & singuli fideles etiam laici fuissent tunc sacerdotes à Christo instituti, sicut ipsi Apostoli: qua doctrina, non potest alia esse magis falsa, magis impia, aut magis Christiani populi perturbatiua. Non enim in illa cœna fuerunt omnes & singuli fideles Christiani instituti sacerdotes, sed soli Apostoli, qui præsentes erant, & quibus Christus illud uerbum dixit, ac talem potestatem sacerdotalem consecrandi corpus & sanguinem Christi uerum præstitit. Satis manifeste habetur ista nostra doctrina Catholica & uerissima in diuinis scripturis. Etiam doctores sancti, & antiqui, & neoterici, nonnulla prædicant, exaltant, atque commendant in hac sacerdotali potestate consecrandi & offerendi corpus & sanguinem Christi uerum. Primum quod auctoritas siue potestas huius modi consecrandi, omnium nobilissima est, Ecclesiæ militanti concessarum; propter quam meritò sacerdotium uenit extollendum; cuius dignitas eximia nullis ualet uerborum pompis explicari: quoniam & linguas uincit oratorum disertissimas, & culmen eminentiæ cuiuslibet creaturæ. Ambrosius in suo pastoralis, Honor fratres, & sublimitas Episcopalis, nullis poterit comparationibus adæquari, &c. Gregorius exclamat ad sacerdotes pro dignitate eorum, & inquit, O ueneranda sacerdotum dignitas, in quorum manibus uelut in utero Virginis, filius Dei incarnatur. O sacrum & celeste mysterium, quod per uos Pater, & Filius, & Spiritus sanctus operatur, &c. Bernardus etiam, O uenerabilis sanctitudo manuum, o felix exercitium, o uerè mundi gaudium, cum Christus tractat Christum, sacerdos Dei filiū. Hieronymus in quadam epistola, Clamat uestis clericalis animæ honestatem, clamat status puritatem, clamat cultus castitatem, clamat professio religionem, clamat offi-

Vel etiam discipuli de septuaginta, si præsentes erant, ut quidam uolunt.

Excellentia potestatis sacerdotalis.

Ambrosius in pastoralis.

Gregorius 4. li. dialo. cap. 50.

Bernardus

Hieronymus

De Cœna, & Calice Domini

cium deuotionem, clamat studium contemplationem. Si autem comparamus, multæ elici possunt dignitates & præ-eminentiæ Euangelici sacerdotis, super sacerdotem Mo-
saicæ legis: quoniam excellit in benignitate electionis, so-
lennitate consecrationis, nobilitate ordinis, preciositate
operis, singularitate nutritionis, potestate regiminis. Se-
cundum, quod commendant, est, quod hæc tanta, dignis-
sima & summa potestas celebrandi, non est summis Eccle-
siæ Hierarchis, Episcopis uidelicet, & aliis maioribus Præ-
latis reseruata; quibus reseruatur ministratio sacramenti
confirmationis, & pariter sacramentum ordinationis.
Assignant etiam multas rationes, quibus hæc tanta pote-
stas non est solis maioribus reseruata; sed est etiam omni-
bus simplicibus sacerdotibus data. De his Alex. de Ales;
& S. Thomas in scriptis. Tertium est, quod hæc potestas
non est laicis, etiam quantumlibet iustis concessa. Ad idē
est iuxta diuinas scripturas, tota schola Christiana simul:
ubi specialiter dicit Scotus, sine omni dubitatione, solis
sacerdotibus tradita est potestas consecrandi. In de Sum-
ma Trinitate & fide Catholica, dicitur ex constitutione
Innocentij tertij, in concilio generali. Hoc utique sacra-
mentum (loquitur de sacramento Eucharistiæ) nemo po-
test conficere, nisi sacerdos, qui ritè fuerit ordinatus se-
cundum clauēs Ecclesiæ, quas ipse concessit Apostolis eo-
rumque successoribus **Iesus Christus**. Ipse in ultima cœ-
na dixit Apostolis, Accipite & diuidite inter uos. Glossa,
Accipite & date. Ex his uerbis Domini discretione ad Apo-
stolos directis, patet quod solis Apostolis immediatè hanc
dedit potestatem. Constat etiam de dignitate sacerdotali,
atque de ordinatione alicuius in sacerdotem, quod illa
non sit data omnibus, sed quibusdam, qui ad hoc munus
eliguntur: ut est uidere apud epistolas Pauli, Petrique, &
aliorum, ut Iacobi. Meminit etiā de hoc Dionysius Areo-
pagita in de Ecclesiastica Hierarchia, Hugo à S. Victore,
Alexander de Ales, Augustinus ad Parmenianum. Nec
Paulus pauca dixit de ordinatione Episcoporum, ac pres-
byterorum. Agit de istis omnibus uenerabilis ille uir &
doctissimus Gabriel Biel, in suo opere super canonem Mis-

Enschim
De consecr.
dist. 5.
c. Manus.

Alexand.
de Ales.
S. Tho.
lib. 4.
dist. 13.
quest. 1.

Scotus.
lib. 4.
dist. 3.
quest. 2.
c. Firmiter.

Luca 22.
Gloss.

Dionysius.
c. 3. & 6.
Hugo.
Alexand.
August.
Ad Titum
& Timot.

ſæ: & ibi notat multa, ualde notanda ad præſentis ueritatis declarationem, ac probationem. Ergo illud uerbum, Hoc facite in meam commemorationem. nullo modo poteſt intelligi de omnibus & ſingulis Chriſti fidelibus, ne cōfundamus omnia, ne deſtruamus, confundamus, aut adulteremus uerbum Dei. Perinde nec illud uerbum, Accipite & bibite ex hoc omnes. poteſt de omnibus, & ſingulis Chriſti fidelibus intelligi. De ambobus enim iſtis uerbis Domini eſt eadem ratio, ut conſtat ex dictis. Conſtat etiam quòd dum Saluator dixit, Accipite, & bibite ex eo omnes: ſolos Apoſtolos intellexit. nam cum ſtatim in eadem cœna omnes Apoſtoli bibiſſent, dixit Marcus Euangelista, Et biberunt ex illo omnes. Vnde ſicut legimus, Bibite ex hoc omnes. ſic legimus, Et biberunt ex illo omnes. Significaturi nanque expreſſè, quòd tunc ſtatim fuit impletum illud præceptum, cum omnes Apoſtoli biberunt. Maxime etiam eſt aduertendum, quòd cum Dominus ſuis Apoſtolis ſuum proprium ſanguinem ſub ſpecie uini imperitus eſt in cœna, prius illos iamiam ſacerdotes ordinauerat: etenim ante calicis exhibitionem eis dixit, Hoc facite in meam commemorationem. Quo uerbo ſuo diuino, illos ſacerdotes creauit, inſtituit, ordinauit, ac fecit. Sed & de hac manifeſta ueritate, fortè magis in ſequentibus. Oſtenditur enim paulò poſt, quòd nullo modo poſſunt omnia uerba Saluatoris noſtri intelligi eſſe dicta omnibus & ſingulis Chriſtianis: quando agitur ex illo uerbo Domini, Quod uobis dico, omnibus dico, Vigilate.

Gabriel
loc. 4. & 5.

Marci 14.

Reſpondetur tertie obiectioni, qua habet, quòd cum Chriſtus inſtituerit totum ſacramentum integrum ex ſpeciebus panis & uini, toti Eccleſiæ, non eius parti: debet integrè dari laicis, qui etiam ſunt pars Eccleſiæ.

CAP. V.



Iuina inſtitutio ſacratiffimi Eucharistiæ ſacramenti integri ſub utraque ſpecie, conſtat ex diuina ſcriptura manifeſta: ſed ex illa inſtitutione nullo modo ſequitur, quòd laici teneantur aliquo præcepto diuino ad utran-

De Cœna, & Calice Domini

que speciem integri sacramenti percipiendam. Probatur ista nostra ueritas catholica ex multis etiam, quemadmodum & ex multis iam probata sunt alia nostra ueritates præcedentes. Ad hoc enim est primum, quia nihil ualeat consequentia, qua quis ita formet argumentum, Deus instituit aliquam talem rem, uerbi gratia, A. bonam, utilem, ac proficuum fumentum: ergo omnes & singuli tenentur illam rem sumere. Non ualeat, inquam, talis argumentatio, quia potuit Deus illam rem sic bonam instituire, nolens tamen aliquam personam ad sumptionem illius obligare: sed usum illius rei, siue sumptionem eius relinquendo liberam, uel liberum. Sic profecto, institutio non infert præceptum. Ita & nos uidemus tum sacramentum ordinis, tum sacramentum matrimonij, institutum à Deo, & nullum uidemus diuinum præceptum, quo ad illa sacramenta percipienda teneantur omnes & singuli Christi fideles. Sic etiam multi doctores scholastici in suis sententiis, quauis uideant sacramenti confirmationis institutionem ac utilitatem: non tamen homines dicunt alio modo teneri ad illud suscipiendum, nisi quo tenentur illud non contemnere. Et si aduertimus, quasi eodem modo loquuntur de omnibus sacramentis, quæ non sunt instituta immediate siue directe contra peccatum, sed ad augmentum gratiæ, uel ad aliquid aliud. Deinde quia sacramentum huiusmodi habet multa alia officia præter usum eius, qui est per sumptionem, pro quibus omnes & singuli possunt illo uti, etiam si illud non accipiant per sumptionem. Est enim contentium corporis & sanguinis domini, est memoratiuum dominicæ passionis pro nobis, & significat futuram refectionem in gloria, atque unionem seu incorporationem corporis Christi mystici. similiter & hoc sacramentum est sacrificium, continens illam sacratissimam hostiam, quam Saluator noster pro nobis obtulit, dans semetipsum redemptionem pro omnibus. Quapropter omnes & singuli Christi fideles possunt ex isto altissimo sacramento multa bona & multis modis reportare, etiam si illud in specie uni non communicent. Tertio, quia & si laici non accipient speciem uini, non tamen illa perire potest; cum ex præcepto & di-

De hoc supra i proba
tione respon
sionis ad
art. 5.

uino, & humano, teneantur sacerdotes speciem uini, quam consecrant, sumere. Offertque sacerdos pro se, & pro toto populo sub utraque specie, ut minister: atque similiter & pro toto populo accipit, personam agens communē quodam modo. Est istud sacramentum institutum propter usum eius, & non secus perfectio seu complementum huius sacramenti in utraque specie est propter perfectum eius usum: sed iste perfectus usus utique magis attenditur per sumptionem sacerdotis, offerentis, & ministri, quā in sumptione singularem personarum. Perfectus nāque usus huius sacramenti est, postquā sacerdos offert & communicat sub utraque specie: etiam si nullus alius communicet, etiam si nullus alius adsit. Ideo sacerdotes habent praeceptum de communicando sub utraque specie dum offerunt, & non alij: similiter nec sacerdotes non celebrantes, quia dum communicant non consecrantes habent se ut quidam de populo, non ut ministri altaris & hostiæ. Ista hostia consecrata mirabilis consideratur multis modis, quia consideratur ut sacrificium, ut sacramentum, ut communio, ut uiaticum. Etenim ut uiaticum, datur solis infirmis, & illis solis infirmis, qui in extremis sunt aut extreme iamiam laborant: ut communio, datur omnibus uolentibus, & quando uolunt propter deuotionem aut obligationem: ut sacramentum, ostenditur & per populum aliquando deferatur, ut uideatur, & adoretur: ut sacrificium, offertur quotidie pro uiuis & mortuis, ut omnibus prosit, quod est pro salute omnium institutum. Siquis autem aduertat quare potestas seu auctoritas offerendi istud sacrificium dignissimum non fuerit reseruata Episcopis aut aliis praelatis maioribus, sed sit concessa omnibus sacerdotibus: cum tamen alia non maiora, sed minora sint Episcopis reseruata: uidebit eo ipso manifestè, quot, quantæ, qualesque utilitates sint in Ecclesia & toto populo ex isto sacrificio, etiam si laici non communicent sub utraque specie. Decuit hoc sacramentum etiam ut sacrificium institui, in memoriam illius unius sacrificij, quod fecit semel Saluator noster semetipsum pro nobis & pro peccatis nostris offerendo, & extra portam patiendo: & secundum hoc decuit consequē-

De nominibus huius sacramenti secundum varias considerationes dicitur sine huius responsione.

De Cœna, & Calice Domini

ter sanguinem sub alia specie offerri uini, licet simul offeratur sub specie panis, ut sub alia specie etiam oblatus expressius significaret effusionem sanguinis in passione factâ. Ut significantius, non tamen efficacius, haberet rationem sacrificij pro peccato, quod nec factum est, nec solebat olim fieri sine sanguinis effusione. Ex hac oblatione quotidiani defectus nostri reparantur, penæ animarum in Purgatorio existentium mitigantur, redemptionis beneficium representatur, & ad memoriam reducitur. De his multa Scotus bene dixit & in libris sententiarum, & in quolibetis quæstionibus: multa etiam Gabriel Biel in suo opere super Canonem missæ, & in multi alij. Et Innocentius dicit, Dedit nobis dominus, ut quia quotidie peccamus, & ipse iam mori non potest, per hoc sacramentum, quod in memoriam mortis accipimus, in remissionem peccatorum quotidie consequamur. Augustinus siue Gregorius, ad Bonifacium, uocat istud sacramentum à sacerdote oblatum, oblationem. Gregorius in moralibus, uocat illud uictimam: & declarat exemplis efficaciam eius in subueniendo etiam defunctis. Bona denique multa sunt huius sacramenti, quæ omnibus fidelibus, tum uiuis, tum defunctis accrescunt ex opere operato, de quibus Sanctus Thomas, Scotus, & tota schola Christiana simul abundè tradunt, ostendentes etiam quomodo hæc res altissima operatur & ualet ut sacramentum, quomodo insuper ut sacrificium: quia ut sacramentum ualet sumentibus, ut sacrificium autem ualet etiam non sumentibus. Gabriel Biel per multa agit optimè de re huiusmodi, ostendens primùm fructus huius sacrificij quoad uiuos, & deinde fructus eiusdem quoad defunctos, seu quoad animas defunctorum fidelium. Pro tota ergo Ecclesia institutum est hoc sacramentum totum integrum, & toti Ecclesiæ prodest, etiam si non sumatur totum à tota Ecclesia sub utraqûe specie sacramentaliter.

Ergo nihil ualet argumentum, quo aduersarij ita deducunt, Christus instituit utranque speciem, igitur omnes fideles etiam laici tenentur accipere utranque speciem. Dicimus enim nos, quòd institutio est institutio, & præceptum est præceptum: atque constanter asserimus, simul

& ueraciter,

Scotus
lib. 4.
dist. 8.
quæst. 1.
Quoli.
Gabriel
lect. 5.

13 q. 2.
Anima.
lib. 4. c. 54.
56. 57.

S. Tho.
lib. 4.
dist. 45.
q. 4. art. 3.
& dist. 13.
q. 1. art. 5.
Scotus 16.
dist. 13.
quæst. 2.
Gabriel.
lect. 25.
& deinde.
lect. 56.
& infra.

& ueraciter, quòd institutio hæc ut institutio, nullo modo infert præceptum quoad omnes, de usu calicis per potationem. Sequitur enim bene, Christus instituit hoc sacramentum in utraque specie pro tota Ecclesia, ergo hoc sacramentum in utraque specie toti Ecclesiæ est proficuum: quia profectò Christus, nihil fecit pro aliquo inutiliter. Sed nullo modo sequitur, Christus instituit hoc sacramentum in utraque specie pro tota Ecclesia, ergo tota Ecclesia, etiam laici, tenetur hoc sacramentum in utraque specie sumere sacramentaliter. Cur nõ sequitur? Quia istud mirabile sacramentum prodest multis modis toti Ecclesiæ, etiam si non ab omnibus sacramentaliter sumatur integrum: etiam si non concedatur usus calicis omnibus de Ecclesia. quomodo prodest omnibus, etiam si non integrum sumatur ab omnibus?

Prodest quidem omnibus, etiam si non integrum sumatur ab omnibus; & hoc siue consideretur ut sacramentum, siue consideretur ut sacrificium. Ambas enim considerationes istas habet hoc sacramentum, & secundum illas ambas à uerè Christianis considerari debet. Est uere sacramentum, quia uerè est, inuisibilis gratiæ uisibilis forma, ut eius imaginem gerat & causa existat. Est etiam uerè sacrificium Christianum maximum & unicum, quia est uera oblatio in pane & uino secundum ordinem Melchisedech, continens Saluatorem nostrum, qui sese olim pro nobis in cruce obtulit, & semetipsum dedit redemptionem pro omnibus; atque illud idem sanctissimum sacrificium repræsentat, & illud quodammodo iterat. Optime Magister sententiarum, postquam per multa egit de sanctissima Eucharistia, quòd sit uerissimum sacramentum, & supremum, ratione rei contentæ in eo; docuit statim quòd etiam sit sacrificium, ita inquirens, & determinans, Post hæc quæritur, Si quod gerit sacerdos, propriè dicatur sacrificium, uel immolatio? & si Christus quotidie immoletur, uel semel tantum immolatus sit? Ad hoc breuiter dici potest, illud, quod offertur & consecratur à sacerdote, uocari sacrificium & oblationem; quia memoria est & repræsentatio ueri sacrificij, & sanctæ im-

Eucharist.
est sacra-
mentum.

Eucharist.
est sacrifi-
cium.

Magister
sent.
lib. 4.
à dist. 8.
usq; ad 12.
ibid.
dist. 12.

De Cœna, & Calice Domini

molationis factæ in ara crucis. Et semel Christus mortuus in cruce est, ibique immolatus est in semetipso: quotidie autem immolatur in sacramento, quia in sacramento recordatio fit illius quod factum est semel. Hæc ille. Probat ex Augustino dicente inter alia, Semel immolatus Christus in semetipso, & tamen quotidie immolatur in sacramento. Etiam probat ex Ambrosio super epistolam ad Hebræos, ubi ait, In Christo semel oblata est hostia ad salutem potens: quid ergo nos? Nonne per singulos dies offerimus? Et si quotidie offeramus, ad recordationem eius mortis fit: & una est hostia, non multæ. Quomodo una, & non multæ? Quia semel immolatus est Christus. Hoc autem sacrificium exemplum est illius idipsum, & semper idipsum offertur; proinde hoc idem est sacrificium, alioquin diceretur, quoniam in multis locis offertur, multi sunt Christi. Non, sed unus ubique est Christus: & hic plenus existens, & illic plenus. Sicut quod ubique offertur, unum est corpus: ita & unum sacrificium. Christus hostiam obtulit, ipsam offerimus & nunc: sed quod nos agimus, recordatio est sacrificij. Nec causa suæ infirmitatis repetitur, quia perficit hominē; sed nostræ, quia quotidie peccamus. Ita schola Christiana simul in eodem loco & alibi, probat sacram Eucharistiam esse & sacramentum, & sacrificium, Alexander de Ales, S. Thomas, S. Bonaventura, Scotus, Durandus, Gabriel Biel, tum in sententiis, tum super canonem Missæ: & denique omnes Doctores alij, nemine catholico excepto. Satis etiam manifestè hoc probant uerba Saluatoris nostri, quibus dixit, Accipite & manducate, hoc est corpus meum. Hoc facite in meam commemorationem. Accipite & bibite ex hoc omnes. Hæc quotiescunque feceritis, in mei memoriam facietis. De istis autem uerbis Domini fortassis inferius dicentur multa, si de Sacrificio Missæ specialis fuerit sermo. Modò nobis facit satis Apostolus Paulus, qui post passionem, mortem, resurrectionem, & ascensionem Domini, non dixit de Ecclesia Christiana sublatum esse sacerdotiū, sed in ea ab alio in aliud esse translatum: uidelicet à sacerdotio Aaron, in sacerdotium Melchisedech. Est igitur in

August.
in lib. sent.
Prosperi.
De consecr.
dist. 2.
c. Semel immolatus.

Ambros.
De consecr.
dist. 2.
c. In Christo.

Matth. 26.
Marci 14.
Lucæ 22.

Hebr.

Ecclesia Christiana, sacerdotium. Vbi autem est sacerdotium, ibi sine dubio est sacerdos. Alioquin, quale ibi sacerdotium esset, ubi sacerdos non esset? Rursus, Vbi est sacerdotium & sacerdos, ibi profectò est sacrificium. Aliàs superflueret sacerdos, superflueret & sacerdotium. Quia sunt ista omnia sic ordinata, sacrificium, sacerdos, sacerdotium: ut aliquo eorum posito, omnia ponas: uel è contra; aliquo eorum sublato, omnia auferas. Habemus autem sacerdotium, secundum Apostolum Paulum. Ergo secundum eundem habemus sacerdotium, sacerdotem, sacrificium. Neque potest reperiri sacerdotium, nisi in sacerdote: sicut non potest reperiri albedo, nisi in albo. Non enim per se subsistunt albedo, aut sacerdotium: sed sunt in suis concretis, aut subiectis, aut substratis. Quod est autem sacrificium nostrum? Profectò hoc unum, de quo agimus. Nullum est aliud sacrificium in nostra religione Christiana, nisi hoc unum: quanuis nos etiam candelas, oleum, thus, & alia offeramus in ordine ad illud unum: & istis etiam utamur in ordine ad illud maximum, supremum, unicum.

Ecce Eucharistia sanctiss. est sacramentū, atq; est sacrificium: quæ sine dubio prodest nobis etiā, & ut sacramentū, & ut sacrificium; sed quodāmodo differenter, ut etiam non est ignotū. Bene notant doctores catholici, quòd Eucharistia inquantum sacramentū, prodest sumentibus tantū: sed ut sacrificium, prodest etiam aliis. S. Thomas etiam optimè dicit, sacramentū Eucharistiæ, inquantum sacramentum, directè ex ui sacramenti, habet effectū, ad quem est institutum, scilicet spirituales nutritionē per unionem ad Christum & mēbra eius: sed ex consequenti & concomitanter remissionem non solū culpæ, sed etiam pœnæ: non quidem totius, sed secundum modum deuotionis & feruoris: quia dicta unitas fit per charitatem, ex cuius seruore quis remissionem consequitur, non solū culpæ, sed etiam pœnæ. Inquantum uerò sacrificium habet uim satisfactiuam; & ex sui quantitate sufficit ad satisfaciendum pro omni pœna. Hæc ille, Qui & alibi etiam bene dicit, Quāuis, inquit, Christi uirtus, quæ continetur sub sacramen-

S. Tho.
par. 3.
quest. 78.
art. 5.

lib. 3.
dist. 45.
quæst. 2.
art. ult.
quæst. ult.
ad ult. arg.

Eucharist.
prodest om-
nibus, ut est
sacrificiū.

Psal.

Gabriel
Biel.
lect. 26.
litera H.
Idem.
litera G.

to Eucharistiæ, sit infinita: tamē determinatus est effectus, ad quem illud sacramentum ordinatur. Vnde non oportet quòd per unum altaris sacrificiū, tota pœna eorum, qui sunt in purgatorio, expietur. Vnde etiam quandoque plures missæ in satisfactionem unius peccati iniunguntur. Hæc ille. Concordant omnes: atque ex quo certum est sanctissimam Eucharistiam esse sacramentum, & esse sacrificium: iam non potest dubitari, quin utroque modo nobis profit, quod utroque modo nobis est concessum. Ad rem igitur ueniamus, Prodest Eucharistia omnibus, ut sacrificium: quia pro omnibus offertur. In signum cuius tum oblationes, tum petitiones, aut orationes, nomine omnium sūt, in plurali, & non in singulari. Omnesque inde participāt, non solum ratione participij charitatis, sicut Dauid dixit, Particeps ego sum omnium timentium te. sed etiam ratione applicationis, quia utique offertur illa altissima oblatio seu hostia, pro omnibus. Nec potest ullus Christianus asserere, quòd illud sacrificium seu illa sacratissima oblatio non profit omnibus, pro quibus offertur, saltem quantum est de se, atque ratione ipsius Ecclesiæ, quæ & si offert ipsa mediatè, quia mediante sacerdote, offert tamen ipsa principaliter. Ut ita optimè theologizemus, offert sacerdos immediatè & personaliter: sed offert Ecclesiā mediatè & principaliter. Bene & latè agit de his Gabriel super Canonem Missæ: ibi uideri potest: quo loco declarat optimè istud mirabile sacrificium ualere quidem & habere efficaciam duobus modis, Vno modo ex opere operante, seu operantis, idest, ex merito personali personæ celebrantis: propter quod Deus Optimus confert per ira à sacerdote eis, quibus orationem & missæ sacrificium ipse sacerdos applicat. Alio modo, ex opere operato, idest, ex ipsa consecratione, oblatione, & sumptione uenerabilis Eucharistiæ, non habendo respectum ad personalem sanctitatē aut meritum sacerdotis. Distinguit etiam quòd & hoc, quod dicimus, ex opere operato, duobus modis potest intelligi, Altero, quòd hic ualor huius sacrificij, seu oblationis, sit ex Dei institutione, qui efficaciter determinauit se ad conferendum quosdam effectus gratuitos & salutare, ad con-

secrationem, oblationem, & sumptionem corporis & sanguinis Christi factam à sacerdote: sicut etiam uerè dicimus de aliis sacramentis nouæ legis, quòd habent uirtutem atque efficaciam ex Christi institutione: ita quòd ipsis exhibitis aliquibus non ponentibus aut non habentibus obicem, assistit Deus cauſando in eis quosdam effectus salutare, ut remissionem peccatorum & gratiam gratum facientem. Altero modo Missa, seu sacrificium istud sacrum, uel sacra oblatio, intelligitur habere ualorem & effectum, & esse accepta Deo ex opere operato, præcisè ratione oblationis sacrificij, quod in missa perficitur, non attendendo Christi institutionem: quia oblatio non uidetur grata Deo & accepta, nisi sit alicuius offerentis grati, & accepti. Iuxta illud, *Respexit Dominus ad Abel, & ad munera eius.* Hinc uidua paupercula, plus omnibus in Gazophylatium misisse dicitur, quia quæ misit, ex uoluntate misit magis accepta. Et beatus Gregorius inquit, Non pensat Deus quantum, sed ex quanta & quali uoluntate offeratur. Hinc passio Christi Patri acceptissima fuit, quia eam Christus æterni Patris Filius, in quo semper Patri complacuit, uoluntariè eam in animarum nostrarum salutem obtulit: quam si Iudas crucifixor solus obtulisset, Patri minimè placuisset. Hæc Gabriel. Acceptatur igitur Eucharistia sanctissima & ualet apud Deum ut sacrificium, non præcisè ac plenè ratione rei contentæ, sed oportet quòd sit oblata. Hoc enim bonum in Eucharistia contentum, æquale est, quando reseruatur in pixide seu sacratio, & quando offertur in altari: & tamen non æquè ualet Ecclesiæ reseruatum in pixide, & oblatum in officio missæ. Sicut optimè notauit Scotus in suis *Quolibetis*, & post ipsum Gabriel ubi suprà. Valet igitur istud sacrificium ex ista hostia, tum ratione ipsius altissimæ, quæ offertur, & in Eucharistia continetur: tum ratione ipsius, à quo offertur, quia tota Ecclesia principaliter offert, quæ est profectò semper sanctissima. Ad quid ualet? ad ea multa, quæ ex parte posuimus. Quibus ualet? Omnibus, pro quibus offertur, quia est sacrificium potentissimum. Pro quibus offertur? Pro omnibus fidelibus Christianis, uiuis ac defunctis indigentibus. Defunctis in-

Gen. 4.

Luc. 21.

De Cæna, & Calice Domini

digentibus, inquam, id est, qui in hoc sæculo ita uixerūt, ut illis post mortē prodesset hoc sacrosanctum sacrificium. Hic enim omne meritum comparatur, etiam hoc, ut mortui à uiuis per hoc sacrificium & bona alia iuuentur, quādiu in loco sumus Purgatorio. Sed hac de Eucharistia ut est sacrificium, modò dixisse sufficiat, quousque de hac redicamus latius, quando de sacrificio missæ erit sermo specialis. Prodest etiam Eucharistia omnibus, prout est sacramentum. Verbi gratia, dum de paxide, uel sacrario, uel de ipso altari accipitur, & alicui personæ aut populo nō ponenti obicem ministratur. Quibus ita prodest? Omnibus ritè sumentibus. Non enim est maior ratio de uno, quàm de alio, ut constat. Ad quid prodest, Primum, confert gratiam suo modo, eam auget, & excitat ad uirtutes. Secundò ex consequenti confert charitatem & omnes uirtutes. Tertiò ex consequenti diminuit fomitem ratione feruoris charitatiui. Quartò, sustentat, siue dat uitam; auget, reparat, delectat ut cibus, & laudare facit. Quintò, confortat in pugna, dans prægustationem gloriæ. Sextò, dat uiatoribus adeptionem gloriæ, id est, uirtutem adipiscendi. Septimò, præseruat à peccato dupliciter, uidelicet interius roborando per gratiam, & exterius repellendo omnem dæmonum impugnationem per Christi passionem, cuius est signum. Octauò, delet peccata uenialia. Nonò, delet etiam mortalia, quorum quis non habet conscientiam, nec affectum. Vnde est ablutio scelerum, id est, mortalium peccatorum tripliciter: scilicet ignoratorum, futurorum, uel causando contritionem. Sicut etiam Augustinus de isto mirabili sacramento dicit in Sermone de corpore Christi, quòd mortuos uiuificat: & Augustinum declarat optimè, ac sequitur tota schola Christiana. Decimò, delet pœnam debitam peccatis, non totam, sed secundum mensuram peccatorum, & deuotionis. Ita sancti doctores colligunt effectus atque utilitates huius sacramenti, erga sumentes: sicet illæ fortassis tot sint, tantæ aut tales, ut nos illas nec cognoscere, nec explicare plenè ualeamus. Est enim res contenta infinita quoad diuinitatem, & est etiam superexcellens nostrum intellectum quo

Eucharist.
prodest om
nibus sumē
tibus, prout
est sacra-
mentum.

Ad quid
prodest.

S. Tho.
art. 3.
quæst. 79.
art. 1.

Lib. 4.
sens.

ad humanitatem unitam diuinitati : ideò sacramentum istud super omnia altissimum, habet nescio quid infiniti, non solum quoad rem contentam, quæ secundum diuinitatem est infinita cathegorematicè, siue simpliciter ; sed etiam quoad ipsum sacramentum, de quo fortè non possumus cogitare tantam excellentiam, quin habeat maiorem : ut isto modo sit quasi infinitum syncathegorematicè, siue sedandum quid.

Non igitur ualet argumentum, quo aduersarij ita rationantur, aut parologizantur, seu hallucinantur, dicentes, Christus instituit totum sacramentum Eucharistiæ in utraque specie, & pro tota Ecclesia : ergo tota Ecclesia debet sumere totum sacramentum integrum in utraque specie. Non ualet, inquam, quia quod dicimus, Christus instituit totum sacramentum integrum in utraque specie, pro tota Ecclesia ; non debet sic intelligi, quasi totum sacramentum integrum debeat necessàriò à tota Ecclesia sumi : sed sic debet intelligi, tanquam totum sacramentum toti Ecclesiæ prosit. Ut cum dicimus, Christus instituit totum sacramentum integrum pro tota Ecclesia. ita significamus, aut asserimus, Christus instituit totum sacramentum integrum, ad utilitatem totius Ecclesiæ. Prodest autem totum sacramentum toti Ecclesiæ, quomocunque sumatur à laicis. Quomodo totum prodest toti Ecclesiæ ? Primum, quia toti Ecclesiæ prodest ut sacrificium. Secundò, quia sicut tota Ecclesia constat ex clericis & laicis, tanquàm ex duobus parietibus uiuis : sic totum sacramentum integrum prodesset per sumptionem toti Ecclesiæ, si altera pars sacramenti traderetur alteri parti Ecclesiæ, & altera alteri. Ut integrum sacramentum responderet integræ Ecclesiæ, & pars parti. Nunc autem non ita fit, sed sacerdos dum in persona Ecclesiæ totum sacramentum offert, sacrificium quidem fit & oblatio, & tunc in persona Ecclesiæ, cuius minister est, totum sacrificium sumit. Quando autem Eucharistiam tractat, non ut sacrificium, quia non in offerendo, sed ut sacramentum, extra oblationem ipsam accipiendo, non totum sacramentum sed solam partem accipit, omnino sicut laicus. Deinde dicimus quòd Sal-

De Cæna, & Calice Domini

uator noster instituit integrum sacramentum pro tota Ecclesia, non sic ut totum sacramentum integrum sumeretur à tota Ecclesia necessario; sed sic, ut totum posset sumi à tota. Et hoc est uerissimum. non enim negamus, sed constanter atque ingenuè concedimus, posse totam Ecclesiam Christianam secundum quamlibet partem sui sumere totum Eucharistiæ sacramentum integrum, stando in iure diuino: hoc nanque in eo iure licitum est, & concessum ut licitum. Sed id agimus, ut ostendamus non teneri totam Ecclesiam ad id, ex aliquo diuino præcepto. Vnde nos profectò meliorem facimus causam Ecclesiæ totius Christianæ, quàm aduersarij nostri: quia nos dicimus illam in iure diuino posse utranque speciem accipere, sed non teneri: aduersarij autem dicunt, illam in iure diuino posse, & debere, tenerique. Nos meliorem credimus & meliorem prædicamus conditionem populorum Christianorù, quoties eos paucioribus aut leuioribus seu facilioribus præceptis credimus aut prædicamus obligatos. Alioquin, quid facerent multi, qui uinum non bibunt nec gustare possunt, quos abstemios appellamus. Aut quid facerent illi, qui in eis partibus terræ sunt, ubi nullum uinum de genimine uitis est? Quomodo scrupulos sedabunt maxime si scrupulosi fuerint? Est alia totius sacramenti utilitas quo ad totam Ecclesiam, in eo quod totum perfectius siue expressius repræsentat & Christi passionem, & nostram spiritalem refectionem. Petrus autem dicit, Christo igitur passo in carne, & uos eadem cogitatione armamini.

1. Pet. 4.

*Integrum in utraque specie sacramentum nos sumere non teneri.
Christum rem hanc liberam reliquisse: utranque speciem uerè
& propriè esse sacramentum, & simul non esse consecratum
da tamque Apostolis.*

CAP. VI.



Ta denique in omni ueritate concludamus, Institutio integri sacramenti Eucharistiæ in utraque specie pro tota Ecclesia, nullo modo infert præceptum Dei, quo teneatur tota Ecclesia illud integrum in utraque specie sumere:

mere : sed solùm infert utilitatem , quam tota Ecclesia habet ex illo integro , uno modo , uel alio . Quia Eucharistia ut sacrificium , integrum prodest toti Ecclesiæ ; & Eucharistia ut sacramentum integrum potest toti Ecclesiæ prodesse ; & rursus Eucharistia ut sacramentum integrum prodest toti Ecclesiæ , quia utraque pars est proficua , & quæcunque pars , siue species , aut cuiusvis speciei particula , prodest fumentis . Totum enim debet dici prodesse , quando qualibet species , siue una , siue altera accipitur , fumentis prodest . Hinc olim Eucharistia in specie uini porrigebatur infirmis , qui ob siccitatem oris non poterant Eucharistiam sub specie panis accipere : qui modus seu ritus , stando in solo iure diuino , etiam nunc obseruari potest . Prodest ergo totum integrum , quia prodest in quacunque parte accipitur . Sic totum Rheubarbarum diceremus prodesse , etiam si nunquam acciperetur totum , si qualibet pars eius accipienti prodesset . Quicquid enim habet qualibet pars alicuius totius , id sine dubio , illi toti damus , calorem , frigus , utilitatem , nocumentum , aut alia eius generis , aut alterius . Siquis autem uel ignorantia sua , uel proteruita , uel superbia , uel aliqua alia malitia aut cæcitate ipsius , uoluerit insistere , dicens , quòd institutio integri sacramenti pro tota Ecclesia , infert præceptum ipsius instituentis , quo tenetur tota Ecclesia illud sacramentum suscipere integrum , nos illi non credimus , sed oportet ut ipse hoc nobis probet , quod ipse nunquam & nusquam faciet . Nos maiorem liberalitatem credimus & cognoscimus instituentis Dei , qui totum sacramentum integrum pro tota Ecclesia constituit : & tamen quòd tota Ecclesia , integrum sacramentum , uel partem eius suscipiat , liberum reliquit . Hæc est maior Dei liberalitas , maior misericordia , maior benignitas , & magis suauis eius prouidentia , ut omnibus est manifestum . An audebit dicere quispiam aduersarius , sacrosancam Eucharistiam nõ prodesse fumentis , nisi sumatur totum sacramentum integrum in utraque specie ? Absit . Qui ita dixerit , prorsus indignus est , qui audiatur . Vel audebit aliquis dicere , Eucharistiam sub altera specie tantum , non esse uerum sacra-

mentum, nisi sit sub utraque? Absit iterum talis Eucharistia iniuria. Etenim Eucharistia sub quavis specie, seu in quavis specie sui, & uerum sacramentum est, licet non sit integrum sacramentum: & uerè prodest, uereque continet totum Christum, & uerè facit suo modo, quod repræsentat: nisi quod melius facit, quàm repræsentet: quia certè deficit repræsentatio ab effectu, cum effectus eius altissimus nec per alteram speciem, nec per ambas simul repræsentetur exactè, adæquatè, perfectè, aut completè. Itaq; quælibet species Eucharistia, panis aut uini, uerè ac propriè est sacramentum: & uerè prodest sumenti non ponenti obicem effectui sacramenti. Quod si fortè aliqui dixerint oppositum, ego eos audacissimos, & ut uerbo Aristotelis utar, ischironogmonas appello, ut pote quod proteruè contra totam ueritatem suis falsis opinionibus erroribusque hæreant. Facit enim manifestè contra ipsos, ipsa Christi institutio, pariter & ipsa Christi obseruàtia. Quauis enim Saluator noster in eadem cœna, utraq; speciem instituerit, non tamen id fecit in eodem tempore, nec illæ species in illa cœna fuerunt unquam ambæ simul post consecrationem, & antè sumptionem: sed tempore consecrationis unius, iam facta erat sumptio alterius. Sic nanque narrant sacri Euangelistæ, Cœnantibus autem eis, accepit

Matth. 26. IESVS panem, & benedixit, ac fregit; deditque discipulis suis, & ait, Accipite & comedite, hoc est corpus meum.

Luce 22. Similiter & calicem postquam cœnauit, dicens, Hic est calix nouum testamenti in sanguine meo, qui pro uobis fundetur. Ecce cœnantibus illis, idest, dum cœnarent, accepit IESVS panem, consecrauit in illo siue in specie illius, ac dedit Apostolis, dicens, Accipite & comedite. & non potest esse dubium, quin ipsi statim accepissent de manu dantis, & comedissent. Ecce insuper quòd non tunc simul, sed postquam cœnauit accepit calicem IESVS, consecrauit, & dedit illis. Vnde in illo interuallo temporis intermedij, communicati erant Apostoli in specie panis, & tunc non erat adhuc facta consecratio sanguinis in specie uini, nec Apostoli de illa quicquam sciebant, aut cogitabant. Nihil enim de illa Christus eis adhuc dixerat, nec erat necessariò

consequens, ut qui eis corpus suum in specie panis dederit, eo ipso eis sanguinem suum sub specie uini daturus esset: potuit nāque facere illud primum, nunquam facturum hoc secundum. Quid ergo? Profecto in illo priori tempore ante consecrationem sanguinis, facta consecratione corporis, statim species panis fuit uerum sacramentum; quia illa species statim continebat corpus Christi uerum, sicut ipse Christus uerissimus ac potentissimus dixit, Hoc est corpus meum. Tamen nec tunc facta erat consecratio sanguinis Christi in specie uini, nec sacramentum Eucharistiae in specie uini erat institutum, nec Apostoli de illo in specie uini aliquid sciebant. Erat igitur iam tunc Eucharistia in specie panis, & uerè erat sacramentum; quia uerè continebat sacramentum rem, quam significabat uirtute consecrationis, ac per concomitantiam. An tunc eo tempore erat utilis & proficua ritè suscipientibus? Quis animus Christianus de hoc dubitare potest? nullus. Erat sine dubio utilis & proficua illo tempore, ante consecrationem, immo & ante institutionem Eucharistiae in specie uini. Nec credendum est de Saluatore nostro, quod suum corpus sub specie panis daret inutiliter suis Apostolis dilectis, eo tempore, ante consecrationem sui sanguinis, & ante institutionem Eucharistiae in specie uini. Opus est igitur nobis Christianis considerare omnia per ordinem, quæ fecit Saluator noster, dum sacramentum Eucharistiae in duabus speciebus, panis uidelicet & uini instituit: quia non simul, sed separatim, in specie panis, dum cœnaret: in specie autem uini, postquam cœnauit. Nec in illa cœna fuerunt unquam illæ duæ species consecratae simul, sed species panis consecrata, instituta, & sumpta fuit, antequam species uini fuisset consecrata aut instituta. Ex istis enim consideratis, faciliè ac manifestè constat, quod Eucharistia fuit uerum, & utilissimum sacramentum, prius quam in specie uini fuit institutum, & à Saluatore nostro Apostolis suis porrectum, aut præstitum.

Igitur si aduertimus, uel etiamsi non aduertamus, uelimus nolimus, omnes ita dicere debemus, sicut in sequenti conclusione dicimus, quæ talis est, Sacrosancta Eucharistia in specie panis, quantum ad sui institutionem, conse-

De Cæna, & Calice Domini

crationem, usum, sacramenti ueritatem, aut sacramenti utilitatem, nullo modo dependet ab institutione, consecratione, usu, sacramenti ueritate, aut sacramenti utilitate ipsius Eucharistiæ sub specie uini. Probatur ista conclusio præcedens per istam inuictissimam demonstrationem sequentem, Quia uidelicet omnia illa explicata Eucharistiæ sub specie panis, fuere priora, seu prius non solum natura, sed & tempore, quam fuerint illa omnia explicata Eucharistiæ sub specie uini. Quod illa omnia fuerint priora, seu prius, constat ex diuinis scripturis adductis. Quod autem priora non debeant à posterioribus, constat ex omni sensu, ex omni scientia, arte, doctrina, experientiaque omniū hominum, omniū nationum. Iam postmodū quæso, nemo audeat contra istam manifestam ueritatem ogganire. Pendet uerò Eucharistia sub specie panis ab Eucharistia sub specie uini, quantum ad integritatem sacramenti Eucharistiæ, quia in his duabus speciebus institutum est, ob singulares rationes siue speciales: & quantum ad magis expressam repræsentationem tum passionis ac mortis Saluatoris nostri in cruce, dum sanguis fuit effusus & à corpore pro nobis separatus; tum refectionis spiritualis, quam hic habemus in uia, & quam postea, domino donante, habituri sumus in patria. Sed hæc, aliæ considerationes sunt, & quæ non impediunt alias considerationes, nec alias ueritates. Species igitur panis post consecrationem habet ueritatem, atque utilitatem sacramenti Eucharistiæ, quoad necessaria sacramenti eiusmodi: non tamen habet integritatem eiusdem sacramenti, quia hoc sacramentum institutum est in duabus speciebus, quarum ambæ complent & perficiunt repræsentationem magis expressam, passionis mortisque Saluatoris nostri, refectionumque prædictarum. Dixerit fortè quispiam, Quomodo potest esse ut aliquid pendeat ab aliquo quo ad integritatem in aliquo esse, & nõ pendeat ab illo quoad ueritatem in illo esse? Respondemus, Optimè potest. Sic homo, ut sit homo integer, pendet à sua manu, à qua tamen non pendet ut sit homo uerus: quia per alia consideramus hominis integritatem, & per alia consideramus hominis ueritatem. Simili modo est in sacra-

*Sunt quidē
partes inte-
grales, &
sua par-
tes essētia-*

mentis, de sacramento ordinis. Sunt enim in sacramento ordinis, quodammodo multa sacramenta ordinis: uerbi gratia, Subdiaconatus, Diaconatus, Presbyteratus, Episcopatus si est propriè ordo, ut quidam uolunt: & ut etiam alij uolunt, minores ordines. Vnde Diaconatus, seu collatio ipsius potestatis, seu ipse ordo Diaconatus, est uerè ac propriè sacramentum ordinis, non tamen est uerè ac propriè totum sacramentum ordinis integrum. Ratio est, quia totum sacramentum ordinis integrum, continet multa alia præter Diaconatum, ut iam diximus. Dicitur autem sacramentum ordinis, unum sacramentum, quia omnia sacramenta ordinis ordinantur ad unum.

les: & inter
essentia
les quodā
sunt physi-
ca, ut mate-
ria & for-
ma; quæ-
dam sunt
metaphy-
sica ut ge-
nus & dis-
cretio.

Eadem res latins pertractatur, atque explicatur, ostenditurque quomodo istud mirabile sacramentum Eucharistiæ, aliquo modo sit unum, & aliquo modo plura: non sit uerò unum, ut est plura, nec sit plura, ut est unum, quòd ab alio habeat unitatem, ab alio autem pluralitatem. CAT. VII.



Sanctus Thomas mouet quæstionem, Vtrum hoc sacramentum sit unum, uel plura? Respondet in sequentibus conclusionibus, Prior est, Eucharistia est unum sacramentum. Posterior, Hoc sacramentum multa quidem est materialiter, sed unum formaliter & perfectiue. Conclusionem priorem probat sic, Eucharistia est sacramentum Ecclesiasticæ unitatis, ut dicit Apostolus, Vnus panis & unum corpus multi sumus omnes, qui de uno pane & de uno calice participamus. Sed sacramentum similitudinem gerit rei, cuius est sacramentum: Ergo Eucharistia est unum sacramentum. Quia uidelicet est sacramentum unitatis, & gerit similitudinem illius. Conclusionem secundam probat, dicens, Sicut dicitur, quinto Metaph. Vnum dicitur non solum quod est indiuisibile, uel quod est continuum, sed etiam quod est perfectum: sicut dicitur una domus, & unus homo. Est autem unum in perfectione, ad cuius integritatem concur-

S. Tho.
art. 2.
quæst. 73.
art. 2.

runt omnia, quæ requiruntur ad finem eiusdem: sicut homo integratur ex omnibus membris necessariis ad operationem animæ: & domus integratur ex omnibus partibus, quæ sunt necessariae ad inhabitandum. Et sic hoc sacramentum dicitur unum. Ordinatur enim ad spiritalem refectionem, quæ corporali conformatur. Ad corporalem autem refectionem duo requiruntur, scilicet cibus, qui est alimentum siccum; & potus, qui est alimentum humidum. Et ideo etiam ad integritatem huius sacramenti duo concurrunt, scilicet spiritualis cibus & spiritualis potus: secundum illud, Caro mea uerè est cibus, & sanguis meus uerè est potus. Hæc ille. Ex istis autem probationibus seu præmissis, ita concludit, Ergo hoc sacramentum multa quidem est materialiter, sed unum formaliter & perfectiue.

Leau. 6.

Caietanus
ibid.

Caietanus circa doctrinam istam S. Thomæ, ita bene dicit, Aduerte sacramentum Eucharistiæ dici multa materialiter, non ea ratione, quòd multitudo in eo sit purè materialis (quoniam partes eius habent suas proprias formas, & suas materias: ut patet de hostia, & calice: sunt enim uelut partes heterogeneæ) sed quia huiusmodi multa se habent ut integrantia unum, quod est resectio spiritualis: à cuius formalitate unum sacramentum dicitur Eucharistia, significans & corpus & sanguinem Christi sub specie cibi & potus. Quo circa non est hîc requirenda res aliqua extrinseca, quæ integretur uelut quædam tertia res ex corpore & sanguine Christi sub speciebus panis & uini, sicut domus integratur ex suis partibus: sed ad finem respiciendum est, & ex unitate finis proprii, qui est spiritualis resectio, unitas sumitur sacramenti. Sicut ex unitate resectionis corporalis, sumitur unitas prandij, aut cœnæ. Nec ista significatio per accidens se habet ad huius sacramenti rationem; nam corpus sub specie cibi, & sanguis sub specie potus, significant pasci & potari: ac per hoc utrumque simul, uel perfectum alimentum, signum est totale perfectæ resectionis spiritualis.

Hæc omnia satis bene dicta sunt, sed potius saluant quod hæc sacramenta, species panis & species uini, dicantur unum sacramentum, quàm dantur, quòd hoc sa-

cramentum, dicatur plura sacramenta. Ad omnia autem respiciendo, apparet magis in hac materia, quòd iste terminus complexus, sacramentum Eucharistiæ supponit in numero plurali pro utraque specie simul: & iterum in numero singulari supponit pro utraque specie simul: ut de ambabus speciebus simul dicamus quòd sunt sacramenta, & de ambabus simul dicamus quòd sunt sacramentum. Ad significandum primum horum dicimus in Collecta, Purificent nos quæsumus Domine, sacramenta, quæ sumpsimus. Et ad significandum secundum horum dicimus in eadem collecta, Hoc tuum sacramentum non sit nobis reatus ad poenam. Quæ omnia uidit S. Thomas, & optimè ^{par. 3. quæst. 73. art. 2. ad 1. arg.} notauit in eodem loco. Ambæ igitur species simul dicuntur, & sacramenta in numero plurali, & sacramentum in numero singulari. Sed, quæ sacramenta, uel quod sacramentum sic dicuntur? Notum est, quòd non alia sacramenta, nec aliud sacramentum, quàm sacramenta & quàm sacramentum Eucharistiæ. Quid inde? Ex quo ambæ species simul dicuntur sacramenta in plurali, non potest esse dubium, quin quælibet earum seorsum dicatur sacramentum in singulari. Dixit S. Thomas in eodem loco, quòd ^{ubi supra.} hoc sacramentum Eucharistiæ, multa quidem est materialiter. Sed bene notauit ibi Caietanus, hoc sacramentum ^{ibid.} non sic dici multa materialiter, ea ratione, quòd multitudo in eo sit purè materialis. Quia immo, ut ibi declarat, partes eius habent suas proprias formas, & suas proprias materias: ut patet de hostia, & calice. Constat enim de materia hostiæ, & de materia calicis quales esse debent, de pane triticeo, & de genimine uitis; & non minus constat, de formis: quia alia est, Hoc est corpus meum. alia est, Hic est calix sanguinis mei, &c. Vnde non solum sunt plura materialiter, quia habent plures materias: quin etiam sunt plura formaliter, quia habent plures formas. Illa uerò plura dicuntur unum aliunde, ut iam dictum est, & declaratum.

An est aliquod inconueniens, speciem panis & speciem uini post consecrationem utriusque, dicere duo, seu plura sacramenta? Absit. Immo enim est maximum conueniens,

De Cœna, & Calice Domini

Gabriel.
lib. 4.
dist. 8.
quest. 1.
art. 3.
Dubio 2.

quia est ueritas Christiana, & pertinens ualde ad religionem Christianam. Quælibet enim est uerum sacramentum, secundum diffinitiones proprias sacramenti: & quælibet est sacramentum Eucharistiæ, secundum quod uerè significat sacramentum Eucharistiæ. Ad istam ueritatem nonnulla dicamus præter iam dicta, ex doctoribus theologis, canonibus, & Glossi. Gabriel Biel mouet quæstionem, Vtrum consecratio Eucharistiæ, id est, prolatio uerborum consecrationis, sit propriè sacramentum? Deinde distinguit inter consecrationem Eucharistiæ, & ipsam Eucharistiæ, & usum eius: quia consecratio, est ipsa uerborum consecrationis prolatio, ens successiuum, &c. Eucharistia, est quid permanens post prolationem uerborum, id est, species panis & uini, quæ etiam fuerunt ante consecrationem, licet ante consecrationem non fuerint Eucharistia, nec sacramentum. Usus Eucharistiæ, est eius perceptio, quæ est uia, qua sacramentum applicatur membro Ecclesiæ. Postea uerò non asserendo, sed offerendo peritiõibus ad examinandum corrigendumque, cum timore, quia non legit illud à doctoribus decusum, ponit sequentem conclusionem, Consecratio Eucharistiæ, est sacramentum propriè. Probat istam conclusionem, Quia, ut inquit, omnes diffinitiones sacramenti à sanctis, & doctoribus sibi conueniunt. Est signum uisibile, id est, sensibile, inuisibilis gratiæ, cuius similitudinem gerit, & causa existit. Dicit ulterius, Sed quid de usu sacramenti, scilicet eius perceptione? Respondet, uidetur similiter dicendum ex eisdem motiuis. nam ista perceptio sacramenti, est quoddam signum significans gratiam ad spiritualem nutritionem suscipienti collatam ex opere operato: & hoc, ex institutione diuina. Deus enim instituens quòd hac perceptione sacramenti, percipiens, spiritualiter nutriatur per gratiæ augmentum, dedit ipsi sumptioni significationem. Sic in hoc instituit baptismum ad significandum gratiam regenerantem; quia instituit ipsum ad conferendam huiusmodi gratiam, eodem modo; quo sacramenta conferunt gratiam. Hæc autem difficultas non habet locum in aliis sacramentis; quia in eis non distinguitur sacramentum ab usu sacramenti,

Ibid.

menti, qui est eius perceptio. Hæc ille. Ita fatetur quòd præter ipsam Eucharistiam, consecratio eius, & usus ipsius, sunt propriè sacramenta: & non dubium, quin sacramenta Eucharistiæ: quia utique non alia, ut constat. Opponit contra se, quia tunc essent plura sacramenta quàm septem: nam præter illa communiter numerata, baptismum, confirmationem, & cætera, esset consecratio Eucharistiæ. Respondet quòd in ueritate & simpliciter loquendo, plura sunt sacramenta quàm septem: ut patet de sacramento ordinis, quod sub se continet septem uel octo sacramenta, à seipsis distincta. Sic & species panis, & species uini. Sed illa sacramenta, quæ ad idem ordinantur, licèt in se sint plura, dicuntur tamen aggregatione & ordine ad eundem finem proximum, unum sacramentum. Sic, quia consecratio Eucharistiæ, Eucharistia, & sumptio eius ordinantur ad spiritualem hominis nutritionem, habentur seu numerantur pro uno sacramento. Hæc ille. Ecce præter ipsam Eucharistiam in se, putat ille doctor catholicus esse alia duo sacramenta Eucharistiæ, idest, consecrationem Eucharistiæ, & usum ipsius. De ipsa autem Eucharistia ita dicit expressè, Sicut species panis & species uini non sunt unum per se simpliciter & propriè, ita nec sunt unum sacramenti unitate. Probat primam partem huius dicti, quia nō sunt unum indiuisibile, nec compositum per se unum: sed accideria plura inter se realiter distincta, puta, color, sapor, &c. Probat secundam partem eius, quia species panis sine speciebus uini, sunt sacramentum. Et dicit ulterius, licèt species panis & uini non sint unum sacramentum unitate significati, & contenti per se, & primo modo; sunt tamen unum utroque modo, loquendo de totali significato & contento. Probat primam partem huius conclusionis, quia species panis & species uini habent diuersa, & nō unum significatum & contentum per se & primò. Nam significatum per se & primò specierum panis, est corpus Christi; ut corpus non includit sanguinem, sed ut tantum dicit subiectum animæ immediatum. Et specierum uini, est tantum sanguis; quæ sunt diuersa, & non unum. Probat secundam partem, quia utrarumque specierum panis & uini, est unum significatum

Scotus
lib. 4.
dist. 8.
quæst. 1.
non sic cō-
cedit de usu
uiciorum sa-
cramenta-
lium qd est,
de ipsa con-
secratione,
aut de usu
uel perceptio-
ne sacra-
menti, quòd
sunt sacra-
menta, sed
fatetur esse
quosdā ac-
tus sacra-
mentales in
quibus be-
ne pōt gra-
tia recipi,
si dignè fi-
ant, maxi-
mè tam in
perceptione,
quàm in cō-
secratione.

Idē auct.
lib. 4.
dist. 8.
quæst. 2.
art. 2.
conclus. 1.

Ibidem
conclus. 3.

De Cœna, & Calice Domini

& contentum totale, scilicet corpus Christi: accipiendo corpus, ut includit sanguinem: quia utrobique continetur corpus, & sanguis, Deitas, & anima: non quidem per se & primò, id est, ui consecrationis: sed quædam per se, quædam per concomitantiam. Hæc ille. Ad eandem doctrinam & ueritatem est, quod Gelasius Papa Maiorico & Ioanni Episcopis dixit, Comperimus autem, quòd quidam sumpta tantummodò corporis sacri portione, à calice sacri cruoris abstineant; qui proculdubio (quoniam nescio, qua superstitione docentur adstringi) aut integra sacramenta percipiant, aut ab integris arceantur; quia diuisione unius eiusdemque mysterij, sine grandi sacrilegio non potest peruenire. Ecce illæ plures species panis & uini, sunt sacramenta, quia loquitur Gelasius in plurali, per uerbum, sacramenta: & simul sunt unum mysterium, tum ratione unius Saluatoris nostri, quem continent; tū ratione unius redemptionis, seu unius refectionis, quam significant. Quam ob rem Glossa ibi dicit, Et dicuntur hîc duo sacramenta, & unum propter unum contentum. re uera enim sunt ibi plura sacramenta. nam accidentia panis, sunt tantum sacramentum corporis Christi; & accidentia uini, sunt tantum sacramentum sanguinis Christi. Quia certè sub specie panis est corpus & sanguis Christi, immo totus est Christus: similiter sub specie uini. Non tamen est ibi duplex sumptio corporis & sanguinis Christi, nec superfluit hæc uel illa sumptio. Sicut si comedam in uno prandio & ante potum, & post potum: non tamen dicor bis comedere. Nec superfluè sumitur sub utraque specie, nam species panis, &c. Ita conueniunt omnes catholici tractatores, qui de hac loquuntur materia, seu quæstione. Scotus enim eodem modo de duabus istis speciebus post consecrationem, dicit, quòd continent sua significata, & quòd sunt unum sacramentum unitate integritatis, non unitate indiuisibilitatis: quia sunt duo signa partialia, habentia duo propria signata & proxima.

Species igitur panis & uini simul sumptæ post consecrationem, sunt atque dicuntur unum sacramentum, & sunt atque dicuntur plura sacramenta, propter diuersas ratio-

De consecr.
dist. 2.
c. Comperimus.

Scotus.
lib. 4.
dist. 8.
q. 1. & 2.
Idem dicit
ibi de consecratione,
quia sunt
plures par-
tiales conse-
crations,
& est una
integralis.

nes, considerationes aut respectus. Dicuntur namque unum sacramentum, ab unitate corporis Christi mystici, quam significant & cuius imaginem gerunt: atque ab una refectioe, ad quam ordinantur, quæ integrè constat ex cibo & potu: similiter & ab uno Christo Salvatore nostro, quem ambæ species simul continent, non plus altera quàm altera, nec plus ambæ simul quàm quælibet seorsum. Dicuntur autem & sunt plura sacramenta, propter plures materias, ac plures formas: & propter pluralitatem rerum contentarum ex ui consecrationis: quia ex ui consecrationis, sub specie panis tantum est corpus, & sub specie uini tantum est sanguis: licet per concomitantiam sanguis quidem sit sub specie panis, & corpus sit sub specie uini. Corpus autem & sanguis Christi, duæ res sunt, non una: sicut corpus & anima. Quare sub specie panis ex ui consecrationis est tantum corpus, & non sanguis? Propter duo, Primum, quia uerba consecrationis corporis, quæ super panem proferimus, exprimunt corpus & non exprimunt sanguinem: quia dicimus, Hoc est corpus meum. Secundum, quia transubstantiatio, seu conuersio panis per eandem rationem ex ui consecrationis, fit immediatè ac directè in corpus, & non in sanguinem, ut constat ex ipsis uerbis ipsius consecrationis statim positis. Eodem modo propter easdem duas rationes, sub specie uini ex ui consecrationis est tantum sanguis, & non corpus. Quia uerba consecrationis sanguinis, quæ proferimus super uinum, exprimunt sanguinem & non exprimunt corpus, cum dicamus, Hic est calix sanguinis mei, &c. Vnde transubstantiatio seu conuersio uini, fit immediatè atque directè in sanguinem, & non in corpus. quantum est ex ui consecrationis, quæ attenditur secundum ipsa uerba consecratiua & transubstantiatiua. Quicquid igitur sit de huius sanctissimi sacramenti Eucharistiæ unitate uel integritate, de quibus ea uera sunt, quæ diximus, & dicunt omnes: non potest dubitari quia quælibet species panis aut uini seorsum, post consecrationem sit uerum ac propriè sacramentum Eucharistiæ, utilissimum etiam sumentibus non ponentibus obicem. Quia quælibet habet distinctam materiam, distinctam formam, di-

De Cœna, & Calice Domini

stinctamque rem sacratissimam contentam ex vi consecrationis immediatè ac directè : & Saluator noster ut constat ex sancto Euangelio , prius tempore instituit hoc sacramentum sub specie panis , & prius tẽpore illud Apostolis dedit in cœna & prius tempore Apostoli illud sumpserunt , quàm idẽ Saluator hoc sacramentum instituisset , consecrasset , aut tradidisset sub specie uini . Et quidem sine dubio , utiliter , quia non faceret Saluator noster illam tantam rem sine utilitate . Hinc ego non dubito posse sanctam Ecclesiam ex aliquibus rationibũs , aut causis iustis concedere , ut posset sacerdos sub specie panis consecrare , sumere , ac tradere aliis , non consecrando sub specie uini . Et sic legimus fuisse iam factum , ut constat omnibus . Sicut etiam de Apostolo Paulo in naui quidam credunt , quod ita fecerit .

Nec prætereundum uidetur , quod sicut in hoc sacramento altissimo sunt plures materiæ partiales , plures formæ , ac plura significata propria , immediata & proxima : ordinata tamen ad unum : ita huius sacramenti sunt plures consecrationes partiales , consecratio corporis , consecratio sanguinis . Quæ etiam non sunt una , nisi integritate , uel ordinatione ad unum : alioquin enim , non una sed plures sunt : nec simul , sed alia post aliam , interposito temporis , in quo non est ista , nec illa . Quando nanque est consecratio corporis , adhuc non est consecratio sanguinis : & quando est consecratio sanguinis , iam non est consecratio corporis : quia cõsecratio est prolatio uerborum illorum , quibus fit suo modo corporis aut sanguinis Domini in sacramento positio . Constat autem de ipsis consecrationibus , seu uerborum prolationibus , quod nec sunt idem , nec sunt simul in eodem tempore , nec sunt simul cõtinuatiuè : quia immo aliquod tempus interponitur , inter illas duas . Ergo ubi sunt distinctæ consecrationes , distinctæ formæ , distinctæ materiæ , ac distincta significata , seu contenta immediata & proxima ex vi sacramenti , seu consecrationis aut formæ consecrationis : oportet sint plura sacramenta , quæ non aliàs sint unum , nisi secundum aliquem respectum ex illis , quos memorauimus . Signum est euidentissimum huius sacræ ueritatis , id quod uidemus , sacerdotem postquã

consecrat corpus, etiam antequam consecret sanguinem, ostendere sacramentum Eucharistiæ in specie panis populo adorandum. Iam enim uerum est sacramentum. Aliàs esset idololatria in ipsius adoratione: quæ tamen ibi nõ est. Nec potest ista consuetudo damnari, tum quia est uniuersalis consuetudo Ecclesiæ, nec solum permissa, sed & præcepta, ut constat ex regula libri Missalis: tum quia habet fundamentum in facto Saluatoris nostri: qui prius tempore quàm sanguinem suum consecraret in calice, consecrauit corpus suum in specie panis & illum Apostolis comedendum tradidit & illi comederunt, ut iam supra dictum est, & monstratum. Sacramentum igitur ibi est, & uerum, non falsum. Quod sacramentum? Profectò non aliud, quàm sacramentum Eucharistiæ. Igitur sine dubio, sacramentum Eucharistiæ recipit, qui illud uel sub utraque specie, uel sub altera tantum recipit: præceptum implet, utilitatem magnam acquirit, quantum sufficit: nisi sit sacerdos celebrans, qui aliàs tenetur utranque speciem, quam consecrauit, & obtulit, sumere. De sacerdotibus enim celebrantibus; alia est ratio.

Stultitia autem illa, quæ inter aduersarios dicit, non esse sacramentum Eucharistiæ nec esse Christum in illo, nisi sit in duabus speciebus, indigna est, quæ audiatur, nedum quæ credatur: & pugnat manifestè cum institutione, facto, atque distributione Christi. Vt enim iam monstratum est, prius tempore Saluator noster hoc diuinum sacramentum in specie panis instituit, confecit, consecrauit, suis Apostolis sumendum dedit, & ipsi prius illud sic sumpserunt; quàm ipse Dominus hoc sacramentum in specie uini instituisse, consecrasset, aut confecisset. Porro in illo priori tempore, non dubium, quin Apostoli de manu Domini uerum sacramentum acceperunt, & cum utilitate: quia Saluator noster non faceret illam rem sacram & altissimam inutiliter; illis, quibus illam faciebat; nec credendus est dedisse inutiliter suis Apostolis, suum proprium corpus manducandum sub specie panis. Abiicienda est igitur illa stultitia aduersariorum, tanquam impia & blasphemata contra Christi institutionem, & contra Christi factum. Est qui-

dem sacramentum nouæ legis, puta uidelicet, baptismus, cuius unitas sic fundatur in pluribus rebus sensibilibus, scilicet in ablutione & uerbis formæ baptismi, ut neutrum illorum sit aliquid illius sacramenti sine altero: ut bene atque clarè dicit Augustinus, Accedit uerbum ad elementum, & fit sacramentum. Ibi enim neutrum illorum duorum habet suum significatum, nec efficit quod significat, nisi sit simul utrunque: ideo illa plura concurrunt in fundamento unius sacramenti simpliciter, sic ut neutrum per se sit unum sacramentum, nec sacramentum. Hoc autem diuinum sacramentum Eucharistiæ longè alio modo se habet, quantum ad illa plura, quæ sunt species panis & species uini. Nanque ista duo seu ista plura sensibilia non concurrunt in fundamento unius sacramenti Eucharistiæ simpliciter, nec illa plura fundant ipsam unitatem, aut sunt fundamentum ipsius unitatis simpliciter, sed secundum aliquem respectum, rationem uel ordinem: cuius ratio demonstratiua est, quia quælibet species istarum, continet suum significatum, etiam si sit sine alia, ut constat ex dictis. Vnde unum sacramentum baptismi constans ex illis pluribus, alio modo est unum: & unum sacramentum Eucharistiæ constans ex istis pluribus, alio modo est unum.

Scotus
lib. 4.
dist. 8.
quæst. 1.

Optimè de istis dixit Scotus, De unitate huius sacramenti dico quòd bene possibile esset plura sensibilia concurrere in fundamento unius sacramenti simpliciter, ut suprà dictum est de ablutione & uerbis in fundamento relationis baptismi: sed ibi neutrum illorum est aliquid illius sacramenti sine altero. Hoc autem, & species panis continet suum significatum sine speciebus uini, & è conuerso. Ideo dico, &c. Est ista doctrina Scoti ualde nota; tum quia uera est, tum quia satis declarat istam ueram & catholicam theologiam, de qua agimus.

Igitur sicut istud augustissimum sacramentum Eucharistiæ totum institutum est pro tota Ecclesia, sic toti Ecclesiæ prodest: quia toti prodest Ecclesiæ ut sacramentum; & toti prodest Ecclesiæ ut sacrificium; Vtrunque enim uerè est sacramentum, sacrificium; atque ideo & per modum sacrificij, & per modum sacramenti, habet ualorem, effi-

caciam, utilitatemque. De illo ut est sacramentum, modò agimus, de illo etiam ut est sacrificium, paulò post, Domino fauente, nonnulla dicturi. Pluribus nanque nominibus istud mirabile sacramentum nominatur aliis, & quidem rationabiliter, & secundum ueras rationes ac proprietates, secundum quod optimè collegerunt doctores sancti & catholici. Quandoquidem ut bene notauit S. Thomas, hoc sacramentum dicitur sacrificium, dicitur communio uel synaxis, dicitur uiaticum seu Eucharistia, id est, bona gratia, & dicitur hostia. Sic etiam notauit Durandus hoc diuinum sacramentum propter suam perfectionem nominari in lege noua pluribus nominibus: quia dicitur Hostia, Sacrificium, Eucharistia, Viaticum, & Communio. Ita & tota schola Christiana docet, profectò maxima cum ratione, ut in de Sacrificio Missæ latius & explicabitur, & demonstrabitur: & sic omnes antiqui patres, hæc de isto mirabili sacramento notauerunt: Dionysius Areopagita in de Ecclesiastica Hierarchia, Damascenus, Augustinus, Ambrosius, & alij ubique.

Duo ego hîc adnotarem breuissimè, Alterum quòd effectus huius sacramenti in altera specie, est eiusdem speciei cum effectu eius in utraque: & quòd etiam minima gratia gratum faciens, si detur, est sufficiens ad salutem. Alterum, quòd ex sola institutione alicuius sacramenti non instituti immediatè aut directè contra peccatum, non possumus concludere aliam necessitatem sumendi illud, nisi necessitatem non contemnendi. Istam, sic, aliam, non. Vnde, qui uoluerit probare aliam necessitatem sumendi illud, aliunde illam debet ostendere, non ex sola institutione. Nanque ut bene patres notant in suis libris sententiarum, sacramenta illa instituta sunt, matrimonij, ordinis, confirmationis: sed nemo sapiens ex illorum institutione nititur deducere necessitatem sumptionis eorum, nisi eam saltem, quam diximus. Ità qui bene nouerit effectus mirabiles huius sacramenti in eo, qui alteram speciem sumpserit, non uidebit in laicis aut sacerdotibus seu clericis nõ celebrantibus necessitatem sumendi utranque.

S. Tho.
par. 3.
quest. 73.
art. 4.

Nomina
huius diui
ni sacra
menti.

Durandus
lib. 5.
dist. 8.
quest. 1.

Dionysius.
cap. 3.
Damasc.
lib. 4.

De Coena, & Calice Domini

*Agitur latius de effectibus huius diuini sacramenti, deque eorum
impedimentis.*

CAP. VIII.



Diximus paulò ante summarim de effectibus huius augustissimi sacramenti, breuiter tamen, quia ad alia properabamus, quæ iam diximus: nunc autem, quia res est grauissima, placet adhuc & de illis dicere latius:

Optimè S. Thomas quoad effectus huius sa-

cramenti dixit nonnulla, Primum, quòd per hoc sacramentum confertur gratia. Secundum, quòd effectus huius sacramenti sit adeptio gloriæ. quandoquidem ita legimus, Qui manducat hunc panem, uiuet in æternum. & constat ipsam uitam esse, non nisi per gratiam & gloriam. Tertium, quòd percipientes hoc sacramentum bene dispositi atque contriti, ueniam & remissionem peccatorum consequuntur: & qui est in peccato mortali, cuius conscientiam & affectum non habet, qui insuper forte primò non fuit sufficienter contritus, sed deuotè & reuerenter accedens, consequetur per hoc sacramentum gratiam charitatis, quæ contritionem perficiet, & remissionem peccati. Quartum, quòd cum res siue effectus huius sacramenti sit charitas, non solùm quantum ad habitum, sed etiam quantum ad habitum, qui excitatur in hoc sacramento, utique hoc sacramentum & uenialia delet, & mortalia cauet. Charitas enim minuit concupiscentiam, & actus eius habet seruorem. Quintum, Hoc sacramentum ex ui quidem sacramenti directe habet illum effectum, ad quem est institutum. Non est autem institutum ad satisfaciendum, sed ad spiritualiter nutriendum per unionem ad Christum & ad membra eius, sicut & nutrimentum unitas nutrito. Sed quia hæc unitas fit per charitatem, ex cuius seruore aliquis consequitur remissionem non solùm culpæ, sed etiam pœnæ: inde est quòd ex consequenti per quandam concomitantiam ad principalem effectum, homo consequitur remissionem pœnæ, non quidem totius, sed secundum modum suæ deuotionis, & seruoris. Sextum, quòd

s. Th.

2^a 2.

quæst. 77.

art. 1.

ad 2.

art. 3.

art. 4.

art. 5.

quòd per hoc sacramentum præseruatur homo à peccatis futuris quodammodo. Hic est, ut inquit Dominus, panis de cœlo descendens, ut si quis ex ipso manducauerit, non moriatur. Quod quidem manifestum est, non intelligi de morte corporali. Ergo intelligitur quòd hoc sacramentum præseruet à morte spiritali, quæ est peccatum, siue per peccatum. Cum enim per Eucharistiæ sacramentum, quo Deo coniungimur & passio ipsa Christi significatur, intus animo homines roborentur, & exterius omnis dæmonum depellatur incurfus, eo præseruari homines à futuris criminibus certum est. Sacra Eucharistia ut sacramentum & sacrificium, prodest quidem sumentibus: non sumentibus tamen prodesse potest per modum sacrificij tantum. Ad pleniotem autem intelligentiam prædictorum ita bene dicimus, effectus huius mirabilis sacramenti debet aut potest considerari multis modis. Primò quidem & principaliter ex eo quod in hoc sacramento continetur, quod est Christus. qui sicut in mundum uisibiliter ueniens, contulit mundo uitam gratiæ, secundum illud, Gratia & ueritas per IESUM Christum facta est. ita in hominem sacramentaliter ueniens, uitam gratiæ operatur, secundum illud, Qui manducat me, uiuet propter me. Vnde & Cyrillus dicit, Viuificatiuum Dei uerbum, uniens seipsum propriæ carni, fecit ipsam uiuificatiuam; decebat ergo eum nostris quodammodo uniri corporibus per sacram eius carnem & preciosum eius sanguinem: quæ accipimus in benedictionem uiuificatiuam in pane & uino. Secundò, consideratur ex eo, quod per hoc sacramentum repræsentatur, quod est passio Christi. Et ideo effectû, quæ passio Christi fecit in mundo, hoc sacramentû facit in homine. Vnde super illud, Continuò exiuit sanguis & aqua, dicit Chrysost. Quia hinc suscipiunt principiû sacra mysteria, cum accersis ad tremendum calicē, ut ab ipsa bibiturus Christi cossa, ita accedas. Vnde & ipse Dominus dicit, Hic est sanguis meus, qui pro uobis effundetur in remissionem peccatorum. Tertiò, consideratur effectus huius sacramenti ex modo, quo traditur hoc sacramentum, quod traditur per modum cibi & potus. Et ideò omnem effectum, quem ci-

art. 5.

art. 7.

S. Tho.
ibid.
art. 1.

Ioan. 1.

Ioan. 6.
Cyrillus.Ioan. 19.
Chrysost.

Matth. 26.

De Cœnâ, & Calice Domini

bus & potus materialis facit, quantum ad uitam corporalem, quòd scilicet sustentat, auget, reparat, & delectat: hoc totum facit hoc sacramētum quantum ad uitam spirituale. Vnde Ambrosius dicit in libro de sacramentis,

Ambrosius. Ille panis est uitæ æternæ, qui animæ nostræ substantiam fulcit. Et Chrysostomus dicit super Ioānem, Constat nobis desiderantibus & palpare, & comedere, & amplecti.

Vnde & ipse Dominus dicit, Caro mea uerè est cibus, & sanguis meus uerè est potus. Quartò consideratur effectus huius sacramenti ex speciebus, in quibus traditur hoc sacramentum. Vnde Augustinus ibidem dicit, Dominus

Augst. noster, corpus & sanguinem suum in eis rebus commendauit, quæ ad unum aliquid rediguntur ex multis. Nanque aliud, scilicet panis, ex multis granis in unū constat: aliud, scilicet unum, in unum ex multis acinis confluit. Et ideo ipse alibi dicit super Ioannem, O' sacramentum pietatis, o' signum unitatis, o' uinculum charitatis. Ex istis autem quatuor considerationibus, si quis aduertat, constabit satis efficacia huius sacramenti, atque quos, quot, quales, & quantos effectus habet.

Impedit autem profectò istos mirabiles effectus in suscipiente, quidem omne peccatum mortale, cuius suscipiens habet affectum aliquem habitualem, actualem, uel uirtualem: quia omnis ita suscipiens, iudicium potius sibi manducat & bibit. Sed quid de uenialibus peccatis, aut leuibus, sine quibus mortalis ista uita non ducitur? Quò ad uenialia præterita, aut etiam præsentia alia ab actuali distractione, omnes conueniunt, asserentes quòd minimè impediunt. Sed quid de actuali distractione mentis? Sanctus Thomas in scriptis tenuit augmentum gratiæ impediri ex impedimento actualis conuersionis animæ ad Deum, ac per hoc sentiebat, quòd idem est tempus sumptionis sacramenti, & tempus augmenti gratiæ: quia illud idem constat esse tempus transformationis actualis animæ in Deum. Postea uerò in partibus idem doctor sanctus alio modo sentiens, fatetur quòd distractio actualis mētis, impedit quidem illum effectum huius sacramenti, qui est actualis resectio spiritualis dulcedinis: non autem impedit illum effe-

*S. Tho.
lib. 4.
dist. 12.
quest. 2.
art. 1.*

*S. Tho.
par. 3.
quest. 79.
art. 8.*

ctum, qui est augmentum habitualis gratiæ uel charitatis. Caietanus autem commentator eius in multis locis tenet, aut profectò magis uidetur tenere quòd actualis distractio etiam impedit augmentum charitatis habitualis, saltem pro eo tempore: & de hoc loquitur in multis locis, semper eodem modo sentiens.

Caietanus
ibid.
art. 1. *Q*
que II. 80.
art. 12.
Q 9-34
art. 3.

Respondetur aduersariorum obiectioni ductæ ex facto Christi Seruatoris nostri, nimirum quòd Apostolos communicauit sub utraque specie: quasi ex isto facto, tanquam exemplo debeat Ecclesia communicare sub utraque totum populum Christianum, etiam laicos.

CAP. IX.



Os non obligant ad factum uel opus aliquod; Christi facta, sed Christi præcepta. multi enim ipse fecit, ad quæ non nos obligauit, ut infirmos curare, mortuos suscitare, &c. alia: atq; è contra, ad aliquid ipse nos obligauit, quod ipse non fecit, ut pœnitere.

Minimè nāque ipse pœnituit, quia non habuit unde pœniteret; & tamen præcepit nobis pœnitere, dicens, Pœnitimini & credite Euangelio. Pœnitentiam agite, appropinquauit enim regnum cœlorum. Nisi pœnitentiam habueritis, omnes simul peribitis. Secundò, quia illud factum cõmunions Apostolorum, nullo modo potest esse exemplum ad communionem omnium laicorum: tum quia dum Saluator communicauit Apostolos de calice sub specie uini, iam illos fecerat sacerdotes, dicens, Hoc facite in meam commemorationem. Constat hoc ex ordine literæ, & ita intellexerunt semper grauiores doctores: tum quia certissimum est iam Apostolos esse Apostolos: iam erant de particulari familia & speciali collegio, pro quibus dominus soluit tributũ, & cum quibustantum, non cum aliis, Paschalem agnum comedebat, & iam à multis diebus Apostolos appellauerat, & ministerium piscationis hominum promiserat. Tertiò, quia si hoc factum faceret exemplum, illud magis esset ut Ecclesia nullo modo laicos communicaret, nec sub utraque, nec sub altera specie. Etenim Saluator quando in cœna istud diuinum sacramentum instituit,

Marci 1.
Matth. 4.
Luca 13.

De Cœna, & Calice Domini

non publicè sed in secreto, non in domo communi, sicut est Ecclesia materialis, sed in domo priuata, nec laicos aliquos, sed Apostolos sacerdotes & strictè familiares communicauit: quo tempore, & in qua ciuitate multos alios habebat amicos, discipulos, Christianos. Quartò, quia nec dominus aliis quàm suis discipulis, quos sacerdotes ordinauit, legitur sacramentum sub duplici specie porrexisse. Quinimmo è contra multi doctores sancti fatentur, Saluatorem nostrum apud Emaus illos duos discipulos suos non Apostolos, solum sub specie panis communicasse: ita uerba Euangelij magis explicant, & ita doctores sancti, atque grausissimi docuerunt. Textus Euangelij sic habet, Et factum est, dum recumberet cum eis, accepit panem, & benedixit, ac fregit, & porrigebat illis. Et aperti sunt oculi eorum, & cognouerunt eum, & ipse euauit ex oculis eorum. Constat ex istis quòd Saluator ita egit hîc, sicut in cœna. licet non exprimantur illa uerba, Hoc est corpus meum. & constat quòd nulla sit mentio de calice. Sed magis exprimitur, quòd sumpto corpore in specie panis, statim aperti sunt eorum oculi, & disparuit Dominus. Doctores insuper ita senserunt sancti, & sanctè, Augustinus in de consensu Euangelistarum ait, Non incongruenter accipimus hoc impedimentum in oculis duorum discipulorum à Satana factum fuisse, ne agnosceretur Iesus, & à Christo facta est permissio usque ad sacramentum panis, ut unitate corporis eius participata, remoueri intelligatur impedimentum inimici. Chrysostomus super Matthæum, in opere imperfecto, & Theophylactus super Lucam, idem docent quod Augustinus in loco allegato. Sic etiam iam nunc communiter catholici doctores credunt, & exponunt. Ex facto igitur illo, quo Saluator noster communicauit Apostolos sacerdotes in cœna sub utraque specie, nullo modo potest fieri argumentum probans aut suadens quòd teneatur Ecclesia Christi, omnes & singulos Christi fideles sub utraque specie communicare. Inmo ex hoc facto Saluatoris nostri magis sumitur argumentum, & satis inuicta probatio ad oppositum; uidelicet ut non teneatur. Firmiter memoriæ tenendum est, ut bene notat ac probat Ga-

Luca 24.

August.
lib. 3.
cap. 15.
tom.

Chrysost.
homil. 17.

Theophyl.
Luca 24.

briel Biel super Canonem de hac materia loquens, Factum Christi non semper inducere obligationem. Multa enim ipse fecit, in quibus nos non tenemur ipsum imitari, ut constat cunctis intuentibus. Omnia autem mandata eius nos obligant. Sed nos nunc querimus mandatum ipsius de communione laicorum sub utraque specie, & non inuenimus: non inuenimus uerò, quia non est; si foret, inueniretur.

Gabriel
lect. 84.

Refellitur eliditurque alia aduersariorum obiectio ducta ex consuetudine per uetusta Ecclesia primitiua: obiciturque contra illam per uetusta altera consuetudo communicandi sub altera tantum specie, in eadē primitiua Ecclesia usurpata. C A P. X.



D aliud obiectum, quo nobis obiiciunt, quod consuetudo antiquissima Ecclesie, quam seruauit Ecclesia primitiua Corinthiorum, & secundum quam instituit Apostolus Paulus Corinthios ut bene communicarent, communicabat omnes sub utraque specie, etiam laicos: quasi ideo non liceat Ecclesie Christi contra illam consuetudinem agere, aut laicos a communione sub utraque specie remouere: tanquam illa consuetudo sit, aut declaret esse preceptum diuinum de laicorum communione seruanda sub utraque specie. respondemus per duas conclusiones, alteram affirmatiuam, alteram negatiuam. Affirmatiua est, Illa consuetudo quoad non habuit inconueniens, nec fuit interdicta per aliquem habentem auctoritatem interdicens, fuit bona, iusta, sancta, laudabilis. Negatiua est, Illa consuetudo non dicit per se, nec per accidens de ea re esse aliquod preceptum diuinum: nec aliquo modo probatur esse preceptum diuinum de illa, ex illa, aut ex aliquo, quod Apostolus dixerit circa illam, uel alibi. Affirmatiuam conclusionem probamus per seipsam, quia cum illa consuetudo fuisset de re iusta, sancta & bona, ut constat, sequitur eam talem esse, quoad nec interdicta fuit, nec aliquod inconueniens habuit. Probamus autem negatiuam, nonnullis rationibus & manifestis, & sufficien-

De Cœna, & Calice Domini

*Ratio 1.
ad præpo-
situm.*

1. Cor. 11.

Ratio 2.

Actu. 2.

tibus. Primum quia nullibi legimus, nec ex aliquo habemus, quod ipsa consuetudo dicat de seipsa, nec Paulus de illa, quod illa consuetudo est de iure diuino præcipiente ita fieri. Seruauit enim illa consuetudo factum, sed non dixit illud esse diuinum præceptum: sicut multa alia reperimus à temporibus Apostolorum seruata, quæ dicimus quidem bona, iusta, & sancta, sed non à Deo præcepta. Apostolus etiam nihil aliud facit de hac re, nisi quod narrat Corinthiis quemadmodum sub duplici specie Christus hoc sacramentum instituit, dicēs, Ego enim accepi à domino quod & tradidi uobis, quoniam dominus Iesus in qua nocte trahebatur, accepit panem & gratias agens, &c. Et post, Similiter & calicem postquam cœnauit, dicens, &c. Deinde quia usus, seu consuetudo aut mos fuerat Corinthiis sub duplici specie communicare, quem ritum, quantum legimus, ipse non introduxit sed permisit, cum in nullo esset ea consuetudo contraria Euangelio; ipsos exhortatus est, ut communicarent in memoriam dominicæ passionis, & ut quilibet communicaturus probaret seipsum prius, dicens, Quotiescunque manducabitis panem hunc & calicem bibetis, mortem domini annuntiabitis, donec ueniat. Probet autem seipsum homo, & sic de pane illo edat, & de calice bibat. Vnde ibi nihil aliud facit, nisi quod factum narrat, quo Dominus istud sacramentum sub utraque specie constituit: & ipsos Corinthios sub utraque specie communicantes docet, quo modo communicare debeant. Aut ostendat aliquis, ubi dicat Apostolus communicandos fore laicos sub utraq; specie, de iure diuino. Secundò, quia & nos similiter habemus consuetudinem antiquissimam seruata semper etiam in primitiua Ecclesia, Hierosolymis, temporibus Apostolorum, Petri, Iacobi, Ioannis, & aliorum, communicandi populum sub altera specie tantum. Sic enim legimus in Actibus Apostolorum, Qui ergo receperunt sermonem eius, baptizati sunt, & appositæ sunt in die illa animæ circiter tria millia. Erant autem perseuerantes in doctrina Apostolorum, & communicatione, & fractione panis, & orationibus. Ecce ibi legimus de omnibus credentibus, qui erant Hierosolymis illis primis die-

ibus cum Apostolis, quod perseverabant in doctrina Apostolorum, in communicatione, & in fractione panis. Quo loco expositores catholici, etiam antiquissimi, per communicationem aut fractionem panis, intelligunt communionem sacram; & nulla prorsus mentio ibi habetur de communicatione, fractione, aut diuisione uini, sed tantum panis. Nāque ubi dicitur, in fractione panis. Glossa, ut exponit Magister in scholastica historia, dicit, id est, Eucharistiæ. Ita & doctores sancti antiquissimi de sacramento Eucharistiæ sub sola specie panis loquuntur, nihil tunc dicentes de specie uini. Cyprianus in expositione orationis dominicæ, illud uerbum, Panem nostrum supersubstantialem, interpretatur corpus domini. Sanctus Ignatius, qui fuit Apostolorum temporibus, & Augustinus ad Honoratum, solum de corporis communione loquuntur. Ambrosius in libro de sacramentis, potissimè agit de corporis communione. Idem in concilio Nicæno. Et ueterum conciliorum canones frequenter meminerunt communionis laicæ. Sic & beatus Cyprianus scribit ad Antonianum Trophimum Episcopum, receptum esse, sed ut tanquā laicus communicet, & non usurpet locum sacerdotis: licet in isto loco bene possit intelligi, fuisse illi Episcopo interdictam consecrationem. Ut etiam scribit Hieronymus, Dominus apparuit Iacobo, qui dicitur frater domini, & tulit panem, benedixit, ac fregit, dedit illi, & dixit ei, Frater, mi, comede panem tuum, quia resurrexit Filius hominis. Antiquissima est insuper consuetudo, quod infirmis sub altera tantum specie sacramentum hoc fuerit ministratum, regulariter sub specie panis, & quando per oris siccitatem speciem panis deglutire non poterant infirmi, sub sola uini specie sanguis ministrabatur: Eusebius narrat de Serapione, quod per puerum sacerdos aliquid miserat Eucharistiæ, quod ori eius infundebatur. Refert etiam ex epistola beati Dionysij Alexandrini, quod presbyter, qui ob infirmitatem uenire non poterat, parū Eucharistiæ puero, qui ad se uenerat, dedit, quod infusum iussit seni præberi. Iudicabāt enim illi patres, neminē sine sua culpa fraudandū esse sacra Eucharistia: & sic, si per infirmitatē corpus do-

Gloss.

Cyprian.
Ignatius.
In epist. ad
Ephes.
August.
Epist. 180.

Ambro.

Sardi c. 1.
Agat. c. 50

Cyprian.
lib. 4.
epist. 2.

In concilio
Tolmano 2
Lib 6 hist.
ecclesiast.
cap. 34.

De Cœna, & Calice Domini

Gregorius
lib. 3.
cap. 3.

De consecr.
dist. 2.
c. Peruenit,
c. Presbyter.

ubi supra.
Homil. 17.

Gabriel
lect. 24.
littera N.

August.
De consecr.
dist. 2.
c. Si per negligentia.

mini sumere non poterant, ministrabāt sanguinem Domini sub specie uini, in hoc utētes libertate Ecclesiæ relicta, & sibi concessa potestate, in his, de quibus nihil disposuit Dominus. Gregorius refert in dialogis Agapitum Papam communicasse quendam mutum & claudum de corpore Domini, nulla facta mentione de Calice. In concilio Renen. uetitum est, ne laici deferant corpus Christi ad infirmos, & in concilio Vuormacien. præcipitur omnibus parochis, ut semper in promptu habeant corpus Christi pro infirmis. Ambrosius testatur de Satyro fratre suo, qui corpus Domini secum in nauī habuit: de quo non est credendum, quòd sit secum in nauī portaret sanguinem sub specie uini. Chrysostomus, uel auctor operis imperfecti, credit Paulum nauigantem consecrassē & de manu sua Lucæ & aliis discipulis sacramentum hoc in specie panis tradidisse. Leo primus, ad extinguendum errorem Manichæorum, præcepit, ut omnes sub utraque specie communicarent: ex quo constat, consuetudinem tunc fuisse laicis sub altera tantum specie communicari: Aliàs, ut quid communicationem sub utraque de nouo præciperet. Gabriel Biel super Canonem de hac consuetudine communicandi laicos sub altera tantum specie, dicit uerè & constanter. Neque usus ille sub una specie communicandi nouus est, sed antiquus; & tanti temporis, quòd ipsius initium neque est in memoriis hominum, neque in scriptis doctorum, nec in annalibus scribentium reperitur. Pius decimus fuit Papa post beatum Petrum, ut refert Augustinus in epistola ad Generosum. is prouidit de faciendis, si per negligentiam sacerdotis aliquid sanguinis super terram stillasset, & nihil disposuit, si id per negligentiam laici fieret; satis indicans, non esse tunc consuetudinem Romanæ Ecclesiæ communicare laicos de Calice. Alioquin non neglexisset prouidere in culpa laicorum, sicut non neglexit prouidere in culpa aut negligentia sacerdotum: præsertim cum illa stillatio frequenter posset uenire ex laicis, & fortè frequētius quàm ex sacerdotibus. Rursus si populus olini fuisset apud nos communicandus etiam sub specie uini, necesse erat ad hoc parari uasa magna, & quæ sufficerent ad tantam populi multi-

multitudinem communicandam. Quomodo igitur de his uasis consecrandis, lauandis, tangendisque, nihil statuisse Ecclesia; quæ tam sollicitè de altari, pallis, uestibus, uestibus sacerdotalibus, & calice ordinauit? Signum manifestum, quòd illo tempore non communicabat populus sub utraque specie. Sic S. Thomas dicit, Est multarum Ecclesiarum usus, in quibus populo communicanti datur corpus Christi sumendum, non autem sanguis, id est, sub specie panis, non sub specie uini. Alexander de Ales qui nō nullos annos, fere triginta, ut quidam uolunt, ante sanctum Thomam scripsit, in laudem & probationem consuetudinis communicandi non sacerdotes sub altera specie tantum, narrat factum miraculosum & memorandum, dicēs, Quibusdā religiosis petentibus & instantibus, ut sub utraque specie sumerent sacramentum, sacerdote quodam pio cantante, cum faceret hostiæ fractionem, concuum patenæ totum uisum est repleti sanguine. Ad quod obstupuerunt ipsi circumstantes: sed cum coniungeret partes hostiæ, totum uisum est reintrare. Et sic petitioni & tentationi illorum fuit penitus satisfactum. Hæc ille. Ecce iam tunc multis annis ante concilium Constantien. consuetudo fuit communicandi non celebrantes sub altera specie. Illam consuetudinem probauit Dominus facto illo miraculo: & petentes communicari sub utraque, stante illa consuetudine, uocat Alexander tentatos. Augustinus etiam in suis confessionibus narrat de sancta Monica matre sua, quòd cum in diē Pentecostes esset resecta refectione illius panis, qui de cælo descendit, post sumptionem sacramenti, tanta satietate repleta fuit, quod per diem & noctē absque omni corporali cibo perseverauit. Ecce quantū uerba ostendunt, solum uidetur meminisse, de sumptione Christi sub altera specie. In eodem loco narrat, etiam eandem Christi ancillā accepisse sacramenta in diē S. Cypriani; & iterum quòd cū apud hostia Tyberina infirmaretur, sacramenta fideliter petiuit; quasi mentionē faciat de duabus speciebus, in eo quod bis dicit, Sacramenta. Significant autē ista uerba August. utrunque modum communicandi eo tempore fuisse in usu: uel sub utraque, uel sub altera specie.

S. Tho.
par. 3.
questi. 80.
art. 12.
Alexand.
de Ales.
par. 4.
questi. 53.

August.
lib. 9.

et

et

Ecce ipsi aduersarij opponunt nobis consuetudinem antiquam communicandi omnes fideles sub utraque specie, in primitiua Ecclesia obseruatam apud Ecclesiam Corinthiorum, & à Paulo Apostolo cognitam, permissam, atq; laudatam. Nos autem opponimus illis aduersariis consuetudinem etiam antiquam communicandi omnes fideles sub altera specie tantum, in primitiua Ecclesia etiam obseruatam apud Ecclesiam Hierosolymitanorum, ab Apostolis Petro, Iacobo, Ioanne, & aliis cognitam, permissam, laudatamque. Quid ergo hic dicere quisquam potest? Quidem, quantum arbitror, & firmissimè credo, nos magis piè, magis Christianè, uerius & rationabilius loquimur, qui in iure diuino stando, & secundum ius diuinum iudicando, in illo iure dicimus nullam istarum consuetudinum esse damnatam aut prohibitam: sed potius in illo iure diuino ambas esse concessas, licitas, sanctas, pias, bonas, iustas: nisi aliunde fortè quid accadat, quo aliqua illarum fiat mala, seu non licita. Nos nullam in iure diuino dicimus damnatam, quia nullam in iure diuino legimus prohibitam. Ipsi nostri aduersarij in diuino iure damnant nostram, sed non ostendunt illud diuinum ius. Iudicet igitur totus mundus, quis rationabilius loquatur: aduersarij nostri, uel nos. Et si attendimus, nostra consuetudo est antiquior quàm ipsorum, quia de illa non legimus nisi in Ecclesia Corinthiorum, quam conuertit Apostolus Paulus: de nostra autem legimus in Ecclesia Hierosolymitanorum, quam conuerterunt Christus, & alij Apostoli eius, etiam ante Apostoli Pauli conuersionem. Etenim de fidelibus, qui erant Hierosolymis, narrat Lucas in secundo capite, quòd erant perseuerantes in doctrina Apostolorum, & cōmunicatione, & fractione panis, & orationibus: de conuersione autem Apostoli Pauli, multis interpositis, narrat Lucas postea in capite nono. Nostra igitur consuetudo est antiquior. Et rursus nemo non uidet, quanto maioris excellentiæ, dignitatis, & præminentiæ fuit illo tempore Ecclesia Hierosolymitana, supra Ecclesiam Corinthiam. Dicit ergo scriptura sancta de illis primis Christianis, Erāt autem perseuerantes in doctrina Apostolorum, & com-

Act. 2.

Act. 9.

Act. 1.

municatione fractionis panis, & orationibus. annumerans atque explicans de illis ea spiritalia, in quibus frequentes erant. Quo loco nostra consuetudo expresse ostenditur, narratur, probatur, & commendatur: quia ibi agitur de illis spiritalibus, doctrina Apostolorum & orationibus, atque in medio ponitur, & communicatione & fractione panis. Vnde ibi dicit Nicolaus Lyranus tum quia quotidie communicabant, tum quia communes cibos sicut & cetera communia habebant. Idem & Glossa interlinearis: atque idem ibi, & Chrysostomus antiquissimus. Sic & multi alij doctores catholici tradunt, tum antiqui, tum posteriores. Cum uidisset Philippus Melancthon nostram hanc demonstrationem, & probatissimam antiquitatem, uolens illam declinare, & nesciens quò fugeret, dixit non respondens, sed respondere fingens, Primum fingunt initio Ecclesiæ alibi morem fuisse, ut una pars tantum porrigeretur, nec tamen exemplum huius rei uetus ullum adferre possunt, sed allegant locos in quibus fit mentio panis, ut apud Lucam, ubi scriptum est, quòd discipuli agnouerint Christum in fractione panis: citant & alios locos de fractione panis. Quamquam autem non ualde repugnamus, quo minus aliqui de sacramento accipiantur, tamen hoc non consequitur, unam partem tantum datam esse, quia partis appellatione reliquum significatur communi consuetudine sermonis. Hæc ille. Ecce non est ausus alio modo declinare manifestam ueritatem nostræ antiquissimæ consuetudinis, nisi illo, quò asserit in illis locis dum de fractione panis est sermo, debere intelligi etiam de specie uini: quasi nomine partis, sit ibi explicatum totum, ut solet fieri. Ad illam autem eius fugam nos dicimus multipliciter, Primum, in re tanta non sic licet ad figmenta, aut fictiones fugere: quanuis in rebus minoris momenti posset facile uel illa fuga, uel alia etiam minima admitti. Secundò quia Lucas Euangelista non erat breuis sermonis, ut Marcus; sed abundantioris, ac longioris; ut de illo fatentur omnes, sicut & de Apostolo Paulo respectu Apostoli Petri. Tertiò, quia sicut dicimus in Ecclesia Corinthiorum communicari tunc in utraque specie, quia de utraque reperimus in scriptura

Nicolaus
Lyrans.
Gloss.
interlin.
Chrysost.

In apologia
confessionis
Augustina

De Cœna, & Calice Domini

sancta factam mentionem: sic dicimus in Ecclesia Hierosolymitanorum communicari tunc in altera tantum, quia de altera tantum loquitur scriptura sancta. Maxime quia in ea re grauissima, firmissime credimus, & nullo modo dubitamus, quod si illi primi fideles eo tempore, & eo loco, in utraque specie communicarent, Lucas Euangelista minime de alia specie tacuisset. Cōscribebat enim historiam, & non dubium quin ad nostram instructionem & doctrinā.

Quæcunque enim scripta sunt, ad nostram doctrinam scripta sunt: ut per patientiam & consolationem scripturarum, spem habeamus. Eratque Lucas Euangelista sermone affluens, ut ex suis sacris scriptis, constat omnibus. Quia igitur Ecclesia Corinthiorum eo tempore communicabat in utraque specie, fecit Apostolus ibi mentionem utriusque: ita quia Ecclesia Hierosolymitanorum eo tempore communicabat in altera tantum, fecit Lucas ibi mentionem tantum alterius. Nec licet ita declinare pro libito, ut pars accipiat pro toto: quia in re tam graui, si ita esset, Euangelista illud declarasset. Maxime non licet illo modo declinare: quia illa pars, id est, sacramentum Eucharistiæ sub specie panis, est utique uerum sacramentum Eucharistiæ, habens propriam materiam, propriam formam, propriam consecrationem, proprium significatum immediatum ex ui consecrationis, continet totum Christum, & habet magnam utilitatem spiritualement, ut satis monstratum est.

Leginus ergo fuisse ab initio nascentis Ecclesiæ consuetudinem in aliquibus Ecclesiis communicandi laicos in utraque specie, ut declarat Apostolus de Ecclesia Corinthiorum, & ut declarat Dionysius fuisse in sua Ecclesia, in de Ecclesiastica Hierarchia, & ut dicit Cyrillus Episcopus Hierosolymorum uel insinuat fuisse consuetudinem illius Ecclesiæ, suo tempore, multos annos post Apostolos: ut etiam declarat Cyprianus de sua Ecclesia, & sic de aliis, pro diuersitate temporum, & locorum. Nullum tamē uidi doctorem catholicum unquam, qui diceret ipsam esse aut fuisse aliquando consuetudinem uniuersalem seu generalē in tota Ecclesia Dei. Vidi autem doctorem catholicum, & ut ita dicam, satis studiosum ac doctum, qui putat Ec-

1. Cor. 10.

& 11.

Dionysius.

cap. 7.

Cyrillus.

in fine sui

tract.

clesiam sanctam Romanam, Catholicam & Apostolicam,
 nunquam talem consuetudinem uniuersalem habuisse: an-
 te Leonem Papam, qui ad extirpandum errorem Mani-
 chæorum præcepit ut omnes in altera specie communica-
 rent. Ille doctor est Gabriel Biel, qui ita docet super ca-
 nonem Mislæ, ut paulò ante posuimus ex eodem. Laudat
 ibi plurimum istum modum seu ritum communicandi lai-
 cos in altera specie tantum, adducit etiam doctores, qui
 idem laudant: & dicit, Assignant autem doctores, Ale-
 xander de Ales, S. Thomas, Bonauentura, & post eos
 Cancell. Parisien. Gerson in tractatu suo, quem de hac ma-
 teria in concilio Constantiensi scripsit, causas quàm plu-
 rimas, cur sancta Ecclesia catholica, hunc ritum introdu-
 xit, & laudabiliter cõtinuat, & continuabit? Vna est, ut eu-
 tetur periculum distillationis, & effusionis sanguinis Chri-
 sti: qui non nisi cum maxima cautela & prouidentia est
 tractandus propter fluxibilitatem specierum uini, sub qui-
 bus continetur, quæ de facili possunt effundi. Præsertim
 in tanta pressura; & multitudine communicantium; cum
 ad communicandum persæpe conueniunt homines tremu-
 li, barbati, infirmi, paruuli: qui satis prouidè sanguinem
 sumere non possunt, quin de facili peccata & pericula gra-
 uia sequerentur. Quantum autem peccatum & quàm gra-
 ue sit stillatio, uel effusio sanguinis Christi, satis declarat
 pœnitentia sacerdoti iniungenda, per cuius negligentiam
 gutta sanguinis cadit in terram, uel in pallam altaris. Iux-
 ta decretum Pij Papæ, quod ponitur De consecratione.
 Vbi præcipitur quòd cum de sanguine aliquid stillauerit
 per negligentiam sacerdotis super terram, lingua lambe-
 tur, tabula radetur, & rasura igne consumetur, &c. & sa-
 cerdos quadraginta dies pœniteat, tot diebus ieiunando,
 & à celebratione abstinendo, ut dicit Glossa. Si ergo, tali
 negligentia accidente, terra debet lambi, radi, & post ra-
 suram in ignem proiici, & comburi, &c. Nunquid pepla
 mulierum, & barbæ uirorum Christi sanguine madida,
 ignibus ueniunt tradendæ? Pœnitentiam denique taleni
 laici non sine grauamine, murinure, & contradictione su-
 sciperent, & ferrent. Rationabiliter igitur & cautè ordi-

Gabriel
 lect. 84.
 littera O.

dist. 2.
 c. si per ne-
 gligentiam.

De Cœna, & Calice Domini

nauit Ecclesia, communionem sub speciebus panis tantum percipi debere quoad laicos; & ut irreuerentia & periculum euitetur, & populus tam graui pœnitentiæ non exponeretur. Maxime cum omnem fructum interiorem consequantur ex sumptione corporis & sanguinis sub una specie, sicut sub duabus. Ex ista etiam constitutione Pij Papæ uehementer coniecturari potest, quod consuetudo communicandi sub una specie, est uetustissima, & ab antiquo in Ecclesia obseruata. Nam Pius decimus fuit Papa post beatum Petrum, ut refert beatus Augustinus in epistola ad Geronosum. Et sedit in cathedra Petri, circa annum centesimum quinquagesimum tertium. Quod si suo tempore fuisset consuetudo communicandi populum laicalem sub utraque specie, ut uerisimiliter, prouidisset de effusione sanguinis, quæ contingere posset in comunione laicorum: sicut fecit de Ecclesiæ ministris: cum minus prouidi sint laici in sumptione, quàm Ecclesiæ ministri. Hæc ille. Infra, Item quæritur, In quo uase fieret tanti uini consecratio, quod sufficeret pro decem aut uiginti millibus personarum? Quomodo de his uasis consecrandis, lauandis, tangendis, nihil statuisset Ecclesia; quæ tam sollicitè de altari, pallis, uestibus sacerdotalibus, calice, &c. ordinauit?

August.

Disiicitur alia obiectio ab aduersariis ex auctoritate sanctorum patrum constructa, quia scilicet ipsi communionis sub uini specie meminere.

CAP. XI.



D aliud obiectum, quo nobis obiiciunt sanctos Patres etiam de communionem sub specie uini fuisse loquutos, referentes Cyprianum, Ambrosium, Hieronymum, Gelasium Papam, & Synodum Toletanam, Respondemus, Nec hoc probat communicationem sub utraq; specie esse præceptam diuino iure quoad omnes Christi fideles, etiam laicos. Illi enim sancti patres, & multi alij, quos omnes nos ex toto corde accipimus & amplectimur, & si loquantur de communionem sub utraque specie, prout illa tunc apud multos erat in consuetudine, nullo

ramen modo in aliquo loco dicunt eam esse de iure diuino. Sciebant eam de se esse bonam, & in iure diuino licitam: atque non uidebant eam tunc aliquo iure humano esse prohibitam, aut interdictam. Neque ullo modo dubito, quin si ipsi patres uidissent aliquando de ea re in concilio uniuersali tractari, & communionem sub altera specie quoad laicos probari & præcipi, consentirent & laudarent. Ita credidit Augustinus in simili de beato Cypriano. Putauit enim Cyprianus quòd baptizati inter hæreticos erant iterum baptizandi apud Christianos: putauit, & determinauit: atque Donatus ex illa determinatione non paruam uexationem postea inferebat nostris fidelibus, allegans illam determinationem Cypriani. Augustinus autem in de unico baptismo contra Donatistas adducit concilium uniuersale habitum post gloriosum martyrium Cypriani, in quo determinatum est oppositum, pro unico baptismo: asseritque, non dubitans, quòd si Diuus Cyprianus illam determinationem plenarij concilij uidisset, illi profectò se ac suam sententiam conformasset. Ita in proposito dicimus. Itaque illi sancti Patres de communione laicorum sub utraq; specie loquuntur, sed nusquam & nunquam dicunt illam esse de iure diuino præceptam, quanquam ea sit in iure diuino licita: ideò sententia illorum nihil facit contra nos, qui non negamus eam in iure diuino licitam, sed dicimus eam non esse in diuino iure præceptam. De hoc autem nihil illi patres dixerunt. Secundo, quia sicut illi patres locuti sunt de communione sub utraque specie, tanquam illam probantes; sic & quidam alij sancti patres locuti sunt de communione laicorum sub altera specie, probantes etiam illam, ut constat ex dictis ad nostram consuetudinem. Sententia autem doctorum satis non probat nisi quando determinant conformiter. Nec nos doctores illos sanctos ponimus in oppositione, sed ostendimus illos differenter locutos, quia agebant secundum uarias consuetudines, quarum utraque erat in diuino iure licita, & in usu fidelium: in locis diuersis, uel fortè etiam in eodem loco. Vnde & nos etiam in hoc magis piè loquimur, quia sanctos patres & à mendacio, & ab oppositione saluamus: ut mites simul simus, tum

De Cœna, & Calice Domini

quoad ipsas consuetudines, tum quoad ipsos sanctos & doctores. Tertiò, quia doctores catholici, noti, & probati, qui de hac re ex proposito locuti sunt, quærentes, an liceat in iure diuino laicos communicare sub altera specie? an sint de iure diuino laici communicandi sub utraque? omnes dixerunt non esse de iure diuino communionem laicorum sub utraque, sed licitam esse illis de iure diuino communionem sub altera. Alexander de Ales, sanctus Thomas, sanctus Bonaventura, Ioannes Gerson, Gabriel Biel, schola theologica Parisien. schola theologica Louaniensis, tota schola Christiana simul, ut iam ex dictis est notum.

Ambros.

Verbum Ambrosij ad Imperatorem, specialiter nihil probat contra nos, tum propter rationes statim dictas in generali: tum, quia potuit illo tempore talis esse consuetudo Imperatoris propter eius dignitatem, ut communicantibus aliis laicis sub altera specie, ipse ex consuetudine communicaret sub utraque. Sic enim hodie Imperator habet multa priuilegia, quæ non sunt aliis laicis communia: sic etiam & nunc Christianissimi reges Francorum bis communicant sub utraq; specie: uidelicet in die unctionis, & dum iam iam sunt in extremis. Præsertim quia idem Ambrosius in libro de Sacramentis, potissimum agit de corporis dominici communionem: & de Satyro fratre suo testatur, quod corpus Domini secum in nauis habuit, quæ passa est naufragium. An est uerissimile, quod & ille secum in nauis sanguinem Domini sub specie uini liquidi, & fluidi detulerit? Videant omnes. Simili modo non facit contra nos, illud capitulum, Comperimus. quod aduersarij allegant. Primum, quia ille Canon, secundum Glossam, & doctores communiter, solos sacerdotes respicit. Quod & constat ex rubrica, quæ præmittitur, quæ est hæc, Corpus Christi sine eius sanguine non debet sacerdos accipere. Est autem communis usus doctorum, ut Canones secundum rubricas intelligamus. Secundò, quia Pelagius, auctor eius canonis, non multo tempore fuit post Leonem, qui in detestationem erroris Manichæorum uoluit & præcepit, omnes communicare sub utraque specie: & idè fortè propter easdem rationes adhuc tunc uigentes, illum canonem edidit.

*De consecr.
dist. 2.*

dit . Cyprianus fuit temporibus Martyrum , unde & ipse gloriosus Christi Martyr , ipsius Christi dono martyr effectus est : rursus & illis temporibus erant prope Cyprianum ara , siue altaria Gentilium , ubi immolationes sacrificiaq; fiebant dæmoniis , ex quibus immolatis sumebat populus Gentilis , edebat , & suis filiis etiam paruulis tradebat . Inde motus Cyprianus , ut homines ad martyrium magis excitaret pro Christo , sanguinem Christi quasi pro eis fustum & à corpore separatū , sub distincta specie uini porrigebat : non tanquam sanguis ibi esset à corpore separatus , sed quia illa species expressius repræsentat sanguinem effusum , liquidum , ac fluidum . Simili modo & paruulos fidelium de nostro sacrificio cōmunicabat , quia sacerdotes Gentilium etiam suos paruulos communicabant de suis sacrificiis . quod , si non fieret apud nos , fortè conuersionem Gentiliū uel impediret , uel aliquo modo retardaret . Aegrè enim ferrent conuersi , uel conuertendi ad fidem , quòd paruuli sui non communicarent de nostro sacrificio , sicut paruuli Gentilium communicabant de suis . Huic infirmitati subueniebat Cyprianus , comunicando paruulos : putans tamen se se id licitè posse facere , idq; sibi licere . Eodem modo nec dictum Chrysostomi facit contra , tum , quia ipse alibi loquitur de communione sub altera specie , ut est iam dictum : tum , quia stando in iure diuino , omnibus licet de utraque communicare . Neq; ius diuinum noui testamenti prohibet alicui fideli communicare aut sumere de toto nostro sacrificio , cum tamen ius diuinum ueteris testamenti , prohibuisset laicis , edere de multis oblatis . Hoc notauit Chrysostomus , sicut erat ualde notandum .

*Alia aduersariorum obiectio , ex Pauli Apostoli uerbis ducta ,
prostermitur .*

CAP. XII.



D aliud obiectum , quo nobis obiiciunt ex illo uerbo Apostoli , Vnus panis & unum corpus multi sumus , omnes , qui de uno pane , & de uno calice participamus : quasi nos non comunicando laicos de calice , faciamus

De Cæna, & Calice Domini

Responsio.

illos extra corpus, Respondemus, Dum communicamus laicos sub altera specie tantum, minimè eos extra corpus facimus: sed si fas est dicere, magis eos in uno corpore Christi mystico uisibili constituimus. Ita enim perfectè quis incorporatur corpori Christi mystico sumendo sub altera specie corpus Christi proprium, sicut qui illud sumit sub utraque: tum quia tantum sumit de Christo, tum quia sumit gratiam necessariam sacramenti. Ut de his omnibus dictum est satis.

Ad arti. 4.

Deinde quia Apostolus in eo loco nihil aliud fecit, iuxta consuetudinem illam, quam habebant Corinthij communicandi sub utraque specie, in quo ritu omnes illi unum erant, unum corpus mysticum, & unus panis mysticus, nisi quòd formauit doctrinam, qua eos uoluit à communicatione dæmoniorum & mensa eorum separare. Sic namque formauit argumentum, Qui edunt hostias, participes sunt altaris: & in eo unum sunt, in quo participant: & socij illius sunt, de cuius mensa & calice bibunt. Unus panis & unum corpus multi sumus; omnes, qui de uno pane, & de uno calice participamus. Calix benedictionis, cui benedicimus, nonne communicatio sanguinis Christi est? & panis, quem frangimus, nonne participatio corporis Domini est? Tunc posuit doctrinam per conclusionem. Nolo autem uos socios fieri dæmoniorum. Non potestis calicem domini bibere, & calicem dæmoniorum: non potestis mensam domini participes esse, & mensam dæmoniorum. Qui edunt hostias, participes sunt altaris. Hæc ille. Quibus nihil aliud fecit, nisi quòd suam doctrinam, in consuetudine Corinthiorum aduersus suos malos mores declinandi ad aras idolorum, fundauit. Idem facturus omnino, si ipsi Corinthij de mensa domini solam speciem panis communicarent. Sic enim tunc eis diceret, Panis, quem frangimus, nonne participatio corporis domini est? Quoniam unus panis, & unum corpus multi sumus; omnes qui de uno pane participamus. Videte Israël secundum carnem, Nonne, qui edunt hostias, participes sunt altaris? Quid ergo? dico quòd idolis immolatum, sit aliquid? aut quòd idolum sit aliquid? Sed quòd quæ immolant gentes, dæmoniis immolant, & non Deo. Nolo autem uos

socios fieri dæmoniorum. Nō potestis mensæ domini participes esse, & mensæ dæmoniorum. Ita profectò ille Apostolus domini illis Corinthiis diceret eo casu, nihil loquens de calice; & eadem sine dubio esset doctrina, ut constat omnibus. Tertiò, quia & si laici non participant de calice ad bibendum, seu ad illum usum potationis in particulari; participant de illo quo ad alia, quia participant de toto sacrificio, quod totum offert sacerdos in persona Domini pro toto populo Christiano: pro uiuis etiam, & defunctis.

Quartò, quia si illi multi sunt unum, qui conueniunt in multis signis sensibilibus, & in illis aut de illis participant: multo magis illi multi sunt unum, qui in uno signo sensibili conueniunt, & in illo participant. Et quidem quantum ad incorporationem spiritalem attinet, qua omnes iusti unum corpus uiuum sunt in Christo, & membra eius uiua in ipso: hanc facit sufficienter hoc sacramentum, etiam si sub specie panis tantum sumatur, ut constat ex dictis. Paruuli autem baptizati de isto corpore sunt, etiam si neutram speciem sacramenti in re suscipiant.

Refellitur aboleturque obiectio, qua ex Petri Apostoli uerbis proceditur.

CAP. XIII.



AD aliud obiectum, quo nobis obiiciunt ex illo uerbo Apostoli Petri, Vos autem genus electum, regale sacerdotium, gens sancta, populus acquisitionis. quasi ex hoc omnes sint sacerdotes, quotquot sunt Christiani. Respondemus, Apostolus Petrus in eo loco id facit maximè, quòd ostendit ea uerba iam nunc populo Christiano conuenire: quæ olim populo Israëlítico conueniebant, ut constat. Ita enim olim illi populo dicebat Deus, Si ergo audieritis uocem meam, & custodieritis pactum meum, eritis mihi in peculium de cunctis populis: mea est enim omnis terra. Et uos eritis mihi in regnū sacerdotale, & gens sancta. Alibi, En Dominus elegit te hodie, ut sis ei populus peculiaris, sicut locutus est tibi, & custodias omnia præcepta illius: & faciet te excelsoiorem

Exodi. 19.

De Cœna, & Calice Domini

*Osee 1.
Rom. 9.*

cunctis gentibus, quas creauit in laudem, & nomen, & gloriam suam: ut sis populus sanctus Domini Dei tui, sicut locutus est. Docuit igitur Petrus, quòd ad nos sit iam transfatum sacerdotium, regnum Dei in terris, peculiari modo, sanctitas, iustitia, ueritas, & alia id genus. Vnde simul docet & in nobis impletum esse illud Osee, Qui aliquando non populus, nunc autem populus Dei: qui non consecuti misericordiam, nunc autem misericordiam consecuti. Sicut ergo ille populus olim erat regnum sacerdotale, non tamen omnes erant sacerdotes, sed soli de tribu Leui ac de familia Aaron: & sicut ille populus erat sanctus, non tamen omnes in illo erant sancti, sed erant in illo particulariter multi peccatores: sic & modò inter nos Christianos. Hoc uno excepto, quòd in nobis completur quodam modo abundantius illud uerbum: tum, quia ibi de una sola familia Aaron sumebantur ad sacerdotium: hîc autem non de una sola familia, sed indiscriminatim de toto populo, de omniq; familia omnium & singulorum Christianorum; tum, quia ibi non de omnibus sacrificiis, oblationibus aut libaminibus licebat laicis edere: hîc autem stando in solo iure diuino omnibus licet edere de omnibus, ut iam dictum est. Verum igitur sacerdotium est apud uos. sed non sic ut omnes & singuli de populo Christiano habeant potestatem offerendi sacratissimum corpus Domini, in ara Ecclesiæ, altari Dei uiui. Habent nihilominus omnes & singuli Christi fideles sacerdotium sanctum spiritale, quo possunt offerre Deo spirituales hostias, acceptabiles Deo per IESUM Christum, de quo etiam specialiter diuus Petrus in eodem loco habuit sermonem. Verùm hæc, multum sunt distantia. Nâque illud sacerdotium reale offerendi corpus Christi uerum, non habent nisi quibus datur specialiter, etiam si sint sanctissimi aliàs: istud autem sacerdotium spiritale ad alias hostias offerendas, omnes Christiani habent. Quod uerò illi sacerdotes illius primi & altissimi ordinis, sint distincti in populo Christiano, qui ex officio habent regere populum, & quibus tenetur obedire populus; manifestè docuit idem Apostolus Petrus, & in ipso capite satis, & aliàs. Manifestè locutus est Apostolus

Paulus de ordinatione Episcoporum, sacerdotū, aut presbyterorum; ostendens quòd ista potestas mirabilis & sancta ueniat ab aliis in alios per manus impositionem, atque realem traditionem, siue collationem. Vt nullus Christianus putet se sacerdotem ad hoc mysterium altissimum, nisi ipse specialiter accipiat hoc donum, hanc potestatem, & dignitatem. Et quidem in nouo testamento dixit Apóst. Nec quisquam sumit sibi honorem, sed qui uocatur à Deo, quemadmodum & Aaron. Sermo erat de pontificibus, & sacerdotibus.

1. Timo. 3.

¶ 4.

Ad Tim. 1.

Hebr. 5.

Conteritur obiectum ex illis uerbis Seruatoris nostri efformatum, Quod autem uobis dico, omnibus dico. Quæ omnibus communia, & quæ quibusdam specialia sint, declaratur: & quæ Apostolis ab eodem Seruatore dicta iniunctaque sunt, quo patet accipi debeant, explicatur.

CAP. XIIII.



D aliud obiectum, quo nobis obiciunt ex illo uerbo Domini, Quod autem uobis dico, omnibus dico. quasi ex illo sequatur, debere omnia esse communia omnibus, atque de facto esse, magnis, mediis, & paruis, Apostolis, Episcopis, sacerdotibus, & cunctis laicis. Respondemus, Absit talis intelligentia uerbi diuini. Nunquam sic Dominus intellexit, ut omnia faceret aut diceret communiter omnibus & singulis de sua Ecclesia Christiana. Quia immo quædam fecit & dixit specialiter quibusdam, quædam uero fecit & dixit generaliter omnibus. Etenim communes mores, ac doctrinam legis suæ, communia fecit, & communiter dixit: potestatem autem siue auctoritatem ministrandi sacramenta, potestatem consecrandi & offerendi uerum corpus suum sacratissimum, atque potestatem regendi & gubernandi, dirigendi que populum suum in cælum & uitam spiritalem, non sic dedit omnibus: sed paucis, quos ad munus istud elegit, & per quos istam potestatem ad nos deriuauit. Vnde quæ pertinent ad mores, & legis obseruantiam, omnibus fuerunt semper & sunt communia. Quæ autem pertinent

De Cœna, & Calice Domini

ad sacramentorum consecrationem uel administrationem, aut etiam populi gubernationem, non sic sunt communia, sed sunt quibusdam specialia. Neque aliquis posset magis agere contra diuinam scripturam, aut cōtra Dei Ecclesiam, quàm qui diceret, Saluatorem nostrum indiscriminatim omnia fecisse & dixisse omnibus, & singulis Christianis; tum quæ pertinet ad ministracionem sacramentorum, tum quæ pertinent ad dignitatem, & gubernationem populi, cum aliis. Speciale nanque illud dictum ad Apostolos est, *Matth. 4.* Venite post me, faciam uos fieri pisces hominum. Et etiam speciali quodam modo de uita prælatiua seu prælatorum sunt illa uerba diuina, Vos estis sal terræ, Vos estis lux mundi, &c. quæ speciali quodam modo Apostolis eorumque successoribus dicta sunt. Vnde doctores omnes theologi catholici, ita hunc locum & ista uerba diuina intelligunt tanquam hîc ostendatur & commendetur Apostolicum officium, quodam modo speciali. Speciali etiam modo legimus quòd Saluator noster dixit discipulis suis, *Matth. 10.* Messis quidem multa, operarij autem pauci. Rogate ergo Dominum messis, ut mittat operarios in messem suam. Sic etiam legimus, quòd, Cōuocatis duodecim discipulis suis dedit illis potestatem spirituum immundorum, ut eiicerent eos, & curarent omnem languorem, & omnem infirmitatem. Ita apud Matthæum, nominatis ac numeratis duodecim Apostolis, suis nominibus, & in suo numero duo denario, legimus Saluatorem nostrum dixisse illis præci-
Ibidem. piendo, In uiam gentium ne abieritis & in ciuitates Samaritanorum ne intraueritis: sed potius ite ad oues, quæ perierunt donius Israël. Euntes autem prædicate dicentes, Quia appropinquabit regnum cœlorum. Infirmos curate, mortuos suscite, leprosos mundate, dæmones eiicite. *Matth. 10.* Gratis accepistis, gratis date. Nolite possidere aurum, neque argentum: neque pecuniam in zonis uestris. Non peram in uia, neque duas tunicas, neque calciamenta, neque uirgam. Ex istis autem, & multis similibus, quæ habemus apud sacros Euangelistas, manifestè nouimus Dominum Saluatorem nostrum, quædam dixisse ac præcepisse Apostolis suis, quæ non sic dixit aut præcepit omnibus suis fide-

libus : & hoc , ut liquet , ante suam sacratissimam , & utilissimam passionem , ac mortem . Quo tempore , ipsa passione iamiam incipiente , cum facta esset contentio inter eos discipulos , quis eorum uideretur esse maior ? dixit eis Dominus , Reges gentium dominantur eorum , & qui potestatem habent super eos , benefici uocantur . Vos autem non sic . Sed qui maior est in uobis , fiat sicut minor : & qui præcessor est , sicut ministrator . Nam quis maior est ? qui recumbit , an qui ministrat ? Nonne qui recumbit ? Ego autem in medio uestrum sum , sicut qui ministrat . Vos autem estis qui permansistis mecum in tentationibus meis . Ego dispono uobis , sicut disposuit mihi Pater meus regnū , ut edatis & bibatis super mensam meam in regno meo : & sedeat super thronos , iudicantes duodecim tribus Israël . Ecce & hic declarat Dominus specialem auctoritatem , potestatem , dignitatemque regiminis , quoad Apostolos specialiter in loco suo : docendo eos modo etiam speciali , quem modum obseruare deberent in præfectura sua , non sicuti reges gentium , sed sicuti ipsemet Saluator . Qui cum profecto absque ulla comparatione maior esset omnibus , in medio tamen eorum erat , sicut qui ministrabat : quippe qui uenerat non ministrari , sed ministrare , & animam suā dare redemptionem pro multis . Simili modo post resurrectionem ingressus Dominus ianuis clausis , dixit discipulis suis , Sicut misit me Pater , & ego mitto uos . Hæc cum dixisset , insufflauit , & dicit eis , Accipite Spiritum sanctū , Quorum remiseritis peccata , remittuntur eis ; & quorum retinueritis , retenta sunt . Et hæc apud Ioannem . Apud Matthæum etiam ita legimus , Undecim autem discipuli abierunt in Galileam , in montem ubi constituerat illis Iesus . Et uidentes eum adorauerunt : quidam autem dubitauerunt . Et accedens Iesus locutus est eis , dicens , Data est mihi omnis potestas in cælo & in terra . Euntes ergo docete omnes gentes , baptizantes eos in nomine Patris & Filij & Spiritus sancti : docentes eos seruare omnia , quæcunque mandau i uobis . Apud Marcum iterum , Nouissimè autem recubentibus illis undecim , apparuit illis Iesus , & exprobrauit incredulitatem illorum & duritiam cordis ,

Lucæ 22.

Ioan. 20.

Math. 28.

Marci 16.

De Cœna, & Calice Domini

quia his, qui niderant eum resurrexisse à mortuis, non crediderant. Et dixit eis, Euntes in mundum uniuersum, prædicate Euangelium omni creaturæ, &c. Ecce multa tum dicta, tum præcepta fuerunt Apostolis, quæ non fuerunt præcepta aut dicta omnibus aliis Christianis. Quæ? Quòd non portarent aurum, neque argentum, neque pecuniam in zonis suis: & quòd irent in mundum uniuersum, prædicarent Euangelium omni creaturæ, ac omnes homines fiderent Christianam, legemq; Euangelicam docerent. Nunquid ista dicta fuere omnibus fidelibus? Absit. non enim omnes, talia præcepta aut dicta à Salvatore nostro habuerunt, sed Apostoli, qui pro patribus nati sunt filij, & constituti principes super omnem terram. Eodem modo Apostolis & non omnibus aliis dicta sunt illa uerba Domini, Accipite & manducate. Hoc facite in meam commemorationem. Accipite & bibite ex eo omnes. Hoc quotiescūq; feceritis, in mei memoriam facietis. Soli enim Apostoli duodecim ibi erant cum Domino, ut explicant Matthæus, Marcus, & Lucas: atque uerba ipsa per se declarant quòd Apostolis & non omnibus aliis Christianis fuerint dicta, quia significant & tradunt auctoritatem, potestatem, ac dignitatem singularem.

Matth. 26.

Marci 14.

Lucæ 22.

Constat etiam Apostolos habuisse aliqua uerba seu etiam præcepta à Deo distincta, eo quòd certum est Apostolos habuisse à Deo potestatem, auctoritatem, dignitatemque distinctam ab ipso Deo, & distinctum officium. Distincta nanque potestas, auctoritas, dignitas, & officium, distinctam debent habere doctrinam, & distincta præcepta, ut de se est manifestum: nec iam poterit de distincta doctrina aut distinctis præceptis dubitari, cum de distincta potestate, auctoritate, dignitate, & officio constiterit. Verum & si dignitas Apostolorum iam satis ostensa sit ex dictis, eam nihilominus ostendit Apostolus Paulus, dicens de Salvatore nostro, Qui descendit, ipse est, & qui ascendit supra omnes cœlos, ut adimpleret omnia. Et ipse dedit quosdam quidem Apostolos, quosdam autem Prophetas, alios uerò Euangelistas, alios autem pastores & doctores, ad consumptionem sanctorum, in opus ministerij, in adificationem corporis

Eph. 4.

corporis Christi: donec occurramus omnes in unitatem fidei, & agnitionis filij Dei, in uirum perfectum, in mensuram ætatis plenitudinis Christi, &c. Ecce gradus Ecclesiæ à Christo in ea positos, ut eam illuminarent, docerent, & regerent, Apostolos, Prophetas, Euangelistas, pastores, doctores: sed super omnes alios, ipsos Apostolos, primos in ordine literæ, ac primos in dignitate, & auctoritate, qui statim post Christi ascensionem, Ecclesiam Christianam eius in suam curam acceperunt, & eam gubernauerunt modo sibi tunc possibili. Istam auctoritatem, potentiam, & dignitatem sui & aliorum Apostolorum recognoscens Apostolus Paulus, se ac alios Apostolos appellat nunc ministros Christi, & dispensatores ministeriorum Dei; nunc idoneos ministros noui testamenti. Ista etiam potestate usi Apostoli præcepta aliis fidelibus Christianis tradiderunt, ac traditiones; Episcopos alios, presbyteros, seu seniores ordinauerunt per loca, quos pastores gregis Dei appella- uerunt, & quibus obedientiam ab aliis præstari præceperunt. Sic Paulus, Perambulabat Syriam & Ciliciam, confirmandus Ecclesias, præcipiens custodire præcepta Apostolorum & seniorum. Sic etiam maioribus natu Ephesi, dixit, Attendite uobis & uniuerſo gregi, in quo uos Spiritus sanctus posuit Episcopos regere Ecclesiam Dei, quam acquisiuit sanguine suo. Et multa admodum sunt loca diuinarum scripturarum in Actibus Apostolorum, ac in Epistolis Pauli, Petri, & aliorum Apostolorum Christi Saluatoris nostri, quibus satis notum est omnibus legentibus, Apostolos hanc potestatem & auctoritatem in Ecclesia Dei tenuisse, eaque uſos fuisse: qua cæteris aliis maiores erant, ac cæteros alios regebant, & gubernabant, ut maiores, ut prælati, ut pastores, atque rectores. Sicuti & Apostolus Paulus fatetur non semel, se habere potestatem in ædificationem, docendi, corripiendi, puniendi, & condonandi in persona Christi. Vnde cum ipse Apostolus multa dixisset de corpore Christi mystico, de multis membris eius, de uarietate membrorum, ac de uariis officiis, dignitatibusque eorum; ita adiecit, Et quosdam quidem posuit Deus in Ecclesia: primum Apostolos, secundò prophetas, tertio doctores, de-

Act. 15.

Act. 20.

1. Corin. 5.

2. Corin. 2.

2. Cor. 10.

1. Cor. 12.

De Cæna, & Calice Domini

inde uirtutes, exinde gratias curationum, opitulationes, gubernationes, genera linguarum, interpretationes sermonum. Et sequitur, Nunquid omnes Apostoli? Nunquid omnes Prophetæ? Nunquid omnes Doctores? &c. Ecce in Ecclesia Christi, Apostoli sunt primi, & non omnes sunt Apostoli. Primi, inquam, dignitate quadam, excellentiâ, officio, gubernatione. Ergo & secundum hanc dignitatem, in qua primi erant, & discreti ab aliis membris in corpore uno, particularem ipsi doctrinam habuerunt à Salvatore nostro, particulariaque præcepta, iuxta ipsorum particularem dignitatem, primitatem, & officium, in quibus ipsi particulariter Christo seruire debebant, de particulari talento particularem rationem reddituri. Non igitur debent intelligi dicta ad totum populum Christianum, & ad singulos de corpore Christi mystico, seu de Ecclesia Christiana, omnia, quæ Saluator noster suis Apostolis aut dixit, aut præcepit: sed nonnulla debent intelligi dicta ad illos tantum, propter eorum prærogatiuas, dignitatis, primitatis, principatus atque officij, & status, & gradus. Differens enim status eorum in populo Christiano, aliquam differentem requirebat doctrinam, dicta, atque præcepta. Quæstio fuit olim, Vtrum uirtutes ita sint sibi coniunctæ seu connexæ, ut separatim non possint possideri ab aliquo: sed qui unam habet, omnes habeat? de quæstione agunt communiter Magister sent. & doctores omnes scholastici in suis sententiarum libris: de qua etiam Augustinus meminit scribens ad Hieronymum pro sensu habendo illius loci sacra scripturæ, Qui in uno deliquerit, factus est omnium reus. Ad istam quæstionem uisi sunt omnes antiqui respondere secundum partem affirmatiuam illius, docentes uirtutes esse aut esse debere connexas: Augustinus, Ambrosius, Hieronymus, Gregorius: sicuti etiam istos sanctos doctores dixerunt Gentiles Philosophi, Aristoteles in Ethicis, & Tullius in Tuscul. quæstion. Augustinus nanque in de Trinit. fatetur quòd uirtutes, quæ sunt in animo humano, nullo modo separantur ab inuicem. Ambrosius super Lucam dicit, Connexæ sibi sunt, concatenatæque uirtutes, ut qui unam habet, plures habere uideatur. Hieronymus

Magister
& alii do-
ctores.
lib. 3.
dist. 36.
August.
Epistola.
tom. 2.

Aristot.
Ethic. 6.
Tul. lib. 2.
August.
lib. 6.
Amb.
sup. Lucā.

in commentario ad 56. caput Isaia, in principio, ait, Omnes uirtutes sibi hærent, ut, qui una caruerit, omnibus careat. Gregorius in moralibus docet, quod una uirtus sine aliis aut omnino nulla est, aut imperfecta. Sicut in eodem opere: sed in alio loco asserit, quod uirtutes, si sint diiunctæ, non possunt esse perfectæ secundum rationem uirtutis, quia nec prudentia uera est, quæ iusta, temperans, & fortis non est. Ita S. Thomas mouit quæstionē, Vtrum uirtutes morales sint adinuicem connexæ? & determinat iuxta patres antiquos statim nominatos, docens in hac sententia, Virtutes morales perfectas necesse est adinuicem connexas esse, ut altera sine altera esse non ualeat in statu perfectæ uirtutis. Et licet de hoc sit nunc quæstio inter doctores theologos propter Scotum, qui de ista connexione uirtutum alio modo uidetur docere: sic tamen iam determinatur uerius & communius, ut uirtutes in statu perfectæ uirtutis debeant esse connexæ, præsertim intelligendo de uirtutibus pertinentibus ad statum illius personæ, in qua sunt. Ut intelligamus alias uirtutes pertinere ad alium statum personarum, & alias ad alium: cum non omnes uirtutes pertineant eodem modo ad omnes status hominum, sed quidam status requirant istas, quidam illas. Status igitur differens Apostolorum, distinctas in illis requirebat uirtutes; & consequenter distinctam requirebat doctrinā, distinctaque præcepta. Ergo non omnia ipsis dicta, debent intelligi aut putari dicta esse omnibus.

Profectò ista est una de illis ueritatibus religionis Christianæ, de quibus non licet dubitare. Constat etiam non secus, quod si quæ sunt dicta Domini ad Apostolos suos secundum eorum statum, in quo eos ipse constituit, & quæ debent intelligi esse dicta non omnibus de populo Christiano, sed ipsis Apostolis, ea uerba Domini sunt talia, quibus Apostolis ipsis dixit, Accipite & manducate, hoc est corpus meum. Hoc facite in meam commemorationem. Bibite ex hoc omnes. Hæc quotiescunque feceritis, in mei memoriam facietis. Sunt enim uerba dignitatis, atque officij, & potestatis tunc primum collatæ: ut est notissimum ex illo uerbo, Hoc facite in meam commemora-

Hierony.
tom. 5.

Gregor.
lib. 13.

lib. 22.

S. Tho.
prima 2.
quæst. 65.
art. 1.
Ibidem.
q. 73.
art. 1.
q. secunda
secundæ.
q. 146.
art. 4.
q. 3. q. 85.
art. 6.
q. alibi.

Matth. 26.
Marci 14.
Luce 22.

De Cœna, & Calice Domini

tionem. Est nanque hoc uerbum institutum sacramenti, prout erat in Ecclesia permanfurum; est collatiuum potestatis consecrandi, & offerendi corpus Christi uerum: atque est ordinatiuum ipsius actus consecrandi, offerendi, sumendi: ut in Christi fiat memoria. Quomodo in Christi memoria? Christi nobiscum conuersantis, an Christi patientis, an Christi morientis, an Christi resurgentis, an Christi ad cœlos ascendentis, an Christi ad dexteram Patris iam sedentis? Maximè ac præsertim Christi patientis & morientis. In mei memoria facietis. Mei, inquit, id est, patientis & morientis. Vnde Apostolus ait, Quotiescunque manducabitis panem hunc, & calicem bibetis, mortem Domini annuntiabitis. Immo etiam, Mei, inquit, hoc est, mei patientis, morientis: & mei meipsum offerentis pro uobis, & pro multis in mortem. Multa nanque fuerunt in morte Christi, quia uidelicet fuit pœna, fuit tolerantia pœnæ, etiam uoluntaria, & fuit oblatio, qua Saluator noster seipsum obtulit ut omnia illa pro nobis pateretur, uincula, flagella, crucem, clauos, lanceam, mortem. Oblatus est, quia ipse uoluit: immo etiam oblatum est, quia ipse se obrulit. Vnde & semetipsum offerens, per proprium sanguinem introiuit semel in sancta æterna redemptione inuenta. Vnus enim Deus, unus & mediator Dei & hominum, Homo Christus Iesus, qui dedit redemptionem semetipsum pro omnibus. Sicut etiam dicebat, Nemo tollit animam meam à me, sed ego pono eam. Rursusque, potestatem habeo ponendi animam meam, & iterum sumendi eam. Quemadmodum etiam de illo prædictum erat, Si posuerit animam suam in mortem, uidebit semen longæuum. Fuit igitur ibi oblatio, & sui ipsius à seipso: atque secundum istam oblationem, dicitur & est Saluator noster sacerdos & hostia, offerens & qui offertur. Fuitque ista oblatio potissimum quid super ipsam passionem, & quodam modo super ipsam tolerantiam passionis: tum quia fuit tanquam principium illorum, tum propter alias considerationes, de quibus fortè aliàs. Ideo igitur Saluator noster inquit, Hoc facite in meam commemorationem. In mei memoria facietis, hoc est, in mei pa-

tientis, in mei passionem tolerantis, & in mei meipsum in mortem pro uobis, & pro multis offerentis. Non possumus autem nos hoc facere in memoriam Christi seipsum offerentis, nisi & nos aliquo modo offeramus: quia actus offerendi non potest memorari nisi per actum offerendi, nec oblatio ut oblatio, nisi per oblationem, nec offerens ut offerens nisi per offerentem. Offerimus igitur nos, quoties Christum offerentem ut offerentem memoramus, aut representamus: in hoc consistit actus sacerdotij nostri, & ad hunc actum offerendi ac offerendo representandi ordinatur nostrum sacerdotium, seu nostra sacerdotalis potestas, officium, dignitas. Quam profecto dignitatem ac potestatem acceperunt Apostoli in illis uerbis Domini, & nobis sacerdotibus per suos successores uel locum suum tenentes deriuarunt: quam insuper nullus Christianus habet, nisi particulariter accipiat, accipit, uel accepit ab eis, qui in loco Apostolorum sunt. De nostro autem sanctissimo sacerdotio Christiano externo circa corpus Christi uerum consecrandum & offerendum, aliàs multa, in tractatu speciali, ad sextam Sessionem. Nunc de hac re satis.

Obiectio ex Græcæ, Indicæque Ecclesiæ consuetudine constata, facile confringitur, clasisque prima eorum, qui S. R. Ecclesiæ præcellentem, primariam, principemque auctoritatem, & dignitatem agnoscunt, asseruntque, in mediū adducitur. CAP. XV.



AD aliud, quod nobis obijciunt ex Ecclesiâ Græcâ & Indicâ, quasi ideò nos non debeamus nec nobis liceat communicare laicos in altera specie tantum, quia Ecclesiâ Græcâ, & Indicâ communicant laicos in utraque; Respondemus, Ex obiectionibus præcedentibus satis notum est omnibus, posse nos rationabiliter cogitare in nostris aduersariis, uel puram ignorantiam, qua diuinas scripturas ignorant; uel suam eorum superbiam, qua sese in percipiendi diuinarum scripturarum sensu, omnibus aliis anteponunt. Verum ex obiectione præsentē, præter illa mala & ignorantiz & superbiz, nota sit aliâ co-

De Cæna, & Calice Domini

rum impietas, qua matrem suam sanctam Romanam Ecclesiam, Catholicam & Apostolicam, non solum relinquunt, & impugnant, sed & Ecclesie Græcæ atque Indicæ postponunt: qui potius debuerunt matrem suam sequi, uenerari, tenere, honorare, & omnibus aliis antepone, atq; præferre. Multa igitur nos respondentes, hic dicere potuimus contra illos filios desertores, qui cum matrem suam saluare debuerint toto nixu, eam è contra moliantur euertere: sufficit tamen nobis eis respondentibus, si eis primum ea dicamus, quæ olim dicebat Augustinus aduersus Iulianum Pelagianum, Vtriusque partis Orbis, inquit, terrarum fides ista una est, quia fides Christiana est: & te certe occidentalis terra generauit, regenerauit Ecclesia; quid ei quæris inferre, quod in ea non inuenisti? immo quid ei quæris auferre, quod in ea quoque accepisti? Ita & nos dicimus istis, Non Orientalis sed Occidentalis, nec Græca aut Indica, sed Latina Ecclesia uos regenerauit: quid ei quæritis inferre, quod in ea non inuenistis? immo quid ei quæritis auferre, quod in ea quoque accepistis?

August.
lib. 1.
cap. 6.
tom. 7.

Deinde respondemus non alias Ecclesias Orbis Ecclesie Romanæ præponendas esse, sed potius Ecclesiam Romanam aliis ecclesiis Orbis præponendam fore, in rebus pertinentibus ad fidem Christianam, & Christianam religionem. Idque ut ostendamus, adducemus testimonia grauisissima uirorum grauisimorum, etiam & sanctorum Conciliorum, uniuersalium & aliorum: diuidendo per classes patres antiquos, qui in laudem & commendationem uerissimam sanctæ Romanæ ecclesiæ locuti sunt.

Classis prima, ex summis Pontificibus.

PELAGIUS.

157.21.
c. Quidam.

Pelagius urbis Romæ Episcopus, omnibus orthodoxis uerè ac sanctè indicauit, quod sancta Romana Ecclesia Catholica & Apostolica, nullis Synodicis constitutis

cæteris Ecclesiis prælata est, sed Euangelica uoce Domini, & Saluatoris nostri, primatum obtinuit: eisq; asseruit quòd Apostoli Petrus & Paulus Romanam Ecclesiam Christo Domino consecrarunt, eamq; omnibus urbibus in uniuerso mundo sua præsentia atq; uenerando triùpho prætulerunt.

ANACLETVS, ET NICOLAVS IIII.

Anacletus seruus Christi IESV ita fatetur quòd sacro-
sancta Romana & Apostolica Ecclesia, primatum obtinuit,
non ab Apostolis, sed ab ipso Domino & Salvatore nostro.
Nicolaus tertius, Aliàs quartus, seu etiam Leo Primus, ita
docuit, quòd sancti Apostoli Petrus & Paulus Romanam
urbem in hanc gloriam prouexerunt, ut sit gens sancta, po-
pulus electus, ciuitas sacerdotalis & regia, per sacrã beati
Petri sedem, caput totius Orbis effecta.

dist. 22.
c. Sacrosan-
cta.

c. Funda-
menta.
De electio-
ne in 6.

NICOLAVS.

Nicolaus etiam Mediolanensibus scripsit, quòd Roma-
na Ecclesia cæterarum primatū tenet ab ipso Deo: & quòd
qui contra priuilegium aliarum Ecclesiarum agit, est iniu-
stus: sed qui agit contra istud priuilegium Romanæ eccle-
siæ, est hæreticus.

dist. 22.
c. Omnes.

MARCELLVS, ET ZEPHERIN.

Marcellus Papa, & Zepherinus Romanæ urbis Episco-
pus, ita omnibus significauerunt, ut omnes si uoluissent ad
Romanam Ecclesiam, tanquam ad caput & matrem ap-
pellarent.

3. quaest. 6.
can. 5. & 7.

IULIUS PAPA.

Iulius Papa Orientalibus scripsit Episcopis, quòd præter
conscientiam Romani pontificis, nec concilia celebrari,
nec Episcopum damnari oportet; quoniam sancta Romana
Ecclesia, primatum obtinet omnium ecclesiarum.

3. quaest. 6.
c. Dudum.

De Coena, & Calice Domini

INNOCENTIUS PAPA.

9. quest. 3.
c. Nemo.

Innocen. Papa istum primatum recognoscens & cōmendans, dixit; Nemo iudicabit primam sedē, iustitiam temperare desiderātem. Neq; enim ab Augusto, neq; ab omni clero, neq; à regibus, neq; à populo iudex iudicabitur.

SYMMACUS PAPA.

9. quest. 3.
c. Aliorum.

Idem; Symmacus Papa, asserens quòd aliorum hominum causas Deus uoluit per hominem terminari: sed Sedis istius, Romanæ uidelicet, præsulem suo sine quæstione reseruauit arbitrio.

GELASIUS PAPA.

9. quest. 3.
c. Cunctis.

Gelasius Papa omnibus Episcopis dixit, Cuncta per mundum nouit Ecclesia, quòd sacrosancta Romana Ecclesia fas de omnibus habeat iudicandi, neque cuiquam de eius liceat iudicare iudicio. Siquidem ad illam de qualibet mundi parte appellandum est, ab illa autem nemo est appellare permixsus. In eandem sententiam scripsit ipse Episcopis per Dardaniam constitutis.

Ibid.
can. 18.

SIXTUS ET CALIXTUS PP.

Ibid.

Idem & Sixtus Papa Hispanorum Episcopis, Calixtus Papa omnibus Episcopis dixit inter alia, Nulli uerò dubiū est, quòd Apostolica Ecclesia, mater sit omnium Ecclesiarum, à cuius regulis nullatenus uos conuenit deuiare. Et sicut Dei Filius uenit facere uoluntatem Patris sui, sic & uos implete uoluntatem matris uestræ, quæ est Ecclesia, cuius caput (ut prædictum est) Romana consistit Ecclesia.

c. Fratres.
dist. 12.
c. Nō deceat.

GREGORIUS PAPA.

dist. 12.
c. Præceptis.

Sic & Gregorius Papa in eandem sententiam multa dixit, quæ omittimus breuitatis causa. Sunt & alia testimonia

nia sanctorum patrum multa admodum pro eadem ueritate, sed dicta sufficiunt. Ita igitur docuerunt à multis retrò sæculis, Pelagius, Anaclætus, Nicolaus, Marcellus, Zepherinus, Iulius, Innocentius, Symmacus, Gelasius, Sixtus, Calixtus, Gregorius: qui in ista prima classe positi sunt, testes sufficientissimi, omni acceptione digni, & omni exceptione maiores. Verum quidem est eos fuisse Papas Romanos, & summos Pontifices per suas successiones, & suis temporibus: sed etiam uerum est, eos uel omnes, uel pro maiori parte, uel saltè pro magna, fuisse sanctos in hac uita, & nunc esse beatos in gloria. Ea dicebant, non ut sibi subditos mendaciis acquirerent, retinerent, aut conciliarent: sed ut ueritatem annunciantes, & subditos, & seipso in cælos eueherent.

CLEMENS MARTYR, ET GREGOR.

Eandem doctrinam declarauit Clemens, Petri Apostoli discipulus, & Christi gloriosus Martyr, ut constat ex epistola sua ad Iacobum Apostolum. Eandem quoque & diuus Gregorius in epistolis ex registro.

Refert etiã
Platina.

Gregor.
lib. 4.
cap. 92.
dist. 22.
De Constã-
tinopolita-
na.

Classis secunda, euocata ex Conciliis ad eandem ueritatem astringendam, atque obfirmendam.

C A P. X V I.



D eandem spectant ueritatem etiam multa sancta Concilia, tum uniuersalia, tum alia, quæ excellentiam & principatum sanctæ Romanæ Ecclesiæ prædicant & commendant.

Concilium Nicænum gen.

NICAENVM nâque Concilium uniuersale trecentorum decem & octo Episcoporum, sic dixit, Ipsa uerò prima sedes, hoc est, Romana, conuocandarum generalium Synodorum iura detinet, & iudicia Episcoporum singulâri priuilegio illi sedi Euangelicis & Apostolicis atque canoni-

De Cœna, & Calice Domini

cis concessa sunt institutis . Ita ut semper maiores causæ ad sedem Apostolicam referantur . Nec ullo modo potest maior à minori iudicari . Ipsa nãque omnibus maior, & præ-lata est Ecclesiis .

Calcedonen. Concilium generale.

Calcedonense uniuersale concilium ad idem dixit etiam manifestè , Si quis Episcopus prædicatur infamis , liberam habet potestatem appellandi ad beatissimum Episcopum antiquæ Romæ , quem habemus Petrum , petram refugij : & ipsi sibi libera potestate loco Dei sit ius discernendi Episcopi infamiam , secundum clauces sibi à Deo datas .

Constantinopolitanum concilium.

Constantinopolitana Synodus ait , Veneramur secūdam scripturas , canonum definitiones , sanctissimum antiquæ Romæ Episcopum primum esse , & maximum Episcoporum .

Octaua Synodus .

Octaua Synodus epistolam Ignatij Constantinopolitani Patriarchæ ad Adrianum Romanum Pontificem directam legit , recepitque , in qua sic erat , Solus & ex toto magister omnium Deus dixit Petro magno & summo Apostolorum , Tu es Petrus , & super hanc petram ædificabo Ecclesiam meam , & portæ inferi , &c. Iterum , Tibi dabo clauces , &c. Tales enim beatas uoces non secundum quandam utiq; sortem Apostolorum principi Petro solū circumscripsit , & definiuit , sed per eum & ad omnes , qui post illum secundum ipsum efficiendi erant summi Pastores , & diuinissimi , sacrique pontifices Senioris Romæ transmisit .

Florentinum concilium generale.

Florentinum Concilium uniuersale , ex Latinis , Græcis , Armenisque legitimè congregatum , sic dixit , Diffinimus

sanctam Apostolicam sedem, & Romanum pontificem in uniuersum Orbem tenere primatum, & ipsum Romanum pontificem successorem esse beati Petri principis Apostolorum, & uerum Vicarium IESV Christi, totiusque Ecclesiæ caput, & omnium Christianorum patrem & doctorem existere: & ipsi in beato Petro pascendi, regendi, & gubernandi uniuersalem Ecclesiam à Domino IESV Christo plenam potestatem traditam esse: quæadmodum & in gestis œcumenicorū, & in sacris canonibus continetur. Hæc ibi. Hanc determinationem magna examinatione præhabita Armeni, Græciq; sequenti subscriptione approbarunt.

Approbatio Græcorum & Armenorum.

Nos igitur oratores nomine nostro, nostriq; reuerendi Patriarchæ, & omnium Armenorum, sicut & uestra sanctitas in ipso decreto attestatur hoc saluberrimum Synodale decretum, cum omnibus capitulis, declarationibus, definitionibus, traditionibus, præceptis, & statutis, omnemque doctrinam in ipso descriptam, nec non quicquid tenet & docet sancta sedes Apostolica, & Romana Ecclesia, cum omni deuotione & obedientia acceptamus, suscipimus, & amplectimur. Illos quoq; doctores & sanctos patres, quos Ecclesia Romana approbat, reuerenter suscipimus: quascunque uerò personas, & quicquid ipsa Romana Ecclesia reprobât, ac damnât, nos pro reprobatis ac damnatis habemus. Profitentes tanquam ueræ obedientiæ filij, nomine quo suprà, ipsius Sedis Apostolicæ ordinationibus fideliter obtemperare.

Carthaginen. concilium.

Carthaginense Concilium eandem reuerentiam & obedientiam semper Ecclesiæ Romanæ tribuit, & in ea principatum omnium Ecclesiarum aliarum recognouit: ut palàm est uidere ex epistola, quam patres eiusdem Concilij, Innocentio Pontifici Romano de actis aduersus Pelagium & Cœlestium destinarunt, quæ habetur apud Augustinum.

*Epist. 90.
Rom. 2.*

De Cœna, & Calice Domini

Milevitanum Concilium.

Epist. 72. Milevitan. Concilium eodem modo sensit & ostendit, ut constat apud eundem Augustinum, ex epistola, quam ipse Augustinus & ceteri Episcopi Mileuitani concilij, Innocentio Papæ direxerunt, de cohibendis Pelagianis: quæ etiam cum epistolis est Augustini. De quibus insuper duabus epistolis Augustinus iterum meminit, scribens cum aliis Episcopis ad eundem Innocentium Papam. Ita ergo docent illa sancta Concilia & uniuersalia & particularia de primatu Romanæ Ecclesiæ, Romaniq; pontificis: concilium Nicanum, concilium Calcedonense, concilium Constantinopolitanum, Octaua Synodus, concilium Florentinum, concilium Carthaginense, concilium Milevitanum, ut constat ex ista classe secunda, in qua potuimus etiam concilia alia non pauca ponere ad eandem ueritatem, quæ ideo omittimus, quia ista satis esse intelligimus.

Epist. 95.

Classis tertia, ex doctoribus sanctis, ad eandem tuendam ueritatem confirmandamque aduocatur. CAP. XVII.

IRENEVS MARTYR.



Ireneus ille Lugdunensis Episcopus, beati Polycarpi discipulus, & Christi gloriosus Martyr, aduersus Valentinum & alios sui temporis hæreticos dicit, Traditionem Apostolorum toto Orbe manifestam, in omni Ecclesia adest perspicere omnibus, qui uera audire uoluerint: eam uidelicet, quam primitiua illa Ecclesia ab Apostolis acceptam, per successionem cōtinuam, patrum & Episcoporum transmisit ad nos. Sed quoniam per omnes ecclesias discurrere prolixum fuerat, & infiniti operis, ex omnibus maximam, antiquissimam, atque omnibus cognitam Romæ à gloriosissimis duobus Apostolis, Petro & Paulo, fundatam eligens, eius, inquit, fidem traditionemq; quam habet ab ipsis annuntiatam, & per suc-

cessiones Episcoporum ad nos peruenientem indicantes, confundimus omnes eos, qui quoquo pacto uel per sui placentiam, uel uanam gloriam, uel cæcitatem & malam sententiam, fidem præterquam oportet colligunt. Idem auctor gloriosus ad idem ait, Ad hanc Ecclesiam, Romanam lib. 3.
cap. 13. uidelicet de qua erat sermo, propter potentiorē principatitatem, necesse est omnem conuenire ecclesiam, hoc est, omnes, qui sunt undique fideles.

CYPRIANVS.

Cyprianusetiam Christi gloriosus Martyr aduersus eos, qui à loco delicti ad Romanam sedem purgandi confuebant, eos redarguens in suis criminibus, & Romanam Ecclesiam in suo principatu atque prærogatiuis laudans, & commendans, dicit, Post ista adhuc insuper pseudo Episcopo sibi ab hæreticis constituto nauigare audent, & ad Petri cathedram, atque Ecclesiam principalem, unde unitas sacerdotalis exorta est, à schismaticis & prophanis literas ferre: nec cogitare eos esse Romanos, quorum fides Apostolo prædicante, laudata est, ad quod perfidia habere non possit accessum. Idem ad Cornelium Papam, Nos enim singulis nauigantibus, ne cum schandalo ullo nauigarent, rationem reddidisse nos scimus, & hortatos esse, ut Ecclesiæ catholicæ matricem, & radicem agnoscerent, ac tenerent. Epistola 12
lib. 1.
Epist. 3.

E pistolarū
lib. 4.
Epist. 8.

ATHANASIVS.

Athanasius Liberio Romano pontifici aduersus hæreticos dixit, Mutauerunt gloriam catholicæ Ecclesiæ propria nouitate, sicut per ea, quæ illicitè in eis defensione gesta sunt, hæreticam turbulentiam introducens, illud competens ad nos detinens, quod bene ad IESVM filium Syrach dictum est, Usque ad mortem certa pro ueritate, & dominus pugnabit pro te. Huius rei gratia uniuersalis uobis à Christo IESV commissæ est Ecclesia, ut pro omnibus laboretis, & cunctis opem ferre non negligatis: quia,

De Cœna, & Calice Domini

Dum fortis armatus custodit atrium suum, in pace sunt omnia, quæ possidet.

CYRILLVS.

Cyrillus in libro thesaurorum dicit pro ista ueritate, Vt membra maneanus in capite nostro, Apostolico throno Romanorum Pontificum: à quo nostrum est querere, quid credere, & quid tenere debemus: ipsum uenerâtes, ipsum rogantes pro omnibus. Quoniam ipsius solùm est repræhendere, corrigere, statuere, disponere, soluere, & lococius ligare, qui ipsum ædificauit: & nulli alij quod suum est plenum, sed ipsi soli dedit. Cui omnes iure diuino caput inclinant, & primates mundi, tanquam ipsi Domino IESU Christo obediunt.

CHRYSTOSTOMVS.

*In de sacer
dotio.
lib. 2.
90m.*

Chrysoſtomus in de sacerdotio ait, Quânam item de causa ille idem sanguinem effudit suum? Certè ut pecudes eas acquireret, quarum curam, tum Petro, tum Petri successoribus committebat. Ecce in eadem ueritate sunt Irenæus Martyr, Cyprianus Martyr, sanctus Athanasius, sanctus Cyrillus, sanctus Ioannes Chrysoſtomus, & alij multi. Nanque in eadem classe sanctorum doctorum & pro eadem ueritate sunt etiam Augustinus, Ambrosius, Hieronymus, Bernardus, & alij penè infiniti.

AVGVSTINVS.

*Epist. 103.
serm. 2.*

*Refert Li
berius Pa-
pa. 24. q. 1.
c. Pudenda
in fine.*

Augustinus enim aduersus Donatistas fatetur, in Romana Ecclesia semper Apostolicæ cathedræ uiguisse principatum. Idem Augustinus ostendens ubi sit uera Dei Ecclesia, dicit, Quòd si nullo modo rectè dici potest Ecclesia, in qua schisma est: restat ut quoniam Ecclesia nulla esse non potest, ea sit, quam in sedis Apostolicæ per successores Episcoporum radice constitutam, hominum nullorum malorum malitia, etiam si nota excludi non possit, sed pro temporis ratione

toleranda iudicetur, ullo modo ualeat extinguere. Idem Augustinus commemorans ea, quæ illum in Ecclesia tenebant Christiana, dicit contra epistolam Manichæi, In Catholica Ecclesia, ut omittam sincerissimam sapientiam (ad cuius cognitionem pauci spiritales in hac uita perueniunt) multa sunt alia, quæ in eius gremio me iustissimè teneant. Tenet consensio populorum atque gentium. Tenet auctoritas miraculis inchoata, spe nutrita, charitate aucta, uetustate firmata. Tenet ab ipsa sede Petri Apostoli, cui pascendas oues suas post resurrectionem Dominus commendauit, usque ad præsentem successio sacerdotum. Tenet postremò ipsum catholicæ nomen, quod non sine causa inter tam multas hæreses sic ista Ecclesia sola obtinuit, ut cum omnes hæretici se catholici dici uelint, quærenti tamen peregrino alicui, ubi ad catholicam conueniatur? nullus hæreticorum uel basilicam suam, uel domum audeat ostendere. Ista ergo tot & tanta Christiani nominis charissima uincula rectè hominem tenent credentem in catholica Ecclesia: etiam si propter nostræ intelligentiæ tarditatem, uel uitæ meritum, ueritas nondum se apertissimè ostendat. Ecce unum de illis, quæ Augustinum in Ecclesia tenebant, erat successio sacerdotum à sede Petri Apostoli usque ad præsentem Episcopatum temporis sui: sacerdotum, inquam, id est, summorum Pontificum Petri successorum: quos alio in loco contra Donatistas nominatim ex ordine commemorat à Petro usque ad Anastasium primum, uix bene quadraginta.

Epist. 156.
tom. 2.

AMBROSII.

Ambrosius ad istam ueritatem ait, Quæ dignior domus Apostolico prædicationis ingressu, quam sancta Romana Ecclesia? Aut quis præferendus magis omnibus uideatur, quam Christus? qui pedes suis consueuit lauare hospitibus, & quoscumque sua receperit domo, pollutos non patitur habitare uestigiis: sed maculosos, licèt in ea acceperit uitæ prioris, in reliquum tamen mundare dignatur processus. Idem auctor super epistolas Pauli circa illud, Ut scias

24. q. 1.
c. Quæ di-
gnior.

De Cœna, & Calice Domini

1. *Timo. 3.* quomodo oporteat te in domo Dei conuersari, quæ est
dist. 22. Ecclesia Dei uiui, &c. dicit, Scribo tibi, ut scias, quam
c. Omnes. Ecclesiam ordines, quæ est domus Dei, ut cum totus mundus Dei sit, Ecclesia tamen domus eius dicatur, cuius hodie rector est Damasus. Idem auctor profitebatur, se in omnibus sequi magistrum, sanctam Romanam Ecclesiam.
- Refer N'co* Idem auctor de Petro & Paulo, qui una die passi sunt, uno
laus Papa. loco, sub uno persecutore, ita dicit confitendo Romanæ
dist. 22. Ecclesiæ principatum, Et in quo loco iidem tandem mar-
c. Omnes. tyrium pertulerunt in urbe Roma, quæ principatum & caput obtinet nationum: scilicet ut ubi erat caput superstitionis, illic caput quiesceret sanctitatis: ut ubi Gentilium principes habitabant, illic Ecclesiarum principes morerentur. Idem auctor in oratione funebri de obitu fratris, inquit, Aduocauit ad se Cyprianus Episcopum Satyrum, nec ullam putauit ueram, nisi ueræ fidei gratiam: percunctatusque ex eodem est, Vtrum nam de catholicis Episcopis esset: hoc est, si cum Romana Ecclesia conueniret, &c. Ecce cum diuo Cypriano non putabat Ambrosius aliquem catholicum Episcopum, nisi qui cum Ecclesia conueniret Romana.
24. *q. 1.*
c. Ad uoca-
uit.

HIERONYMVS.

- Hieronymus in explanatione catholicæ fidei ad Damasum Papam, ostendens quòd in Ecclesia Romana sit uera fides, dixit, Hæc est fides Papa beatissime, quam in catholica didicimus Ecclesia, quamque semper tenuimus, in qua si minus peritè aut parum cautè forte aliquid positum est, emendari cupimus à te, qui Petri sedem & fidem tenes. Si autem hæc nostra confessio Apostolatus tui iudicio comprobatur, quicunque me culpæ uoluerit, se imperitum, uel maleuolum, uel etiam non catholicum, sed hæreticum cõprobabit. Idem auctor gloriosus cum in Ecclesia Orientali hæreses & schismata pullularent, ad Romanam Ecclesiam siue summum Pontificem Romanum ita scripsit, Quoniam uetus Oriens inter se populorum furore collisus, indiscissam Domini tunicam & desuper contextam, minutim
24. *q. 1.*
c. Quoniam
metus.

tatim per frustra discerpit ; & Christi uineam uulpes exterminant inter lacus contritos, qui non habent aquam, & difficile ubi fons signatus & hortus ille conclusus sit, possit intelligi : ideò mihi cathedram Petri & fidem Apostolico ore laudatam, censui consulendam : Inde nunc mea anima postulans cibum, unde olim Christi uestimenta suscepi. Neque enim uastitas tanti elementi liquentis, & interiorum latitudo terrarum, me à pretiosa margarita potuit inquisitione prohibere. Vbiunq; fuerit corpus, illic congregabuntur & aquila. Profligato à sobole mala patrimonio, apud uos solos incorrupta patrum omnino seruatur auctoritas. Ibi cespitem terra fecundo domini seminis puritatem centeno fructu refert : hinc obruta sulcis frumenta in lolium auenasque degenerant. Nunc in Occidente Sol iustitiae oritur ; in Oriente autem Lucifer ille, qui ceciderat, supra sidera posuit thronum suum. Vos estis lux mundi : uos estis sal terrae : uos uasa aurea, & argentea. Hinc testea uasa, uirga ferrea & aeterno operiuntur incendio. Quamquam igitur tui me terreat magnitudo, tamen inuitat humilitas, à sacerdotum uictima salutem, à pastore praesidium ouis flagito. Fatiscat inuidia, Romani culminis recedat ambitio. Cum successore piscatoris, & discipulo Christi loquor. Ego nullum praemium nisi Christum sequens, beatitudini tuae, id est, cathedrae sancti Petri communionem confortior. Super illam petram fundatam Ecclesiam scio. Quicumque extra hanc domum agnum comederit, prophanus est. Si quis in arca Noë non fuerit, peribit regnante diluuium. Et quia pro facinoribus meis, ad eam solitudinem commigraui, quae Syriam cōiuncto Barbariae sine determinat, non possum sanctum Domini tot interiacentibus spatiis à sanctimonia tua semper expetere. Ideoque collegas tuos Aegyptios Martyres & Confessores sequor : & sub onerariis parua nauicula delitescō. Non noui Vitalē, Miletum respicio, ignoro Paulinum. Quicumque non tecum colligit, spargit : hoc est, qui Christi non est, Antichristi est. Hæc Hieronymus ille.

De Cœna, & Calice Domini

BERNARDVS.

Epiſt. 125. Bernardus etiam in multis locis declarat istam ueritatē, ut est uidere in epistola ad magistrum Gaufridum de Loratorio, in qua allegat & laudat Alemaniam, Franciam, Angliam, Scotiam, Hispanorum & Hierosolymorum Reges cum uniuerso clero & populis, eo quod fauebant & adhærebant Domino Innocentio, tanquam filij Patri, & tanquam capi

Epiſt. 131. piti membra, solliciti seruare unitatem Spiritus in uinculo

Epiſt. 142. pacis. Idem facit in quadam epistola ad Mediolanenses.

Idem etiam affatim in quadam epistola ad Romanos, quando discesserunt à domino Papa Eugenio. Sed clarius ac fufius in suo opere de Consideratione ad Eugenium, ubi ait; Tu quis es? Tu sacerdos magnus, Pontifex summus, princeps Episcoporum, hæres Apostolorum, primatu Abel, gubernatu Noë, patriarchatu Abraham, ordine Melchisedech, dignitate Aaron, auctoritate Moses, iudicatu Samuel, potestate Petrus, unctione Christus. Iterum, Tu es, cui traditæ sunt clauēs regni cælorum, cui oues traditæ sunt. Sunt quidem & alij cœli ianitores, & gregum pastores, sed tu tantò gloriosius, quanto & differentius, utrumque præ cæteris hæreditasti. Habent alij assignatos greges, singuli singulos: tibi uniuersi crediti sunt. Unus uni, nec modò ouium, sed & pastorum: tu unus omnium pastor. Vnde illud probetur, quæris? Ex uerbo Domini, cui non dico Episcoporum, sed Apostolorum etiam sic absolutè, & indistinctè totæ commissæ sunt oues. Si me, inquit, amas, pascere oues meas, &c.

Quarta in campum classis, ex Imperatoribus antiquis deducitur, ad aſtruendam eandem ueritatem, proque ea Lutheri etiam confessio accersitur, & S. R. Ecclesiam reliquis omnibus præesse ecclesiis, epilogo concluditur. CAP. XVIII.



*C. de summa trin.
l. Nos red-
dentes.*

Vltianus Imperator, primus ita habet in suis legibus ad Ioannem Papam secundum, iuxta istam eandem ueritatem, Nos, inquit reddentes honorem Apostolicæ sedi & uestræ sanctitati, quod semper nobis in uoti

fuit, & est, ut decet, patrem honorantes uestram beatitudinem, oninia, quæ ad Ecclesiarum statum pertinent, festinauimus ad notitiam deferre uestre sanctitatis. Quoniam semper nobis fuit magnum studium, unitatem uestre Apostolicæ sedis, & statum sanctarum Dei Ecclesiarum custodire, qui hætenus obtinet, & incommotè permanet, nulla intercidente contrarietate. Ideoque omnes sacerdotes uniuersi Orientalis tractus & subiicere, & unire Sedi uestre sanctitatis properauimus, quæ caput est omnium sanctarum Ecclesiarum. Idem Imperator in Authen. de priuil. eccl. Ideoque sancimus, sanctissimum senioris Romæ Papam, primum esse omnium sacerdotum: beatissimum autem Archiepiscopum Constantinopoleos nouæ Romæ, secundum habere locum post sanctam Apostolicam sedem senioris Romæ. Aliis autem omnibus sedibus præponatur. Hæc ille. Gratianus, Valentinianus, & Theodosius Imperatores, in lege ita dicunt conformiter pro ista ueritate, Cunctos populos, quos clementiæ nostræ regit imperium, in ea uolumus religione uersari, quam diuinum Petrum Apostolum tradidisse Romanis, religio usque ad huc ab ipso insinuata declarat, quamque Pontificem Damasum sequi claret. Infra, Hanc legem sequentes, Christianorum catholicorum nomen iubemus amplecti. Reliquos uerò dementes uesanosque iudicantes, hæretici dogmatis insaniam sustinere, diuina primùm uindicta, post etiam animi nostri, quem ex cælesti arbitrio sumperimus, ultione plectendos. Hæc ibi. Phocas etiam Imperator statuit ut sedes beati Petri Apostoli, quæ caput est omnium Ecclesiarum, ita & diceretur, & haberetur ab omnibus, id rogante & obrinente Bonifacio Papa, contra arrogantiam Patriarchæ Constantinopolitani, semetipsum contra omne ius uniuersalem uocitantis. Casum, uerba, & tractatum refert Platina; omnia hæc apud ipsum uideri possunt, quia plenè explicat. Non quòd Phocas aliquod ius Romano Pontifici dederit, sed quòd ius eius antiquum & diuinum declarauit, & obseruandum decreuit. Constantinus Imperator etiam simile quid fecit, sicut legimus & accipitur ex gestis beati Syluestri, ubi sic dicitur, Con-

*§. Ideoq.
col. ix.*

*G. atianus,
Valentin.
Theodosius,
C. de sum-
ma trau.
L. i.*

*Phocas
Imp.*

Platina.

*Constant.
Imp.
dist. 96.
c. Cæstatio.*

De Cœna, & Calice Domini

stantinus Imperator quarta die sui baptismatis priuilegium Romanæ Ecclesiæ Pontifici contulit, ut in toto Orbe Romano, Pontifices, uel sacerdotes, ita habeant caput, sicut iudices regem. Et infra, Itaque decernentes sancimus ut principatum teneat tam super quatuor sedes, Alexandrinam, Antiochenam, Hierosolymitanam, & Constantinopolitanam, quàm etiam super omnes in uniuerso Orbe terrarum Dei Ecclesias & Pontifices, qui pro tempore ipsius sacrosanctæ Romanæ Ecclesiæ steterit excelsior, & princeps cunctis sacerdotibus, & totius mundi existat. Hæc ibi.

Cardinalis
à Turre
cremata, in
summa de
Ecclesia.
lib. 2.
cap. 42.

Quibus uerbis, Constantinus non instituit legem illam de præminencia Apostolicæ sedis, & obedientia ei ab omnibus danda, quasi ius ex auctoritate de nouo condendo; quoniam antequàm Constantinus esset Romanus Pontifex, primatum habuit in Ecclesia Dei, ex collatione Christi Saluatoris nostri facta beato Petro. Sed bene Constantinus fidei seruiore & Ecclesiæ Romanæ amore reuerentiali incensus, diuinam ordinationem de primatu Romani Pontificis & de obedientia ab omnibus fidelibus illi præstanda executus est; promulgando illam, ut nullus per ignorantiam se excusaret; & præcipiendo illam obseruari, ut nullus malitia se Romani Pontificis obedientiæ subiicere recusaret. Ita quòd magis fuit promulgator siue executor diuinæ ordinationis, quàm conditor nouæ legis. Latitauerat enim usque tunc sancta Dei Ecclesia sub Gentilibus principibus, Imperatoribus, atque regibus, & dominis, nec tribunal habebat publicum, nec tunc in ordine seruabatur monarchicus ordo omnium Ecclesiarum ad unum caput uisibiliter, prout fuerat à Domino institutus: quidem injuria temporum, & latitatis Ecclesiæ indispositione. Ideò indigebat illis sæculis Imperatoris, & Regum tali adminiculo, quo iam de cauernis surgeret, tribunal publicum haberet, suum ordinem monarchicum seruaret, & sua potestate atque auctoritate, & primatu à Christo sibi tradito uteretur. Hoc igitur illi Imperatores fecerunt, quod potestatem & auctoritatem Ecclesiæ adiuuarunt & commendarunt; sed non quòd Ecclesiæ potestatem talem, aut primatum præstarent. Constat potestas Ecclesiæ & primatus
Romani

Romani Pontificis Petri successoris ex diuinis scripturis, ex quibus nos idem monstrauiſmus ſatis alijs, in lib. de Axiomatibus Chriſtianis: & conſtat ſimiliter, quòd Imperatores in allegatis ſuis priuilegijs nihil aliud fecerunt, niſi quòd in adminiculum, ſeu adiutorium diuini iuris, primatum Romani Pontificis fecerunt magis cognosci, & tandem ab omnibus ſuarum ditionum obſeruari. Hinc rationabiliter condemnatus eſt error dicentium, quòd Papalis dignitas à Cæſare inoleuit, & Papæ perfectio, & inſtitutio à Cæſare emanauit: qui error primò fuit Marſilij de Padua, & fuit condemnatus in Extrauaganti Ioânis Vigefimiſecundi, & poſt renouatus per Ioannem Hus, & condemnatus in concilio Conſtantiendi. Ecce igitur in iſta claſſe teſtes ſunt primatus Romanæ Eccleſiæ Romanique Pontificis, Imperatores non pauci, Iuſtinus, Gratianus, Valentinianus, Theodoſius, Phocas, Conſtantineus.

Romana igitur Eccleſia eſt caput, princeps, mater, & magiſtra omnium aliarum Chriſti Eccleſiarum, ut omnes prædicti teſtes teſtantur, in prædictis claſſibus nominati, Pelagius, Anacletus, Nicolaus, Marcellus, Zepherinus, Iulius, Innocentius, Symmacus, Gelafius, Sixtus, Calixtus, Gregorius, Clemens, Leo, Concilium Nicænũ, concilium Calcedonen. concilium Conſtantinopolitanum, Oſtaua Synodus, concilium Florentinum, concilium Carthaginenſe, concilium Mileuitanum, Ireneus, Cyprianus, Athanaſius, Cyrillus, Chryſoſtomus, Auguſtinus, Ambroſius, Hieronymus, Bernardus, Iuſtinianus, Gratianus, Valentinianus, Theodoſius, Phocas, Conſtantineus. Et quid adhuc dicam? Deficiet enim me tempus enarrantem de alijs, qui cum ſint omnes catholici, ſunt penè infiniti. Neque ij uiri grauiſſimi eius rei teſtes fuiſſent, niſi ipſam ueritatem ſatis cognouiſſent: erant nãque magni, nobiles, potentes, ueraces, iudices Orbis, catholici, ſancti, martyres, conſeſſores. Ergo Romana Eccleſia præponenda eſt omnibus alijs, & nulla alia præponenda eſt illi: quia ipſa eſt Catholica, & ipſa eſt Apoſtolica: non ſolùm rationibus generalibus, quibus aliæ eccleſiæ poſſunt dici catholicæ, quia habent catholicam fidem, ſicut homo dicitur catho-

Arch. Flo.
par. 3.
tit. 23.
cap. 5.
S. ſeptima
Or ult. po-
teſtas
O' am.
par. 1.
lib. 5.
cap. 21.

De Cœnâ, & Calice Domini

licus : & possunt dici Apostolica , quia post Christum , ab Apostolis uel per Apostolos plantatæ aut edocæ fuerunt , Apostolorum prædicationem retinentes . Sed ratione & modo speciali ac singulari : quia uidelicet in ea est Apostolica sedes Petri , Vicarij , seu officialis Christi cum plenitudine potestatis . Ad illam igitur nobis respiciendum est , & ad illam nobis est recurrendum , ad caput , ad principem , ad matrem , ad magistram : Sedes Apostolica ibi est , ad illam debemus confugere omnes . Ita bene dixit Innocentius Papa , Quoties ratio fidei uentilatur , arbitror omnes fratres & coepiscopos nostros , non nisi ad Petrum , idest , sui nominis , & honoris , auctoritatem referre debere , ueluti nunc retulit uestra dilectio , quod per totum mundum possit Ecclesiis omnibus prodesse . Et Leo Papa ad Dioscorum Episcopum Alexandrinum , Cùm Beatissimus Petrus Apostolus à Domino acceperit principatū , & Romana Ecclesia in eius permaneat institutis , nefas est credere , quòd sanctus Episcopus discipulus illius Marcus , qui Alexandrinam primus Ecclesiam gubernauit , aliis regulis & traditionibus sua decreta firmauerit , &c. In istam ueritatem conueniunt illi omnes patres , quos uidimus , & alij penè infiniti , quos omittimus , ut prolixitatem uitemus : in quibus ut notum est , sunt multi summi Pontifices , multa concilia uniuersalia , & particularia , ac multi doctores sancti , & multi Imperatores : ex Africa , Asia , Europa , Latini & Græci , sancti , eruditi , antiqui : Martyres , Confessores , Pastores , Doctores . Vnde ad istam ueritatē sunt ista omnia , & multa alia similia , sanctitas , potestas , auctoritas , eruditio , antiquitas , & communis consensus omnium Ecclesiarum Christi , quæ sanctæ Romanæ Ecclesiæ habuerunt cognitionem in toto Orbe , uel ad illam potuerunt habere aditum , accessum , uel recursum . Ex quo constat hoc ? Ex statim allegatis , in quibus uidemus ita docuisse omnes nominatos doctores Latinos , Græcosque , ex Africa , Asia , Europa , pariter & sancta concilia , tum uniuersalia , tum prouincialia . Mirabilis quidem est & mirabilis fuit claritas huius ueritatis , quæ tam uarios patres numero , natione , & conditione , sic ad istam unam uerita-

Innocentius
24. q. 1.
c. Quoties.

Leo.
Ibid.
c. Cùm bea
tissimus.

tem coëgit, aliàs in quibusdam aliis ueritatibus ualde differentes: cuius rei istius & communis consensus ratio ex diuina prouidentia, & simul ex ipsius ueritatis claritate ostendi potest. Veritas manifesta est; & simul non permisit Deus Optimus Maximus ut in re tam graui, tantæque importantiæ dissiderent patres. Augustinus contra Iulianum Pelagianum non patitur, nec credit quòd catholicus aliquis in rebus fidei aut religionis, Romano Innocentio, Carthaginensi Cypriano, Capadoci Basilio, Gregorio Nazianzeno, Gallo Hilario, Mediolanensi resistat Ambrosio.

August.
lib. 1.
cap. 3.
tom. 7.

Quibus statim addit, Alia sunt, in quibus inter se aliquando etiam doctissimi, atque optimi regulæ catholicæ defensores, salua fidei compage, non consonant; & alius alio de una re melius aliquid dicit, & uerius. Hoc autè unde nunc agimus: ad ipsa fidei perrinet fundamenta. Ecce in his, quæ ad fidem, ac religionem pertinent, nullo modo est recedendum à patribus: qui in re huiusmodi, quantam auctoritatem apud nos suos posteros habere debent, & declarauimus, & monstrauimus in De Axiomatibus Christianis. Quod si Augustinus non patiebatur, ut in rebus istis quis catholicus resisteret Innocentio, Cypriano, Basilio, Gregorio Nazianzeno, Hilario, Ambrosio: quanto minus pateretur, ut quis resisteret huic abundantiori multitudinì doctorum sanctorum & sacrorum Conciliorum, quam proposuimus? Nullo modo est recedendum à ueritate, in quâ uidemus tot sacra concilia, & iterum tot sanctos doctores ita conformiter conuenisse: præsertim cum ea ueritas sit, non de perrinentibus ad Logicam, Grammaticam, Rhetoricam, Mathematicam, aut Physicam, sed de perrinentibus ad fidem & religionem Christianam, cuius ipsi fuerunt optimi defensores, usque ad sanguinem, & uiram.

lib. 2.
art. 6.
per totum.

Ita denique nota est ista ueritas de primatu atque excellentia Romanæ Ecclesiæ, summi Pontificis, aut Papæ, sicut communiter & ueraciter dicimus summum Pontificem, Papam appellantes, ut eam etiam nouerit & confiteretur Lutherus, antequàm sic omnino contra Romanam Ecclesiam concepisset odium, aut penitus in reprobum sensum traditus fuisset. Ipse enim ita dixit in Resolu. Clarum est,

De Cæna, & Calice Domini

*Confessio
Lutheri de
potestate
Papæ.*

Conclu. 51.

Ibid.

Conclu. 69.

Ibid.

Conclu. 71.

Ibid.

Conclu. 85.

*Confessio Lu-
theri pro
Papæ contra
Suermos.*

quod ad remissionem pœnarum & casuum, sola sufficit po-
testas Papæ. Quando ergo sacerdotali officio excommu-
nicat, absoluit, ordinat, deordinat, statuit, abrogat, præ-
cipit, prohibet, dispensat, mutat, interpretatur: in his
omnibus agit uirtute istius uerbi, Quodcumq; solueris, &c.
Item, tenentur, inquit, Episcopi & curati, ueniarum Apo-
stolicarum commissarios, cum omni reuerentia admittere,
quia auctoritati Papali in omnibus cum reuerentia creden-
dum est. Qui enim potestati resistit, resistit Dei ordina-
tioni. Qui autem Deo resistunt, ipsi sibi damnationem
acquirunt. Et Dominus ipse, Qui uos spernit, me sper-
nit. Et rursus, Contra ueritatem, inquit, Apostolicarum
ueniarum qui loquitur, sit ille anathema & maledictus:
quia & si res parua sit ueniarum largitio, tamen contra po-
testatem superbè agit, qui contradixerit, Ideò meritò ma-
ledicetur. Item, Non est nostrum, inquit, iudicare uolun-
tatem Papæ, sed tantummodò ferre, etiam si quando fue-
rit iniquissima. Hæc ille. Si uerò dixerint aduersarij Lu-
therum postea retractasse, seu reuocasse illum librum, non
ualet ea excusatio seu fuga. Primùm, quia semel emissum,
uolat irreuocabile uerbum. Secundò, quia propria Lu-
theri protestatio cassam facit & inualidam eius reuocatio-
nem. Non enim in illo duntaxat libro, sed & in disputa-
tione Lipsica, & Augustæ coram Cardinali Legato, prote-
stus est contrarium. Tertiò, quia post multos deinde
annos, dum contra Anabaptistas scriberet, reprobando
stultitiam (ut uocat) Suermorum, qui in odium Papæ,
baptismum, & corpus Christi in sacramento reiiciebant,
& abnegabant, damnando eos dixit, Nam ea ratione
oporteret eos negare, & totam scripturam & prædican-
di officium. Hoc totum enim à Papa habemus. Fate-
mur nâque, ait, sub Papatu plurimum esse boni Chri-
stiani, immo omne bonum Christianum, atque etiam in-
de ad nos peruenisse. Fatemur, inquam, in Papa ueram
esse scripturam sacram, uerum baptismum, uerum sacra-
mentum altaris, ueras clauas ad remissionem peccato-
rum, uerum prædicandi officium, uerum catechismum.
Dico insuper sub Papa ueram Christianitatem, immo ue-

rum

rum nucleum Christianitatis esse. Hæc ibi dixit Lutherus, quidem à manifesta ueritate ista, de qua agimus, coactus uictusque.

Sancta Ecclesia Romana si consideratur ut est ecclesia quædam particularis cathedralis, multas habet similes cathedrales in Orbe. Si consideratur ut est Metropolis, multas habet similes Metropolitanas. Si consideratur ut est Patriarchalis, multas habet similes Patriarchales. Si autem consideratur ut habet sedem Apostolicam, Petri sedem, & Petri auctoritatem, sic considerata, non habet similem in terris. Sed ut sic, est caput, prima, atque princeps Orbis totius Christiani. Ut sicut partes Orbis, habent distinctas cathedrales per Orbem: sic totus Orbis habeat hanc unam cathedralem, in qua nunc est & semper fuit à beato Petro usque modo, Petri Apostolica sedes, atque Petri Apostolica auctoritas. In qua ob id, qui præsidet, non solum urbis Romæ, sed & totius Orbis est Episcopus, Pastor, atque Rector. De his S. Thomas multa dicit contra Gentiles, quæ omittimus, breuitatis causa: concordat cum aliis sanctis patribus, & quæ dicta sunt, sufficiunt.

S. Tho.
lib. 4.
cap. 74.
75. 76.

Hæc igitur Ecclesia est audienda, quia caput, quia mater, quia magistra, quia domina.

Aduersariis igitur nostris quoad istam obiectionem ita respondemus, Audi fili mi, disciplinam patris tui, & ne dimittas legem matris tuæ: liga ea in corde tuo iugiter, & circunda gutturi tuo: cum ambulaueris gradientur tecum, cum dormieris custodient te, & euigilans loquere cum eis. Honora patrem tuum & matrem tuam, ut sis longæuus super terram. Qui maledixerit patri aut matri, morte moriatur. Vellem etiam, idque ex corde opto propter bonum & salutem ipsorum, ut ipsi illam sententiam Domini Ioannis Gersonis olim Cancel. Pariensis aduerterent & intelligerent, qua docet, aliud esse quod aliqui obedientiam sanctæ Ecclesiæ Romanæ nunquam acceperint, & aliud esse quod, aliqui obedientiam sanctæ Ecclesiæ Romanæ aliàs acceptam relinquunt. Næque, ut ipse auctor illuminatus optimè notat, quoad illam à nobis recipiendam, est præceptum affirmatiuum; quoad illam autem à

De Cæna, & Calice Domini

nobis non relinquendam, est præceptum negatiuum. Vnde quantum ex natura præceptorum deducere licet, quodammodo strictius tenentur homines illam obedientiam iam receptam non relinquere, quàm teneantur illam nunquam receptam accipere. Non quasi à toto genere maiora sint præcepta negatiua, quàm affirmatiua: sed quia alio modo obligant, propter naturas varias ipsorum præceptorum. Obligant enim præcepta negatiua semper, ad semper, & pro semper, ut, Non occidas. obligant autem præcepta affirmatiua semper, sed non ad semper, seu pro semper, ut, uenerari parentes, dare eleemosynam.


F I N I S.



*Venetis, Ioan. Gryphus excudebat,
sumptibus Iordani Zileti.*

M D L X I I I.







5-3-6-2

